



استانبولك ايج يوزى

# تذکرہ حاجی ابوالکلام

مرحوم محفوط در



رفیق خالد

# استانبول ایچ یوزی

آرقداشم ویدالوق شناسی یہ

استانبول

کتابخانہ علمی ، باب عالی جادہ سی

اورخانہ مطبعہ سی

۱۳۳۶





## بر صرب زنگینی

اولور تصادف دکل ، دون بویوک آدا اسکله سنده قارشی  
 قارشی به کلنجه شاشیره قالدیم . جلامی کوزلر آلان نارین  
 تکرارلکی ، طومبول آتلی ، اویونچاق کی کوچوک وسوسلو  
 بر آراهدن ایندی ؛ اوراقدن ، ایلک باقیشده طانییامادم ؛  
 آرقه سنده بال رنگنده بلی کمرلی ، دار ، شق بر یاردوسو  
 واردی ؛ آلتون صابلی باستونی آئنده دیم دپک ، سلاملر  
 داغیترق ، تلاشمز ویورغون بکا دوغری یورووردی .  
 بوکم دیوردم ، کوزم ایصیریور ... نهایت طانیدم ؛ ادیس  
 خوجانک اوغلی کافی ، بزم کافی ، نیم کافی ... نه قدر دیکشمش  
 یاربی ! وقارلی ، کوسته ریشلی بر آدام ، بر بویوک ومهم آدام  
 اولمش ؛ اوئورکهک طورلی قلم افندیلیکی اوزرندن تماماً کیتشمش ...  
 اولی ، یولده بر یره چاریمقدن ، بر شی ده ویرمکدن ، برندن  
 آزار ایشیتمکدن قورقار کی ، سونه به - سونه به یوروردی ؛  
 ایچین ایچین قاینار ، یورده کی آتشی ، کوزی بویوکلکده بر کنجیدی  
 اما زواللی - وقاقدن بو حالی هیچ کوسترمز ، امر ، حکم  
 آئنده به تیشمش بر صیغینتی اولدیغنی چه کینکن ، ازکین طوریه

دائما بللی ایدردی. فقط بوسینسیلای آ لنده خاشاری، چاقین،  
 کستاخ بر طبیعتی ده واردی. تا کوچو کدن بری بر بریمزی  
 محله دن طانیرز. او صوئوق چشمه رشیده سنه کیدردی؛ پنبه  
 یاقلی، آبالق چهره لی، سیم سیاه اوزوم کوزلو، بر آز  
 پلته و بون بر چو جوقدی؛ بن او زمان دها دوت یاشنده،  
 باشمده یمنی، قولاقلمده دوشیمه سین دسه آرقه دن ابریشیمه بر برینه  
 باغلاقمش چاریک لیرادن کوبه لر، ساقیز چیکینه چیکینه  
 سوقاقلر ده کیم، یارالماز بر قیزدم. او کاین قارینک دینکندن  
 کنایه، الما کانی، دیر لردی؛ بنم اقمم دیو کسوک عصمت، دی  
 چیتیر پیتیر اولدیغمدن بونی یاقیشدیر مشلردی؛ یهو کیرالوی او  
 حصار ااردی، ضعیفلاخی؛ بن کفلیشدم، دایر یله ندیم. فقط  
 لقبلمز قالدی، ده کیشمه دی. کیرالو، کیرالو، کیرالو  
 کانیکنک آنه سی کبار دلقاووغیدی. فیکری یاشانک قوناغنه  
 دوام ایدن مسافر قلدینار آراسنده باشایه قورولان عشریت  
 تپیمینک قارشیشنه دیزیلوب سراز چالان، شمرقی او قویان،  
 تقلید یاپان بر طاقی ولادی که گشیدی حرمده، قوجولری  
 سلاملقده مطرفین وز حتمین غایت رفاهلی بر عمل سوره لر،  
 باش سفره دماز، اوست سید برده موقع یولور لزدی. اولوک  
 ایچنده اولوب بیتن، یه نیلوب ایچیلن، کینیلوب قوشانیلان  
 نه وارسه هپسندق حصه لری ایریلردی. حمام یاغجه همان قورونک  
 باشنه، سیران بایلانجه اولک آرابه نک قارشیشنه کچرلر، بوخجه چی  
 ولارمه چی. قادینلرک تحفله و وره لری اطرافنی آلیرلر. قادین  
 سلطانیم، شهر ادم، کی خطا ایلرله او خلقندن یهر برینی



آیری آیری محزون آید و کجاست بلزین صد و قلربی اولد و در و دردی  
 بونلرک بایرامده ایلمه لری ایصهار لایر ، ذوقلرینه موافق  
 چشمه لردن آیری سیتلوده شکر لری یایدیر یایر ، آنجق لیکک ،  
 اوچ آیدده بر تو زنی آوب هو الاندیر مق ایچسون اوغرا دقلری  
 اولرینه حرمضه ای کلنجه یاغندن ، برنجندن طوتیکزده کلاجه  
 قیدو نقصه لیر موطناق مصرقلری کونده بیلردی ، فقط بوی  
 بهارک آتی طرفده قونلغک طابلا طابلا جیقان نفیس بیگلرله  
 مینول کلنجه لرندن آفریلارینه کولک لری بر درو داضی  
 اولادیندن بر معنادینه صو توق اولره ، معناسیز سوزلره ،  
 ساخته قهقهه لرله مجلسی شنلده یامکوره دوام آید و لر دی  
 ایشته کلنک آنا بی بوقیق قادینلردن بریدی توقیه منلا  
 کورانی طرفده بر برلک آیدن قونجه سی فیکری پاشابه صوقولونجه  
 مبصر لقله مکشیرله قایومش بر امدت مکتوره باشه بر آبی  
 صاریق باغلاندر و ب رشديه لره تجوید و علم حال خو جاسی تعیین  
 ایندیر میشدی بر بر اوریش ، ادویش خو جا اولمشدی کوجوک  
 یاشندن بری قوناق طفیللری آراسنه صوقولان کافی خیلی زمان  
 قهقهه ایجاغنده آرابه چیلر ، یاغچوللر ایچنده منمر نانه سور و غش  
 دور میشدی ، جمعه صوقولدیغنی قعقش آیدن کونلرده ، آره  
 صیر و حرمده آلییر ، رختی پاشانک کوجک ارغلی احسان  
 بکه کیجه قیدیلی آرمیق لردن آدام و آبی شکلری ، غزته کاغدلرندن  
 ضندال و بلکنلی قایق و سولری یاهراق وقت کچیریدی ، بوقا  
 صابا شیلرک ، آور و باد کله او یونجاقلردن دها فضله خوشنه  
 کیندیگنی کورن ، کانی کبیریت چوپلرندن یانغین قله سی ، جیقولاته

قورشونلرندن باب سر عسکری دائره سی یانمغه قدر واریر ،  
 بکفی دها چوق ممنون ایتمکه چابالاردی . بعضاًده آناسنه بر  
 التفات اولمق اوزره خانم افندی : « کانی ده نرملرده ؛ هیچ  
 کورونمور ، یولوب شونی کتیریکز ، کوره جکم کلدی ! »  
 دیر ، کومسده ویا بر اویوندن آینه رق تر ایچنده ، هجابندن  
 قیپ قیرمیزی بر حالد صالونه کیرنجه اوقشانیر ، یرکوسته ریلیر  
 و آلرینه هدیه لر دولدورولوردی . قابونک هان یانی باشنده ایکی  
 دیز اوسق چوکه رک و هیچ بر یر باقمه دن ، هیچ بر سوز  
 سوبله مه دن ، یالکز هیجانندن کسک کسک صولویه صولویه  
 یازی ماصه سی باصقیسی کی تمکینلی بر اوطوروشی واردی که  
 باقدغه و تقدیر ایدلایکفی دویدغه آناسنی افتخار ایچنده  
 براقیردی . دو قوز ، اون یاشنه قدر ، ایشته ، بویه ، گاه قابو  
 آشیکله هم سویه ، گاه هندیلر ، قازلر و سایلرله هم حال بر  
 حیات سوردی .

آرا صیرا آنا اوغل ، یر قاچ کیجه قالمق اوزره اولرینه  
 کلیرلردی . یان یانه اوطوروردق بزم اؤک آلتنده شهرتی  
 دنیایی طومش بر طورشوجی دکانی واردی ؛ چارداقلی  
 طورشوجی دیرلردی ؛ اوکنده ، یامرو یومرو قوللاری  
 قارشیی اولره قدر اوزاتوب سوقاغی ایکی طرفلی ثورتن بر  
 آصمه یتشمشدی . آلتنده قیش یاز کولکه ، رطوبت ا کسک  
 اولماز ، صیق صیق دوکونن طورشو صولرندن بیریکمه  
 مایخوش ، کسکین بر سرکه و لحنه قوقولو چامور هیچ قوروماز ،  
 آزما ساردی . آه بو قرقو ! چو قوقلغمی بکانه قدر مکمل



خاطر لاتیر... او اوزاق وغریب کونلریمی دیری زنکلی و یقین  
بر شکله، کوزلریمک اوکنده نه چابوق جانلاندیرر !! کانی  
ایله برابر بز بوسرت، بهارلی هوا ایچنده، بو ایصلاق طور اراقده  
یه تیشدک؛ صولری قورومش خراب سبیللر ایچنده، آدم  
اوغرامایان ویرانه لرده، باغچوانلری اوکله اویقوسنه یاتمش  
بوستانلرده برابرجه بر چوق زمانلر باش باشه یاشادق، او  
خی، بن اونی یه نمکه، یاتیرمغه چابالایه رق، ایتیشوب دوکوشه رک،  
ایصیره هایقبره، قوشوشه قووالایه، سربن هوایه قاووشمش  
کوبکار کی کیفلی، نشئه لی، سربست بر چو جوقاق کچیردک.

اونک قوناغه قایلانماسی خی بر زمانلر چوق نوزمشدی؛  
آنهم کوشه ده کی حماده، چکمه جه باشنده اوطروردی؛  
بن ده کوندوزلری، فنا هوالرده، یانه دها صیق کیتمه  
باشلامشدم. صونوقلقد اوطوروب بقلوا ییچمنده کسيلمش  
صوصام شکری صانان عرب هدایتک ماصالاریله اویالانیوردم؛  
برکون کانتیک آناسی یانه فکری پاشانک قوناغندن دوت،  
بش قادین طاقش، حمامه کلدی: «جانمز بر سوقاق حامی  
ایسته دی، هم طایا خانمله قالفه لرده برده کیشیکلک اولور!»  
«دیه ایضاحات ویریپور، قبه یی ایکله تن برسسه صاغه صوله:  
«هایدی، باقلم، صویونکزه، ایچریده طورشو ضیاقی وار!»  
دیه هایقبریوردی. نهایت اله ایری برکاسه ویردیلر، دکانه  
خی کوندردیلر. دوندیکم زمان طایا خام آنهمه سسلندی:  
«خام، ماشا الله قیزک نه شیرین، انسانک جاننه صوقه جفی کلور!»  
دیددی. قیپ قیرمیزی اولدم، او زمان دایانامادی،

قوجاقلادی، یاناقلمدن ئوبدی. بر جوق نیلر صور و بوردی  
 بنده پرواسر، خوش خوش جوبلر ویریوردیم. ده  
 دها او زماندن زنگینلکه دوغان و گندمه بر یاقینلاشمه  
 احتیاجی دیوار، الماسلی، کورکلی قادینلره صوقولق ایستردیم؛  
 بویله لوبله یان یانه اولدقجه دیلم آچیلر، کیف کلیر، سویلر، کولر،  
 نشهله نودیم. بوکونده، شوایبک انتاریلی، کوبیلی، سیله زیکلی  
 خانم، یاننده کی شطارتلی، قیغوسیز، کوزل قادینلرخی چه کیورد  
 شوقه کتیر بیوردی. بر آراق طایانده سینی کانیک یانسه  
 کوتور دیم می؟ دیدی. او بر قالدیلر ده کوتورده لم؛ دیمه  
 اصرار ایدیورلردی؛ آنتهم بیراق ایسته بیوردی؛ بر مدت  
 اولور می، اولمازمی دیمه خلی دوشوندیلر؛ نهایت قرار لاشدی.  
 بی یاقالادقلری کی حمامه صوقدیلر، اودن اک یکی چاشیر لرمله  
 بایراملق انتاریم کتیر تیلدی؛ سوقاقده یولونوب ایجری آلتش  
 بر کدی یاوروسی کی، آقشامه، بردن، جوق صبحاق  
 اودالره، جوق یوموشاق سدرلره، چشید چشید بیکره  
 قونمشدم. طالع بی کافی ایله آوراده برلشدیرمشدی. بر  
 زمانلر سوقاقلر ده سوپورکه کی توزلره، جامورلره بامش  
 حالده، برابرجه دوشمش قالمش، سورونمشدک؛ شیدندی ده  
 جلالی تحتلر، حالی و کچلر اوزونلره ماقازا کی صاعه، صوله  
 قایه رق، قانابه، قولتوق آلتیرینه قاجهرق، ینه برابر، اویولله  
 وقت کچیرمک یولی آچیلشمشدی؛ ایکیمز ده بر قابوده بولوشمش،  
 بر بر مزه قاروشمشدق...

... قوناقده سیرلشدیکمزدن بری، یاشیمزدن نه ماجرالر



کجیدی ، نه لو کوودلکه ونه قدر شیمیلو ای کره نیک یافوی رالنه  
ایکیمزده استغانجولک کونو صیغمان که نیکه ایکی ، اوجی  
بواجی بولونمازده دیندی لیجند او یله قاروشیق ، چایر ایچین  
یوللره دوشدک ، او یله ایتلر خجکدک بویا صغمالرله سوزدک که  
خاهر لادقلر یازی اولدی کی به شوش سره علاوه سوز یازی سوز  
میدانه یاغیغ صوک زمانه عاند نه جانی ویه دوعری بر قارنجی  
چقار... ایشته بن ، آلدن کلدی کی قدره بو خاطره لری صبراسی  
دوشورد که رومان کی دکل ، بر خطر دقیری کی بصافه قصه ،  
بصافه اوزون اوزون ، اف کونو کی دوقه ، اشه امه کوره ضبط ایله جکم

... کافی اوج سنده در ، خربدن یزی عایب آیمشدم ، بر زمانلر  
عسکر اولدی دیدیلر ، صوکره سنورییه کشیدیکنی دویدم ؛  
بری بویوک ایشلره کردیکنی ، تجارت یاپدیغنی سوبله دی ؛  
بر ایشقه سی ده شامده تولدیکنی خبر ویردی ؛ بر درلودوغنی و سنی  
اکلا یاموردیم من ده جوق مشغولدم . از مبردن انجیر ، اوزوم  
تجارلری یاقامی بر درلو بر اقبورلر ، ضیافتدن ضیافته کورده رک ،  
بر طرفدن ، عزت اکریم ، اکلندر بر مودلر ، او بر طرفدن ده  
یارا قازانماک بولنی او کره سورلردی . ایچده شیمیدی ، ویک  
راحت ، قایغیمیز باشتان شو کوجو جک ثروتم ، ایشته از مبرک  
یادکاریدی ، وایلیک بر سطر اقی صاعده صاعده نیکین اولور میشدم ،  
قیصه ، بسیط ، آکلانغ دکنه ، فقط اینانیلماز بر کد شندر .  
صوکرملری آفاق او کره نمشدم ، کافی نیکین اولوشدی ؛  
حرب زنکینیدی ؛ آدی از مبرم قدر کلش ، شیمی فی دلالره

دستان اولمشدی . پاریخانه سی تحقیق ایتدم ، بوکون ، یارین  
کیدوب کوروشه جکدم ، نهایت تصاف ، یاردیغم ای ، دون ، اونی  
یولمه چیقاردی ، آرقه منده بی کمرلی بان رنکنده داره شیو ر  
پاردوسو ، آئنده آلتون صاپلی باستونی ، دیم دیک ، سلامرداعیته ق ،  
تلاش سیز ، یورغون ، بگا دوغرو ، طانیجه در کلیوردی .  
بو یوک آطه اسکله منده اوکله واپورینه بینه جکدک ؛ سرت  
بر کون دوغرو سیله اطراف آلاق بوللاق اولویور ، نته لر  
صار صلیور ، جامکانر زانغیر ابو ، باجاق لرینه البسه ری دولایوب  
عادتا کوسته کله بن اهالی توز ، دومان ایچنده سر ساملاشمش ،  
کوزلر یاری اینیک ، باشلر روزکارک عکسی طرفه چه ویک ،  
بر بر لرینه چارپه رق اسکله به قوشویوردی . او ، بو حرکت وتلاش  
ایچنده فتورسز ووقور آغیر آغیر یورو یوردی . بن ده درین ،  
درین باقیوردم ، شاشییوردم . اوت ، نه قدر ده کیشمشدی ،  
حاضرچی مغازه لرندن آلتوب درت کونده هاوی دوکولن ،  
دیز قاباقلری چیقان ییچیمسز البسه لر ایچنده بیچاره هیچ بوبله ،  
اهمیتلی برآدام کبی ، کورو نمزدی . ایله موداسی کچمش بر فانتازی  
یلدی خاطرمدن چیقماز ؛ چوق اعتا ایله ییندیکی کونلر بونی  
محقق صیرتنه کچیریر وعادتا ، باقیشدیغنه ، بر ده کیشیکلک ویردیکنه  
اینانه رق برآزده کبرله نیردی . شیمدی ، هیچ کبرلی دکلدی ؛  
دولغون ، آمین ؛ متانتلی ، خلاصه ساخته دکل ، صاحبچی ایدی ؛  
کبرلیمور ، یالکیز موقعه باقیشیق آلان برطور طاقینوردی .  
بردن قارشیمسینه چیقدم ، پیچم آچیقدی ، چهره مه چوق  
باقیشدینی سویله نن ، سویله صوله ، یاناغمک چوقورینه مائل  
بوکوک ، قیوراق بر تبسمله دوردم :



— آ، دیدی، عصمت !

کافی بونی سویلرکن، روزکار پهله ریخی صیر تمدن صیر مش،  
یوزینه دولامشدی، صانکه طایر کی، بدن اول، همده  
هرکسک ایچنده، شو قاش پا جه سی، اونکله، علی العجله،  
قوجا قلاشمشدی. همان چکدم، بوسفرده اتکلام هوا لاندی.  
تا دیزلریمه قدر چارش فنی قالدیردی، صوئوق، خشین برنفسک  
چیلاق آتمه سورتوندیکی . ویدم .

— آ، دییوردی، عصمت ! .. نصلسک باقایم بیلیجم،

[ دائما بکا بویه خطاب ایدردی ] تره لرده سک ؟

بنی، حالا شیاریق ونشئلی کولیور، صوصویوردم ؛  
بیلم نه دندی، عجباً اعتیادمی، نه زمان بوآدامله قارشیلانم  
همان صوقولوق، او قشامق، جوجوقسی، نازلی طور لر آلمق  
ایسترم . ایلك طانیدیغم، طانیدیغم آدام... هم سویلور، همده بنی  
سوزویوردی، بنده اونی کوزدن کچیریوردم .

— بو نه شیقلی، دیدی، بسبتون کنجه شمشسک !

آز اویقودن، جوق چالیشمدهن، یاخود قساردن،  
سفاهتدمی نه، یوزی شیشکین، کوزلری قیرمیزیدی. چهره مه  
آج کی، حرصله، آرزوله باقدیغنی دویدم، قیزاردم. « تره به؟ »  
دییه صوردی، « استانبوله ! » دیدم. « او یله ایسه برابرز،  
دوغرو شیشلی به چیقارز، اوراده ده بر اوم وار، فینکیرتی  
اوی، لاف آتارز ! » دیدی؛ امدن طوتدی، ایستکلکی،  
جاندن صیقیوردی؛ بنده نمون اولویوردم. آرادن بو قدر  
سنه لر کچدیکنک، یاشلانیدیغمک اوزرنده هیچ تأیری یوق  
کمدی؛ زنکسنایده اونی بندن صوغو تمامش، بقدر مه مشدی.

ز ، نه زمان بر آرایه کلاهک تا نونو نجیه قدیر ، غالباً مبوله ،  
 الله روح قونور ، کوز کوز کوز کلر کلر برین قارنق دایلماز  
 بر صوقولق ، سهوشک آرزوسی دویمه محکومدک ، بوم  
 صندق حیوانی مکر ایسته کدی : تفکر بزدن زیاده وجودلری  
 بونوشکفه آتیلوردی : شیمدی ، ائیم لا شیشلیمه کی اوده  
 باش باش قالیر قاناز ، سکر ، اون یاشمزدی ایکن عجمی عجمی  
 باش ایوب کتدکجه اوسطه لاشه رق فاصله لره رغماً قیصقا حقایق  
 دوام آیدن بو مناسبه ، از کین ، ییاب بیراقان بر شیدله  
 تکرار جانلانه جقدی ...

طاش اسکله اوززدن کچرکن زور کارک قارشیشنده  
 اتمکریز ایله اصلی چاسیرلر کی قاروب شیشیور ، جیرینوب  
 قام جیلایور ، او ، حصرق قسبی اوچاسین دسه بر الله  
 باعدیریور : بن ، ارق قسبی ایلیشیکسر قیسه پهلرینمی چپلاق  
 ا کسهم کورونور قورقوسله صبق صبق ارقه مدن طوتیور ،  
 وایورم اویله کیدیوردق سوزلری کون دوغرو سنک بر کوبک  
 کی قارشیشنده او بورجه سینه ، در حال ، حکمه مدن قایوب  
 یوندیغه اهمیت ویرمه رک بر طرفدن ده میریل میریل ، چابوق  
 چابوق آکلاتیوردی . یاری ایشیدیوردم :

— اوت ، دوغری ، دیبوردی ، شیمدی بن زنگینم ،  
 طالع یاریم ایتدی : اما یونک بویه اولاجقنی اسکیدن برنی  
 بیلیردم : حتی خاخر لارومیسک ، قوناقدیم حرم طرفدن دویمه  
 دولا بونیزدم . سلامغه کچر ، اولمه کلردک . صبا حله قدر  
 قونوشوردق ، او زمان سکاده سویلردم : قنر غزم ، ادردم ،

بر کون کله جك آلتونله اوینلې جف ؟ ، بوکا ایچکیزده اینانان  
 یوقدی . حقکیزده وارلا ، اونونه ونه لك ، اونو او بوشوقلقدی  
 بنده کی ... او غورسزلق آلتون بارده ایمش ؛ اورتولغه کاغد  
 یا بیلجه طالع ده بکا بوزنی کوس ستردی . طلسم بوزولدی ...  
 اوت شیمدی زنکیتم ، [ قولاغمه اکیلدی ، بر اسم سوبله دی ]  
 اونکله ایش یایورم ، آکلار سیک یا ؟  
 [ بر آت موریدی ، واپوره شوبله حقارتله بر کوز آتدی ]  
 بو آداده ، دیدی ، ایستیمو طمن او طور و لماز ، آداتیورم  
 اما بر ایشه یارایقی حال یولدور امانم ...  
 نه قدرده حق و اردی ، بوداراجق برلرده ایقله ازیله انسان  
 خراب اولوروردی ؛ ایچکیزده ، صومورتغیان بر یوزله ،  
 ایسته میه ایسته میه اسکله دن واپوره اوزاتیمش اولان نخته یه  
 با صدق ؛ کافی همان المی طوتدی ، ینه صیقورودی . فقط  
 شیمدی بر آرد ها خفیفجه ... غالباً کندی حکایه سینه ، سرگذشته  
 دالمش ، بشقه جسلری یوره کنده او بوشم شدی .  
 ... سکا هسنی آکلانه جف ، دیدی . هایدی ، شیمدی  
 کویورده پولوشورز !  
 اونی کورن ، بلکه ده یاریم ساعتدیر کوزله یین بر قاماروت  
 همان قوشدی ، و بووریکیز ، اقدم ! ، دینه اوکمه دوشدی .  
 بکا یان قامارایی آجدی . صوکره بردن سلامیه ریک چکیلدی .  
 ایچمدن : و عصمت دییوردم ، خاطر لار میسک ، بر زمانلر ،  
 اسکی دورده قاماروتلر بویوک پاشا خاملرینک اوکنه دوشرلر ،  
 برون اونلره تمسالر ایدرلر ، اونلره قامارالر آچارلردی ...



ایست ایسته من بر آز کبرلندم . ایچریده اوج دوت خانم واردی .  
 بنم بویله اناکله نیر کی تشریفاته کیردیکمی کورونجه مراقه  
 دوشدیلر . درین بر سسزک ایچنده هر یریمی ، یجه مک  
 جنسندن اسقارینمک قورده لاسنه ، سورمه مدن ، یاناخمک  
 چوقورینه قدر اوزون اوزون کوزدن کچیردیلر ؛ هم بونی  
 قابالی بر طرزده دکل ، آب آچیق ، جامکادن مال به که نیر کی  
 یاییورلردی . بن ، هیچ آلدیر مییور ، کوموش چانطه مک ایچنده  
 برشی آرایوردم . نهایت پسدن قونوشولمغه باشلانیدی . آخزلرنده  
 بر اسم دونیورلردی . کافی بک ... جامک آرقه سندن ، غالباً  
 اونی کچرکن کورمشلردی . بوکا جانم صیقلدی . بیلیوردم که  
 خالق ، حرب زنکیلری چوق قیصقانیور ، هیچ چک مییور .  
 عاینده بیک یالان ، بیک ماصال دوزره کزدیکی بره  
 یاییور ، یالان حکایه سی کی اوزانیورلردی .

کوشوده اوطوران اسکی دوردن نمونه قلمش قورو وقارلی ،  
 فقط کبار قیافتلی برخانم ، آلدن قاقچش اسکی فرصتله حرصی  
 کوزلرنده پارلایه رقی ، ظاهراً تربیه لی ، فقط ایچی زهرله دولو  
 بر دیدی قودی یانمغه باشلادی . ایکیمزک برابر ، یان یانه ،  
 فونوشه قونوشه کلدیکمزی بیلمیور ، کانیدن طانییان یوقش  
 کی بحث ایدیورلردی . اما نصل ؛ هپ سزلی بزلی ، نازک  
 تشریفاتی بر لسانله ...

— ده مین کچن راجا کافی بک دکلیدی آفندم ، زمانه  
 زنکیفی ، بزه بوسنه قومشو اولدیلر . سایه لرنده نه سازسز  
 قالیپورز ، نه اکلنجه سز ؛ اکسیک اولماسینلر حرملری شایان

خاتم افندی بك نشئلى ، بك كوكلسز بر تازه در. آرا حیره  
تشریف ایدرلرده كوله دن بایلیرز ا

... آه ، كانینك قاریسی می ؟ نصل كوله زلر ؟ کیم بیلیر آله  
پارا کجلی نه دلیلکله ، نه شیما رقلقلر یاییوردور ... هیچ  
اونونم ، بزم قوناغه کتیر یلدیكمك اوچونجی سنه سیدی ،  
بر کون پاشانك چانطه جیسی مالک آغا ، صوکره مالک افندی  
اولدی . ( بربر آرقه سنه رتبه ، نشان ، یدنجی دائره ره رئیسلك )  
ایشته او ، بر عصب یاوروسنی یاقالامش ، حرمه کیردی ؛ طایا  
خامه :

— بونی حـامه صوقوب ییقایه جقسکیز ، تمیز چاشیر ،  
آلیسه ده کیدیره جکسیکیز ، قوناقدہ قاله جق ...

دیدى . بز همان چو جوغك باشنه ئوشوشدك ، آمان یاربی ،  
بو نصل بر مخلوقدی ! قیور جق ، دیکن کی سرت ، سیاه  
صاجلرینك یاری به قاباتدینی یوزی ، جالی سوپورکسی  
آلتنده قالمش بر مو طباق پاچاوراسنه بکزییوردی ، نه رنکی  
بلییدی ، نه جنسی ... یالکیز آقی جوق ، بیکلری اوفاق ،  
کسکین ایکی چوقور و قارا کوز اوزرینه دیکیمش آتیلغمه ،  
طیرمالامغه حاضر یابانجی بر آخور کدیمی باقیشیله بزی آکلا-  
یامایه رق خشین خشین سیر ایدیوردی . ایچمزدن بری آلی  
اوزاندی ، چوجوق در حال تیصلابه رق کری کری قاچدی ،  
باشی اوموزلرینك آراسنه صوقدی و دوردی . کوزلری شیمدی ،  
فیریل فیریل دونوبور ، قیوباجیملر صاچیوردی ؛ اودانك

اورثه سنه تیلدی، قورت و چاقال جنسندن بر یابانی حیوان  
بیراقیلش کی عادتا قورقش، بر برمنه، ثورکهک، ثورکهک  
باقینوردق، جهره سی یارا، بره ایچنده بدی؛ قارنی اوقدر  
غریب بر طرزده شیشدی که انسانه وقتی یاقلاشمش بر جوجه  
کبه تأثیری یابینوردی. بن :

— قیز سنک آدک نه باقیم ؟

دییه صوردم. آ کلامادیغمز بر اسانله جواب ویردی و  
بر، ایکی آدیم دها کريله دی. قونوشولورسه برشی یابینور،  
دیکیلور، صوکره قابا بر دیلدن مرامنی آ کلامغه جانلیوردی،  
فقط اوزرینه آل سورولمسی ایسته میوردی؛ کیم یاقلاشسه همان  
تیصلایور، طیرنا قلامق ایچون پنجه سنی اوزاتیور، آغزینی  
آچهرق دیشله مکّه حاضر لانیوردی. بونک انسانه بکزه یین یری  
یوقدی. داغ باشلارنده بولونمش بر قارقال یاوروسی کی یابانی،  
بیرتیجی، قورقونجیدی. نهایت که ری کیده کیده گوشه بی بولدی،  
اورایه بر قوووغه تونه مش بايقوش کی کوزلری بزده، سیندی.  
قوناق خاقی، همزه، اونی یورو مکّه، یاتمه آلیشدر پنجه قدر  
هفته لرجه نهر چکدک... قادینلردن کیمسه بیقامغه جسارت  
ایتمدی؛ نهایت کوچوک بکک کوپکارینی، میموتی، جیلاتی  
بیقامغه آلیشمش اولان ساییس یانی حمامه کیردی، بوییرتیجی  
مخلوقی بازولی باجاقلرینک آراسنه صیقیشدیروب زورله برائی  
تمیزله دی. سیر ایچون قاپی بی آرائق ایتدک، باقینوردق، فقط  
وجودینک کیری صیجاق صو وتر ایله قاپار پنجه اوپله قوقغه



باشلادی که دایانامادق ، ئوکوره رک قاجیشدق . یوزی کوزی  
طیرمیق ایچنده طیشاری چیقان یانی بیله :  
— دوموز آخوری کی قوقویور ، پاشا افندیمز بونی نه  
ایشده قوللانه حق که ...

دییه سویله نیور ، شکایت ایدیوردی . حقیقه هب  
شاشیدوردق ؛ فقط صوکره ایش آکلاشیلدی . سوقاقده ،  
ویرانه لر آراسنده اون یولیس لر بولش ، ضبطیه نظارتنه  
کوندرمشلردی ؛ کیمسه صاحب چیقمیور ، قیزده ایکی کله  
سویلیه جک قدر بیله دیل بیلمه دیکندن نه نک نه سی اولدیغی  
بر درلو آکلانامیوردی . ضبطیه ناظری اوکون بو مسـئـله یله  
مشغولدی . سراید ، حکایه اولسون دییه ، وکلا آراسنده  
بونی نقل ایدرکن بزم پاشا مرحمته گلش :

— کونده ربک بزه ، باقیلیر ، راحت ایدر !

دیمشدی . آه فیکری پاشا ، نه مرحمتلی ، نه کبار ، نه بشقه  
آدمدی . اونک کندی باشنه بر هفته ده یابدینی ایسیکی عجباً بر  
بشقه سی بوتون عمرنده یامشمیدر ؟ . هر نه ایسه ، او آیری  
بحث ، سوزی دیکشدر مییم ؛ قیزه کله لم :

حامدن چیققدقددن صوکره چوجوغلک یوزی بر آاز  
آچیلدی ؛ بزم کی عادتاً بیاض دکلسده عربده دگلش ؛  
قویو آسـمـر بر رنکی واردی . کونلرجه یاتاغه یاتیرامادق ،  
شیاته اوزرنده او یویامیوردی ؛ کیدیور ، یوک قایلیرنی آچيور ،  
قوووقلره بوزولوب کیجه یی اویله کچیریوردی . حتی ایکی کون  
قوناغلک ایچنده ایزنی غائب بیله ابتدک ، طاوان آراسنه یول

بولمش ، خاطيلار و كيريشلر اوزرندن قايبوب كچهرك نا دييده  
بر يره كيزله نمشدى . بن اوكا ، او ايزبه يرلرده فاره لردن نصل  
قورقما ديفنى - وورو يوردم ؛ يواش يواش حافظه سى برينه مى  
كليوردى ، نه ، آ كلا يوردى :

— بن فاره قورقماز ؛ برابر ياتار ...

دييوردى . هم بونى سويلر كن فاره لرله حقيقه قوجاق  
قوجاغه ياتيورمش كې قوللرى كو كسنگ اوزريه چاراسلايه رق  
تقليدى ياپيوردى . كيم بيلير ، زم لرده ونه لرله ياريانه ، ايصالق ،  
قارلى وقارا كيجهلر كچيرمش ، نه آجيقلى ، نه قورقونچ بر عمر  
سورمشمى ...

آدينى شاين قويديلر ، فقط آيلرجه او وحشى باقىشى ،  
يوك ، دولاب آراسنده ياتماسنى ، كه رى كه رى كيدوب تيصلاماسنى  
منع ايده مه دك .

زواللى قين ، آ كلا شيلان ، كوبكلر ، فاره لر و كديلرله  
اوزون مدت برابر ياشا ديفندن اونلردن عادتلر ، طبيعتلر قايمش ،  
ويرانه حيوانلرينه بكمزه مشمى . غالبا اصلى حلبلى ايدى ، هم  
توركجه ، هم ده صرجه كلملر قوللا نيور ، بزه :

— سقى ، سقى ! ...

دييه خطاب ايديوردى . عجميلك دورى خيلى اوزون  
سوردى ؛ فقط كونلر كچدكجه او شيش قارين ايذور ، ياقاقلر  
رنكله شييور ، كورلرينك او خسته آتلى پارلايدىشى - ونه رك  
برينه بر طاتلى باقىش ، قدغه يوموشا قلعنده ، تويلى برسياهلق  
كليوردى . حالنده كى وحشيلك ده كوندن كونه اكسيلمش ،

بالعكس جوق اهلی ، بر فینو کی صادق و نشنلی اولمغه باشلا .  
 مشدی خلاصه د شایان ، بویودکجه بربر رقابو قلیخی آتان ،  
 یه تیشن بادم کی اوزرنده کی قابالقلمی دو کوپور ، دولوپور ،  
 اولغونلاشیوردی . خالایقلم قوجاغندن اینیوردی ، برکت  
 بن اوزمانلرده خبلی بویومش ، آرتق سسکیز ، دو قوز یاشنی  
 بولمشدم ، یوقسه قیصقانچلقدن تولوردم . دها صوکرالری شایان  
 اوده قالقه طورلری آلدی ؛ آناختارلردن بر قسمی ده اونک  
 بلنه طاقیلدی ، ده لیشمن ، شیماریق بر قیزدی ، یورغونلق  
 نه در بیلمز ، کیجه یاریلرینه قدر جالیشیر ، قهقهه لرله ، شاقه لرله  
 عمرینی آکدرسز ، دوشونجه سز کچیردی ؛ چیرکینجه ایدی  
 اما یوزینک روحه یاقین بر طرفی ده واردی . ایله بیم بیاض  
 دیشلرینی کوسترک جان و کوکلدن بر کولوشنی خاطرلارم ،  
 یوره که که نیشلک ویرردی . بر آراق بوزولدی ؛ دورولوب  
 ساکنه شدی ، نه اولوپور دیوردق ... جوق کچمه دی ایش  
 دیولدی . بن کوچوک خام افندیله عمر سورمه ، باش سفره یه  
 اوطورور ، آشانی قاتلره پک اینزدم . اساس سز ، صاحجه  
 ونقصان بردارالمعات تحصیلی قوناقدی درجه می یوکسه لتیور .  
 مشدی . ذاتاً اسکیزی قدر صیق ده کلمیوردم ، عودقولونغمده ،  
 بشقه کبار قوناقلرینک برندن اوبرینه ، اکلانجه سی ، ویرکیسی  
 اک بولنه قوشوبوردم . ایشته بویوقاغندن استفاده ایدم رک شایان ،  
 اون آلتینسک اینجده ایکن ، بیم کچدیکم اودونجه دولابه حمام  
 آرالغندن - لاملغه ، کاینک اوداسنه کیدوب کلکه باشلامش ،  
 احتیاطسز داورانمش ، هم یاقایی آله ویرمش ، هم ده که قالمشدی .



اوصیراده کافی بیطر مکتبندن قو وولش ، ایش سز ، کوجسز  
 اوطور و یور ، قوناقدن بوی بویوتو یوردی . حوادث پاشایه قدر  
 داللانن بوداقلانن عکس ایدنجه ایشی شرعی بر صورتده بیتیرمکدن  
 بشقه چاره قالمادی . همان اوکون ، نکاح قیلوب صندوقلری  
 حاضر لاندقدن صوکره ایکسی ده قوناقدن چیقاریلدیلر ؛ بزم  
 اسکی محله ده کی اوه ، مدد خانمک اوکی چارداقلی اوسرکه ،  
 چامور قوقان اوینه طاشیندیلر . یکی اولیلر ده ایلک هفته سندن  
 هیر کوره باشلامشلدی ، قاری قوجه غوغاسی بیتیر ، قاشن آنا  
 کلین آتیشمغه باشلار ، او باصدیریلر ، بابا اوغل چاریدشیردی ؛  
 بعضاده هب بردن دوکوشورلردی . بویله سنه لر کچدی ، بن  
 ستملرینه اوغرامیوردن . یالکیز ، ییلده بر ، محله ده کی اوه ،  
 آنه مه اوغرا دیغم کیجه لرده کافی بنم کلدیکیمی خبر آلیر ، قاریسنه  
 سه زدرمه دن باغچه دیوارینی آتلایه رق یوقاری اودامه کیرردی .  
 دوغروسو بن ده ایسته من دکلدم ، حتی یاناغمدن اوزانه رق ،  
 یاری چیللاق دیشاریده کی پتیردیلری دیکلر ، بشقه هیچ کیمسه یه  
 قارشو دویمادیغم بریوره ک چارپنتیسیله حاضر ، اونو ساعتلرجه  
 بکلردم . دیدمدی یا ، بن بو آد مه دایا نامازدم . نهایت مدد خانمک  
 دالقا ووقانی تأثیرینی کوستردی ، قوناغک قاپیسی بوایی مجرمه  
 تکرار آچیلدی ؛ کافی معاشه کچدی ، حاللری دوزمه لیر کبی  
 اولدی ؛ آبی ایدیلر ، آرایه مشروطیت کیردی ، بربریمزی  
 کوزدن غائب ایتدک . . ایسته شیجدی اسمی کچن شایان خانم  
 افندی بر زمان تیصلایه رق کری قاچان ، آناسی بابایی بللیسز ،  
 سوقاقدن بولونمه اریابانی قیزدی .

... بن بونلری ذهنندن چابوق چابوق کچیررکن کوشه ده کی  
خانم ده آغیر آغیر ، لذتی چیقاره چیقاره حکایه سینه دوام  
ایدیوردی .

شایان شیمدی الماسلر ، اینجیلر ایچنده یوزو یورمش ، قوجه سی  
« اصل صاغلام پاره بونلر .. ، دینه رک ائنه کچن الماسی اوه  
طاشیدور ، ایچی قاصه دن آینه لی دولابه قوطو قوطو ایستیف  
ایدیورمش . ایله تک طاشلی برچیفیت صاری پرلانطه کوبه لری  
وارمش ، دنیاده منلی بولونمازمش ، مبالغه دکل ، تام فندق  
قدرمش ... بر دوکونه ویا دعوته کیده جی وقت هانکی سنی  
طاقسه م دییه دوشونه دوشونه قاصه نک اوکنده ، مجوهرلر  
اتکنده آقشاملری ایتدیگی ، سکیرلندیگی ، عادتا باییلدینی ده  
چوقش . کانی بک : « قوزوم ، خانم ! طاقیه جقلریگی آیر ،  
قالدیرالم ، نوزوله نوزوله خراب اوله جقسک ! ، دیورمش ...

... های کیدی شایان ، قولاغنه طاقیلان ایلک کوبه یی نه ایی  
خاطر لیورم ! یننه بز آنامزدن بر چاریک لیرالغنی اولسون  
کورمشدک ؛ اوزواللی به برکون طایا خانم محمود پاشا یوقوشندن  
یوز پارایه آلمشدی ، صاری تنکه اوزرینه اوطورتولمش قیرمیزی ،  
یشیل ، بیاض اوج طاش ، اورته سنده برانجی ، قالای شی ...  
فقط نه قدر سهویندی ایدی !

— سق ، سق !

دییه قادینک بر آئی بیراقیور ، اوبرنجی اوپوردی . کیجه  
ایکی دفعه موسی یاقش ، مقوا قوطی ایچنده اوچاقق برقوش

وارمش کبی بیک اعتنا ایله آچهرق کوبه لیرنی اوزون اوزون  
سیر ایتشدی . یا ، دها صوکرالری ، بکا کوچوک خانم حلقه  
حلقه ایچنه کچمه اویناق بر چیفت آلتون کوبه آلتجه معهود  
چاریک لیرالری اوکا ، شایانه باغشلا یوبرمشدم ...

... شیبیدی سوزمه بشقه قادینلرده قاریشمه شیدی دارچارشافنک  
آلتنه دولغون قالچیلی وجودنک چوق کوزل شعلی کوزه  
جاریان بر تازمه ، اوصلو قلامیه جغه یمین ایده بیله جکم بر قیز ،  
بو آلماس و برلانطه حکابه لری قارشیسندمه نفس آلامیه جق قدر  
هیجانه طوتولمشدی . نه ییچمیلی ، نه جانلی و نه طومبول آیاقلری  
واردی . . انسان بونلری دیزلرینک اوزرینه قویوب یاواش  
یاواش ، صیجاق یموشا فلغنی آووجنک ایچنه قایاتهرق ، کدی  
یاورولرینی اوقشار کبی ، انجیتمه دن ، اوزون اوزون ، اویه  
سه وه ا کلنمک آرزوسنی دویویوردی ؛ کوزلریمی آیرمایوردم . .  
ایشته بو کوزل تازمه هر مسئله ده کوزللاکه فضلله بر اهمیت ، برحق  
وبرمک ایسته دیکنی کوسترن صمیعی برسسله :

— باری یوزینه باقیلیرشی اولسه ، آخرتلك یورلو برعادی  
قادین . . دییه سویله ندی : اوبری ؛ اوت اما ، طامی کوزل ! ،  
مقدمه سله شایانک مال نامنه نه می وارسه صایدی ، دوکدی .  
ماوی تیلکیدن براوموز کورکی وارمش ، اوچ بیک شوقدر  
لیرابه آلمش ...

... ماوی تیلکی ها ؟ ! دوشونیکز ابوز قیزک



طالعہ! پنبہ یولک آتقیسی کوزلریمک اوکنده جانلاندى. قوناغك  
صوتوق كيلارنده قيشين، رمضان افطاريه سنى حاضرلاركن  
بوز كسردى ده آجيمش، سوت ننه يه نوره ورمشك، دوداقلر  
مورارمش بر حالدہ ايشيدن چيقار، مانغالک ياننه چومه اير،  
آلرينى ايصيتيردى. اوزمان، دائما، صيرتنه بو آتقى بي آيردى.  
چوجوقلرينى ده اونك ايچنده بويوتمديكى نه معلوم؟ شيمدى،  
قومشوسنك روايته كوره اك اوراق قيزى بيله صانصارمانطودن  
آشاغي سنى كي ميوروش...

... بحث كاني ايله شايدن او بر حارب زنكينلرينه ده صيچرادى  
نەيالانلر، نه ماساللر ونه زهرلر يارى!  
بربرلرينك سوزينى بيتيرمكه ميدان ورمه من سويليورلردى؛  
نه قدر چوق شى بيليورلر وچكلىرينى نه قدر يورويورلردى.  
اومعهود حكايله لر تكارارلاندى: بئلك آتون كاغدلرله قاياتمه لرينك  
ياتاقلرينى نورترلر مش؛ چوربا كاسه لريله سوفرالرنده خاويار  
يئرلر، توقاتليانه كيدنجه «اك بهالى نه وارسه اوندن كتير!»  
ديرلر مش؛ كوپكلىرينى بيفتكله بسليورلر، اوشاقلرينه اكك يرينه  
فرانجه ويريورلر مش. حق بورشيجى، اون قرالى نشانطاشنده  
بايدىنى قوناغك خرچنده كبره چ يرينه الكدن كچه اون  
قوللانمش... بونى هر كه لك صوكنه بر «جغز، يا خود «جق»  
علاوه ايدمك قونوشان يانيق اسمر چهره لى، ماس ماوى  
كوزلو، قيزيله يقين صاچلى، يروم ايليلي قاين سويليوردى:  
«خاتم جغزم، دوشوك، برچويجه كزك يكرمى غس وشيجق

ایسته یکی بویله بر زمانده قرق اودالی قوناق یابدیرمق نهدر ؟ ...  
اوتنه مصرفدر ؟

دیوردی . کیره چ برینه اون قوللانمه صاحجه سنه کلنجه  
آرتق دایانامدم ، کولومسه دم ؛ ده میندن بری دوداقلریمی  
مغرور بر طورله بوکهرک سوزه قاریشمهدن دیکله مه مدن ذاتاً  
قامارده کیلر شه لشمشر ، د بوده اونلردن ... ، حکمنی  
ویرمشرودی . روم ایلی قادین عادتاً قاوغایه کیریشمه مک نیت  
ایتمش اولدیغنی کوسترن ایصلق کبی سرت ، خشین برسله :

— نه کولدیگز ، خام ، سز صامانله که بک اکمکی پیبورسکز  
غالباً ؟ دییه بردن چیقیشدی . بن بو اعلان حربه قارشى دها  
فضله کولمکه باشلادم ؛ قادین اوتنه کیلره دونه رک :

— آء دیدی ، قاری کیفندن بایيله حق ، بر کله جک دها  
سویله سه م قاتيله قاتيله قاله حق ...

حقیقه اولیه دیدی ؛ کندیمی بر درلو ضبط ایده میور ،  
سیکیرله تمش ، صار صیله صار صیله ، کولویوردم . بر آراق وقت  
بولدم ، مستهزی بر طورله :

— بیلتمکز یا کلش اولماسین ، بوراسی موقع ، محله قاوغاسنی  
اوتنه طرفده یاپازلر !

دیدم . آياقلىرى بىك بىكندىكم نازه کولومسه دی ، او بنم  
طرفی طوته جقدی ؛ کوکلی زنکینه که یانیدیوردی ؛ کبار طورلی  
خاتم ایسه فیتیلله یوب طوتوشدیردینی بو بىك ایسته دیکی قدر  
پارلاق بر نتیجه آلاجغنی آکلایه رق ، کوزلری کیفندن آله ولر  
صاحجه صاحجه :

— خانم افندی چوق سیکیرلی اوله جقلر اقدم ، بلای که راحتسزلر !

دیهه میریلداندی . او بری شیمدی کوزنی یومش ، آغزنی آچمش ، « جغز » لرنی قیزغین طاوایه یاغ دوکر کبی بستیون جازلا تهرق آکلانیوردی .

روم ایلیده کی جفت کلرینی صایدی ، تام یدی نانه ایمش ، شمندوفر ایچندن کچرمش ، بر اوچندن او برینی آتله بر کونده دولاشمازلرمش ، اوله ، صوکره دن کورمه زنگینلردن دکلش ... قوناقلرینک قایسی کیجه ، کوندوز آچیق دورور ، فقراهانکی ساعتده کلسه اوکنه بر طابلا طالیسیله طوزلوسیله بیگ چیقاریمش .. دکل برنجی موقعه ، ایستسه قایدانک یانه چیقار او طورورمش .. بن ، هپ کولویوردیم ، ایله بو قایدانک یانه چیقمه ادعاسنی ایشیدنجه بوسبتون که وشهدم ، سانجیم طومش کبی ، آلرمله ایکی یانمی باصدیهره رق بوغوله حق کبی کولویوردیم . او ، بو طرزده کی مقابله مدن جاتلایه حق قدر نوفرکه لانیور ، هر طرفی حواله یه اوضارامش کبی آیری آیری تتره یه رک بوینه آتلیرنی ، آرا به لرنی ، قوروجیلرنی صاییور ، چیقار دقلری تونونک اوقه سنی ، صاندقلری بغدادیک کله سنی ، بوتون واردات و مصرفلرنی ، هپسینی سویلیوردی . نهایت بونکله تأثیر یایامیه جغنی آکلادی ، وقتیه قوجه سنک مبه وثق ایتدیکنی ، شیمدی ده استانبولده بوتون ناظر لرله دوست و چوق نفوذلی اولدیغنی سویله دی . مشروطیتی ده اونلرک سایه سنده آله کچیردیکمیزی ، اوتوز بر مارتده روم ایلی اردوسی پهنیشمه شیمدی بویله ، ارکاک کبی فریح ، فحور



سوقاقلرده کوچ کز به یله حکمزی خاطر لاندی ؛ نو کوندی .  
 اوصیراده اوغلنه : هادی به هه شمس جک ، چکیور چیزمه لری  
 دیزجفکه ، استانبولی قور تار یور ؛ سنی آنا جفک بو کون  
 ایچون دوغودی ! ، دیمش ، شمس سیده همان توزلو قلرینی باغاغه  
 دولامش ، مارتین قایمش ، آتیه صیچرای یورمش ! بن بونلرده  
 کولویوردم . آرتق دایانامادی ، شخصمه کویا آلایه باشلادی ؛  
 چارشافله ، بویامله ، آچیق صاچ قلمله آیری آیری مشغول  
 اولدی . دیگر لری :

— عیدر ، خانم ، اوزاتمه !

دیورلردی . او ، بالعکس ؛ شیمدی فنا تلمیحله ، عادتاً  
 سوومکه ، صایغه باشلامشدی . بن یالکز کولویوردم .  
 نهایت کوزلری بویودی ، آغزی آچیق قالدی ، ضربه مت  
 آلتنده ازیلش کیدی ؛ یالکز :

— بر یوده محفز صو !

دیه بیلدی ، بن . آغیر آغیر برمدن قالدیم ؛ عظمتله ،  
 بر سلطان کی یورویوردم ، تام قاپی دن جیقارکن دوندم ؛  
 بوتون قامارا خلقنه ، شویله تزییفله بر کوز کزدیردم . ذاتاً  
 قیز قوله سی اوکنه گلشده ، آرتق بشقه بر موقعه ، ایجری به  
 کیرمه م . اورته ده ، ارککلرک قاورایچی کوزلری اوکنده  
 بر آشاغی ، بر یوقاری ، نازلی وقیوراق قیدسزحه درلاشدم .

... وینر بانقک اوکنده کانیک آرابه سی بکلورودی ؛ تام  
 سودیکم کی بر آرابه : باشند آشاغی سیم سیاه ... انسان ایچنه

گومولوب یا صلا ندینی زمان سیاه قدیفه بر محفظه ایچنده پارلایان  
مچومرلر کی کوزل ، کبار ، یاقیشیقلی کورونویور ؛ غلطه یی  
دولدوران کورولتوجی خلک اورتہ سندن کیمسہ سورونمہ دن  
سیاه بر بولوط کی سرعتلی ، سس سز ، یوموشاق کچوب  
کید یوردق .

کافی نک و حودندن کوزمک اوکنده دوران قسملرینی  
ایچہ دن ایچہ به تدقیق ایدیوردنم . آلری ، ذاتا ، چوق کوردلی ،  
اویله نازک ، نارین ، صنعتکارالی دکل ؛ فقط طیرناقلرینی کومش  
بیاض کدی نچہ سی کی یوموشاق ، دولغون و اوقشایچی برآل ...  
شیمدی بسبتون بیاض و نیز کورونویوردی ؛ بویالی ، جلالی ،  
یچمیلی طیرناقلرینه باقیلیرسه غالباً ، آیریجه بونلرله بر آدم  
مشغول اولویور ، هفته ده بر ، ایکی دفعه دوزه لیور ، سوسله -  
یوردی . واپورده کی قادینلر بونی بیله سوسله مشلر : « اوه  
طیرناقلیلر کلیبور ! » دیمشلردی . بنم ایلك سؤالم شو اولدی :  
— اصل ( شایان ) ؟ ممنونی ؟

کافی نک یوزی بوروشدی :

— بر دلی ، دیدی ، بسبتون جیلدیردی ، یابدقلرینی  
آ کلانا مام ، کلوب ده بر کور ؛ اویله مناسب سز لکالر ، شیار یقلقلر ،  
حالرکه انسانه آیاغمک آلتہ آسم ده قافاسنی بر آرسه میدیر تیور ...  
قابات پیلاجیم شونی ، بشقه لاف آتالم !

ایکیمزده صوصو یوردق . ذهنمز خاطرہ لرله ، سؤال لرله  
دولویدی ؛ بر بریمزدن ا کلابه جقلریمز او قدر چوقدی که

هانگیسی دها اول صورق لازم کلدیکی تعین ایده میور ،  
یا لکنز ، آرا صیرا :

— نهیدی او کونلر ، نهیدی او کونلر !..

دیور ، ایچمزی چکیوردق . بزى بویه دورغونلاشد بران  
بشقه بر سبب دهاوردی : ناصل فیرطینه قومده دن اول هوا آغیرلا شوب  
یوکلو ، یاتقین بر حاله کلیر ، صدمه یی او بوشو قجه بکلر سه بزم وجود  
لریمزده بر آرزو کره کنیدیسی صارصه جق ، خراب ایده جک اولان  
تلاقینک شیمیدین تأثیرینی دویمش ، غریب بر گر کینلک ایچنده  
شور سزلاشمش ، داغینلاشمش ؛ فیرطینه یی بکله یین بر  
اورمان کبی ده رین بر سس سزلاک و آنکینلک ایچنده ، بر آرز  
صوکره دالاریمزی ، کووده لریمزی صارصوب خیر بالابه جق  
اولان اوخشین ، فقط الزم صدمه یه ایسته کلی ، مطیع بر  
دورغونقله منتظردق . اولا سیکیر لریمزک اوزرنده طوبلانوب  
قائیللاشمش اولان شو فیرطینه یی کچیرمک ، راحتلامق لازمدر .  
آنجق اوندن صوکره بوموشایوب دورولور ، ایکی آرقداش  
کبی قوناشایلیردک . ذاتاً نه زمان یان یانه کلسهک ، سئلردنبری  
بو ، هپ بویه اوایوردی ؛ وجود وجوده بولوشمه دن ،  
فکر لریمز ایشله میور ، صحبت ابدیله میوردی . مصافحه ایدر کبی  
بز ، دایما بونکله باشلا یوردق ... بولانیق صولر کبی دورولما من  
ایچون ، اولجه ایچه قاریشیدیر یلما من لازمدی .

نتکیم ده ینه اویله اولدی .

شیشلینک هنوز عرصه ، طعاش اوجاغی ، تارلا حالنده  
دوران یاری بوش بر سو قانغده کی یب یی بنایه کیر کیرمنز ، دها



مردیونده ایکن ، کافی قولی بلدن کچیردی . بنی کندیسنه  
 چکدی . ایکندی اویوشوقلی آلتنده آپارتمان دهـا ایچنه  
 طاشینلماش قدر بوش ، تنـا کورونویوردی . چابوق چابوق ،  
 صبر سزجه مرمرلره طیرمانیوردق ؛ بوشلق ، دورغونلق  
 ایچنده آياقلازمز سا کن بر ده کیزی خیر بالایان اسقور کبی  
 ده ریندن ، تلاشچی ، خیشلدا ییجی بر سس چیقاریوردی . بردن  
 آشاغیده کی قاپی ، سـوقاق قایسی بر قبه ایکیلایسیله ، حماده  
 کبی ، کوملیه رک آچیلوب قایندی ؛ یارماقلغه دایانوب باقدق .  
 لوند کبی کوستریشلی ، ایری انداملی برقادین بیچه سی اورتوک ،  
 کولکه سس سز لکیله قابیچنک اوگندن کچدی . مردیونلره آیلیدی .  
 بز اونی دردنجی قاتک مغلغلندن سیر ایدیوردق . کافی یه :

— بو کیم ؟

دبیه اوصولجه ، قولی صیقه رق صوردم ؛ او ، بنی مراقده  
 براقق ایستیه رک :

— بزم آپارتمانک اسرارندن ، سویله نمز !  
 دیدی ؛ باشند آشاغی دقت کسیدم . بو احتشاملی قادینی  
 کندیمی کیزلیه رک کوزلویوردم .

اوچونجی قاتک چنغراغنه باصدی درحال قاپی آرالاندی .  
 آره سنده غائب اولدی . فقط بن آلیشقین ، اوسطه کوزلرمله  
 یاریم دقیقه ده آپارتمانک بوچه کینکن مسافریخی طوبوغندن  
 طیرناغنه قدر کوزدن کچر مشدم . تام ایسته دیکیم کبی قصور سز ،  
 نقصان سز کینمیش ، امثال سز وجودلی برقادیندی . یالکـز فضلـه  
 قوقو سورونمش اولمالیدی که انسانک داماریخی آياقلانديران

اکسیر کبی سرت تأثیرلی ، یاقیحی رایحه بر قات یوقاری به ،  
تا بزه قدر یوکسله شدی . بو نیم طایما دیغم مکمل برلاوانطه یدی ؛  
قانه او قدر چابوق ایشلور ، آدمی بردن قوجاقلار ، جگر کبی  
اویله دایانیلماز بر قوتله قاوورایوردی که بو قوقو دورغون ،  
اویوشوق ، بجز یکسز آداملره سحر یرینه کچه ییلیر ، اک شفالی  
یر علاج ، بر سرت قیرباج تأثیرینی یاپاردی . ایچمزدده تونه ین  
سینسی ، نور کهک حرصلریمزی چار چابوق آزغین برحاله  
کتیره جاک ، قودورته حق اولان بو جنس قوقولر محقق خیالماز  
اوزرنده چملاقنقدن دها تأثیرلی ، دها ایشله ییچی ایدی ..

کافی ؛ ما تا صار ارق :

— ناصل ؛ نوشکه کیتدیمی ؟

دبیه صوردی .

— یامان شی .. ایله بو لاوانطه ! ..

دیدم . مندیانی یوزیمه دوغرو اوزاندی :

— باق ، دیدی ، ( کور دوزانه ت ) ، شیشه سفی یکریمی

دردت لیرایه آلدیم ؛ بولدیغمی طوبیلادم ، پیاسه دن هپسفی  
قالدیردم ؛ بو شیمدی یالکیز نیم قوقوم ... فقط دوغروسی  
کچن قادینکیکی بشقه مال ؛ عجیبا نه مارقه ، آدی نه ؛  
آکلارم یا ...

آیارتمانک قایدسنه کلشدهک . کافی جینندن اوفاجق بر آناختار  
چیقاردی . سس سزجه کلیدی چویردی . بنی قالچله رمدن  
چاقینجه ایترهک ایجری به صوقدی . یوره کی هوسله ، آرزو  
ایله دولدوران او رایحه نکه حالا تأثیری آلتنده یدق ؛ ایکندی

صیجاغی، بوش او، آلیشقلانلق؛ بونلرده برلشهرق ایگمزی  
آرتق بشقه بر شی دوشوشمکه بر اقیوردی. نرمه کیردک؟  
ناصل بر اوداده ییق؟ باقمه و قتم اولمادی. یالکیز پانچورلری  
چه کیلمش، برده لری اینیک کیزلی وقاییق بر یرده اولدیغمزی  
فرق ایده بیلدم؛ بر بریمزک اوستنه، دشمن کی آتیلدی.

... بن، آرقمده برتک قومینه زون، له یاری چپلاق،  
او، پیژامالی، قارشی قارشی به کچمش، یاناق اوداسنده دودورمه  
بییه رک آرتق ساکن و راحت قونوشوبوردی. برده لری آچش،  
پانچورلری ایتش، کونش و روز کار ایچنده ییدک. اولاه بر  
زمان، ایپسز صاپسز لا قیردیلر ایتدک؛ او بی دها ایپله شمش،  
که لی شمش و دو یغولواولش بولویوردی. بن اونده بر اوسطه لاق،  
ملکه، مهارت سه زمشدم. صاداقور پیژاماسنک بلنده کی  
ایپک قایتانی پارمقلرنده چورروب اوینایه رق قارشیمده قونوشان  
بو آدم کانیمیدی؟ حیرت! دنیا مک ایشنه عقل ایرمیور... قارا  
رنکلی باصمه انتاریسیله بش سنه اولکی کانی وزیمک اوکنده  
دولاشیور... دوشوک چورابلرینک اوستندن بول، طاشقین  
دوننه چیرکین کورونور، یوزینه ناصل بر بونلک، و حودینه ناصل  
بر بایاغلیق و یرردی! شیمدی آیاغنده کرکین، ایجه، جیجی،  
نادیده چورابلر واردی؛ چوق بهالی و چوق ظریف بر مال...  
حالبوکه بر زمانلر قوناغک سلاملغنده آلت اوداده یانوب  
قالقارکن، چاشیرکونی حرمه، بیقائمغه کوندردیکی دو کونقیلری  
آراسنده بنم تعمیر ایتمکه مجبور قالدیغم چورابلری حالا اونو تادم...



کیرلی قره‌م رنگلی ، اوجلری ، طوپوقلری ، بیاض ، محمودپاشا  
مالی ، ددر غرو شاق اشپورطه چه رابلری .. ده لیک ده شیک ،  
پیرتیق پیرتیق ، آله آلتیر ، آیاهه کچیریلیر یرلری قالماش مردار  
شیلر ...

کافی نیم بودوشونجه لریمک فرقنده دکلدی هپ یکی دوردن ،  
یکی اکلنجه و ذوقلرندن بر چوق قادین اسملری ویره رک  
که وه زه که وه زه بحث ایدیور ؛ طیرطیللق زمانندن هیچ بر  
خاطره صاقلا یاماش اولان بر که له بک کبی هپ ذهنده حاله ،  
بوکونه عائد وقعلر یاشیدوردی . بش سنه کریسنی ، غالباً ،  
بسبتون اونوتمشدی . زنکیله شمه سنی هیچ شاشیله حق بر حاده  
صایمه رق اسکیدن بری بوبله ، ایپک چاشیرلر و کبار قادینلرله  
رفاعلی بر عمر سورمش ، جدبجد میراث یدی طورینی نه کوزل  
طاقینا بیلیدوردی .. فقط ، هیچ شبه یوق ، کافی چو جوقلغندن  
بری ایچنده صیغینی اوله رق یه تیشوب یاشادینی کبار قوناغنده  
ذوقنی سنه لرجه ، بز فرقنده اوله دن ، یونتمش ، رنده له مش ،  
انجه لتمش ، خلاصه پارایه یاقیشیر بر حاله کتیرمشدی . بو خصوصه  
بشقه زمانه زنکینلرندن نه قدر آیریلیدوردی ...

— هانی تارینخده واردر ، بر پادشاه ، بزم پادشاهلردن ،  
دیوارلره ، سدرلره صمور کورک قاپلارمش ؛ بونده هوسم  
قالدی ، لکن بر کارلی ایش بکلیبورم ، اوندن اول یایمه جفم ؛  
بیلیرمیسک بن اوپله ده لیجه پارا صرف ایتیمورم ، هپ حسابله ،  
کتابله ..

بویله سویله رک اوداده بر آشاغی ، بر یوقاری دولاشیدوردی .

بردن چغراغه باصدي، چارنى قوئو مجلرني آكديران قيرآنطه،  
كچكى يوزلو، اوكه ائيك بر ارمى اوشاغه بوزه شامپانيا  
قويماسى، شفتالى، آرمود آلماسنى نفيه ايتدى .

او ديشارى چيققدن صوكره بكا دوندى :

— كوردكى شو آدمى، ديدى، اولك بكمجيسى ... ايكي

سنه اول، يازيخانمده ايدم، كاتم كلدى : « افندم سزى  
ديلنجي قيلقلى بر ارمى كورمك ايستبور، بك افندى بنى ائى  
طانير، ماريانقونك قره بنى ديرسه كنز خاطرلار ! دييور، نه  
امرايدرسكر؟ » ديدى ... ناصل خاطرلامام؟ اوزون چارشیده  
بر او واردى، ماريانقونك اوى، بر زمانلر المه كچنى كيدر  
اوراده توكه تيردم؛ ذاتاً زراعت بانقه سنده آدم اولاماديغمك  
سببي اوراسيدى، فنا دادانمشدم؛ تام دنجلك، زورلو زمانم؛  
بركيجه سرخوشلق ايله طوتدم، چاناق چوملكي قيرمغه باشلادم،  
قره بت، ايشته بو، قايجيدى، قوشدى، كلدى، بنى ياقالامغه  
چاليشدى . ماصه نك اوزرنده بر بچاق دورويوردى، همان  
قابدم، اوموزينك اوستنه صاپلادم . قيامت قوبدى، پوليسه  
قوشديلر، بن شاشيردم، يالوارمغه باشلادم . نهايت آدم مرحمه  
كلدى، « دعواچى دكم، بر قضادر اولدى ! » ديدى . يش،  
اون محمديه بيديردك، ايشى قاپاتدق؛ بو ايلدىكى اونودورمى يم؟  
كاتبه : « آليك، گتيرك ! » ديدم، قره بت سوكلوم بوكوم  
كيردى؛ خاطرىنى صورددم؛ « هله اوطور باقالم، آل شو  
جيفاره ني، ديدم . زواللى نه يايه جفى، نه سويليه جكى بيلميوردى .  
بن : « نهى، نه در باقالم ايشك، آكلات ! » ديه

صـور و یوردـم . حـواب و بر مـکـه قدرتی یوقـدی ، شـاشقین ،  
یوزیمه باقیوردی . طبعی آکلام ، بنم برایشکذار دایم واردر ،  
اونی چاغیردم : « آلت قره بت آغای ... البسه ، چاشیر ،  
تراش ، حمام ، نه لازمه یابارسیکز ، آقشام شیشلیده کی اوه  
کونده ریک ! » دیدم . آیده یکر می بش لیرا ویریورم ؛ شیمدی  
بنم اوده قابچیلق ایندیور ؛ بنه عینی صفت ، یالکیز درجه سی  
یوگشک ... بخشیشله فلان اللی لیرایی کچر ، بر اللی لیرا قدرده  
مسافرلردن آلیر ، ایتدی یوز ..

کانی کولویوردی ، ممنوندی ، برایش یامش کی یوزیمه ،  
نه دییه جگ دییه باقیوردی . بنم صوصدیغمی کورونجه لاقیردی بی  
چه ویردی ؛ بشقه شیردن پنجه باشلادی :

معارف نشانی ویرمشلر ، برنجی رتبه ، بیلمم هانکی  
مکتبه بیلمم نه قدر اعانه یوالادی دییه ... بیلمم هانکی ناظر ،  
« یانغیندن چیقانلره لطفلرینی بکلیورز ! » دییه کچلرده خبر  
کوندرمش ... قاپیسنده هر کون قادین ، ارکک ، چوجوق  
یالوارییور ، احساننه آل آجیوردمش ؛ حق غنه جیلر یوقی ،  
اونلردن بریسی ، اوچ کونده بر کلیر « امریکز پاشام ! »  
دیرمش ... یا مکتوبلر ؟ کوردکی اکلنجه بی ؟ ایلک کونلرده  
اوقویوردمش ، شیمدی وقتی یوقش ؛ نالر یازمشلر و کیملر  
یازمش ، بر سوبله ... اسکی دورک صدر اعظم کلینلرندن  
طوتده شیمدیکی زمانک باش ناجی ایتدیکی حمیت پرور قیزلرینه  
قدر برچوق قادینلردن جنس جنس رجاز ، نازلر ، پارارلقلر !  
... مراق ایته ، دییوردی ، بکا قادینلردن کلیورده



شایانه ده بکلردن، پاشالردن ... پارا بو، لافى ؟ برکت قاربمک  
 اويله ایشلرده کوزى يوق، آلدیرمیور؛ اوکا غوغا اولسون،  
 عناد کوسترسین، جافا یاپسین، کافی ... بو مکتوبلردن برقاچ  
 دانه سی آله کجدی؛ شایانی بری قیزی یاپوب چیقارمشلر،  
 صیرما صاجلی، کوموش بدنلی، آهوباقیشلی، جیلان یوروییشلی  
 بر آفت جان .. دها قیزم اون اوچنه یکی باصدی . اطرافنده  
 شمدیدن حریفلر پروانه اولمش دونیورلر، خاصه ده آکلار  
 کبی بر قیریلور، بر دوکولوبورکه، اولور شی دکل ...!  
 کورسه که اما، نه ده عقللی ! کمان، انکلیزجه، رسم، بیانو،  
 نه لرده نه لر؟ هپسینه یه تیشور؛ خوجاری، قادینلی ارککلی  
 پارماق ایصیریورلر . کچنده بوغازندن برخسته لاندی، ثولویور  
 صاندیم، زنکیکن آدملرده اولاد محبتی دها فضله می اولویور  
 نه، یاخود بشقه دردک اولمیورده اوکامی مراق صالیورسک،  
 هر نه ایسه عقامی اوینانه حقدیم . تلفونی آله آلدیم، استانبول  
 ایچنده قاچ دو قوتور وارسه، هم ساده بوغاز هکیمی دکل، داخلی،  
 خارجی، جلد، اطفال، هپسندن اک مهملرخی، اک مشهور -  
 لرخی آدایه، آوه خصوصی بر استمبوظله چاغیردم؛ کورسه که  
 بزم آشاغیکی سالون هکیملر مجلس مبعوفانه دوندی؛ کندیمی  
 قولغرم دهیم صاندیم :

— اقدیلر، دپدم، چوجوغم خسته؛ اونى ائی ایتمک  
 ایچون سز طبک بنده پارانک ایحباب ایتدی فداکارلنی  
 یاپه جغز ...!

نه مه لازم، بر سلطانهک یاننه کیرر کبی، هپسی درین بر

سگوت ایچنده ، کمال حرمتله یاورومک یاتاغنه یاقلاشدیلر ،  
 « کوجوک خانم افندیز ! » سز قونوشمورلر ، ثورکمه سین ،  
 اوزولمه سین دبیله حتی تحفقلر ، شاقلابانقلر یاییورلردی .  
 نهایت اوزون بر استشاره ، مکمل بر ضیافت ، قونسولتاسیون  
 بویله جه بیتدی . تداوی یه مأموراوان دوقتوره اوچنچی کونی  
 ایکی یوز آللی لیرا کوندردم ، « هر کون تشریف ایتمسینلر ! »  
 دیدم .

بر اوچ کون دها صوکره ایکی یوز آللی لیرا دها... بر اوچ  
 کون دها کجدی : ایکنجی ایکی یوز آللی لیرا ...  
 نهایت چو حوق اییله شدی ، « حسابک یوروزینی ده تمیزلیلم  
 دوقتور ! » دیدم ، ایکی یوز آللی لیرا دها ویردم . اولدی بیک...  
 بندی کندیجه : « تولان کانی ، شوو آدجغزه بر ایملک دها  
 یاب ! » دیدم ؛ قاپیدن جیقبوردی ، کری جاغیردم :  
 — سزه ، دیدم ، تام بیک لیرا تقدیم ایتدم دگلی ، بکا  
 بو پارایی کری وریکیز !

شاشغین شاشغین یوزیمه باقیبوردی . آکلامیوردی ...  
 ایضاح ایتدم : تجارتخانه مده اون کون دورسون ، ایشده  
 قوللانمخ ، تام اون برنجی کونی کلوب کاريله آلیسکز !  
 دوقتور طالعلی ایمش ، او صیراده بر اون ایشی یابدیق ،  
 حصه سنه بیک ایکی یوز لیرا دوشدی ، ایکی بیک ایکی  
 یوز لیرالق یر چک کسوب کوندردم . « آمان باشاجم ،  
 دورسون ، ایشله سین ! » دییه یالوارمانی آرتق دیکله مدم .  
 بوقدر ایملک کافیدی !

کافی حکایه سنی بیتیردکن صوکره بر دولو قدح شام پانیا  
 یووارلادی ، برده شفتالی یوتدی . ایکی بیگ ایکی یوز لیرالق  
 چک ... بو پاره ایله نه قدر فقرا چوجوغی تداوی ایدیله بیلیر ؟  
 نه اساسلی آیلدکلر یاییلا بیلیردی ... بوکون باشنه یکر می  
 دوقتور طوبلایان شنو قیز ، اوچ سنه اول ، آناسنک  
 قوجاغنده فاتحده اجزاخانه قاپیسی بکلردی . اون غروشملق  
 ویزیته سفیده باباسی بلکه اودونج ، شورادن بورادن آلیردی .  
 جانم بر آز کافی یی نوزمک ، ایکنه له مک ایستدی ؛ قاماراده کی  
 مناقشه یی ، مبالغه ایدرک آکلاندم . یاناقلری قیزاردی .  
 بللی که بوقیل لاقیردیلردن حظ ایتیموردی :

— خلق ایله اوغراشه جق زمانم کچدی ، دیدی ، بن  
 قولاقلریمی دیدی قودی یه قاپادم ، طوب صاغیر اولدم ؛  
 ووردوم دویمارلقدن اعلاسی یوق ، بشقه تورلو راحت  
 ایدمه حکم ! نه غریب شی یاربی ! اونلرده زنکیین  
 اولسونلر ... بز آلرینی طوتویور دکلز آ ؟ هودوزی میدان !  
 بن یاغدن پاره پادمه اوده کیتسین بالدن یاپسین ... جانم ،  
 بز وقیله اسکی دور زنکیینلرینی پک طبعی کورور ، شکایت  
 ایتکی ، دیدی قودی یابمنی عقمزدن کچیرمزدک ؛ بخت ایشی  
 بو دیردک ! ...

خاطرلاریمسک عصمت ، سلاملقده کوچوک بکک  
 بوکر ماصه سنی ؟ آووج آووج لبرالر درزدی ! ترزی  
 میرک فاطوراسی ده هر آی آلتش ، یتش لیرادن آشاغی  
 دوشمزدی ؛ آخورده تام اوچ چفت آرابه جوانی ، ایکی

يېنىك آتى ، دىرت بېش باش يوك و دولاب بار كېرى ، مېدىيالى  
 وساثرە وارەى . هر ئوۋوندى بېش طابلا يېمك چىقار ، قوناقدە  
 اوشاق ، خىدمەتچى اوتوز ، قىرغاق كېشى چالېشىردى . يا  
 كوچوك مىخدوم بىك اقدى ؟ آناسىدىن آلىر ، باباسىدىن آلىر ،  
 بويوك نېنەسىدىن آلىر ، اوستەدە كېدىر سەاق قوردوتى  
 ھاتار ، بىك اوغلار ئىدە اويلە ، دىلچەسە ، ادېسزجەسە  
 بورچ ، خىراج يېر ، ياشاردى ... كوچوك خانم اقدىلر  
 الماسلرېنى سەنكە برابر كوتورۇپ امنىت سەندىغە بىز  
 ياتىر مىشدىق ؟ سەكسان دىرت لىرامدى ، نە ؟ يارى يارى يە  
 پايلاشدىلر دە بىر دوقتورېنە ھىدە آلدى اوبرى قوجەسە  
 بويو پايدىر مىق اېچون خوجا خانلرە يىدىردى . يېنى بن  
 كوتورۇپ وىر مىشدىم ؟ اوبرى بن ، آلەكە سەرف ايتىشدىك ...  
 بىكى بونلر اسراف دىكى ؟ بونلر اخلاقسىزلىق سايىلماز مى ؟  
 بوپارە خەلق ، مەنك كېسە سىدىن چىقمىيورمىدى ؟ باشانك  
 باباسى دە چانغىرىلى بىر صوفىسا ايدى . بن بىلە خاطرلارم ،  
 يوبازك بىر ... ادرنە پايسى آلدى ، آز دھا ياشاسەيدى  
 مەھر مىنلاسى بىلە اولوردى . استانبولە كەلدىكى آقشام ،  
 ھېچ اونوتمام ، مەردىون باشىدىن طانلر كې :  
 — ايشىنى كەتور !

دىيە ھايقىرمىشدى ، بىز آشاغىدە كۆلەدن قانىلىيوردىق .  
 اونلر نەدىن تورەدى سايىلمايور ؟ يا بويوك خانم اقدى ؟  
 نام مىناسىلە « ظەارىف » قەدىندى ، بويونلر ئىدە بىياض اېپىك  
 مىندىلار بىر سۈرۈ كىيىك ساجىلى ، سوزوك كوزلو ، ظەھورى



لا قيردیلی قاریلر اورتہ سندنہ زمانی مانی ایله ، لاف  
یتیشدیرمه جیلہ کچیرر ، خانم افندی ده آله کجی بکتنائی  
تکیه لرینه بوللاردی ... بونلره کیمسه جک برشیلر سویله مندی !  
صوکرادن گورمکسه اونلرده صوکرادن گورمشلردی ،  
سفاهتسه قتمرلیسنی یاپارلردی ؛ بز بوتون بونلری تا ایچندن  
کوروردک ، بیلیردکده ینہ عقمزدن اوفاجق بر شکایت ،  
اعتراض کچیرمزدک . پانطالونمک آرقسی یامالی ، فوطیم  
پاتلاق ، چاشیرلرم ده لیک ده شیک ، جییمده متالک یوق ...  
بو حالده احسان بک بمضاً ، چاغیرردی ده اوداسنه جیقاردم ؛  
اوغلان بر دولاب آچار ، اوتوز پانطالون آصیلمش ؛  
بوکه کیرر ، قرق چفت آیاق قابی دیزیلش ؛ سورمه یی چکر ،  
دورت دوزینه ایپک فانیلا بز بر اوستنه کلاج کبی ایستیفله نمش ؛  
جزداتی آچار ، پانقوطلر طاشیور ؛ بن ینہ قیزمازدم .  
قیصقانمازدم ؛ « اه اوکا ویرمش ، بلکه بکاده ویرر ، یاخود  
ویرمز ، کندی بیله جکی ایش ! » دیردم . نه ، صیرا بکاده  
دوشدی ، بن ده بش ، اون پارا طوتمدم ، سندن صاقلايه حق  
دکلم یا ؛ صرف طالع ایشی ، اه اوپله تقدیر ایتش ، آرمود  
ییش آغزیمه دوش ، ثروت بکا بویله کلدی ؛ سکا دورت  
کله ده آکلاتیوریم :

سفرلنکک باشنده ، ایلک کونی جییمده تام بر مجیدیه  
واردی ؛ اونکده دو قوز غروشیله طوتمدم ، شایانه بر مرجان  
ترلکی آلدیم . زواللی چپلاق آیاق کزیور ، ایکیده بر  
صانجیلانیوردی .. آلمده اون بر غروش قالدی ؛ عسکرده

چاغرییورلردی . حالم بیتیکدی ، قوناقدن کیلردن هیچ امید  
 قالمامشدی . مشروطیتدن بری هر سنه بر آژ دها آزالوب  
 کوچوله رک نهایت پریشان بر حاله دوشمشلردی . « باری  
 اولوب قورتولایم به ، بویله یاشانمازا ، دیدم ، قالدقم ،  
 قاراقوله یوللاندیم ، آرتق اوده کیلر نه خلط ایدرلرسه  
 ایتسینلر بندن مسئولیت چیقدی ؛ دولت عسکر ایدیور ،  
 البته عالمی آج بیراقماز دیسه ده دوشونویوردم .  
 فاتحه قدر چیقدیم ، دالغین ، سرسام ، صولغون بر یوزله  
 سنده لیه سنده لیه یوروویوردم . بریسی آرقه مدن سسله ندی ؛  
 دوندم ، باقدم ؛ هاقف پاشانک اوغلی رجب بک ، هانی  
 طانیرسک یا ، میراث یدی ، باباسندن قالان پارایی آلتی آیده  
 بک اوغلنه چیمغه وقت قالمه دن ، غلطه ده توکعتیورمیشدی ؛  
 آئی ارقداشمز، اوده ، بنم کبی درت کون اول متالیکسزدی ؛  
 فقط شیمدی آژ دها طانیامیه جقدم : آرقه سنده چوخه بر  
 غوجوق ، باشنده قوزی قالپاق ، دیز قاباغنه فدر موسقوق  
 چیزمه لری ، صاوانلی برچرکس قامچبسی ...  
 — صاغیرمی اولدک یا هو ، آرقه کدن آوازم چیقدینی قدر  
 هایقیریورم !

دیدم . اما جاقالی سویلیوردی . بللیدی که برایشه قونمیشدی .  
 عجباً تکرار میرانمی بیمیشدی . عینی طور ، عینی معامله ...  
 طوتویورسه اسیرکه میه چکنی بیلیردم ؛ بش اون ، پارا اودونج  
 قویارمق امیدیه یانه یاقبله دردیمی دوکمه باشلادم ، سوزیمی  
 یاریده کسیدی ...

— دوش اوکمه !

دیدى. بن براكلنجيه كيديورز ، خواردالىق يابه جفز  
صاندم ؛ « شيمدى زمانى رجب بك ، باشمده آتش يانديور ! »  
دييوردم . جواب بيله ويرميور :  
— هله يورو ، هله يورو !

دييوردى . تفصيلاته حاجت يوق ؛ حربه يي دائره دائره  
دولاشدق ، برچوق قيدر ، امضالر ، وثيقلر و معامله لر .. بن حالائيشي  
آكلاميوردم . او ، متصل : « طالعك وارمش اما ، دييوردي ،  
ياقاكي قورتاردك ، شيمدى آچ كوزيبي ... حقيقه ايله  
اولمش ؛ ايرتسي كوني حبله ياغ طويلامغه چيقدق . رجب بك  
استانبولده قالدى ؛ صوكره بن اوكا بر ايش اوكرمدم ، اما  
يامان برشي .. تام تجارجه بردالاوبره ، يك تحته ده اورناقلاشه  
قرق سكلز بيك ليراكار .. اوندن صوكره آياقلىمه بر يهودي  
دولاشدى ، بله آدنى دويدك ، سموئيل ، آل اله طوندق ،  
شوايش ، بو ايش ، ديركن بودرجه يي بولدق ... كورويورسك يا ،  
صرف طالع ايشي ؛ اوساعته ، عيني دقيقه ده فاتح ميدانندن  
كچمه سيدم ياقافقاسده كبروب كيده جكدم ، ياخود ، شيمدى  
استانبولده آجلقدن ايكم ايكم ايكليه جكدم !

كاني بوقورقوتج احتمالي عقلندن آتمق ايچون همان قدحه  
صاربلدى ، فقط بردفعه يوره كي آچيلمشدى ، دورامادى ، دوام  
ايتدى :

— بعضى كچه لر رؤيامده گنديمى اسكي حالده ، طور شو جينك  
اوستنده كي اوده كورويورم ؛ اوصيقتى يي آكلانامام ، ايله

بر آرائی ، بر بر اوسته ، هر کجبه عفی رؤیال مسلط اولدی ،  
 علاج آلام ، پاره ایتمه دی ؛ سیاحت یاپدم ، تأثیرینی کورمه دم ؛  
 نهایت اوقوندم ، کوله ، بر قادین کتیردیلر ، بدی کون صباح  
 اذانی و قی بنی قارشینه سجاده یه او طورتدی ، تسبیح مدن کچردی .  
 نه دیزسک عصمت ، آتلا تماییم می ؟ شاشیله حق شی ا غریبه کیتدی :  
 « دیله بندن نه دیلرسک ؟ » دیدم ؛ بر او ایسته دی ، آلام ..  
 صوکره بزه خیرسز ، حسناتسز زنگینلر دیورلر ؛ ویرکیلی  
 دکلشز ! هله دوروک باقلم ، دون بر ، بوکون ایکی ... دها  
 کندیمز قانداق ، هم صانکه آسی زنگینلر دهای ویرکیلی  
 ایدی ! اصل نیردیغم جهت خلقت اولره صبر ایدوب بزی  
 چه که میشتی .. توره دی زنگینلرک انواعی کورمش ، کچرمش  
 وهپسینه تحمل ایتمش اولان بوملکیت ، شاشیورم نه دن بزمه  
 اوغراشیور ، بزمه دیدیشیور ، یالکیز بزی کوروب بزی  
 سویلیور ... هم قاچ کیشی زقوزوم ؟ سکیزی ، اونی کچمز ...  
 اما ایکی زنگینلر پارایی اسراف ایدیورلر مش ، سفاهت یاییورلر مش ،  
 وور باطلا سین ، چال اویناسین ییورلر مش . عجایونی دیدنلردن  
 هانکیسینه شویله بر پیانغو جیقسه عمرینی خیرانه ، حسناته ؛  
 نمازه ، نیازه حصر ایدوب دنیادن آلی ، ایتکی چکر ،  
 هانکیسی ؟

کافی بردن بحفی ده کیشیدردی :

— بو آقشام ایسترمیسک برا کلنجه یاللم ، دیدی ، شویله  
 آدام عقلایی برا کلنجه ؟ [ تلفونی آله آلدی ] اولا شوایشلری  
 بر آکلایلم ، یازیخانه ده نه وار ، نه یوق .. بوکون شرفکه تعطیل



یایورم ... بر، سکنز، چیفت یدی... آلو، سنمیسک بکر؟  
 اوزون اوزون قونوشدی؛ حواله، بونو، تقیسط، جیروکی  
 کله لر ویو کسک رقلرله دولو بر مکاله .. صو کره بشقه بر یره  
 تلفونه ایتدی؛ عینی سوزلر، یالکنز دها حرمتکارانه، آمره  
 معلومات ویرر کی ... ایکیده برده «باش اوستنه پاشام» های  
 های افندم، شیمدی کونددریم .. دیوردی . بوده بیتنجه  
 آرقداشلرینی آرادى؛ قابا قابا اولرله برخیلی قونوشدی هپسینی  
 آقشامه دعوت ایدیور، «ادبسنلک ایتمه، شیمدی بنی  
 باشلاتیرسک ها!»، کی بر سوروسوقاق التفاتلریله اصرار ایدیور،  
 شاقالا شوروی .

بن قانابه ده یاری یاتمش، دوشونویوردم، طالع و دنیا نه یامان،  
 نه قدرتی برحقه بازدی ... بنم بیلدیکم اوکایدن شو، کوزیمک  
 اوکنده کی آدم ناصل چیقاییلیردی، هانی مشهور آدم لک رسملی  
 غننر فوطوغس افلرینی باعارلر، نا کوچوک یاشلرندن باشلا یه رق  
 درجه درجه جوجوقلنی، مکتبه کیتدیکی حالی، دلیقانلیلنی،  
 ایلمک شهرت زمانی الح ... بونک کی کانی ده خیالنده بوی بوی  
 تجسم ایدیور، آری شکله، قلیقده کوزیمک اوکندن آغیر  
 آغیر کچوردی. او، ذهننده کی بودوشونج لری سانکه آکلامش  
 کی تلفونی بیراقوب برون دیدی که :

— اوت، بودنیا آکلاشیلیر معما دکل ... چوق  
 دوشونمه ملی، کلدیکی کی، اولدینی کی قبول ایتلی !  
 آیاغه قالقدی، بکا دوغرو یوردی، آلرله آلرمدن

طوته رق ، آياقده ، کوز کوزه ، جاندن سير ايتدی ، کوکسی  
قابارمشدی :

— عصمت !

دیدى . بنده ، هیچ سس چيقارمه دن ، آليشغيناقل اوله جق ،  
باشمی همان کوکسنه دایادم .

## اسکی دورده کیلر

آقشامه کله جک اولان مسافرلره یورغون وجودله صاچیم  
 داغنیق ، رنگم صولوق ، حاضرلقسز و سوس سز چیتیق  
 ایسته میوردم . اولا کیدوب بر ایلیق دوش یایدم ؛ صوکره  
 اوزرمده حمام بورتوسی ، چپلاق آیاق آینه نك قارشیسینه  
 کچدم . بونم اُک ذوق آلدیغم برقیافت ، اُک راحت ایتدیکم  
 بر البسه در . بیقائمش وجودیمی یاری رطوبتلی برکنیش بورتوس  
 ایچنده نه قدر ممکن اولورسه او قدر چوق بیراققدن ، بوقیافتله  
 آلدک کوموش آینه ، فرنک کتابلرنده کی اوطه لقلر کی مندرك  
 اوزرینه اوزانوب اُسزیه کهرینه وقت کچیرمکدن چوق ذوق  
 آلیرم ؛ یاخودده آیاقده دولاشیر ، چکمه جه لریمی دوزه لیر ،  
 اُسکی مکتوبلری اوقور ، چاش-یرلریمه قورده لا کچیر بر ، حق  
 اوطوروب عود بیله چالارم . آرقه مدده سیله جک ، کوکسم آجیق ،  
 بر بر اوستنه جیغاره ایچهرک کچیردیکم اوساعتلرک طادینی هیچ  
 اوئودامام . جانم بر درلو کینیمک ایسته من . چپلاق اتمک  
 اوزرینه چاشیرلر ، قاشلر تورتمک کوکلم بر درلو راضی اولماز ...  
 کندیمی بوقیافتده هند ویا مصر ملیکه لرینه بکزه تیر ، کیفله نیرم .

شیمیدی ده ایشته ، عینی قیلیقده ، کانیدن چه کینمه دن  
تووالتك اوکنه کچمش ، صاحلمی قیوریریور ، یوزیمی دوزه -  
لتیوردم . بن تونلره مشغولکن اوده یان طرفده کی یاسیواداسنده  
تراش اولویوردی . آیری آیری اودالردن بربریمزله باغیره رق  
قونوشویوردی . یاواش یاواش ایکیمزده صوصدق ، اوبردوشونجه یه  
دالدی ، بنده ذهنمده اسکی دوری یاشیوردم :

... آژسنه ایچنده استانبول نه قدر بشقه لاشهش ، یاشاییشمزده  
نه قوجه برانقلاب اولمشدی . . . او ، بسبتون غریب ، فقط - دوغروسی -  
خوش برعالمدی . . . توره دیلک ایچنده برکبارلق واردی ؛ بویله هر ج  
مرج اولمش برنسل ، دکلک ؛ صنف صنف آیریلش ، حدودلریمزده  
تجاوزسز یاشیوردی . اما ینه فناقلرو اخلاقمزلفلر موجوددی ؛  
ینه بویله یوره کلریمز فسق ایله ، فجور ایله دولویدی ، فقط  
کیرلی چاشیرلریمزی میدانده ییقامازدی ، کیزلی کوشه آراد ،  
ئوتورلره بورونور ، کولکله قاجار ، لامباری سوندوروردک . . .  
هم اوئورکه کلک آیری بر ذوق ، اوچه کینمه وقورقونک  
بسبتون طاتلی برهیجانی واردی ، اوزمانکی قاجاماق سهو کیریمز  
شیمیدی دورک سکزینه ، اوننه بدلیدی . . . عشق آشیلماز برایرماق ،  
باصیلماز بریاغین ، واریلماز برملک تندی ؛ قهرمانلرکی ارغراشماق ،  
آزیلوب آریملک ، ایکیم ایکله مک ، ئولوملر کچیرمک لازمدی .  
اوزمان عشق یاساق برمال کبی ، باروت وزهر کبی ، کیزلی  
قایاقلی ، آلدن آله ، فیصیلدییه ، سوبله شه ، بیلک زورقله صاتیلیدی .  
اوزون اوزون بکله مک ، ئوزله مک ، قورقولر ، ئوریرمه لر  
کچیرمک ایحساب ایدردی . شیمیدی دیش فورجه سی آلیر کبی



جامگانده سه چييور، شويله انزله بر يوقلييور، جانطه مزه آنيورز؛  
يارين بر بشقسي، اوبر کون دها سرتي، ياخود دها يوموشاغي...  
چشيد چشيد، مبدول وز حتمسز !

... فکري پاشانک قوناغي اودورک اک مهملرندن بریدی.  
قيشين سراجخانه باشنده اوطوروردق؛ سدسدر کوهي باغچه ايچنده  
ايکي يوز سنه لک بر کهنه بنا ايدي؛ يازين قنديللي به طاشينيردق؛  
ده کيخ اوستنده کي اصل يالي، اوجي بوجاغي بولونماز براودون  
انفاسيدي، لکن آرقده، داغده يکي اصول قوجامان برده  
کوشک پادير مشاردی. آم، او قوناق واوراده کچن او اونودولماز  
قيشلر!... قاينک بيله کندينه مخصوص بروقاري، عظمتي  
وتيريا کيلسي واردی؛ آجلاماز، ايتيله من، سوکوله من کي  
صاغلام، صورتلي براوطوروشله همان داتما قابالي دوروردی.  
اولک بکلي اکتريا معين ساعترده، جوق انتظامله کلوب  
کيتدکلرندن ايچريده، باغچه ده، ديواره کومولو بر نختا باراقده  
بکله ين قابوجي وقتي بيلير، حاضر دوروردی، کوشه دن  
آرايه نك کورولتوسي دويولونجه، همان سورکولري چيقارير،  
قوجامان طونج طوپوزلري باقالار وقوتله چکردی. قاپي درحال  
زحتمسز کي قايره ق، سس سز آچيليردی اوزمان آرايه، هيج  
بکله مهن، يوله کي سرعتيله کيرر، دامان تختمه سي شکلنده ياييلمش  
قارالي بيضلي قاقه چاقيل طاشي يوله بويوک برياطيردی  
چيقاره رق مرمر مرديوه نك اوکمه کليردی. بزله، آشاهي  
قات مسافرلري و خلايقار سو قاقدن ايچري برخبر کتيره ن

بوسسه محقق قوشار، قفسلره بر دفعه باش ووروردق. قوناق  
 جاده‌یی، کان کچی کورمزدی بو بزمه برأ کلنجه اولوردی .  
 حرم طرفندن کیریلنجه قوجامان مرمر برطاشاق باشلاردی  
 پاریل پاریل یانان واکثریا یکی سیلینمش بولسان بوکنیش  
 میدان بر جوق قاپیلر آچیلردی . ایشته آشاغی قات، خدمتچی  
 وخالایق دائره‌سی بوراسیدی . اوآیری برعالمدی؛ کندینه کوره  
 مسافرلری، آکلنجه‌لری، استقلالی واردی؛ یوقاریده کیلر خبر  
 بیله آمازلر، بردفعه اینوب ده قایدسندن باقمازلردی . چراق  
 اولان قول جنسلری، اسکی سوت نینه‌لر، قوجهیه وارمش  
 صرب دادیلر، چولوق چوجوق، بوغچه‌لرله بورایه اینرلر،  
 هفتله‌لرجه بیر، ایچر، راحت ایدرلردی . بمضاً کیفه، ذوقنه  
 دوشگون محله قاریلری ده کلیردی؛ اوزمان حمام آرافنه کچر،  
 دابروقه، دف چالهرق، مانى او قویوب تورکو سویلیه‌رک  
 کیجه‌لری کچ وقت اکلنجه‌لرله یاپاردق . بودائره‌یه طایا خانم  
 ناظریدی؛ اکثریا کوز یوماردی، اونک ضدینه کیدن برشی  
 واردی: ارکک... هراکلنجه‌یه مساغ ویریردی؛ ایچنده بر احمد،  
 محمد اولماق شرطیه!... عکسی کی بونسزده ایچمزده کیمسه  
 یوقدی . سلامق طرفنده یاناقلری ابرو ابرو، ماوی کوزلو،  
 صیرمه صاچلی کنج، دینج باغچوان جیراقلری چالیشیرکن  
 حرمده کی اون آلتیسنه باصمش آنادولوقیزلری ضبط ایده بیلمک  
 قولای برایش دکلدی . طایا خانم ساده اونلردن دکل، اولک  
 بکلرندن ده قیزلری قورومق مجبوریتده‌یدی . ذاتاً اونلر بوکا  
 جان آمارلر، اولک بکلرینه سورونه بیلمک ایچون قابل اولسه

کجه یاریلری یاتاقلردن چیقوب سلاملقدن کلن یولده ،  
 قارا کلقدن بکلرلردی . هر قیز ، بری سلاملقدن کی اوشاقلردن ، بری ده  
 اوده کی بکلردن ایکی کیشی به محقق کوز قویاردی . بو ، آیری  
 آیری مسئلهلردی . بری شرف ، موقع ، مراق ایچوندی . او بری  
 حرص ، احتیاج ، بعضاًده ازدواج ایچوندی . اواسکی خلیق  
 دوری نیم قوناغه کلدیکم صرملرده آرتق بسبتون کچمشدی ؛  
 شیمدی حرم یالکز آنادولو وروم قیزلری آئندهیدی ؛ پایتاق  
 یاخود آبول لوبود برطاقم ییچمسز ، اندامسز قیزلر . هیچ ری  
 چوق کوزل دکلدی . لکن هیچ برینهده چوق چیرکین دینه مزیدی .  
 صیجاق قانی ، یوموشاق آتلی ، حرصلی باقیدشلی یاری حیوان  
 مخلوقلردی . ایشدن قورتولوب باش باشه ویرنجه ساده ارکک  
 لافی ایدرلر ، یاخود کیرلی آشیجی ایسقامیللریله فال آچارلردی ؛  
 هپسنگ برده سودیکی تورکو واردی ؛ بونی یانیق یورده کله  
 صیزلایه صیزلایه سویلرلر ، ایچلرنده کی آتشی دوکرلردی . هفته ده  
 بر ، اولک نمزلک کونیدی ؛ طاوان سوپورکهری ، لکینلر ، تخمه  
 بزلی ، تل وقیل فورچلر ، حق آرینلر ، طوز روحلری ...  
 بومهم بر حاضرلقدی ؛ بوتون قیزلر باشلرنده تلبندلر ، دیزلرنده  
 ایش شالوارلری چپلاق آیق قوناغه یاییلرلر ، بوتون اشیایی  
 یرندن اویناتوب صفه لر طاش-ییه رق بول صوایله هر طرفی  
 شاقیر شاقیر ییقلرلر ، اووارلر ، قورولارلردی . آفتنامه خفیف  
 بر ایصلاق تحته قوقوسیه او تر تیز یوزه کولردی . تنفسی قولای ،  
 توزسز ، طاتلی برهوا انسانک جکرلرینه دولاردی . ایصلاق ،  
 چپلاق ، بورغونلق هپسنگ یورده کلرینی جوش-دورذیغندن

اودالردن تخمه غیجیردیلهینه قاریشمش یانیق تورکو سسلری  
کلیردی. صوکره چاشیر کونی واردی. بو، دها یوروجی،  
فقطدها نشئلی، دها شوقلی اولوردی؛ هپسی کوپوکلر ایچنده  
یاری عربان کوله قاتيله شاقلا شیرلر، چومهلمش ایش کورورکنی  
بربرلرینی ایتدویره رک، یاخود چیمدیگله رک قهقهه لر، فریادلر  
ایچنده آقشامی ایدرلردی. حمام کونی ساکن، سس سزچردی؛  
ساعتلرجه ایچریده قالب خاسلاندقنلردن چیقارچیماز، کیجه،  
همان یاناقلرینه کیروب او یورلردی.

ایککنجی قانده مسافر اودالری، سالونلر واردی؛ یورورکن  
آویزه لرک چینیغیردادینی بویوک صفه لرده کار قدیم بوی ساعتلی  
وقت وقت خرخرملی وبا شاقراق سسلره نوترلر، انسانک  
ایچنه حزن ویرن تیق قاقلرله کیجه لری اوی جانلی واوبقوسز  
بکلرلردی. بوقات هیچ بوش قلماز، مسافرک آرقه سی  
آلبمازدی. قاپانیق اودالری تول، موشامبه، قاش برده لر،  
صیق قفسلر لوش ایدر؛ آغیر، بطال قدیفه قولتوقلرله  
شال سدی رلر طبقه باصه دولدورور، قارپوزلی قوجه مان لامبه لرله  
یازی چرچومه لری مناسبتسزجه سوسلردی. بوراده دائمی  
برمسافر رسم کچیدی یا ییلیردی. ظرفلی فنجانلردن قهوه لر  
ویرلر، الماس تراش بارداقلرله شربت لر کتیرلر، هرکسی  
درجه سنه کوره سس سز، پیتیردیسز تشریفاتله آغیرلارلردی.  
بونک خارچنده قوناعک دائمی مسافرلری، بزلر واردق.  
کیمی مز بویوک خانم افندی به منسوبدک، کیمی مزده کوچوک  
خانملره... وقتمز می منسوب اولایغمز کیمسه نک یاننده،



دیزینك اوجنده كچیریر ، دردینه اورتاق اولور ، کیفی  
قوللاردق . دها یوقاروده پاشا اقدینك ، داماد بكك ، کریمه  
خانلرك ، کوچوك بکلرك دائرملری واردی . بونلر ذوقلرینه  
کوره ، ایسته دکلری بجمیده دوشه نمشدی . تکیه کبی پوستلی  
پوسته کیلی ، مکه ، مدینه رسملی ، بوی پرده لی ، یشیل قابو -  
لیسندن طوتده آمریقا یارینخانلر ، ونوس هیکللی ، فرنك  
کوسته ریشلی سوك موداسنه قدر ...

سلاماق طرفنده اوشاقلر همان همان عینی حیاتی کچیریلر ،  
کندیلرینه کوره پوطورلی ، صاریقلی برچوق مسافرلرله ییوب  
ایچوب حشر ، نشر اولورلردی . باغچوانلره بارلی ، اشقودره لی  
همشهریلری کلیر ، کمنچه کبی برچالغیله کیجه صباحی ایدرلردی .  
آناه دلالیلر قوال و ساز چالارلری . اوده اك آز دوران  
آشچیلردی ، طابالار ویریلر ویریلر ، هپسی قهوه لرینه  
چکیلرلر ، کیجه نك یاریسنی اوراده حیقاریرلردی . بز ، بضا ،  
اوج قیز برلشوب ، اکلنجه اولسون دییه ، قارانلقده  
حمام دامنه چیقار ، اورادن قغوشی سیر ایدردك . عکسی کبی  
باغچوانلرك اوداسندن یالکیز برینجردی کوره بیلیر ، اونیده  
یرتیق یرتیق بر پرده لیه اکثریا اورتولش بولور ، یالکیز ایچریدن  
جاللی وتورکو سسلری ، یاخودده میریلتیلر دوباردق . اوشاقلرك  
اوداسنده چوق وقت مالک آغانك برکورد بکی حشمتیله گوشه -  
یه قورولش ، تسبیح چکرك او بوقلادیغنی کوروردك . او بر  
اوشاقلر یاسنده نمراحت اوطورا بیلیرلر ، نه اکلنه بیلیرلردی .  
بزم اصیل خوشمزه کلن ایکنجی قانده کی مسافر اوداسیده .

یا تانلر همان هر زمان پرده لری ایند در مینی اونوتورلر ، اوله  
کوزیمزك اوکنده صویونه رق بزی نخف نخف حاللریله فقییر  
فقییر کولورورلردی .

طبیقی حرمده کی کبی سلاملقدهده دائمی مسافرلر واردی .  
باشانك عقاعد خوجاسی عبدالسلام افندی ، داماد بكك ، فتوری  
نسیم بك ، احسان بكك دالقاووغی ماهر بك ، ولید بكك  
جسماسیتك معلمی طاهر افندی . . بونلر، اللهك كونی قوناقدہ  
ویا بالیده عمر کچررلردی . هپسی آیری طبیعتده ، غریب خویلو  
آداملردی . بر آراده هپچ اوطورمارلر ، عادتا دارغین کبی  
یاشارلردی .

... ایچمزده ائک زحمتسزی ، ائک سس سزی والکائی خویلو سی  
پاشا ایدی . اونك یالکیز بر مرقی واردی : ساعت ... هر زمان  
اوطوردینی اوداسنده قیمیلداغنه یر قلاماشدی ؛ دیوارلر ،  
ماعرلر ، چیقاره طابالاری ، هر گوشه ، هر طرف ساعت  
ایچنده یدی ، غوغوقایسی ، چاغایسی ، تور کولوسی ، بارومتره ایسی ،  
چشمه ایسی ، ششمندوفر ایسی ساعت باشی کلنجه هپ بردن  
چالغنه ، چینلامغه باشلارلردی . هر بری آیری سسله ایشلهین  
اینجه نازین ما کنهلردن اوداده سیکیرلری اویوشدیران بر غریب  
چیتیردی چیقاردی . او ، بونلرک آراسنه صوقولور ، نمون ،  
مسترخ ، اولیا چایی سی باخنامه سی اوقوردی . نهایی یورکلی  
آدامدی .. ذاتا یوزینی بایراملرده ، قندیللرده اتمکنی اوپك  
صیرایی کلنجه کوره بیلیرك . نظارتدن دوئجه یالکیز البسه سی

ده کیشدیرمک ، برده یاتمق ایچون حرمه کیرردی ؛ بوش  
وقتی ساعتخانه سنده ، زمانک چوغنی ده دولوب بوشالان  
مسافرلرینک یاننده کچیرردی . قونوشمازدی ، قیزمادی ،  
خسته لانازدی . هپ . اوردنک البدسه کیر ، عینی گله لرله کندینه  
مخصوص برطرزده لاقیردی سویلر . مثلا :

— برصو آلبو ریکز !

دیردی . « صو ویرک ! » دیمزدی . « آرابه بی حاضر لاییکز ! »  
یاخود « قوشو کز ! » یرینه ده :

— آرابانی چیقاریکز !

دیردی . ذاتا ایشته بویله اوندی قوللانه بیله جکی یکریمی  
اوتوز جمله سی وار ایدی . مسافرلرینی ساده دیکلردی .  
« اوت ، ویا ، خایر ، دیدیکی بیله نادردی . فقط قونوشمادی  
حالده ینه نازک ، کبار دورمغه ، هر کسی ممنون ایتکه موفق  
اولوردی . اصل بوکا شاشاردق ... پادشاهک اک سه وودی  
ناظرلردن بریدی ؛ اوکا : « خوجام ! » دییه خطاب ایدر ،  
آرقه سی سیوارمش . بونی بربریمزه افتخارله فیصلدار ،  
سه وینیردک . بوینه نشان ، رتبه ، عطیه آلیردی ؛ اوکونلرده  
تبریکه کلن مسافرلر اودالردن طیشاری طاشار ، قابولردن  
دوکولوردی . فقط پاشا اطرافنده اولان بیتن ایشلره لاقید ،  
ینه اوبله دورغون ، سکوتی کوشه سنبده اوطورور ، بوش  
وقت بولونجه همان ساعتخانه سنه جان آتار ، سیاحتنامه سنه  
قاپانیردی . نه قالدینه کوزی واردی . نه مسنده ... ساعتلرینه  
عاشقدی ؛ دنیانک هر طرفندن آدملر کلیر ، « بره که » لر ؛

« لورووا ، لر ، « پریول ، لر کوسترلر ، الماس بهاسنه ساتارلردی . رد ایدمزدی ؛ یاتغین ، اوبوشوق یورده کی یالکیز ساعتلرک قارشیننده آجیلردی . برده نادر آجانی راقی وساز ایستر ، حرمه کچر ، بویوک صالونده ، قارشیننده مدد خانملر ، طایا قادینلر ، ایکی ، اوچ ساعت قدر وقت کچیردی . ایچدیکی راقی ایکی یوکسوک طولدورمازدی ؛ اوکنه کیلار . جینک چیقاردینی آلی تورلو مزه دن ده یالکیز اوچ ، درت زیتون آلردی .

موجودیتنی ٹوکسور وکیلر ، آقصریضیلر بیلر دویورمین بو آدمدن محفدرکه هیمز چه کینیر ، اورکه ردک . جام قاونوزده یاللیق کچی سس سز ، پتیردیسز ؛ بولندینی اودادن بیلر بی خبر پاشادینی حالده ینه « یاشا نه دیر ؛ نه دوشونور ؛ نه یاپار ؛ نه دییه اوزولور ، مراقه دوشردک ، حالوکه او ، نه برشی دیر ، نه برشی دوشونور ، نه ده برشی یاپاردی ! کز مه دیکی ولایت ، کورم دیکی ایش ، صوقولمادینی مجلس قلاماشدی . ناصل اولیورده آلتش سنه درک اوافق مأموریتلردن اک بویوکنه قدر آدیم آدیم ، باصاماق باصاماق چیقمش ، قصبه قصبه دائره دائره روم ایلیسنی ، آنادولیسنی دولاشمش اولان بر آدم آکلانه جق سوز بولا . میور ، کندینی کوستره میور ، صولوق آلمغه قورقور ، ینه ده بویله مهم برنظار تده دورویور ، به کینیلیوردی . بونی آکلامق قابل دکلدی . غالباً او ، هیچ ایش یامامق ، هیچ سوزو قارینجامق و هیچ ایاریله مکه چالیشماقله بو موقی بولمش ، شو اوچ فضیلتیه اوکنده کی خانلاری آشمش و آنلامشدی . کوچوک



یا خندان بری اطرافنده کیلره سس سز ، اویوشوق و روحسز  
طبیعیله هیچ بر قورقو ، قیصقاجلاق ویرمه مشدی ؛ بناء علیه  
آنکلسز ، کوسته کسز یورومش ، اتکندن کیمسه چکمه دیکندن  
قولایجه یوکسلمشدی . اونه اولسه ، نه مقاملره کچسه برشی  
اولش ، بویومش ، ایلرله مش حسنی کیمسه یه ویرمیوردی .  
خلاصه رنگسز ، قوقوسز ، خاصه سز براسی دور وز بریدی .  
بلکه ملکته فائده سی هیچ اولما مشدی ؛ فقط محقق که الاوافق  
بر ضرری بیله دوقومامشدی ...

هیچ عقمندن چیمماز ، دارالمعلمانی بیتیردیکم سنیدی ؛  
شهادتنامه می قوناغه کوتوردم ؛ خاتم اقدی بنی پاشانک یانه  
چیقاردی ، ساعتخانه سنده اوقومقله مشغولدی . بن همان آنکینه  
واردم ؛ کری کری چکیلوب تا قابونک یاننده دوردم . هیچ  
لاقیردی سوبله مادی ، یوزیمده باقیوردی .. دهرین دهرین ،  
کدرلی کدرلی دوشونویوردی ؛ زوالی آدمی فنا حلاله صیقمشدم ؛  
بونی دوشوندکجه بن قیزاریوردم ، ترلییوردم ، اوداده ده یالکیز-  
دق .. چیقماق ایستیوردم ، فقط بروسيله ، بهانه لازمیدی ،  
مادام که بر دفعه دورممشدم ، أمر ویرمه نیجه چیقما مازدم ..  
نه یاپه جقدم ؛ سیکیرلرم که وشه مشدی ؛ ایچین ایچین قاینادیغم  
کنجلاک ، کوزمللک ، هوا نیلک زمانمادی ده .. پاشا حالا سن سز ،  
حرکتسز دورویور ، دوشونویور ، شو و وضعیتدن قورتولاق  
ایچون عقلی قافاسنک ایچنده ، محقق ، اوکسه یه طوتولش بر  
سرجه کی جابالییور ، فقط موفق اولامیوردی . دیرکن کوشه دن  
برخیریلتی قوبیدی ، صوکره :

— غوغوق ! غوغوق ! غوغوق !

دیه برسس چقدی ، صانکه او بر ساعتلر هپ بردن  
 بواشارتی بکلورلردی ؛ بواوداده ساعت باشنه تحمل ایتک  
 ایچون انسان پاشا قدر دونوق ، اوبوشوق ، سیکیرسز اولمالیدی ! ..  
 هپسی کندی اصوللرند بر آواز « چین چین ! » ثوتیورلر ،  
 شریلر سویلیورلر ، تقلیدلر یاییورلردی . کیمی واپور کی  
 ثوتدی ، کیمی « اسکداره کیدر کن آلدی ده بریاغمور » تور کیم  
 چاغردی ، کیمی زیبک هواسی چالدی ... کیمی کلیسا چانی  
 کی اودابی ماتلی سسلرله دولدوردی ، کیمی صوچی چینغراخی  
 کی اطرافه نشئلر سرپدی ... دیشلریمی صیقدم ، دوداغمی  
 ایصیردم ؛ کوله مک ایچون علقمدن فنا احتماللر کچیره رک یوردم  
 چاربه چاربه بو غریب موسیقینک صوکنی بکله یوردم . نه دن  
 صکره هپسی صوصدی . یورودم ، تکرار یاشانک ایتکینه واردم .  
 نام بو صیراده عیاری کجیکمش بر چالغلی ساعت : « ای ولی  
 نعمت .. الخ ، دیه حمیده مارشنه باشلاماسینمی ؟ آرتق کندی  
 کندیمه حاکم اولامادم ؛ بردفعه :

— های !

دیدم ؛ قائمک دامارلرمده بوز کسیدیکنی دویدم . کندیمی  
 غیب ایتشم ؛ « امتحانلره چوق چالیشدی ده اوندن دوشوب  
 دوشوب باییلیور ! » ی قوندوردیلر ؛ پاشا ایرته سی کونی بکا  
 بر آلتون قلم کوندردی ، لاقیردی سویله مکدنسه هدیه ویرمکی  
 ترجیح ایتشدی ؛ فناده یامامشدی .

مشروطیتک اعلانی اوزه رینه پاشا یکی قاینه یه کیردی .

اوکا کیمسه حقارت ایتدی ؛ حق بر سوز بيله چیتمشدی :  
اونلردنمش ... ایشته بوکا اینانامازدم . فقط اعیان اعضاغمه  
تعبین ایدیلنجه بنمده شهبهم چوغالیدی ، ایکی کله بی بر آردیه  
کتیروب سویله ملک خاصه سندن محروم اولان بویتمشک آدم  
یکی اداره ده نه یاپه بیلیدی ؟ ... بر معتاد برشی یاپمادی ، بر کله  
سویله مدی . فقط طرفدار و مخالف بوتون فرقه لرك ، بوتون  
ملک حرمت و تجلی ایچنده برکون ، حیاتنده ، ایلک دفعه  
اوله رق خسته لاندی و هفته سنده ذاکه لر نه دن وفات ایتدی .  
اولیا کی بر ذاتدی ...

... قوناق صاحب لری ایچنده اوندن صوکره بو یوک خام افندی بی ،  
یعنی پاشانک قان والدہ سی سه وردک ؛ فقط بن کنیدی سی آنجق  
چو جو قلغمده ، ایکی ، اوچ سنه کورم بیلیم ، دو قسانی کچکین  
برقادیندی ؛ کوز بی سورمه سز بر اقمازدی . گوشه سنده سوسلو ،  
اعتالی ، تی تیز و مستهزی تریمز بر او طوره شی واردی که دنیانک  
خوشنه کیمردی . موسسه کوره یا غایت انجه مصر کتفندن  
یا خود شام قماشندن آنتاریلر کیر ، بلنه دایما شال قوشاق باغلاز ،  
بویندن مینه لی قوردوتی کچروب ساعتی ده کوکسنگ یانندی  
مین مینی جیبه قویاردی . اسکی صدر اعظم لردن برینک قیزیمش ؛  
باباسندن خزینہ لر قالمش ، فقط بو یارایی حمام نا طیر لری ، چنکی  
قوللریله وور یا طلاسین ، چال اویناسین ییمین بیتیر مشدی .  
طایا خام بعضاً تی تیز لکندن بیقاردی ده آشاغی اینر ، خدمتجیلره  
بواسکی ماجراسی من الاول الی الآخر آکلایردی :

— بیلمزسیکز اونه مالدر! بر زمانلر استانبولده صافه  
 قاضی به صورسهك شهرتی بیایردی. رقیه خانم افندی، طونه  
 والیسنك قیزی... پارماقه کوسترلردی. چنگانه قیزلرینه آووج  
 آووج اینجیلر صاچار، نعره بی باصدیفی زمان جاملری  
 شانغیردانیردی؛ او قندیللیده کی یالی یوقی؟ عجبا شیمدی  
 بر اقبالمی کوروپور؟ یدی کون یدی کیجه برته وییه ضیافت  
 چکلیر، داغلر دونایر، دریالر طوتوشور، قیامتلقو باردی..  
 او قتلر مشهور چنی قوللری واردی، بنده دوکونتوسنه  
 یتشدم یا! آفتك قولى، بنلى خدیجهك قولى، بیکنه ازك  
 قولى.. هایاهالر، عرب اویونلری، کیمجیلر، حلواجیلر،  
 دهانه لر! بر کائجی شهرت واردی، کاتئی آدام کی قونوشدو.  
 رردی. ایشته رقیه خانم افندی اولانی یتنی بوقورو چنگانه  
 قادیسنه یدیردی؛ اونك طاقندن چنکی سزایی، بونی، کورمه.  
 لیدیکز، عجبا بایبیه بایبیه کیتدیکیکز پروزلرك، شامراملرك  
 یوزینه بردها باقارمیدیکز...

آطلس شالواری، صیرمه لی جبکئی، هنداییکندن تیریل تیریل  
 کوملکیله آلتونلرایچنده اورتیه بر آتیلیر، اویله آقار، اویله ترمه،  
 اویله چالغانیردی که، آمانام، وورو لمایان قالمازدی؛ دفلردو کولور،  
 کائلر ایکلهر، سیرجیلر هایقیرر؛ برجوشغونلق، برطاشغینلق،  
 بر حال که دنیا امثالنی بردها کورمه مش.. بوتون اودعوتلی  
 خانم افندیلر، شیخ الاسلام، قاضیه سکر حرملری قزك باشندن  
 آشاغی لیرالر سر برلر، آلتنه بشی بر یرده لر یاپیشدیرلردی.  
 اوللری دهانه لرده اولورمش؛ قیصقانیلر، بر برلرینك ایلرندن



المغهده چالیشیرلر ، بو اوغورده زور باکی دوکوشورلر ،  
ووروشورلر مش . . ایشته بویوک خام افندی او عالمدن یتشمه در ؛  
کور میور میسکز ؛ حالا طرافنده بونی مندیلی سوزوک ، آلاچی  
برسورو صوئوق نوالر . . دنیا ایله اکلنیرلر ، کندیلرندن  
بشقه بوتون قادینلرک عندرلنده بر متالک دگری یوقدر ؛ ایله  
رقیه خانم افندی طورونلریله ، کلنلریله بیله آچی آچی بر آلا  
ایدر ، آدمی ییلان کی بر صوقار ، زهرلرکه اولماز . . . ایله  
طوق سوزلیدر او . . .

وقیله بویله بوغاز ایچی عالمربنه شان سالان ، استانبولی  
چین چین ئوتدورن او یامان قادیندن شمدی که وشک ، یوماق  
کی او قاجیجق ، یوموشاق ، تمیزجه جک بر وجود قالمشدی ؛  
نورلی ، سهویمی بر یوز ، سوز کون جانلی کوزلر ، دورولش  
بر یورده . . . اولک ایچنده هر کس اونی سهوردی ؛ حالا هدیه  
مراقندن ده واز کچمه مشدی . صدوقلرندن اسکی ایش قیمتی  
تذنه لر ، او یالر ، کوموش ایشلمه لی خاولولر ، چوره لر چیقاردر ،  
کوجوک بر خدمتمز دوقونسه محقق بونلردن برینی المزه  
صوقوشدوروردی . ملاحام کونی کندیسی بیقایان خدمتچی به  
دائما مندیل اوجنه باغلانمش بر چاریک لیرا ویرمه سی عادت  
ایتمشدی . بایراملرده بوهر کسه هدیه سیدی ؛ قرق مندیل و قرق  
لیرا چاریکی یصدیغنک آلتنده حاضر دوروردی ، اولخقنه بر  
برر ویرردی . ذاتا ، حالا ، یالیرا قوللانیردی ، یاخودده  
کوموش یوزلک وغر و شلق . . . مجیده ایله چاریکله غرضدی ،  
آنی سورمردی ، ظریف ، اینجه ، کبار بر قادیندی . . . ماضیسنک

کولکه ولسک سندن صوڪ کونلرنده يوزينه هيچ بر نشانه  
وورمامشدى ؛ بالعكس كيتدكجه طبعق ايله شيور، سيمايى  
كوزله شيوردى ؛ بر بچق سنه قدر خسته ياتدى ، نه سى وار ، نه سى  
يوقسه كندينه باقان بر اُسكى خالايفه باغشلا دقن صكره چوق  
ذوقى كوروب اقبالى سورديكى بودنيايه قانش وماله ، ملكه  
دويمس بر حالده كوزلرني يومدى . همز كونلرجه آغلادق ،  
ماتنى طوندق .

... قيزى دل آرا خانم ، باشانك حرمى ، شانلى شهرتلى تام  
برخانم افندى ايدى . بكتاشيلغندن بشقه برقصورى يوقدى .  
جوارده كى خراب برتكيه يي يكيدن احيا ايتدى ؛ بنم بيله  
خاطر مده در ، نه قدر زماندر قابوسنى آجان قالمامشدى ؛ ايزبه  
بر محله آراسنده ، چيتله نيك آغاجلرينه كومولو ، طافلانلر ،  
صارماشيقلرله ثورتوماش قورقونچ يوزلو برينا ايدى ؛ ييقيق  
دامندن ايجرى يه بارچه بارچه كونس وورور ، خراب چرچوبه -  
لرندن قومرولر كيرر ، قووقلرنده چوجوقلر صاقلاماج  
اويناردى بابا افندى كنارده كى آبرى برأوده منزوى اوطورور ،  
تعميرينه پاره بولامادىنى دركاهنك هرقيش - كنديسى كى -  
برازدها چوكديكى كوره رك توزولوردى . نهايت خانم افندى  
مرديون كويندن بركون يكي بر حرارت وهيجانله كلدى .  
تكيه يي قورنارمغه قرار ويرمشدى ؛ همان قالفلر ، دولكلرلر  
ئوشوشديلر ، كيره جلر ، كرسه تلر طاشيىندى ؛ بر فعاليتدر  
كيدىوردى . انقاص حالى بولمش اولان اوبنا آزمان ايجنده

بویالی ، بادانالی ، یپ یکی میدانہ جیقدی . ایچی باشند آشاغی  
دوشہندی ؛ اوقافدن طعامیہ لر تخصیص ایدلدی ؛ محباربولوندی ؛  
خلاصہ شہنلندی ، شرفلندی . خام افندی اک اوافق مشکلی  
کیدر بابا افندیدن صوراردی ؛ اک اہمیتسز بردردی اولسہ بابا  
افندی بہ آچاردی ؛ اوغللرندن اوکا شکایت ایدردی ؛ قیزلرینہ  
اونککہ نصیحت ویردیرردی ؛ قوناغک ایجلی طیشلی بتون  
اسرارینہ بابا افندی واقفدی . ذاتاً دل آرا خام افندی تکہ  
مداوملرندن بشقہ سیلہ دوست اولاماز ، بکتاشی عائلہ لردن  
بشقہ سیلہ صقی فبقی قونوشامازدی . فقط ہر کسہ معاملہ سی  
کباردی ؛ وکلا حرم لکنی ، اللہ ایچون ، برسلطان کبی ، قصورسز ،  
نقصانسز ، آنادن طوغمہ برزاکت واصلتہ ادارہ ایدر ،  
ہر پردہ آدی حرمتلہ ، محبتلہ آکیلردی . کلن زیارتچی خانملری  
قوجہ لرینک موقع ورتبہ لرینہ کورہ بوی بوی ، درجہ درجہ  
برقارشیلاییشی ، حال وخاطر صوروشی واردی کورولہ جک  
شیدی ... کافی نک آنامی مدد خام قارشیسہندہ اوطورور ،  
متمادیا خام افندی بہ جیغارہ یاپاردی . تکیہ بہ برابر کیدرلر ،  
برابر لزلرلر ، حق بایراملردہ سرای زیارتی برابر یاپارلردی .  
آقشاملری بعضاً پیانویہ برمسافر خام کچر ، عودی بن آلیرم ،  
مدد خام دف چالار ، کافی دہ سرایدن چیمہ برچرکس قیز  
واردی ، اوکا ویریز ، کوچوک برساز یاپاردق . خام افندی  
بویلہ اقشاملردہ آطلس پاراوانہ پی سپر ایدہ رک ، یاری کیزی  
برقاج قدح آتاردی .

دل ارا خام افندینک ، چوق یازیق کہ ، کوزل دہنہ جک

بر طرفی یوقدی؛ چیقینیسز، قبار یقسز یام یاصی قورو و جوی  
 انسانه هیچ بر اشتها ویرمز، بو بر دری بر کیکدن یاییلمش  
 قادین کوزی دویورماز، آلداتمازدی. یوزی دورو بیاض،  
 کوزلری آلتون صاریسی، صاچلری یموشاق واوزون اولماسنه  
 نظراً کوزل صاییلمالیدی، لکن، آدی چیرکینه چیقمشدی؛  
 حقیقه انسانه چیرکینلک تأثیری یاباردی. لکن بو چیرکینلک  
 اوستنده برطوری، معامله سی، نه دییهیم، اصیلانه براو طوروب  
 قالقیشی، لاقیردی ایدیشی واردی، سیر ایدیله جک برشیدی..  
 قوناغه یکی وکلا حرملری، مابینچی قاریلری، جد بجد خاندان  
 هائله لر کلدیکی زمان بیله اونلر نه قدر کوزل، کوس قریشلی،  
 حشمتلی و دبده لی اولسه لر ینه بزم خاتم افندیکنک طوریشی  
 آلامازلر، بونی تقلیده اوزه نسه لر بیله یابامازلردی. یابانچی  
 یرلرده، طایمیان قافه لر و قیزلر، دوشرو، اولا اوکا قهوه  
 ویرلر، اونی آتکلرلردی. خدمتچی و اوشاق صنفه درحار،  
 موقعی دویورور، یوکسکلکی آکلاتیردی. هیچ شبهه یوق که  
 اوزمانکی دورده فیکری باشانک حرمی، خاتم افندیکی تمثیل  
 ایدن یگاهه قادیندی. زیرا بنم کندی طایمغه باشلادیغم زماندن  
 صوکره آسی وکلا حرماسکده اویوکسکلک، اواحتشام قالممغه  
 باشلامشدی. بر طاقم آخرتک پوزونتولری یاخود، اصناف  
 قیزلری ناظر، مابینچی حرمی اولوب شیلیق قیافتلر، محله  
 ادا لریله موقعک قدرینی دوشورمشلر، سرایده خار جک نفوذینی  
 قیرمشلردی.



... قوناغك اڭ عجائب آدمى ، تحمل ايدىلز بربلاسى  
 داماد بىكدى. آمان يارنى ، بونە ماسقارا ، نەمخون بر حريفدى...  
 كوروجىلك ، سوز كىسمە ، نىكاح ، دوكون ھې اسى اصولدە ،  
 غىنىيە موافق بر طرز دە ، يىلدىز بارىش قىلغى ، نىكاھدن كرامت  
 بىكلەنەرك توكلات على الله يايىلدى. دامادك پدىرى باب مشىختە ،  
 جوق مەھم بر موقەدە و قىزمىسكەر رتبە سەندەيدى . اسكى روس  
 محارەبە سەندە قىزانلقنى ، تانار بازار جەندى ، اويلە بر ىردن  
 باشە بر آرشون سالاشبور دولايوب كەش ، مدرسە مدرسە  
 خوجا ابرىكى دولدوردقن ، ھىكە ولايچىن طاشيدقن سوكرە  
 كرسى شىخلىكسەن درجە درجە يوكسەلمەشدى . سوكرە بر  
 وسىلە جەقمەش ، پادشاھك آراپە سەك آلتەمى آنىلەش ، يوقسە  
 باشە بش اون كىشى طوبلايوب جەمە سالامقەدە قەصيدەمى  
 او قومەش ، ايشە بويلە بر عارسزلقە پادشاھە سوقولەش ، آز  
 زماندە نفوذى شىخ الاسلامى بىلە قورقوتە جوق درجە بى بولمەشدى .  
 اسحق بك ايشە بو صوفىلەك اوغلىدى . نە كور كوسز ، نە طادى  
 يە تەشمەشدى... كوياملىكىەن ، حقوقن ماذوندى ، كويابالىنىك  
 اڭ مەھم قەلمەندە باش كاتەبى ، فقط بر ھمال ، بر لوستراچى ،  
 بر لوتارياچى قدر بىلە تربىيەسى يوقىدى . ذاتا اولرندە الا آن  
 سىنى دە ، بر سو فراسەندە يەك يورلر ، حاصىرلى اوطەلر دە ، مانغال  
 باجاقلىرىنىك آراسەندە يارى مھاجر كې اوطورەرق قادىنلرى  
 حالا اوجقورلى چارشاف كىيىورلر ، ار كەكلىرى ياندن لاستىكىلى  
 چەكمە فوطىندىن بىشەقەسى بىلە يورلردى . عادى ، بىاغى شىلردى !  
 بارى كوزل ، شانلى بر جوجوق اولسەيدى ... بو دە دكل !

یاری جوروڪ آباو رنڪنده لکلی، وکری بر یوزی و آجیق  
یشیل کیریگسز، بیلان باقیشلی، اوفاجق کورلری واردی؛  
سهرهك، صولوق، چالیمسز صاجلرینی ما کنه ایله کسیدرر،  
فسفی قولاقلرینه قدر کچیرردی. میدانده قالان قیلیمسز فضله  
بیاض، ایکی بوکلوم آکسه سفی شیمیدی خاطر لیورمده وجودمه  
صوئوق بر نوررمه عارض اولوبور؛ بلکه نو دامه چبرکین  
دینه مزیدی، سقطی یوقدی، علق یوقدی، فقط طوباللری،  
ورملری اوکا ترجیح ایدردم. بکا صوقولوق، سورتونمک  
آرزوسی هیچ ویرمیوردی؛ حالبوکه بکده مشکل پسند برقیز  
دکلم؛ خدمتچیلر آراسنده بیله اونی خوش کورن ذاتا یوقدی.  
دمیری مقناطیس ناصل چکرسه، اوشدته، اونک عکسی  
بر خاصه ایله انسانی کندندن ایترا، اونه اته آتار، یانسه صوققاردی.  
دها ایلک کونی قاییدن ایجری چارپولمش، قیوریلش، سونه په  
بر طورله کیرجه هب کدرلندک؛ برقولتوغی اداره ایدمه مدی.  
هر طرفه چارپیدی، نه صاغی بیلدی، نه صولوق بولدی،  
راست کله، سنده لیه صارصیله مر دیوندن برجیقدی، دنیا په  
شاشقینلق چوکیدی. ایله دل آرا خاتم افندی تا یوره دندن  
وورولدی. او، اخلاق بوزو قلعنی، خویشلنی، چیرکینلنی،  
بوتون قصورلری عفو ایدردی؛ لکن دوشوکلنی، عایدلنی،  
محله طورینی بر درلو چکه مزیدی؛ بر انسان سفیه اولسون،  
رزیل اولسون، چالیمسز، دولاندیرسین، خلاصه شرنندن،  
بلاسنندن بدی محله شکایت کتیرسین، شاید اطواری کبار،  
دوروننی چالیملی و کوستریشلیسه نظریده فنا آدام صایلمه ازدی.

قصور لرینی، قباح لرینی، حتی جنایت ایشله سه اونی بيله ثورتمک، معذور کورمک چالاردی .

اسحق بك آخر عمرينك انك بويوك دردی ، عادتاً فلاکتی اولدی . حقیقهٔ بو آدام ده هیچ سنلک کورمه مش ، یاشاماسنی هیچ اوکرمه مش ، هودوک ، چاچاول بر مخلوقدی . قهوه ایچرکن قنجانی ایگری طوتار ، قنیه لری لبک لر دی ؛ همان بر بز صابونلایوب سیلمک قوشاردق . سالوندن کچرکن وازولره چارپار ، ماصه لری صارصار ، ساقسیلری ده و برردی ؛ آرقه سندن قیریق پارچه لر طویلاردق ؛ آراهه قوللانغه قالقاردی ، آقشامه یا دینکیلی سقطلانمش کلیردی ، یا تکرلک پارالانمش . . آته بیغردی ، خندکلره ساپلانیر ، بار کیرک دیز قاقاقلرینی آچاردی . . . اصل کوروله جک ، سیر ایديله جک حالی بیکده ایدی ؛ بهضاً راحتسزلانیردی ده حرمده ییردی . او نه عجمیجه او نه بایاغی اوطوروشدی ؛ ده اچال و بیجاغی طوتماسنه الی یاتمامشدی ؛ ایکده بر دوشو وردی ؛ ماصه دن درت قاریش اوته ده ، یانپوری دورور ، هاولوسنک بر اوجی طاباغنه صیقیشدیرر ، او بر اوحنی غیرتلاغندن بر بر اوکلکی کبی صیقیجه کچیرردی . ایچنه اکمک دوغرابه رق هو هلیه ثوفوره شاپیر شاپیر ، قاشیق دولوسی بر جور با ایچیشی واردی ، بوتون صوفرا خلقنک سیکیرلرینی اویناتیردی . دوکه ، صاچه ، عچه ، عجله ، بر لزومسز ایش یاپار ، بر اقماریه صاوار کبی چکی مر کسدن آل بیتیرر ؛ قوجانان بر :

چکد کدن سوکره ییلان کبی قایه رق یان قابودن اوداسنه  
چکیلردی . باش مراقی دیندارلقدی؛ روم خدمتجیلره مسلط  
اولور ، اهدایه تشویق ایدردی؛ حق بعضیلرینه یاری یاری به  
موفقده اولمشدی؛ همان قاتینایی فاطمه بلقیس؛ ماریقایی  
خدیجه ام کلثوم کبی اسملره چه ویرر ، باشلرینه برر یشیل یعنی  
باغلاتیر ، نماز سوره لرینی اوکرتمکه باشلاردی . اُنک باشلیجه  
صحبی دیانتدی؛ طلاقته کلوب جهنمی آکلاتیر ، یوره کمزی  
قورقو ایله دولدورور ، یاخود جنتک مدحنه کیریشیر، کوکلی  
آوتوردی . عربجه قصیده لر، عجمجه غزللر اوقور، دیوانلردن  
اوزون اوزادی به دم وورور ، اسکی طرزده شعرلرده  
یازاردی . برزمان بکا مسلط اولمشدی :

— کل بقالم خوجا خانم !

خطابیله امتحانه چکردی؛ فقط کندی صوروب کندی  
آکلاتیردی . قوناقدی بردن اوقادار قادین ایچنه کیرنجه آدجغز  
چیلغینه دوئمشدی . دوانغون ، ابری وجودلره دوشکوندی؛  
بزم قیزلرده هپ شیشمانجه شیلردی؛ یوزلرینه ییه جک کبی  
باقاردی . یانلردن کچرکن چاریه حق، قوجا قایه جق ظن ایدردک؛  
هیچ بریمز ، نئک باشمزه اونئکه برآورده قلامیوردق . همان  
یرندن فیرویلایوب اوستمزه آتیه جق کبی ایچمزه بر قورقو ،  
بر نوپرمه کلیردی . غایت اخلاقی ، دیندار ، عرض اهلی  
کورونمسنه رغما یئک انی بیلمردک که ایچین ایچین دنیسانک اُنک  
فسا آدمیری کبی دوشونور ، هممزه فنا کوزله ، عادنا  
خیالنده صویوب آچهرق اوپله باقاردی . غایت فصال ، دیدی



قود یجیدی ده ... هر کانی مسافر خانک ناموسندن شه  
کتیریر :

— قالتاغک بری ، یورویشندن بللی ...

یاخود :

— خالص آشفته ، اوستندن آقیور...

کی محله واری سوء ظنلرله دنیایی لیکلر ، کیرله تیردی .  
نظرنده بوتون قادینلر اوکا طوتغون ، یاخود میالیدی ؛ هر کندینه  
چه وریان باقیشی دعوت ، التفات فرض ایدردی :

— ها ، شو معهوده می ؛ طانیرم ، کچن کون بگا ، واپوردن

چیقارکن یلته ندی اما یوز ویرمدم !

طرزنده بر بهتان صاووروردی . زواللی کوچوک خانم  
افندی نه لر چکیوردی ... طانیلماز حاله کلدی کدر یارادی ،  
شیشدی شیشدی کویه دوندی ... فقط چوق عزت  
نفسلیدی ، « بکنمبورم ! » ، دیموردی ؛ هم دوغروسی ، حریفه  
اوزمانک بوتون ناموسلو قیزلری کی — ایلک ارکک اولدینی  
ایچون — فنا طوتولمشدی . خدمتجیلردن ، قومشولردن ، بندن ،  
هر دیشیدن قیصقانیوردی . حق ده واردی ؛ اسحق بکک نظرنده  
اتلی ، جانلی هر قادین همان همان بردی ، مقبولدی . مسلمان  
ایتمک ایچون قارشیسینه آلدینی قیزلری چتره فیل تورکجه لری  
ویاری په لته ک شیوه لریله کله شهادت کتیرمهک باشلادقلری زمان  
داماد بک ده ایچندن ، باییلله آیلله « اشهد .. » دیه ایکلر ،  
حرمی ده بری اوداده « یاصبور ! » چکردی .

نه غریب خویرلی واردی ؛ مثلاً ، بعضاً ، هیچ سببیز

یا قائن پدرینه یا خود قائن والدہ سنہ کوسردی ؛ سلام ویرمن ،  
بولوندقلری اودایہ کیرمن ، آغزینہ اسملرینی آلماز ، ییمکہ اینمز ،  
صومورتغان بر صورتله هفته لرجه اوداسنه قاپانیر ، عمرینی تک  
باشنه ، قهوه آلتیلہ کچیرردی . بویله زماننده اوده هرکس  
بربرینه :

— داماد بکی ینہ بریلر باغلادی !

دیردی . بعضآده برنشئہ سی طوتار ؛ اودالردن اودالره  
قوشوب قائن پدرینی کوکلره اوچورور ، قاینانانی ایرمشلر  
منزلہ سنہ جبقاریر ، قاریسنی قادیئلغک باش تاجی ایدر ، بوتون  
اوخلقنی مدحه باشلاردی . عادی چاشنی ایئی هدیه لر داغیتدینی  
زمانده اولوردی . . . خدمتچیلره جاء بیلہ زیکلر ، بزلره حاجی  
باغ قوقولی بو یارندکلی لوانعلہ لر ، خانم افندیلره دبرہ کلر آراسی  
ملی لدیوه نلر ، بالدیزنہ کلین صہ بی ، قائن برادرلرینہ آلی ،  
کالی بویون ناعلر ، بوقبل بر سورو بایاغی شلر . . . صورہ  
هسچ بوقدن ینہ برکوسکونلکی طومار . اوده ساز یاییلدیغنه  
قنار ، اقی ایچیلدیکنہ کوپورور ، کوچوک بکلک چایسلقلرینہ  
وورولور ، اوداسنه قاپانیردی . اک فنا دوری کورخی قادین  
حرصی بورودیکی زماندی . بز ، هیمز ، درحال باقیشدن ،  
کریشدن بوده کیشکلکک فرقہ وارردق . آشانی قاتہ وسیلہ لر  
بولوب صیق صیق انر ، جنغراعه ایکیده بر باصوب اوداسنه  
معاسز شلر ایچون خدمتچیلری چاغیریر ، قومانی یاخود  
یالی اوزربنه قابولر قبانمش بر قنزعین کدی طوبیلہ کورلری  
جام کی پارلیه رق ، یرتیجی وحشین بر ته وییه دولاشیردی .

اونی بویله ائنگلرینک آردند. آج آج گزدیکی کورونجهده  
قیزلری برقیلوب دوکوله ، بر معالی معالی کولوشمه ، بر  
فینکیرتیک آلیدی .

دوکوندن آلتی آی صوکره ایدی . بر آقشام داماد بک  
قوناغه کلمه دی ؛ اوینسه خبر کوندردک . اورادهده یوقدی ؛  
کوندوزلری دائره سنه کدیور ، فقط کیجهلری نه کندی اوینسه ،  
نهده قوناغه کدیوردی نه یاسوردی ؛ بیلن یوقدی . کوچوک  
خام افندی دوشوب دوشوب مایلدوردی . آرایه دایی بکی  
واسطه قویدیلر ، مدد خانمده آیرجه باش ووردی ، مجذوبانه  
برادا ایله :

— خیر وسلامت بونده در !

دن باشقه جواب آلینامادی . تام قرق کون اسحق بکک  
یوزینی کوره مه دک ؛ قرق برنجی کونی ، آقشامه دوشوب ،  
کویا صباحلین اؤن جیقمش ، هیچ بروقه اولماش کی صالحنه  
صالحنه کلمدی ؛ کندیسنی نمازه ، نیازه ووردی . آئنده تسبیح ،  
جینده قرآن ، بوخی اکیک ، آغزی اوزو حلی اوپله کزیوردی .  
خدمتچیلرله قونوشورکن باشنی قالدیرمیور ، کنه ایشه مکدن  
قورقار کی هپ اوکنه ، یره باقیوردی . توبه استغفار عالنه  
دالمشدی . قاریسنی متهادیا عبادته ، دیانته تشویق ایدیوردی .  
نهایت موفقده اولمشدی . برابرجه ، تره تره ، استاسبولی  
دولاشیورلر ، فقرایه یاره داغیتورلر ، تکبیلرله قربان کونده .  
ریورلر ، مکتبه چوجوق باشلانیدورلر ، خیرات و حسناته عمر  
سوریورلردی . نماز وقتی کلنجه اودایه بربرندن اوچ ، درت

قاریش آرقده ایکی سجاده سه ریلیور ، اوکده کنه اسحق بک  
کچور ، او برینه راغبه خاتم ، فضله سیله ، نافله سیله ساعتلرجه  
عبادت ایندیورلردی . حق هجه کیتمهک بیله قرار ویرلمشدی .  
نام اوصیراده ، برکون اوست قات سالونده داماد بک راست  
کلام ؛ نوبتی طوته حق اولان بردلی کی کوزلری تمامآده کیشمش ،  
دیگله شمش ، یوزینه بر حرص ، وحشت کلشدی . طیبی اسکی  
کونلرنده کی باقیشله بنی ، آنادن دوغمه ، برسوزدی ؛ شویله یان  
جکیلیمکه ، قنیه بی وجودیمه سپر ایتمهک وقت بولامادم . یوانی  
چار بوتدی ، کویا هجله سنندن ، دقتسزلکندن یاییورمش کی  
کلوب تا کوکسمه حالجه سنه چارپدی . کندهی کندهی :

— الوداع نمازه ، نیسازه ... ینه کوچوک خانم قرق  
کون هجله سی باشلا یور ! دیدم . حقیقه او یله اولدی . داماد  
بک بر ، ایکی کون اوده صولویه صولویه دوندی ، دولاشدی ،  
اودادن اودایه قوشدی ، صوکره باشی آلوب کیتدی .

اسحق بک بویله هفته لرجه ، آیلرجه قوناقدن اوزاق  
قلمسی بسم بک راحتق بوزمادی ؛ او ، بر معتاد بول بول ،  
کنیش کنیش ، بیر ، ایچر ، او یور ، د بن بوراده نه آرایورم ،  
بو عائله یله مناسبتم نه ؟ مادامکه بک یوق ، بن کیتمه لییم ... ،  
کی ذهنندن استراحتنه مانع اوله حق هیچ بر فکر کچیر مندی .  
حق طایا خانم اوکا مراجعت وشکایت ایتدیکی زمانلر :

— والای والد خاتم ، بن بو ده لینک ایشنه قاریشمام ،  
ایدیله قویویه اینیلیر مخلوق دکلدیرکه ... هله بر آرز بکله ییلک ،  
یقینده ایکسنه یوتمش کوکه دوزر ، کلیر ...



دیردی . حقیقه ده اوپله ادلوردی .

دامادك ايكنجی دونوشنده عبادت یرینه رسمه باشلادی ؛  
 بویالر ، چرچوهرلر ، سهپالر ... قلمی آتدی ، باب عالی بی سردی ،  
 بویاجیلغه قایلیدی ؛ کل یاپار ، یارایه بکوردی ؛ بارداق  
 مشربهدن ، مشربه دستیدن فرق اولمازدی ؛ قاپوز ایستاقوزدن  
 سه چیلمز ، صندالیه ماصهدن آیرد ایدلمزدی ... آل ، مور ،  
 یشیل ، صاری رنگلری بربرینه قاریشدیرر ، قاریشدیرر ، قیرلر ،  
 چایرلر ، بهار منظره لری یاپار ، آتشدده بیتلر ، قطعه لر  
 یازاردی . صوکره بونلره آغیر ، بهالی چرچوهرلر کجرتیر ،  
 جاملاتیر ، قوردونلره سوسلر ، سالونلر ، صفه لر آصاردی .  
 یوز ، کوز ، اوست باش بویالر ایچنده ، اطرافه ترمه بنتین  
 قوقولری صاجارق ، بیی اُستاریسه بیلر ، چیللاق آیاق دیایف  
 دوداقلرینه یاتیر یاتیر کوشه ده برجالیشی واردی ، کوچوک  
 خانه ایشی بللی ایتمه مک ایچون قارشیدنده گندی می کوچ ضبط  
 ایدردم . داماد بکی اوجنچی دفعه کی غودتنده سونکوسی دوشوک  
 بولاق . صاری ، صولفون ، خسته لقلی کوردونویوردی .  
 کوچوک حاتم اقتدیله حکیم خوجا دولاشیورلر ، کوچکیلره باش  
 ووروپورلر ، یاجیلردن مدد اومویورلردی . دولابلر علاج  
 شیشه سی ، کلاچ قوطوسی ، معجون ، مرهم قاونوزیله دولدی .  
 اسحق بك آرتق نه غله اکلنیور ، نه آشاغی قاتده فیریل فیریل  
 دونویوردی . اوکسورویور ، توکوروویور ، ایکلیور ، تنقیه لر  
 یاییور ، مسهللر آلیور ، یالکیز دردیه ، علویه اوغراشیوردی .  
 نه سی وار ؟ دیپوردق . بو ، معلوم دکلدی . متنادیا آریور ،

بوزولوردي برون علاجلر براقلمدي . اودادن برچاشيرسېتى  
شيشه وقار اوز چقاروب آندېلر . شيمدى غذا باشلامشدى .  
گونده تام يكرمى دوت يومورطه يوتويور ، بر او طوروشده  
دوت بين ييدوردى ؛ بر صندق بير اون كون كتمبوردى .  
اوكنه كلنه يومورطه نك خاصه لرني ، ينك نركيياتي آكلانيور ،  
بيراني مدح ايدييور :

— آز دهسا ثوله جكدم ! بركت يومورطه يله بين ،  
برده بير امداده يه تيشيدى ... دييوردى . حقه " آز  
زمانده طويلامغه ، قولتمكه باشلامشدى . يوزى شيشدكجه  
شيشيور ، كوزلرى بو آبلق ، ايرى ، اتلى يوزوك اورته سنده  
كدى كوزينك ابلنى كي كتمدكجه اوفالور ، كو جولوب قاپانيوردى .  
خسته لى اتناسنده طايا خانم بعضاً مابين او طه سنه كيدوب دوكتور  
نسيم بچ چاغرييور ، بلك راحتسز لى صوربييوردى ؛ او برى  
فايت لافيد برادا ايله :

— اهميتسز شى جانم ، اوكا برشيلر اولماز ، يدى جانليدر ؛  
وار كيت ، كيفنه باق ! دييوردى . نهايت غدانك فضيله لى  
اسحق بلك يئنى بوسوتون آلت اوست ابتدى .

چو حوغل بر سوت نينه سى واردى ؛ او يناق ، آشفته  
برمهاجر قبرى ؛ اوبله بويلو بوسلو ، آهم شاهم برشى دكلى  
اما صوقولغان ، شيرين شيدى ؛ داه يكرمى بشنه باصماديني  
حاله دوت قوجه دن بوشامش ، بش چو حوق يامش ، يكرمى  
قاپي ديكشدير مشدى . يرنده دوروب او طورماز ، بنجره لردن  
كندنى آلامازدى . چو جوغى كزديرديكى ايچون اوكا سلاماق

طرفی، باغچه، هر طرف آچقیدی؛ باغچوانلرله، ساییسلرله ساعتلرجه  
 چان چان ایدر، شاقالاشیر، صوکره غوغا چیقاروب برارکک  
 کبی آتیشیر، سوکوشوردی. داماد بک ایشتمه بوکا مسلط  
 اولمشدی. بزیله ایشی سه زمشدک؛ «باقلم نه چینگار قوپه جق»،  
 دییوردق. برکون سوت نینه اودن غائب اولدی؛ چوجوغی  
 بشیکده بیراقوب کیتمشدی؛ بر ساعت، بش ساعت، خبر چیقما دی،  
 قوناق خلقی بر برینه کیردی؛ همان قومشودن امنریکلری بر خانمک  
 آله، ائکنه قایاندیلر، برته ویه آغلایان مینی مینی بی دیوردیلر؛  
 قادین نریمه کیتمشدی، نیچن کیتمشدی؟ بر بوخچه بیله  
 کوتورمه مش، قاپیدن چقیدیغی بیله دیورمامشدی. اسحق  
 بک ایکیده برده :

— های یللوز، باشمزه ایش آجدی !

دییوردی. سلامق، حرم بوخبرله چالقانییوردی. آرادن  
 ایکی کون کچمه مشدی که داماد بک ده سرم قدم باصدی. دوققور  
 سلامی بک وقعیه هیچ اهمیت و برمیور، ساده :

— قاری بی کوتوروب برأوه قایانمشدر، آسی عادتیدر،

اوزون سورمز !

دییوردی کوچوک خانم افندی برکونده تام درت کره،  
 بش کره باییلیور، دیشلری که نه دله نوب قاص قانی ساعتلرجه  
 قالییوردی. آییلدیغی زمانلر بردوش-ونجه سی واردی : نریمه  
 اوطوردقلرنی آکلارقدن صوکره کیدورالیه باصمق .. کانی  
 سوقاق سوقاق استانبولی طانیردی؛ اوکا، بنم واسطه مله بش  
 لیرا ویردی، یکریمی بش لیرا ایله برقات ده البسه آدادی،

تعقیبنه یوللادی . بن ، کیجه لری ، کوچوک خانمدن باشقه هرکسدن کیزلی دونمه دولابه کیروب اوته طرفه کچیور وکانی ایله بولوشوب تفصیلات و جواب کنیریوردم . چوجو فخر آری کی چالیشبوردی . استانبولی آلتاوست ایتیش ، نشانطاشی ، بشکطاش جهتنی سوقاق سوقاق دولاشمش ، قاضی کوینده کوتلرجه آرائمش ، باش وورمادیفی سمت قالمامشدی . بر چوق مصرف اییدیور ، فقط کوچوک خانم بارانک کیتدیکنسه باقیور ، برطرفدن کانیه ، برطرفدن دیگر قادینلره رهینه ائماسلرینی قویهرق بویسه پارا یه تیشدیر . بیوردی . نهایت برکیجه خبر آلاق که او بولونمش ... کانی نفس نفسنه آکلاتیوردی :

— یکریمی بش لیرامی ایسترم ها ، بشین ، باشقه درلو اولماز ؛ آرزویمتی جکدم ؟ وای ابلیس حریف وای ، هیچ خاطره کلیرمی ؟ کیتمش صله جقده او طومش ، ایزبه ، قویتو بر محله ده ، فقط ده کیزه ناظر ، باغچه ایچنده ، یکی بویا ، قوطو کی برشی ... کندیسفی معزول طشره مأموری کی کوسترمش ، گویا اشیا لری دها کتیرمه مشلر ، ذاتاً چوق ده دورمه جقلر ، تکرار بر مأموریت آلوب کیده جکلر مش . بونی بکا آکلانان مؤذن :

— چوق عرض اهلی شیلر ، حرمک یوزینی کوردن یوق ، افندی ده کوزی یرده بر ذات ... دییوردی . نه دیرسک شو حیلله به ؟

کوچوک خانم افندی بو کشفدن خبردار اولونجه در حال



دوشدی ، باییلدی ؛ غالباً ایشك شو نتیجه یی آلاجنی امید  
ایتمیور ، قوجاسنك خیانتنه يك اینامیوردی . شیشه شیشه  
لقمان روحلری ، برومورلر ایچیریوردق ده بکامی دیمیوردی ؛  
بویله کونلرجه چیرپینه لر ، طیقانمه لر ایچنده یاندی . بر آز  
کندی طوبلار طوبالاماز ایلک ایشیمز باصقین حاضرلنی کورماك  
اولدی . بو ، خبلی غریب بروقه در :

بن ، کیجه دن ایکی خدمتی چارشانی تدارك ایتدم ، قالین  
یچه لر بولدم ، اسکی ایسقارینلر آیبردم . ایرکندن قالقدق ،  
ذاتاً کیجه او یویامامشددق ، شهزاده جامنده جمعه ایرتسی  
صباحلری غایت یانیق ، خوش برسسله الصلاة ویرلردی ،  
نجره یی قالدیروب بونی قلبمز چیرینه چیرینه درین بر حزنله  
دیكله دك . کوچوك خانم قادینه آجیماق قابل دکلدی ... بن  
بوینه :

— وازکیکمز راغبه خانم افندی ، سزه بویله محله قاوقلری  
یاراشماز ؛ او حریفدن آرتق خبر کلیه جکی محقق ، آریلغه  
باقیکمز !

دیوردم ؛ فقط .. نه صاقلاییم ؟ — کیمه سفی ده ، ایچین  
ایچین ایستیوردم ، بو ، آزیاندومماییدی ؛ نه قدر اکلنه جکدم ...  
راغبه خانم :

— قابل دکل ، بر کره فکریمه صوقدم ، المله طوته جنم ،  
کوزمله کوره جکم ویوزلرینه توکوروب اوندن صوکره آریلاجنم !  
دیور ، تولو بکزی باغلایان یوزندن یاشلر مینی مینی  
طوببول وکبار آلرینك اوزرینه قهادیا ، دانه دانه زحمتسز

دو کولو یوردی . یولده دوشوب بایلماسندن قورقو یوردی .  
او بکا تأمینات و بریور :

— مرق ایتمه عصمتجم، کندیمی طوتارم، اوه دونجهیه  
قدر بر شیجک اولام !

دیور، وازکجه مهم ایچون — او حالده کولمکه چالیشه رق —  
چکمی او قشایور، قولاغمی چکک رک شاقلاشمه تقلیدی یاپیوردی .  
قوناق دها او قوسنده یدی . یالکز طایا خانم، عادی اوزره،  
جو قدن قالقمش، اوداسنده مانغالی اشهرک قهوه سنی پیشیریور،  
جیغاره سنی تلله ندیریوردی . بنی کورونجه آچاق سسله :  
— نه او ؟ کیدیور میسکز ؟

دیدى .

— اوت ، دیدم .

— الله عقللر ویرسین !

او، بو سفره طرفدار دکلدی ؛ ایستیوردی که هر شی  
باشانک نفوذیه، ضبطیه لر و سرای خدمه لری ایله ، شدت وجیر  
طریقیه یاییلسین ؛ مثلا پولیس لر کیدوب اوی باصسین ، سوت  
نینه یی سورسونلر، دامادیکی بشکطاش قاراقولنه طیقوب اورادن  
طرابسه یوللایویرسینلر ، مسئله ، بویه جه حکومتک قدرتیله  
تمیزله نوب قایان سین :

— سلطان عزیز افندیمر زمانده نه حدینه بویه بروکلا

دامادی ادبسلرک ایقین ، پادشاهک قولاغنه کیتدیکی کون  
کندیسنی واپورده بولوردی . دیوردی . کوچوک خانمی  
عیلایوردی ؛ سوقاق سوقاق او حریفک ارقه سندن کیتمک

فكرى باشانك قىزىنه ياقيش-مىدى ؟ باشقه دنياده آدمى  
قالماشدى ؟ نه خىكار ياورلرى ، نه ماين كانلىرى ، نه لر  
واردى ... بو نه عارسى ، نه پادشاه بر گوكلدى ...

بز بويله ، قارشى قارشى لافه دالمشدى ؛ آرقه مزدن  
راغبه خاتم اوصولجه حق كلى ؛ عاريت خالايق چارشافيله  
بردن ره كندىنى طاييماق . ذاتا بيجاره نك طاييلاجق ىرى ده  
قالماشدى يا ! ملول برسسه :

— هادى ، عصمت ، كيكيمه لم قىزم ! ديدى ، درحال  
آكلادم كه قونوشد قىلر يرك بر چوغنى ايشيتمش ، يارالى يوره كنه  
قوجه قارىنك بو آتوب طوماللى بر قىزغىن آتش دهاده و كشدى ؛  
همان حاضر لاند . كانى بزى كوپرو اورونده ، اسكدار  
واپورلرينك ياناشدنى يرده بگله چكلى . ساعت اوچ اولدى  
كله دى . دوت اولدى ينه يوق ... داراجق ، ايزبه ، صردار  
بر قوونوغل ايجنده ، اسكدارك شيرپىنى قارىلريله بر آراد  
بكه ملك نه كوچمه كىدى ؛ ايله بويله بر كونده ... ايكي واپور  
قالدى ، بن ضيق ضيق قاپويه چيقيور ، باقيدوردم ، بر آز  
كلوب يرمه اوطورسم ، كوچوك خام افندى :

— قوزوم عصمت ، بردها باق ...

ديه يالوارى يوردى . نهن صوكره كانى كوروندى ؛  
اوصولجه حق بكا :

— دون كىجه تياتروده يدق ، صىباحه قارشى ياتدق ،  
اويوبه قالمشم ! ديدى ، صوكره كوچوك خانمه دوندى ، قوناق  
تشرىفاتجه ، كوزلرى يرده ، ديدى كه :

— داماد بگك قلمنه اوغرامدم ، اوداچیسسه بر كره  
 صوردم ، هر كون كلیوردی دیدم ، بللی اولماز دیدی ؛ یونی  
 آكلامق لازمدی ، اوده بولونمیه جقسه كیمه من نه ایشسه  
 یارداری؟ سوكره اصل خدمه بی بولدم ، بر آیدر اوغرامادیغی  
 خبر آلدیم ؛ هر حاله، آله كچیره عكز اقدیم ...

بو یالانی او یله طبیعی بر طورله قیزاروب بوزولمه دن سویله-  
 دی كه بزم بیله اینانه غم كلدی . بز صله جق ده نیلن اسكله به  
 چیقدیغمز زمان یان طرفده کی جامعه ده اوكله اذانی او قونوبوردی ...  
 اوزون ، ديك مرده یونه لی بر یوقوش چیقدیق ، دكانسز ،  
 كورولنوسز بر طاقم سوقاقره صایدق ، كانی كوشه باشندن  
 بزه ، ایلریده ماوی بویالی بیکی یایی ، جومبالی بر كوچوك  
 او كوستردی ، كندی قالدی :

— بن بورالرده دولاشیریم . ایجاب ایدرسه قاراقوله  
 خبر ویریرم ، دیدی . ذاتا گونلردن بری بز نه یاپوب  
 نه ایده جگمزی دوشونوبور ، پلانلر یابیور ، خیالزده وقعه بی  
 قورویوردق . آرالرنده نكاح یوقسه دییوردق ، امامه مختاره  
 ایشی وییورور ، حریفی رزیل ایدم رز ... بچه لریمزی صبیقی  
 صبیقی ایندیردك ، یورومه منی ده كیشدیردك ، یوره كز خلع جاندن  
 چاتلار کی وورارق قابیه واردق . طوقماغی بن ووردیم .  
 چوق خفیفجه می چالدم نه ، جواب ویرن اولمادی . كوچوك  
 خاتم باشدن آشافی سیکیر کیسه شدی ؛ هان بی ایتدی ، بربر  
 آرقه سسه بش كره ، محله بی آیاغه قالدیره جق بر كورولتوبله  
 طوقماقی ووردی . جومباندن بری باقدی :



— کیم او؟ نه ایستورسیکنز؟

دیدى . بوسى طانچادق ، بن کندی بجریکلی ظن  
ایدردم ، حالبوکه دیلم طوتولش ، غیرتلاغم قورومشدى ؛ ینه  
کوچوک خانم تقلید صدا ایله :

— آج قیزم ، دیدى ، یابانچی دکل ، قومشویز ، صفا  
کلدیکه کلدک !

دیدى . و شارق ! ، ایتدی ، قابونک اپی چکیلدی .  
همال ایجری آنیلدق . بر جامکان ، درت ، بش آياق مردیونه  
برده سز ، دوشمه سز ، کونش ایچنده بر کنیش وقفس سز  
صفه به جیقیلور ؛ قارشیده ده کیز ... آخرتلك :  
— بویوروکنز !

دیبهرك بر اودا آچدی . یره شیلته لر سرمشله ، ایکی  
صندالیه ، باضمه پرده لر ، چیچکلك اوزرنده بر بارداق ، بر  
صراحی ، سلانیک بونمارشه سنک معهود برتوسوزلی طوبارلاق  
ساعی ... ایشته او قاندار . دیشاریده فیصلیلدیلر ، آچیلوب  
قابانان قایلر ، بك ابی طانیدیغمز بر ارکلك سمی :  
— قیز ، شونلری قالدیرده اوپله ...

بن دوکمش ، قالمشدم ؛ کوچوک خانم افندی آجی آجی  
کولویور ، آرقه سی قانی به دونمش آياغی اویناته اویناته بکلیوردی .  
بکاده اشارت ایتدی : « کندی کوسترمه ، جویر صیرتی ! »  
دیدى . وضعیمزك فناغی شمى ، دها وضوحله کورویور ،  
قورقویوردم ، سوت ینه نلک نه آجار ، نه شرت مخلوق اولدیغی  
خاطر لادجه بکا بسبتون برخشیت کلمشدى ؛ صونوق بر تر ، دکنز

طونمسی کی بر بولاتی و سر ساملك ایچنده، دیشلرم کلیدله نمش،  
 اوپله، طوزاغه دوشمش بر آوامیدسز لکیله کوزلرم راغبه خانمه  
 دیکلی دور ووردوم. بوتور امیدم کایدی ایدی؛ وقعه قیزیشیر، فنا  
 برشکله کیرسه در حال قابوی آجوب سـوقاغه سسلنه جک،  
 اونی جاغیره جقدم. دیر کن دیشاریده آیاق سسی اولدی؛ قاپی  
 آرالاندی؛ باقیوردوم اما آکلابور، کور ووردوم.

بردن کوجوک خاتم افندی یرندن فیرلادی؛ کوزیمی قاپادم.  
 — نومه؟ قاجه سوت نینه، دیوردی، جاغیر بکفی ده

قونوشالم ...

بنده قالقدم، صفیه جیقدم؛ راغبه خاتم سوت نینه نك  
 آرقه سندن صالدر مش، یان اودالردن یرینه دوغری قوشووردی.  
 تام بز ایجری کیره حکمز صیراده اودانك ده قایسی آچیلدی،  
 داماد بك اوزرنده کیجك انتاریسی، اوپ اورون، بره یولا  
 کی قارشمز جیقدی. فقط قایسی کورونجه:

— آ!..

دیدي، میخلاندی، قالدی.

وقعه نك بویله اك هیجانلی یرنده — غریب دكلی؟ — بن  
 سوت نینه نك قلیغنه، قیافته باقیوردوم؛ آباغنده سیپ سیوری  
 برونلی، بوكسك اوکچلی ایسقار پینار، بر بولی بیاض، بر بولی  
 سیاه دامالی قارلی اتن اتك. آلاغلر بر بیاض بلور، بلده  
 سیاه قایش کمر... بو، بنم کوزیمك آلیشدی. البسیدی،  
 همار مردمان کوردیکم، از برله دیکم رفیلیق؛ یوکدره یه،  
 طرابیه کیدر کن واپورده تصادف ایتدیکم ساریشین حاجل،

شفاف ده ریلی ، ترمیز انکلیز میسلری وارد ، سوت ینه  
اونلره دوئمشدی .. بردن خاطر لادم ، ایچمدن : د آه ،  
ملعون حریف ! ، دیدم ، دیشلری صیقم : داماد بك ،  
قابآتمه سی مهاجر قیزینه بالدیزینك اشی البسه لر یاممشدی ؛ راغبه  
خانك قیز قرده شی تا به خام فندی آمره قا زیه سی کورمشدی ،  
کندینه مخصوص قیافتلری ، عادتلری ، حاللری واردی ، هیچ  
بزه اویماردی ... آکلانیلا اسحق بك بر طرفدن خدمتچیلر  
آردنده قوشوب دولانیرکن بالدیزینه ده کوز قویمش ، بالدیزی  
ایچونده ذهنندن خیالیر کچیرمش ، خولیایر قورمشدی . حق  
بلکه ده سوت ینه یی اوکا بکرندیگی ، اوپله صاریشین ، ایجه  
انداملی ، ماوی کورلو بولدی ایچون کتیروب بورایه قابآتمشدی ؛  
اونکله بوراده بالدیزینك ینه یاشیوردی .

کوجوک خام افندی بوسری کشف ایدمه جك حالده دکادی ؛  
ایکی ، اوج اسم آندی قو حه سنه یاقلاشدی ؛ قایان یانه ، کوز  
کوزه ، قازغایدن ایکی کدی کی دورویورلر ، باقیشیدورلردی ؛  
بزده سوت ینه یله برابر ، ینه طبقی کدی قاوغارنده کی یاردیمچی  
وسیرچی کدییر کی رآر اوتوده نذجه یی کورلویور ، بکلیوردق .  
داماد بك غایت بوغوق ، مسکین بر سسله :

— راغه !

دیدی بو صدا ماقشه یه باشلامق ایچون در حال کوجوک  
خام افندی به بر و - یله ولدی جاق جاق ، ازیرله مش کی  
سویلیور ، اسحق بکک بوتون قصورلری ، ذالتلری هیچ ربی

اونوئەدن صایوب دوکویوردی. اوبری باشی ا یکک دیگلور،  
یا لکز آرا صیرا، ئولو سسله :  
— راغبه، راغبه !

دیوردی. بویله، بر خیلی زمان کچدی. کوچوک خانم  
کیت کیده توکەنیور، یورولو یوردی. حق بر آراق صوصار  
کی اولای؛ صوکره بردن سوت نینه دوندی؛ آجدی  
آغزینی، یومدی کوزینی... محله قادینلری کی عادی کلەر  
قوللانیور، اوزرینه واروب دوکەجک کی طورلر آلیور،  
بااغیلکلر یادیوردی. اصل غریبی بنم بیک درلو ادبسنلکلر  
یا به جغنی ظن ایتدیکم سود نینه ده صوصویور، اوکنه باقیور،  
اسحق بک کی اونلکه ده آغزندن آرا صیرا، بوغوق برسسله  
یا لکز :

— خانم افندی، خانم افندی ..

کلەلری چی یوردی، تخمینلرمده هیچ اصابت ایتمه مشدم؛  
حق ایشک اکلنجلی، مراقلی بر جهتی ده قالماشدی. فقط  
نتیجه نه اوله جقدی؟ آرتق بو اودن چیمقلغمز لازمدی؛  
مطلوب حاصل اولمش، ایکی قباحتی ده بر تمیز آزارلانش،  
اوتاندرلمشدی. بن :

— هایدی، خانمجم، کیده لم !

دیدم، راغبه خانم در حال پچه فی ایندیردی. قوجه سنه  
کین وحدتله دولو صوک بر نظر فیرلاندقن صوکره قاپی به  
دو ضرر دوندی. ایشته اصل تخفلق اوزمان باشلادی. داماد  
بک او درین دورغونلغنی بردن بره ترک ایدە رک طوتوشمش



کې بر سرعتله هان مردیوه نلره آتیلدی ؛ قاپنك اوکندن  
کچدی ، ایکی ألی قانادلره بردستك کې کرمك هر وقتکی کور  
صداسیله :

— نریمه راغبه ؟ بر یره کیده منسك ...

دیبه هایقیردی . اوت ، قاریسنی بیراقیوردی ، د کوندرم ،  
دیپوردی ، بن برجایت ایشله دم ، جانی یم ، وور بی ، تولدور  
بی ، فقط بویله کیمه ! ، منافیانده کی آقتورلردن قایمه ساخته ،  
سیکیر بوزوجی طورلرله بونلری کویا یوره کی یانیدور ، بیفی  
چاتلایورمش کې دووونه چیرپینه اویله دلجه سنه ، خنزیرجه سنه  
پایپوردی که ایچمه زره قدر اینامق ، متأثر اولق کلیپوردی .  
فقط راغبه خام شاشالامش ، دورغونلاشمشدی ؛ یوموشایه حق ،  
قانه جقدی . یوزیمه باقدی ، د بن قاریشمام ! ، معناسنده بر اشارت  
پایدم ، خففجه ده دوداق بوکدم . او ؛ بونی کورمه منزلیکه  
کلدی ، آرتق بر آدیم آتمغه قدرتی قالمش کې شویله بر  
صارصیلدی ، اطرافنده دایانه حق بر یر آرادى ، صوکره اوپ  
اوزون صفه نك اورتیه سنه سه ریلدی . اسحق بکک یرندن قاپلان  
کې صیچرایوب هان قاریسنك اوزه رینه بر آتیلماشی واردی ،  
تولونجه قادا اونونامام ! نه کولونج شیدی یاربی ؟ کویا پایلیدیغه  
ایلك دفعه تصادف ایدیپورمش کې اوزرینه قایمش ، دوکونویور ،  
بولونویور :

— راغبم ، راغبم ، آچ کوزیکى !

دیبه متادیآ هایقیریپور ، بزده متادیآ :

— الله عشقنه برشی پاییک ، برچاره بولوك !

دییہ بالوار سوردی . راغبہ خانم شمیمدی قوجہ سنک  
 قوجا غندہ ، گندی بیوسبتون غائب ایش ، دیشلری کلیدی  
 یاتور ، سودینہ دیزلری اووویور ، بن لارمی اوغوشدیریوردم .  
 حس ایدیوردم کہ بوسنتک صوکی بر آلایلی وقعہ یلہ بیتہ حک ،  
 بر باریش کوروش اولاحقدی . اولہ دہ اولدی یا ... کوچوک  
 خانم افندی بر آزیلر حالہ کنجہ مان قارغہ طولومہ ایتدک ،  
 ایجری اودایہ ، شیلتنک اوزرینہ آتدق . سوت نینہ بی بن بشقہ  
 طرفہ چکدم ، راغبہ خانم قوجہ سیلہ ، یاری باغین ، محمود  
 و محزون ، باش باشہ قالدی کافی دہ بکلہ مش ، بکلہ مش نہایت  
 کلوب قانی بی چالشدی . بن آچدم .

— نہ اولدی ؟ دییہ تلاشلہ ، مراقلہ سوردی .

— خیرلر ، دیدم ، ہرشی یولندہ ، شمیمدی اسحق بی  
 اوکمزہ قاتوب اودن اوپلہ چیقہ جغز ...

صفہ دن ، داماد بکلہ دیدکلرینی ہپ ایشدییوردق ؛ نہ دیلر  
 دو کوپور ، نہ یالانلر اویدورویور ، نہ یاہما جقلر یاپیوردی ...  
 عین اوستہ عین ! واللہ ، باللہ ! دیدیکی زمان اوی ایکلہ تیور ،  
 عادتہ برطانہ کی بوکورووردی . خانم هیچ جواب ویرمیو -  
 ردی . نہ دن صوکرہ اونک دہ میریل میریل برشیلر سونلہ دیکفی  
 ایشیتدک . بر آر دہا کجدی ، عادتہ قونہ شمایہ باشلادیلر ؛ مان  
 مان دردلہ شیر کی رشی ...

سوت نینہ بی بن اوراقدہ بر اودایہ آلم ، طلاقم برینہ  
 کلدی ، کافی بر طرفدن ، بن بر طرفدن فیزی بیلدیر مغنہ ،  
 قورقونمغہ چاہالیوردق . حبسہ قونولماسدن ، سورکونہ یوللا -

نیلماسندن باشلادیق ، دیکزه آتیلماسنه قدر سکسان درلو  
جزا صایق . قادین اوجهنتره بک اهمیت و پرمیوردی ؛ اسحق  
بکدن بیقمش ، بزمش کورونویور :

— نه دلی حریفمش بو ، دیوردی ، کپازه می ، کپازه ..  
او قدر قوجه کوردم ، بویه ادبسنینه چاتمدم ! بیراقسین بنم  
باشمی ، ایستتم آرتق .. آیلرحه پیشمده قوشیدی ؛ والهی  
عصمت خانم ، یالان سویه میورم ، ترلکلم یوقی ؟ یردن اوئی  
قابار ، اوبر ، قوقلاردی ، قوناقده ایکن وجودیمه آلی سور -  
دورمه دم ؛ آغلاردی ، صیزلاردی ینه یوز و یرمزدیم ؛ زورله  
اوزه ریجه آتیلدینی بیله اولوبوردی ، هابقییریم ، کوچوک  
خانمی چاغیریم ! ، دییه قورقوتوب قاچیریوردم .. صوکرده ،  
بندده تازهلک وار آبول ، قاندم ، یاره ویردی ، هدیه آلدی ،  
نکاحدن ، اولمیکدن بحث ایتدی ، آندلر ، شرطلر ، بنده  
راضی اولدم ... بیلمییم بن ؟ یابان آدمی کی برحریفمش ؛  
همده وجودنده بیک برعلت وار !

تام اوج ساعت بز سوت نینه یله ، داماد بکده کوچوک  
خانم افندیله اوغراشدق ؛ بز آیرمغه چالیشیوردق ، اوبری  
برلشمک ؛ بر آزالق اوصولحق اورادن جیقمد ، کیدوب  
قابیلرینه قولاق ویردم ؛ اسحق بک :

— بوایشده بر بویو وار ، دیوردی ، بنی ایکیده بر  
یاغلابور ، دلی به چه وریور ، اومدن ، بارقدن صوغونویور ..  
بویه رماندرده کندی کندیمی طانیورم ، خانمخیم ، یابدیغمی  
بیلمیورم ، باشقه بر آدامه دونویورم ... باش باشه ، آل آله

ویرمدمه بز اصل بوکا بر چاره بولالم ، اولاشو بویودن قور-  
تولالم ، بزم سعادتمز اوکا باغلی ...

ایکنجی دیکله پیشمده غالباً داماد بک ، ایچریده کوچوک  
خانمك آئی ، آتیکنی اوپویور ، آیاقلرینه صاریلبوردی که  
اوبری ، متادیا :

— بیراق ، قابل دکل ، اولماز !

دییه رد ایدیوردی . نروده ایسه آقشام اوله جقدی ؟  
کانی صبر سزلانیوردی ، غلطهده احبابلری بکله جکمش .  
ایکندیلر اوقوندی ؛ هوا قارارمغه یوز طوتدی ، قاری قوجه  
اودادن چیقیمیورلردی . نهایت بن جسامتلندم ، کیدوب قاپینی  
ووردم :

— قوناقدن مراق ایدرلر ، کوچوک خانم افندی ، آرتق  
کیدلم ! دیدم . داماد بک دیشاری جقدی :

— بن سزى کچ وقت یالکیز بورالردن ناصیل کونده ریرم ؟  
صله جقدن واپور یوقدر ، اسکداره اینملی ، برار کیده رز !  
دییوردی - بز : « کانى افندی وار ، یالکیز دکلر ! »  
دییوردق اما اودیگله مییوردی . « ضرر یوق . بنده کلیرم ؟  
قاریشیق سوقاقلر ، شاشیرر سیکیز ! » بهانه سیله عجله عجله کیینیوردی .  
کوچوک خانم هیچ سنی چیقارمیور ، حاضر لانش ، آیاقده  
بکلییوردی . بزده صوصمق دوشمشدی . اسحق بک کانى به  
« کانى بک ، برادر ! » دییه خطاب ایدیور ، بنی : « عصمت  
خانم ، همشیره ! » دییه چاخیریوردی . التفات التفات اوستنه



او گزوه دوشدی ، سوخت نینه ادادن چیقیمیوردی . داماد بلك  
آخر تلكه قاییدن سسله ندی :

— سز بیككیزی بیككز ، بلكه مه بیككز !

دیدى . ایشته بویله دوت کشی ، بر قالیقه آرابه بولوب  
بىندك ، آقشامك اسكدار سوقاقلرخى قابلايان سروى رنكلى  
وسروى قوقولى قارانلى ایچنده اسككليه ايندك . داماد بلك  
اوکیجه باباسنه کیتدی ، ایرتسی کون کافی السابق ، هیچ بر  
شی اولماش ، آراده بر وقعه بکجه مش کی قوناغه کلدی . بو  
غریب قارى قوجه سر کدشتك دها بویله بر جوق تحف ، اینانیلماز  
فصللری وارد .

... شادیه خانم آفندی آبلاسنه نه اخلاق ، نه ده چهره  
جهتندن بکزرردی . پاپاتیه کی صاریلی بیاضلی ، قیوراق ،  
بر قیز ایدی ؛ قوجاغمه آلوب ازمك ، صیقیشدیرمق ، یوزینی  
کوزینی اوپه اوپه خیر پالامق آرزو ایدردم . نه قدرده صیقه سم ،  
قوقلاسم دوپامیه جغم ، قانامیه جغم کی کلردی . بنم اصل خانم  
او ایدی . قوناقدنه بی او طوتاردی ، اونك مسافری ، اونك  
آدامیدم . آم شادیه آم ، شمیدی حیاتی برده اسکیشنی  
دوشوندیکم زمان یوره کم یانیور . اوکا بو عاقبت لایقیدی ؟  
فوندان کی آغزده اریه جك حسی ویرن او چیچك قوقولی  
وجودینك بر کون کلوبده بو قدر خیر پالانه جفی خاطرمدن  
بکرمیدی ؟ کاشکه ثولسه بدی دیدیکم زمان اولویور ! کچن کون  
بن قارماندن چیقیمیوردم ، اونی تراموایده ، واتماک یانسنده

قاپی به دایانش کوردم. نه قارار صولش، سارارمش، نه قادار ده کیشمشدی. محزون یوزینی آغلایه آغلایه اویمک آرزومی ایچی بر آجلق کی آزدی. کوز کوزه گمشدک. نه آجی کولدی؟ نه یورغون، آریلش بر حالده بدی؟ بوتون کون اعصابم یوزولدی. آلدیغمی ده بیلیمدم. ایصهار لادیغمی ده ... زواللی شادیه! عمری بر ماصال کی، بر رومان کی کجدی!

نه قیزغین، نه قاینایچی بر روحی واردی! آلدن آله قایناردی، اسکی اداره، او محفوظ و غنغنه لی قوناق شادییه بی صاغللام بر شیشه کی، ایچنده صم صق ضبط ابدیوردی؟ بو مهرلی طپایی، بودار محفظه بی بر درلو آتوب پارالایموردی. لکن مشروطیت کلنجه مانعاری جیقاریلش بر شامپانیا کی طاشدی، کوپوردی، قدح قدح استانبولک کیرلی آغزیننه دوکولدی. اونی خشین، خویرات ضربه لره دایاناماز ظن ایدردم؛ حالبوکه تول کی اینجه، خفیف، مقاومتمسز فرض ابتدیکم وجودی استانبولک توره دیلری، آرالرنده مشین کی سنه لرجه چه کیشدیر دیلر، خبر بالادیلرده آنجق اُسکیته بیلدیلر.

رسم یاباردی؛ دورغون کوللرده غوغولر، باحار اوسقنده لیلکالر، خرابه لرده بایقوشلر، تلغراف تللرنده غیر لانفجلر، هپ بویله حزین، دوشوندوروجی، وحشی طابولر ... شعر یاراردی؛ مزارچی بی یکی کومولش تولولرایله قونوشدورور، بوغولش جسدلره قارشو دالغولره نینیلر سویله تیر، فیرطیسا ایله یانغینی ایکله مهر، خیشیلده لره مساحشه ایندیرر، هپ بویله

قورقونچ ، توپلر ئورپىجى موضوعلر سەجىردى . . پىسانو  
چالاردى . ھې يأس ، اضطراب وامىدسىزلىك وىرن ھوالرى  
سەوردى . آل ايشلىرىنىڭ انواعى بىلەر ، دىكىش ما كىنە سىندە  
ياغلى بويانن ايدىلەك قدر مەسارنلە ياصدىقلر ايشلەر ،  
قىوراق ، اينجە دانتلار ئورەردى ھىپادىنى ظريف اولوردى ،  
ھىچالى خوشە كىدردى . بەالى مجوھەرلر طاقازدى ، آغىر  
توالتلر كىمزدى ، عظمت ساتمازدى ، خانم خانمچى ، معصوم  
وساكن بردوروشى ، ملول ، محزون ، آجى بر كولوشى واردى .  
ھىكىسى كىندىسە جلب ايدردى . فقط بودورغونلغىك ، بو حزننىك  
آلتىدە اونك نە خايلاز ، نە سىرسى بروجودى ونە فسان ، نە  
احتراسكار برووحى واردى . آنچىك سىكز ياشىدە قاداردىق ،  
بر رمضان كىچە سى شەزادە باشىدە جانباز قومپانىيە سە كىتمەشكە ؛  
قارلى قىش رمضانلىرى . . قوپە آرابەنى حاضرلارلر ، لالاھمدى  
آغا يانغزە بىنر ، كىم قوشام ، بر كلفى ، براعتىسا ايلە او كىرەچ  
بادانەلى ، كىرىش طساوانلى سالاش تىساترولرە قورولوردىق ؛  
پورتقاللر آلەردىق ، شىرىتلر اىچىردىك ، فېستىقلر يىردىك ، ھىچ  
آغزىمىزى بوش براقازدىق ؛ صوكرە او بون بىتتەجە اۋە  
مەدەلىرىمىز بوزولمىش ، كوزلىرىمىز قانلاشمىش ، باشلىرىمىز آغزىلى ،  
خىستە وبى مجال دونىردىك . قايدە اشنە ھوھالاىە صىرسىزلىقلە  
بىكلەين ياغىز ، ياخود قىرآتلىك توى كې اوچوردىقلىرى بوجاملىرى  
بوغولۇ ، ياغموردن وصوئوقدن محفوظ ، اىلىق آرابە ايلە دونوش  
نە قدر خوشە كىدردى . ماوى آطلس پردەلىك اوچىدە بر  
اوقاتى پوسىكول واردى كە مەمادىا صارىيلە سىورونە جامىك

اوزرنده بوغوسىز، شفاف برآی رسم ایدردی. آرا صیرا آياغه  
قالقوب اورادن دیشاری، تك توك لامبه‌لری پارلایان ایصلاق  
سوقاقلره باقنی و نره‌لره کلدیکمزی آ کلامنی بن چوق سوردوم.  
هرنه‌ایسه، بو برچو جوقلق خاطره‌سیدر؛ اوت، بر رمضان  
کیجه‌سی آت جانبازینه کیتمشدک؛ کاغد قاپلی جنبرلرک بری  
برندن کچهرک هواده عادنا قانادلفش کبی مهارتلیر یاپان چلیک  
وجودلی، بنه تنلی، صیم صیقی کینمش بر جانبازه شادیه عاشق  
اولمشدی؛ هر کیجه طوتدورویور، اورایه کیتمک ایستیوردی  
واوبری اویونه چیققدیمی صاراریور، رنکدن رنکه کیریور،  
میفی میفی ایلله یوره‌کنی باصدیریوردی، بکا ایرتسی کون  
دییوردی که :

— اوچنبردن کچن جانباز یوقی؟ رؤیامده کوردوم، بخیده  
برابر هواده کزدیردی!

هوب اونک لا قیردیسنی ایتمک، اونی کورمک آرزوسیه  
بوسکزیاشنده کی عاشق برکیجه باباسندن، او برکیجه آغابکیسندن،  
برباشقه کیجه آنه‌سندن اذنلر آلمغه چابالیه‌رق بوتون رمضان  
خارجان ایچنده صوله صاراره کچیرمشدی. اوزمان بز بونی پک‌ده  
آبی آ کلامامشددق؛ لیکن یاشلریمز آرتدقدن، دویغولریمز  
جنسیت فرقی بولدقدن صوکره تحایل ایتمش، شاشمش  
وکولوشمشدک. شادیه اینجه، حساس برقیزدی؛ آبی تحصیل  
کوردمش؛ کوزه‌لی، جیرکینی سه‌چر، کباری، عادینی آکلار،  
انسانلرک کولونچ جهتلرینی کوردور، یوکسک دویغولیدی. فقط  
نه‌غریبیدی که، بوتون بونلره رغماً ارککه‌احقه‌جه‌سنه، کورجه‌سنه،



قیدسز و شرطسز دوشکوندی. او او یقولو ، دالغین ، محزون  
کورو نوشنک ، اوفاجمه لر ترنم ایدن شاصر لکیله ملال آور  
لوحه لر جانلاندیران رساملغنک آلتنده یوره کنده عادی  
براحتراض طاشیر، سرکذشتلرنده برسوقاق قادینی بسپایه لی  
کوستریردی . چوق دفعه لر ، بانجوری آرائق ایدوب یالیده  
سالامق جهتی کوزله دیکنی ، اوزون اوزون بانجوانلری ویا  
قایقجیلری سوزدیکنی کوروردم. اصل اساسی ماجراسی اون  
آلتیسنده باشلار :

بوغازدن یاندی ، موشملردن یازدی ؛ جواردن دو قور  
چاغیردی لر . قاپی قومشومزک اوغلی ، اوتوز بش یاشنده  
اولی بارقلی برآدامدی ؛ عسکری طیه سندن چیمه مشدی ،  
بیکیباشیدی، اوزمانه مخصوص اوکی چیفت دوکمه لی، موریاقه لی؛  
ماوی رده نفوت کیردی ، غایت تربیه لی، نازک طورلر آلیر،  
آلارینی برته وویه اوغوشدورور ، دائما کوزلرینی قاپار ، اویله  
قونوشوردی. هیچ کوزل دکلمدی. یالکیز قانی چوق صبحاقدی،  
طاتلیدی، جانه یافیندی؛ دو قورلقده ده شهرتی واردی. ایلک  
کیجه سی، کچ وقت، خسته نك باشنه اون چاغیردق، هلی العجله  
کلمدی. شادیه خانم، کندینی یاری غائب ایتمش، اطرافنده کیلردن  
همان همان خبرسز، فنا برحاله ، آتشلر ایچنده یاتیبوردی. بن  
عجبا قوش یالازیمی دییه قورقویوردم . بویله ، بویوک قوناقلرده،  
حائله افرادندن بری خسته لاندیمی هر طرفه ، درحال ، دهرین  
برسس سزک سینر، پایدوس وقتی بیتمش برمکتب بانجه سی کی  
هر طرف موصار، بوشالیر، تمه لاشیردی . خسته یوقاری قانده

یا تار ، فقط آشاغیده ، اوشاق اودالرنده و قغوشلرده بيله سسلر  
قیصیلیر ، قولاقدن قولاغه کی میریل میریل قونوشولوردی .  
بوتون چهره لر - ساخته ویا حقیقی - همان بردورغونلق ،  
خزن ، اندیشه چو کردی .

دوقنور و صاف هادی بک معاینه سنی بیتیردی ، رچته سنی  
یازدی ، بوصیراده شادیه خانمک ده آتشی دوشمشدی ، کوزلرینی  
آچمش ، اطرافنه باقینوردی . بیاض کتن چارشافلی ، آبانی  
یورغانلی ، ایپک جیندکلی نیش یانماک ایچنده آل آل اولمش  
یاناقلری ، محمور کوزلریله نه کورل کورونویوردی ! برایچم صو  
دیرلر ، شادیه ده اوراده بردامله شروب ، بریودوم ایچی کیدی ،  
انسان ساده کوریه دکل ، دوداقلریله ، دیلیله ده اونی طامق ،  
دویق ایستیوردی . . . خسته لاق اهمیتلی دکلدی ، فقط اوزون  
برتداوی به محتساجدی . ایرتسی کون یالی به چاغیریلان . بوغاز  
هکیمی دورمه دن چارمه سنه باقیلماسنی سویله دی . شادیه خاتم  
هر کون اینه میه جکدی ، « نه یابالم ؟ » دییه دوشونویورلردی .  
نهایت و صاف هادی بکک همته مراجعت ایدلدی . اوده موافق  
وردی شیمدی اللهم کونی یالی به کلیور ، آله طاسمه کی  
جاملی ، بونجوقلی برشی طاسقیور ، کوچوک خاتم افندی نک  
بوغازینی یاقیوردی زحمتسز ، اضطرار ایزر برایشدی . باش باشه  
قالوب اوزون اوزون قونوشویورلر ، آرتق یاواش یاواش بربرلرینه  
ایصنیورلردی . بنده اثر یا ایچری کیریوردم . بره دوکولمش  
براسپرطو کی چارچابوق ، آله وله نه آله وله نه ، یوره کلرینی قاوریان  
بوسودایی ، کریدن نه طاتلی سیر ایدیوردم . . . اولا بندن

یاری صافلانان بوماجرا نهایت میدانه چیقارلیدی . شادیه خانم  
افندی جیلغینه دوئمشدی .. پیانویه کچیور ، بش ساعت لایبقطع  
چالیوردی ، صوکره باشی آلیور ، بنیده یدیشه طاقوب حکیم  
باشی چیفتلکننه دوغرو ، کوچوک صودره سی کنارندن تا  
ایجریلره ، قورقونچ ، قویتو یرلره قدر طیرمانیوردی . آرتق  
کوکسویه کیتیموردق ؛ بیکه کچیموردق ، کوکلمز هپ تنها ،  
ایزه یرلری سهویور ، باش باشنه قالوب دوقتوردن بحت ایتمک  
ایچون هپ یالکزلق ایستیوردق .

صباحلره قدر کوزیمزه اوقو کیرمیوردی ؛ هپ لاقیردی  
ایدیور ، مهتابه ، یاخود ییلدیزی کوکه بنجره مزلی آجیور ،  
جیغاره اوستنه جیغاره ایچهرک عمریمزی خولیا ایله ، شعرایله ،  
بانه یاقیله کچیریوردق . نهایت خبرلر ، ملاقاتلر ، کیجه  
سیرانلری ... خلجاندن آرییوردق . قلبلریمز دایما چارینق  
ایچنده ایدی . و صاف هادی ، بو اولی یارقلی جدی آدم ،  
ردلیقانی کی ، دیوارلردن آتلا یرق ، قووقلره سینهرک ،  
یاغمورلر آلتنده ایصلانوب ئوزوله رک عمرینی تهلهکله آتمش ،  
فداکارلقلر ، قهرمانلقلر کوسترمکه باشلامشدی . ذاتاً بنده  
ایش سز ، سرگذشتسز دورامازدم . بوماجرا اورته سنده حیاتمک  
اک طانی کونلرینی سورویوردم ... کوچوک خانم افندی ایله  
اوقدر لایبالیه شمش ، او یله قاینلشمشده که اونک چوق سیکیرلی  
اولوبده اویومادینی بعضی کیجه لرده بر یاناقده قویون قویونه  
یاتیوردق . زواللی بی قوجاغمه آلیور ، برآنا کی اوقشایور ،  
سهویور ، تسلی ایدیوردم .

اسكى دورده بركنچ قىزك معاشقهسى اويله شيمدېكى گى ،  
 چارچاق يولنه كىرمىز ، ملاقاتلر ، تلاقىلر اويله فتورسىزجه ،  
 هر كسك كوزى او كنده جريان ايدمىزدى . بوتون خانه  
 ديشندن طير ناغنه قدر سودامىشلر قارشىسىندى . برسالاح دورده ،  
 بىكچىلىك ايدردى . بىلان بىلامه ين ايشه قارشىلر ، خبر وىرر ،  
 منع ايدر ، كندى دردنى بىراقىر ، قومشوسىنىكى ايله مشغول  
 اولوردى . اهالى آراسىندى بو خصوصى مدهش بر اشتراك  
 واردى ؛ هانى بىكى كىتابلرده او قويوب او كرنديكمىز ، تسانده  
 يوقى ، ايشته بو ، بوتون شدتيله ، بوتون قونيله حكم سوره ردى .  
 عادتاً واسع بر جمعيت خفيه تشكىلاتى واردى . كىزلى ظن ايتديكك  
 بوقىلدن بر سر ، در حال ، باصو پارولا هر كسك قولاغنه واربر ،  
 بوتون استانبول قاواقلردن پندكلره ، آياستفانوسلره قادار  
 مىشله دن خبر آلردى . شاديه خانمكى او جرى بر بالى ايچنده  
 قابالى قالدېنى ايچون بر مدت دو يولمادى . ياز موسمى تهلكىسىز  
 كىردك . ا كثرى كىچىلر ، شوبله قوروده بر دولاشمق بهانه سيله  
 باشلر بىزمه برر ئورتو آلر ، برابرجه دىشارى چىقاردق دو قور  
 يالىنىك دىوارله چه ورىلش حدودى ايچنه كىر مكدن ، بك حقل  
 اوله رق چىكىردى . بىز جىسارت كوسترر ؛ كوچوك و كىنارنده كى  
 بوستانلر ك اوزرنده قويتو برىر سه چىشك ، اورايه كىدر ؛  
 كندى سيله بولوشوردق . بن شوبله ، بر آرز آيقرى دورور ،  
 راحتجه قونوشا بىلامه لرى ايچون سىرتىمى دوزر ، صوصاردم .  
 اونلر بو حالدن بك نمون قالمقله برابر جانمك صىقىلماستىندى ،  
 كوكلمك قىز بىلامىندن قورقورق ايكىده برده خاطر بىمى آلمغه جاليشىرلر :



— نیچون اوزاق دورو بوسك : عصمت ، قېزم !  
خطايله بی مجلسلرینه چاغیر لرلردی . ذاتاً ، وقتلرینی سکوت  
ابله ، دالغین ، نشسته سز کچیر لرلردی . بن نصیحت ویرمک  
لزامی دویار :

— جانم ، دیردم . بویله سکوتی دوراجقسه کز نه کلدک ؟  
بر آز قونوشیکز ، کولوشیکز .. ایچیکز فرح لانسین ...  
دها سوکر الری برئولو ، بواویوشوق معاشقه جانمی صیتدی .  
عادتا یاری ینکلاک ایتمک باشلام . یانلرنددن قالقوب تا  
اوزاقلره کیتدم ؛ ساعتلرجه سمترلرینه اوغرامادم . ینه بویله  
ایکیسینی ده اوزون مدت باش باشه بیراقدیغم بر کیجهیدی ، اوه  
دوندیکمزده شادی بی آلی آل ، موری مور بولدم ...  
— آء ناک وار ؟ دیدم .

کوزلرینی ایندیرمش ، یوزیمه باقامیور ؛ عجب عجبله صویو-  
نوبور ، یاناغنه جان آتیوردی . بنده صوصدم ؛ آرتق  
صورمادم . دیرکن یاغمورلر باشلامدی . صوک بهار کلدی .  
تشرین اولک بویلاک بوزوق هوالر ی صیفیه لرده یاز معاشقه لرینه  
باشلامش کنجلری - اوزمان - نه قادار نوزه ؛ مکدر ایندردی .  
کوکسوبک ، یاخود فنار یاغچه سنک موسمی قاپانیردی ؛ آرابه دن  
آرابه یه ، صندال دن صنداله کوز کوزه طویلانان ذوقلر ، بوکوز  
تلاقلیری آرتق تعطیل اولوردی . کوکلری بولوطلر ، یوره کلری  
حزنلر قاپلار ، ایچریده لقمان روحی شیشه لری بوشالیر ،  
دیشاری به یاغمورلر دوکولوردی . درحال سودالی خانلر  
بیانویه اوطورورلر :

قیش کلدی فراق آچمه ده در سینه مه یاره  
وصلت ینه می قالدی کوزل وقت بهاره

شرقیسی چالوب قولتوقلر و قنایه لر اوزرنده یاری بایغین و قتلرینی  
تحمل ایدلر براج صیقینتیه کچر برلردی. روز کارلر اوغولدار،  
دکیزلر چیریدیر، داغ تپه لرینی دومانلر صارار، حقیقه بوغاز  
ایچی قسوتلی بر حال آیلردی. صوکره کوجلر باشلاردی.  
برر برر دو یاردق: شوپاشانککیلر طاشینمش، بوبکلر جمعه  
ایرتسویه حاضر لانتش، قیرمزی یالیده کیلر ده قالا جقمشلر،  
کیواجیلر هب کینمش... نهایت بزم یالیده ده خارارلر باصیلیر،  
ده نکلر یاییلیر، قالفه لرله خدمتجیلر بر هفته اول قوناغه کونده.  
دیلوب کوچ تمیزلی کورولوردی. بر صبح ایرکن، طاتلی  
بر یاز کچر دیکمز یالی، یایراقلری دوکولش قورولرله چیپلا.  
قلاقمش باغچه به وداع ایدر، بزده کیدردک...

بوسنه کی وداعمز بک حزنی اولدی. شادیه هفته لرجه  
اولدن کوز یاشی دوکمه باشلادی؛ علاج آلمدن او یویاماز بر  
حاله کلدی. حتی اصرار لرینه دایانه مدیلر، اون کون قادار  
دها فضله قالدیلر. عکسی کی بومدندن هیچ استفاده ایده مه دک،  
هوا منادیاً بوزوق کیندی. یاغوردن کوز آچامادق؛ تشرین  
اول مهتابی هب بولوط آلتنده، صیر صیقلام کچدی قاج دفعه  
کینوب قوشانوب تام مر دیونلری اینرکن بر صاغناق کلیر،  
بزی کری چه ویریردی. سودالیلر بر برلریله آنجق مکتوله  
قونوشاییلیسورلردی. بن ایکی کونده بر دو قنورک معاینه خانه سنه

اوغرايور ، پوسته جيلق ايدييوردم . يالكز قوناغه طاشينا .  
جغمزدن بر كيجه اول وصاف بك بويوك برجسارت كوستردى :  
ايچرى كيره جك ، يوقارى قادار چيقاچقدى ؛ بن قورقويوردم ،  
كوچوك خانم يالوار ييور ، ألمى ، يوزمى ئوبويوردى . نهايت  
قاندم ، سرسرى روحم بويله برسر كذشتك ده طادينى آلمق  
ايمتيوردى ؛ بو ، هپسندن دها تهلكىلى ، بناءً عليه دها  
هيچانليدى... بر شرط قوممشم :

— اوصلو دوراچقسكز ، ها !

دييوردم . شاديه قيزاروب بوزاره رق :

— ده ليمسك عصمت ، سويله مكه لزومى وار ؟

دييور ، بوسوزمدن اينچينمش كورونويوردى . او كيجه  
هوا يته فنايدى ، هانى ايصالق روزكارلى ، يارى قارا ،  
يارى بياض بولوطلى ، قارما قاريشق كيجه ل واردر ، قيريق  
وعججه جى بر آي ده كوكل اورتەسندە دالغالى ده كيزه دوشمش  
برتنكه كې كاه پارلايوب كاه سونەرك ، باتە چيقە كيدر . . .  
ايشتە اويله ر كيجەيدى ؛ بوتون كون يريمزده بردقيقه راحت  
اوطورامادق . ايلله بن — سېكىرلرم بوزولمش — بر آشاغى ،  
بر يوقارى اينوب چيقييور ، متاديا آسنيور و متاديا آجقييوردم . .  
دوقتورايچون برده هديه آلمشوق ، سيفرەلى شيق ر جزدا . . .  
اونى ايكي كون اول كوتوروب معاينه خانه سنده بن ويرمشم ،  
باقالم نه ايله مقابله ايدە جكدى ، بونى ده مراق ايدييوردم ؛  
قابا برشى ويرمەسندن قورقوييوردم .

هرشى حاضر اولدى ؛ فقط كوچوك خانم خلجانشدن

سوفراده آغزینه برلقمه يلك قويامادی ، دیشلری کلدنمش  
 کیدی ، حق قونوشامایوردی . « نهك وار؟ » دییه هرکس  
 صوردهجه ؛ برمئاد : « برشیم یوق ، اعصابم بوزوق ! » دییه  
 جواب ویریور ، جهره ایدیوردی همان اوداسنه قاپاندی ؛  
 یوره کی چانلایه جت ، یرندن فیrlایه جق قادار ، برته وییه  
 وورویوردی ؛ نه تر قوقلاندم ، آلی ، آلمش دامله بردن  
 برومون وپردم ، والیدول ایچیردم . رنکی کاغد کی بیاضدی ،  
 دوداقلرنده بردامله قان قلاماشدی . بوقادار اضطراره مقابل  
 صانکه نه اوله جقدی ؟ برآراقی خانم اقدی اودامزه کیردی ،  
 کوچوک خانمی اویله ، ثولو بکزيله ، علاج شیشه لری آراسنده  
 کورونجه نورکدی ؛ بویوک اوغلنه خبر کوندردی ؛ احسان بك  
 قوناقدی یاری دوقتور صاییلردی ، هرشیدن برآز آکلار ،  
 هرایشه قاریشیر ، هیچ کیمسه بی بکنمزدی ، غالبابوکیجه و همی  
 اوزرندهیدی ، قرده شی بدوقتور طوريله ایجه معاینه ایدوب  
 نبضی ، کوکشی دیکله دکن صوکره :

— وصاف بکه خبر کونده ريك برکلسین باقسین !

دیدي ؛ شادیه ایسته مییوردی ، « برشیم یوق ، جانم کچر ،  
 آدامجفزه نهیه زحمت ویردم ؟ » دییوردی . فقط دیکله ته مه دی .  
 بزم بلانلر تماماً آلت اوست اولمشدی ، بر ، ایکی ساعت صوکره ،  
 قاجاق و کیزی بر صورتده دیواردن آتلا یوب گوشه لره سینه رک  
 کله جکشی بکله دیکمز دوقتور ، اوکده آغا فخر طوته رق قاپیدن  
 کیرمش :

— کیمسه اولماسین ، بویورولک !



ندالریله قارشیلانهرق اوست قاته ، اودایه چیقمشدی .  
وصاف بکله کوز کوزه کلنجه بن کوله می کوچ طوتم ؛ او ،  
شاشقین برحاله ایدی . نهایت پروژه من تطبیق ایدیه مہدی ؛  
سودازده لر هر کسک ایچنده بریرلری یاربم ساعت قادار کورد کدن  
صوکره آیریلدی لر . بو هوس ، بومراق ایچمزدہ قالدی . خوش  
صوکرلری اوندن ده بزدک ، بیقدق یا ... شادیہ خانمک دو قور  
ایله اولان ماجراسی ، قوناغه طاشیندقدن صوکره تدریجاً  
قابانغه یوز طوتدی ؛ یکی برسر گذشتک قابیسی آچیلمشدی ،  
بودها خشین ، دها کورولتولو اولدی .

وصاف بک کوچوک خانمی بک چابوق اونودامادی ؛ بن  
آرتق معاینه خانه سنه اوغراماز اولشدم . قوناغه برطاقم قادینلر  
کونده ریور ، باکت باکت مکتوبلر ، رسملر یوللایوردی .  
همیسی کلوب نی بولیورلر ، هدیه لر کتیریورلردی . شادیہ  
خانم قطعاً منع ایتمشدی ، ه هیچ برشی قبول ایتیه حکمک  
عصمت ، نه کوندیرسه بکاسویله ، سکا ایکی مثانی آایرم ؛  
دیمشدی . برآراق وضعیت قورقونج برحاله کیردی ؛ پوسته ایله  
امضاسز ایکی قارت کلش ، بوطورلی ، شالوارلی برحریفده  
سلاملغه اوچ دفعه باش وورهرق ، کوچوک خانمی کوره جکم ؛  
دییه چیقشمش ، باغیرمشدی . طبیعی ، قابوجی دها فضلہ  
سویله مہسنه میدان وبرمیه رک دفع ایتمشدی . یاشلی ، باشلی ، علم ،  
آورویا کورمش ، اولاد عیال صاجی برآدامدن بوصورتله  
بایاغی معاملہ لره معروض قالمق شادیہ نک حدتی ، نفرتی بسبتون  
آرتدیرمش ، آزدیرمشدی . برآقشام صوبانک قارشینسه کچدی ،

دوقتورك مکتوبلرینی، هدیه لرینی، رسملرینی هب بردن یاقدینی .  
ایچین ایچین ینه قایناوردی ، بن بک اعلی حس ایدیوردم که  
ینه بریسیله ، ربشقسیله مشغوسی . اولای، برمدت ، کیزلی  
طوتدی ، صوکره مک اوعلنه ایندیگمز برکوندی ، آچغه ،  
سربخی سویله مکه مجور اولدی : احسان بکک مسافرلری آراسته  
بررجانی بک واردی . استانبولک ک شیق اک پارلاق کنجلرندن ،  
الیسه تووالت مراقیلسی بر پاشا زاده یدی . جمعیت رسومیده  
اعضا یدی اما اورایه هیچ اوغراماز ، عمرینی سوقاقلرده  
قادینلر ییشنده ، هوا وهوسیله کچیردی . هم کوزلدی ،  
همده کباردی ؛ دوغروسی بن بیله ، قوماغه کیروب جیقارکن  
فرصت بولوبده بردغه کورمک ایچون پنجره لری بکلردم .  
بر جوق قادینلر ، روایتیه نظراً اونک اوغرنده ثروتلرینی  
توکه تمشلر ، قوجه لرندن آیریلشلر ، کندیلرینی زهرله مکه قادار  
واردملردی . ایله مصرلی برینسس بیایردک ، رجانی بکک  
عشقیله عادتاً چیلد برمش ، راقیه ، نهزه ، مورفینه دادانه رق  
برقاچ سنده جوگمش ، انقاضه دونمشدی . برقادیله آلی آیدن  
فضله دورماز دیبه شهرتی چیقمشدی ؛ آریلانلر بردها اونی  
اونوتامیسورلر ، دردندن قورتولامیسورلردی . همده دائماً اک  
یوکسک خانلره ، موقع ، حسن اعتبارله اک ایلریده کیلره مسلط  
اولوبور ، حتی ، دهنیلدیکنه باقیلیرسه ، مناسبتده اولدینی  
قادینلرکده ثروتیه کچنیوردی .

ایشته شادیه خاتم شیمدی بویله بر آداه طوتولمشدی .  
بونمارشده ، لاوانطه جامکانک اوکنده بز شونی بونی آلفله

مشغولکن یاغزدن کجیدی ؛ کوچك خانم ذاتاً ، دها اولدن ،  
بريشقه لاشمیشدی ؛ قابنه صفامیور ، صاغنه صولنه متادیا  
دونوب قیو یله رق لزومسز رتلاش ، سبیسز برخلجان کوستریبور-  
دی . بن ، قولندن اوصولجه دورته رك :

— آ ، باغکیز کوچوك خام افندی ، رجائی بك کچور !  
دیدم ، ایکسی ده دوندیلر ، کوز کوره کلدیلر وسلاملاشمه  
معناسنده بر خنیف کولومه دیلر ... قاقامه دانق دیدی !

عجبا ناصل ، نه واسطه ایله شوقادار جق اولسون مناسبت  
پیدا ایده بیللمشلردی ؟ .. حیثیتمه دوقونولمش کبی کوزلرم دولو  
دولو اولدی ؟ قب قیرمیزیدم ، قولاقلم اوغولدوبوردی :  
— یا ! کوچوك خانم ، بندن کیزلی ها ؟ !

دیدم ، عادتا آغلايه جقدم . شادیه تلاشه دوشدی ؛ هم بی  
توزدیکندن دولایی ، هم ده علینه دونمه مدن چکینه رك  
متأ ثردی :

— ده لیمیسك عصمتیجیم ، بن سندن نه می صاقلارم ؛  
سویله جك برشی یوقدی که ... سویله ، کوز آشنالئی ...  
دیدی ، همان نارك داماریمی بولدی :

— سویله ، باقیم ، دیدی ، سگاه آلیم ؟ طاراق ایسترمیسك ؟  
شونلردن ، شوباغلردن ؟ .. اوسنه لرده استانبول مددهش برطاشلی  
طاراق موداسی کچیریوردی ؛ اورته حاللی خانملردن محله  
قاریلرینه قدار هر قادینك باشنده رنك ، رنك ، شکل شکل  
طاراقلر دولو ایدی ... آری ، کله بك ، نوروجك رسملری  
وقیرمنی ، یشیل ، بیاض برچوق طاشلر ... بونمارشده

بولوناييه جگه لك ائك بهاليسندن سه چدك وصوكر ا اولبونه كيندك ،  
اورادن ده بكا برچارشافلق كسد يردى ، حالا خاطر مدوده ،  
ليمون كوفى رنكسند اينجه قديفه دن .. قديفه چارشاف موداسى ده  
اوزمانلر يكي باشلا يوردى . قيريلش اولان كوكلم بر درجه يرينه  
كلمشدى . دوزكن آرابه ده اصرار ايدييور ، كوچوك خانم حتم  
آكلات بكا ... ، ديبه يالوار بيوردم . بر مدت داياندى :

— واللهي آكلاته حق بر شى بوق ...

ديبه حالا صاقلی طومغه چالیشدی ، صوكره كه وشه دی ،  
آجیلدی .. آه او مادام تیرهللو ! توكلی بر زمانلر بیانودرسلری  
صیقلاشمامشدی .. باش ناشه ووروب ایچریده هپ بونلر  
قونوشولویورمش ؛ ایلک خبر مادام واسطه سیله گلش ، دها  
دوغروسى ، ایلک خبری مادام کوتورمش ، زیرا تشبث بزم  
كوچوك خانم افیدیدن باشلامشدى . مادام تیرهللو — دائماً  
سیاه البسلر کیر ، طبقاز ، کوستریشلی ، دالقاووق رایتالیان  
ملزی — عینی زمانده رجائی بکک همشیره سنه ده درس ویرردی ؛  
فقط ایکی عائله بر برلریله کوروشمزلردی ، حق اوزاقدن بیله  
طانیشمازلردی . بیانو خوجاسنك اوراده بزدن ، بزه اونلردن  
بحث ایتمه سیله ایکی طرفده ده بر مراق حاصل اولمش ، بر کون  
— قرارلاشدیربله رق — ایکی کنج خانم مادامك آياس پاشاده کی  
أونده بولوشوب کوروشمشدی . ایش بوراده نرده ایکن آرایه  
رجائی بکک مسئله سی قاریشیورمش ، حق بنم خبرم اولمده دن ،  
مناسبت بر خلی ایلریله مشدی .

فقط بویکی معاشقه هم تهاکلی ، همده صعبوتیلیدی .



بلندی که اوزون بر زمان ساده سوقانده کنلی بر آشنائی  
ایتمکه و آرا صبرا بر قاج کله یازوب چزمکه قالا جقدی . مادام  
تیرملو اوینی بوله کنلی ملاقاتلره تخصیص ایتمکدن قورقویوردی .  
چارشافلی برخانمک و شوق بر بکک کلوب کیمه لری پولیسک  
نظر دقتی جلب ایدرسه قادین ایچون فلاکت اولوردی .  
او دورده حکومتک کوزی بوقیل ایشلره کیجه ، کوندز  
آچقدی . بالمجوریه مکتوبلاشمه باشلادی . ایکی طرف ده کرک  
کاغدلرک جنسند ، کرک مرکیده و طرز تحریرده شیقلنگ ،  
کبارلکک صوک درجه سی کوسترمکه جالایوردی . دکان دکان  
کاغدجیلری کزییور ، اک آغیرینی ، اک ساهه و بهالیسی آرایوردق .  
نهایت بولدق ، کیمک کی سرت ، بوکولاز ، قیوریلماز ، دوت  
کوشه برشی ، بن کیمم ، یوکسک قالدیرمده کی حکاکلره  
صوئوق تمغا برده ش ، ف ، شیفردسی قویدوردم ؛ قاپ قازا  
پاریل پاریل یازان برسیاه مرکب سه چدک ، آلتون قایلامه قلم  
اوجلری آلدق . رجائی بکک کاغدلری ده شیفره لیدی ؛ هب  
لوندره مالی قوللانیوردی . ذاتاً روايته کوره چاشیرلری ،  
البسه لری ، بوتون اشیا ولوازماتی ده انکلتزمن کیتیرتدیر بردی .  
سوکر ، خصوصیتنه قادار کیروبده کوردم ، حقیقه  
بوآدام قادار حسن انتخابه مالک ، ذوق کبار ، طورلری  
ویاشاییشی باشقه بر کنج بن کورمه مش ، ایشینه مشدم .  
یازیسنده اوپله ایدی ، فرانسیزجه مخابره ایدیورلردی ،  
کندی قارشیلیقلی اعترافلرینه کوره تورکجه صمیمیت ، شفقت  
و محبت اظهار ایدمک کله لر یوقش ، بزم اسان حسیاتی

افاده ايده منميش ، ابتدائی ، عادتاً وحشی ايمش ، مثلاً  
 « عشق ، کله سنی نه قادر بایاغی ايمش . دوشونو کز ؛ لامور !  
 اونه درينك ، اونه آهنك ، نه آتش ! ... شاديه خانم رسمي ،  
 پيسانوبی ، دانتلاپی ، هپسینی بر طرفه آندی ، محرره لکه  
 باشلادی ، همی فی ماصه باشنده ، مکتوبلرینك اوزرینه قایمیش ،  
 یازمق ، چیزمکه کچیریوردی . هفته ده اییی کون قادر ، بیی ،  
 بورا ، نه اولسه محققك اوغلنه اینورلر ، بردفمه بونمارشده ،  
 بردفمه بازار آلمانده ، بردفمه ده اولونده تصادف ایندوب  
 اوزاقدن بر کوز باقیشی ویا تبسمله سلاملاشیورلردی . نهایت  
 بوکافی کله مکه باشلامشدی . بن داتما :

— قوزوم کوچوک خاءجتم ، بوایشك صوکی گلز ، سز  
 دها قیزسیکیز ، رجائی لك ده بكار ، نیچون اولنك جهتی  
 دوشونمورسیکیز ؟

دیهه صور و یوردم . شادیه خانم بوکا جواباً :

— اولنمکمی ، دییوردی ، ایکیمزده اونی دوشونه جك  
 قادر کری فکرلی دکلز . بز بویه حسلك اوزه رنده بز ، حیاتی  
 باشقه درلو کورورز ، سن آکلایامازسك !

هدیه لر ، یادکارلر آلوب ویرمکده باشلامشلردی . اش بر  
 بیله زيك یابدردیلر ، ثورمه آلتون تلدن ساده ، فقط ظریف  
 برشی ؛ ایچنه « سارماشقی یاپراغی حك ایتدیروب آلتنده  
 فرانسزجه : « سارماشدیغ یرده تولورم » عباره سنی یازدیردیلر .  
 رجائی ارکك اولدینی حاده بونی هر کون قولنده طاشیوردی ؛

شادیه ایسه، قابل اولسه، براوجی ده دریسنگ ایچندن کچیرته جک،  
قانه، جاننه صوقه جقدی .

شباط ایچنده ایلیق، آیدینلق بر کوندی؛ بیه ر لوتینگ  
رومانلرندن نوزمه بر مراقله ابوبده کزیمکه قرار ویردیلر؛  
بزی آرابه تربه نك قایدسده بیرا قاق، بکله جکدی؛ اوراده  
رجائی بکله بولوشه جق، قبر زیارتنه کلش کبی یوقوشلره آغیر  
آغیر طیرمانه رق یوقایدنه تنها بر برده اوطوروب قونوشه حقدق.  
هپ قویو دنک کیندک. حق رجائی بک ده سیم سیاه بر بالطوبه  
بورونمشدی. اورانک یاری ده عجمیدسیدک؛ ینه برکت بکا...  
خاتم افندی ایله بر قاق دفعه لر عائله مزارلقی زیارتنه کلشدک ده  
یوللر خاطرمده قالمشدی. دها کوچو کلکمده ده. بهار زمانی،  
ایوب صیرتنده کی او مشهور فولیا تارلارینگی کزیمکه کیدردک،  
محله قاریلرینک بوتون قیش صاییقلا دقلری بوسیران نه عادی،  
نه ذوقسنز شیدی.. راستیقلا نیر، دوز کونله نیر، یوللره دو کولوردک؛  
اکثر بایمکلرده حاضرلار، آل سبتلری، بوخچهلر و صو  
صراحیلریله یاری کوچ یاپاردق. کاغذخانه یه و خاصکویه قارشی  
تارلارله اوبک اوبک اوطورور، لاف ایدر، بیک بیر،  
او کمزدن کچن کاخان بکلرینه کوز سوزه ردک. کوچوک قلم  
افندیلریله بویوک قوناق سایلرندن عبارت اولان ارکاک سیرجیلر  
بالطبع اورابه بهار اولدینی، فولیالر آجیدینی ایچون کلزلردی؛  
چاقیقیلق ایدرلردی؛ بویله، اوزاقدن بیق بوکمک، قاش اویناتمق،  
سوز آتمقله نه ذوق دویارلردی؛ بونی بز او زمان، کوچوک

اولدیغمزدن بك آكلامازدق ؛ فقط نه قدر هوس ایدر ، عینی  
شیلری یامق ایچون ناصل آرزولر دویاردق...

ایشته ، شیمدی ، عینی یوقوشلری طیرمانیرکن بن بونلری  
خاطرلایوردم ؛ اونلر اوکده ، یان یانه یوروپورلر ، آراسیرا .  
دورارق شورایی ، یورایی بربرلرینه کوسـتروب فرانسیزجه  
گلگلرله تقدیرانده بولونویورلردی . نهایت یورولدق . قاووقلی  
برمنزار طاشنک کنارینه اوطوردق ؛ صوکراینه عینی یولاردن ،  
بیك مشکلاتله دونوب چارشیه یقین رجائی بکدن آیریلدق .  
سانکه بو بولوشمان نه چیقمشـدی ؟ بن ، عودتده ، عادتا  
صومورتغان دوردم ... شادیه خانم ایسه نموندی ؛ اوقادار  
نموندی که هفته یینه تکرار ایتدی ؛ برسفرده قایلجه برهواده ،  
قاضی کوبنه چکدک ، فنر باغچه ده بولوشدق ، دها صوکرالری  
یدی قله ده بردادی اوی چیقدی ، بردفمه سنده ده تره نه فلوریا  
کیدلدی ... دیرکن ایش دویولدی . استانبول ایننده بردیدی  
قودیدر باشلادی . آرتق بزی یالکـزجه دیشاری یه بیراقیورلر ،  
نظارت آلتنده طوتویورلردی . شادیه خانم ده لیلکار یامغه  
قالقیشدی ، قاجق ایستدی ؛ اوکی آلدیلر . اوداسنه قاپاندی ،  
آیلرجه دنیا نالنی آنسکنی چکدی ، منزوی یاشادی . نه کینئوردی ،  
نه یازیوردی .. یاز موسمنی ده اوپله ، اعتکافده کچیردی . صوکرای  
یکی برماجرا باشلادی ، پونی برباشقه سی تعقیب ایتدی .. او آراق  
مشروطیت ده اعلان اولدی ؛ برآز کچدی ، پاشا تولدی ؛  
عائله باغی کهوشدی ؛ شادیه خانم ده ایلك فرصتده آوروپا  
کیتدی ؛ اوراده نه یاپدی ، ناصل یاشادی ؛ روایتلر مختلفدی ؛

شوراسی محققدی که پاراسفی بیتیرمشدی . استانبوله عودتنده  
شیشلیده برآپارتمان طاشیندی؛ مناسبتی، مناسبتمز مسافر لرله،  
یابانجیلرله دوشدی، قالدی؛ دهاسو کرالری بر مبعوثله اولندی،  
آلتی آیده بوشاندی. بر ضابطه واردی؛ اونکله ده کچینه مودی؛  
دوشدی، دوشدی، نهایت کوردیکم، سویله دیکم حاله کلدی.

زواللی شادیه ! ..





## یکی دور سیالری

آقشامه طوبلاشان مسافر لر آراسنده سرگذشتلرینه واقف  
اولدیم اوچ، درت یکی دور سیالسی چارچابوق، برصو لوقده  
آکلا نه جنم.

ایشته بری :

اولجه صاریقلیدی، پارسزدی؛ انسانه ماصالرده کی عقلی  
کل اوغلانلری خاطر لاتان بوک جهره لی، ققط ذکی ئوزلو،  
یردن یایمه، باستی باجاق بر وجود... نه آنادولای به بکزر،  
نه روم ایلیلی به؛ غالباً هرایی طور اقدن قاریشمیشی وار؛ بعضاً  
چکه اوزانه، یایوان یایوان قونوشور، بعضاً قسطمونیدن یکی  
گلش بر آشی چیراغی کی کله لری یوته یوته لاقیردی ایدر؛  
صاریقی ایکن سین کوز محله اماملرینه بکزدی، فسلیلیکی  
آیاق قادافی یهودی صرافلری آکدیریور. استانبولک مشهور  
برسهاسیدر. آله، بر، ایکی مهم دعواده خیلی پارا کچدکن  
صوکر کنیدیسی هوای وهوسه قابدیرمش، آدی صانیل یامان

برقادینه طوتوله رق دلی ، دیوانه اولمشدی . زنکیلیکی خلقک  
آغزین دوشونجه در حال یازمخانه سنه بر طاقم آدمار نوشوشمش ،  
اونی ذوقه ، اکلنجه یه سور و کله مشدی . صاریفنگ امکار ویردیکی  
قادر خصوصی و عمومی اکلنجه لردن کری قالمیوردی . برکون  
اوکا آرابه ایله کچن برقادین کوستردیلر :  
— ناصل ؟ دیدیلر .

مسعود افندی شاشالادی ؛ قافاسنگ ایچنده خیالی قوروب  
قوروبده حالاجانلیسنه تصادف ایدهمه دیکی وجود ایشته اوایدی ؛  
ایله سنی ایستر ، ایله سنی آرار ، ایله سنی اوغورنده اسرافلر  
یایمغه جان آتاردی . « پارام ناصل اولسه کیدیور ... باری  
کوکلت ایسنه دیکی کینسنه صرف ایتمه ! » دیردی . « کیمدر ؟ »  
دیهه صوردی . « ایری کوزل عایشه نك قیزقرده شی . » دیدیلر  
« یا ؟ » دیدی خبر کونرددی . فقط نه طالعمرلک ! قادین ایکی  
آی اول اولمش ، شیبمیدی دنیان آلی اُنکنی چکمشدی ؛  
صوقولمغه امکان یوفندی ، قاری ، قوچه اطرافه کوز بوممشلر ،  
کندی عالم لرنده ، مسعود یاشیور لردی .  
نه یابه جقدی ؟

برفعالیتدر باشالادی ؛ مملکتده ایشکنه ارقلر ایله نام قازانمش  
نه قادر معروف واسطه لر وارسه باش وورولدی . مبذول  
پارالر آداندی ، هدیه لر وعد اولوندی . نه یایب برکون ، غایت  
کیزی ، غایت قابالی صورتده فنر باغچه ده ، شویله آیاقدی ، ایکی  
دقیقه قادر کوروشوله بیلیمه سی تأمینه آلبندی . مسعود افندی  
تلاش ایچنده دیدی . ییقاندی ، تراشلر اولدی ، لاوانطه لر

سوروندی ، زومرود یوزوکنی پارلاتدی ، اینجی بویون باغی  
ایکنه سی طاقدی . صاریفی یکیلهدی ... وقتندن اول کیدوب  
بکله دی . قالدین برآز کچ کلدی ، آرابه دن بیک خلجانله ،  
آرقه سنه ، یانسه تورکه تورکه باقهرق ایندی . ایلك سوزی  
بو اولدی :

— بك جوق قيصقا نهدرده ، کوروپرر دیبه قورقومدن  
توله حکم افندم .. خاطر یکنز ایچون ، برده سزی شو نتیجه سز  
هوسدن واز بکیرمک ایچون تهاکمی کوزه آلدیم ، کلدیم !  
مسعود افندی یی باغینلقدن آیلشمش ، یاخودیکی بایلیمغه باشلا-  
مش کی صولفون ، صاری ، سرسمدی . قالدین ایضاح ایتدی : امکان  
یوقدی ، حیات عمومیه دن بستیون چکیله شدی . اصرار ایدم جک  
اولورسه زوجنه مسئله یی آچغه مجبور اولاجقدی ؟ نیچون شو  
سعادتلرینه بر ضربه وورمغه جالیشیورلر ، کناهاکاری توبه  
واستغفارندن واز کچرتمک اوغراشییورلردی ؟ بو کندیلرینه  
یا قیشیرمیدی ؟ زواللی قادینجیز آغلامق اوزره ایدی ؛ کوزلری  
دولو دولو اولمشدی . بو حال اوکانه قدرده یا قیشمشدی . مسعود  
افندی طلاقه کلدی ؛ اونک مقصدی فنا آ کلاشیلمشدی ،  
کندیسنه مشروع بر مناسبت تکلیف ایدیوردی ؛ اونسر  
یاشایامیه جقدی وسودیکنک سعادتی ثامین ایچون جانی ، مالی  
تماماً فدایه حاضر دی . بونک اوزرینه قالدین برآز سکون  
بولدی ، ساعتنه باقدی :

— آه ، دیدی ، نه قدار کجیکمشم .. بشقه برکون ، قابل  
اولورسه ، بن سزه خبر کونده ریر ، رانده وو ویریرم .

خوجایی یول اوزرنده لار و ابکم بیراقوب قاجدی، کتدی!  
 بز هفته کجیدی، اون بش کون کجیدی، خبر یوق.  
 تکرار و اطهر، تکرار فدا کارقلر، نهایت بیک مشکلا نه  
 ایکنجی ملاقات زمینی حاضر لاندی. بو، برآزدها اوزون  
 سوردی، قادین قوجه سندن آریلغه راضیدی، فقط باقالم او بیراق  
 ایستیه جکمی؟ بوجهت ناصل حل اولونه جق؟ مسعود افندی  
 اوغراشدی، دیدیشدی، چیربندی؛ نتیجه قادینک قوجاسیله  
 بر بازارلق قابیسی آجدر ا بیلدی.

او آدام دیوردی که:

— لاف دکل، بن ابری کوزلی مایشه نك قیز قرده شنی  
 نام بش آی بسلهدم، بش آی یدوروب قوشاتم، بش آی  
 چله سنی چکدم، بلاسنه قاتلاندیم؛ قولای قولای بیراقیرمی سم!  
 بوتون ضرر و زیانمی ایسترم، هم مادی هم معنوی تضمینات؛  
 آ کلاشیلدی می؟

مسعود افندی نك آداملری چه کینه چه کینه سور دیلر:

— نه ایسترسک؟

او بری وقور بر طورله، آغیر آغیر هجالدی:

— اوچ بیک بدی یوز آلمی لیرا...

بو بازارلغک یا بیلدینی زمانده لیرانک قیمتی واردی، زیتون  
 دانه سنی یوزیکرمی غروشه آلمازدق. مذا کره بالطبع، انقطاعه  
 اوغرا دی. حریف:

— سز بیلیرسیکمز، دیدی، بنده قالین؛ البته بشقه بر

مشتقی چیقار!



زواللی مسعود افندی یواولیلکک جدیدنه اینانانلردندی؛  
 یسلموردی که قوپار یله حق اولان شو اوچ بیک یدی یوزاللی  
 لیرانک بویوک برقهی یکی منکوحه سنک حصه سیدی، اوکا  
 دوشه جکدی... برآزدهاچه کیشدیردیلر، اوچ بیکه ایندیردیلر.  
 بازارلق اویدی؛ برکون یکی زوج طرفی اسکی زوجه بر  
 «چک» کوتوردی، صاغ ایله اونی ویردی؛ صول ایله  
 بوش کاغذنی آلدی.  
 اوله ندیلر.

قادرین ایلک ایکی آی اودن جیقمادی؛ فقط ترزیلر، قویو مجیلر  
 قافله سنک آردی آراسی یسلموردی. آتله، اراملر، دبدبه،  
 دارات، هپسی رنده ایدی اوچونجی آبی خانمک اوکله بیکلر رنده  
 بعضاً اوده بولونمادی بی اولیوردی. دردنجی آی کیجه غیوستلری ده  
 مادت اولمشدی. آلتنجیسنده آرتق «ایری کوزلی عایشه نک  
 قیز قرده شی، جاننک دیله دیکی کبی کزییور، تورویور،  
 قورجاسنه بروننک اوجنی بیله کوسترمیوردی. آیریلدیلر. مهر  
 مؤجل اوله رق قام ایکی بیک لیراده اوسته ویریلدی.

مسعود افندی، شیمدی، برایتالیان آقتریسله یاشابور،  
 پانغالیتیده اوطورویور. صارینی، یکی مناسبتی اوزرینه، حیقارمه  
 مجبور اولمشدی بو، دینده عکسی کبی: «ایله نکاه، یوقسه  
 بیراقیر کیده رم!» دییورمش... غالباً اوله نه جکار! ینه عینی  
 ماجرا...

حربك اعلانندن اول املاك دلاللانی ایدرمش .. طالع  
هیچ یوزینه کولمه مش ، قرق یاشنه قادار یاقاسی سفالتدن ،  
مصیبتدن قورتولامامش . ایریلی اوقاقلی چوجوقلر؛ بالذلر،  
قائن برادرلر، بویوک آنالر ، زواللینک باشنده یکریمی کیشی .  
هپسینی بسله مکه چاپالار، آرقه سنده یازین بر صوف چاکت ،  
قیشین هاوی دوکوک بر پالطو غلطه خانلرینی دوزر دولاشیر ،  
ایش آزارمش ... دیرکن محاربه باشلامش . بر طانیدینی ارمی  
صراف دیمش که :

— علی بك ، ایکی اوچ یوز لبراك وارسه سكا بر ایش  
اوکره تهم !

علی بك اوموزینی سیلکمش :

— متالیکه قورشون آیدورم آرتین آغا ، دیمش ، بنده

لیرا نه کزدر ...

او بری اصرار ایتمش : « سوکره آلمی اویه جکسك ، بكا دعا  
ایده جکسك ... هله ایکی یوز آلتون بولده کن ، ایلیکینی کوردم .  
بر خدمت ایده یم ! » دیمش . علی بك ایلك ارمی پاطریدیسنده  
آرتین آغایی یاننه آلوب اوبنه صاقلامش ، جانی قورتارمش  
اولدیفندن دائمی صرافدن اوقاق تفك یاردیملر کورورمش .  
ایکی یوز لیرا بو ... نرمدن بولاجق ؟ هال قاریسك کوبه لرینی ،  
کندی ساعت قوردوتی ، آنتیقه بر صو طاقنی ، ایکی شمندوفر  
تحویلی آلدن چیقارمش ، اوتوز لیرا قادارده بر یردن بورچ  
آلمش ، فقط ینه دولدرامامش ...

— آمان آرتین آغا دیمش . تماملایامدم !

اوبری دیکله مه مش :

— بول ، کتیر ؛ بره بیک قازانج !

زواللی علی بک صاغه قوشمش ، صوله قوشمش ، نهایت  
اوداسنک خالیسنی بیله اوقوشمش ...

— آل ، دیمش ، ایشته تام ایکی یوز صاری آلتون !

آرتین آقا بر قوجه و آفرین ! ، چکمش ؛ پارالری درجیب  
ایتمش ... آرادن برآی کچمش ؛ علی بک دکانه اوغسرایوب  
صورمش ؛ صراف :

— لیرا چیفته شدی !

دیمش ؛ ایکی آی کچمش ؟

— لیرا اوچله شدی .

جوانی آلمش ؛ آلتنجی آیدم آرتین آغا دیمش که :

— ایسترسهک سکیز یوز لیرا ویریم ، حسابی کسه لم !

علی بک حیران ، فقط متالیکسز ؛ حسابک کیلیمسینه

راضی اولمامش ؛ یوز لیرا اودونج آلمش ، بکله مش ...

برکون آرتین آغا احمد بکک اوکنه دوشندی بانقه لردن

بربنک ارضیه سینه صوقدی . قاپالی درت صندوق کوستردی :

— ایشته ، دیدی . مال بو ؛ نه قوقار ، نه آقار ؛ نه

یاصلانیر ، نه بایاتلار . . . دهادررسونمی ؟

علی بک :

— دورسون باقالم ...

دیدی . بر بحق سنده ایکی یوز لیرا تام یکریمی بیک لیرا

دوغورمشدی . نهایت قرق بیک لیرایده حقیقدی ؛ آرتق

صانديلر ايشته بو معامله دن دولايي على بكه قالاى على بك ،  
نامى طاقيلدى زيرا ماقه ارضيه سنده دوران مال قالايدن باشقه  
بر شى دكلدى. هي كيدى طالع وهي كيدى حرب : قالاى  
آلتون دن مهالى بده صانيلر مش ... آرتين آغا اوقه سى اوتوز  
ايكى غروشدن آلمش ، ايكي بيك سكه بوز اللهى غروشدن  
صانمشدى . بوسايه ده كورولتوسىز ، شاماقانسىز بر معامله بايه سنده  
على بك زنكيينه نمش ، صراف ايله اور ناقلفه باشلايوب عسكرى  
معه دلر آراسنه قاييلمشدى . اوكا بر مراق كلمشدى :

شونى ، بونى اولنديرمك .. اولاقترلىنى ، بالديزلىنى ،  
اقر بالرىنى بر بر آرقانه سنه قه جايه ويردى بر بر آرقانه دوكونلر  
ياپدى ؛ صوكره ياننده كلره ، خدمتده كلره كچدى . اوشاغندن  
ياريچلرينه ، خدمتچيلرندن مرييه لرينه قادار اولنديردى . بو  
خصوصده حسابسىز ، كتابسىز بول پاره صرف ايدييوردي .  
صوكره آرقداشلىرىنه باشلادى . هر كسى ارواجه تشويق ايدر ،  
هر كسه قىز ويا قوجا بولوردى ايلك طائيشدينى آداملره درحال  
اولى اولوب اولماقلىرى صورار ، بكار اولديغنى آكلارسه  
چشيد چشيد قىزلر صايار ، مدجه لر باپار ، هر ايشى ، هر  
ذوقى بيراقوب بو مسئله نك آردنده كونلرجه قوشاردى . بر  
زمان دلاللغى ايتديكى بتالرى شيمدى آلچي صفيله كزر كن  
ياننده كلره دائما :

— او آلمالى ، عائله تشكيل ايملى ، صوكراسى ناصل  
اولسه كلير ...

ديردى . بون ، ساده ، باپايانى بر آدامدى .

بر او چونجی :

ژاندرمه ضابطی ایش . بیقلری دیک کن شیمدی قیریدر مش .  
 چیزمه یه ، قیلجه توبه لی ، فقط اوزرندمه حالا اوسرت ، قاباطور  
 یاق ... بر زمانلر روم ایلیده اشقیا پیشنده چکمدیکی صیقنق  
 قالمش ؛ داغلرده یاتمش ؛ آج قالمش ؛ وورولمش ؛ آرقه سنده  
 ایله کلری بیا ضلائمش بر اسکی قابوط ، بالقانلردن بالقانلره  
 سورت آللم سورت . نهایت صیتارلره ، باصورلرله ،  
 صاریقلرله خراب اولان وجودنده بر صیقملق جای قالمش ..  
 تام اوصیراده مشروطیت باطلامش داغده کیلره کون دوغمش .  
 اوتوز بر مارنده استانبوله عونیه سیله شانلی شرفلی کیره رک  
 هر ده لیکه بروتنی صوقمش ؛ بیلدیز یغمانه قاریشمش ، حبیبی  
 دولدورمش ؛ اسکی پاشالری نور کوتمش ، صوبمش ؛ حسبخانه .  
 لردکی موقوفلره بیله طوقات وورمش ، آصیلانلری برر برر  
 کیتمش ، کورمش ؛ صاغه امر ویرمش ؛ صوله آت قوشدورمش ،  
 شوکاطبانجه چکمش ، بوکادایق آتمش ، خلاصه ایتدیکی رذالت  
 قالمش : کریم بک شافی کریم بک بوقاری ... اک خفیف  
 سوزی : « شیمدی قافاکی ، کوزیبی یارارم ... » اک اهون  
 آزاری : « یاقالانجه ایبه چکرم ... » اک طانلی التفاتی : « بی  
 قاطر ! .. » وارسه حریت ، یوقسه حریت ، حریت دیر کن  
 « ر » حرفی الی کره چاریبور ، تودورویور ؛ ایچوب ایچوب ،  
 دوووب سوکوب « یاشاسین حریت ! » دییه نعره بی باصدیمی  
 جاملر صاریلیبور ... جمعیتده باش اعضا ، باش قهرمان ؛ باش  
 فدائی ؛ کوکسندمه یاور قوردونلری ؛ باب عالیدن حربیه یه ، حربیه دن



باب عالی به بر کلوب کیدیشی دنیایی ثور کوتویور ... دیر کن  
مبعوث ، صوکر ا تجار ؛ حریبه نظارتی متعهدی ده ، لاف دکل ؛  
حربك اعلانندن اول ذاتاً ایشی یولنه کیرمش ، اوندن اوتوسی  
دیو آدیملرله کیدیور . هم تجار ، هم پولتیقه جی .. مخالف  
کیمسی آغزندن چیقار کن باشنه قان فیولیور ، کوزلری دونویور ،  
باشقه لاف یوق :

— اصلالی !

شیمدی آلمانلری طوتدرمش :

— کوزینی سودیکم هیدنبورغ ، تپه له شور روسلری ..  
بر دغه بو جهندن آجارسه کیمسه یه لقیردی نوقی دوشمیور ؛  
آلمانلر آلمادینی مملکت ، کیرمه دیکی قطعه ، صوک تقرینه قادار  
اسیر اتمه دیکی حکومت قالمیور . جاهل ، متعصب بر حریف ...  
ایکی قدح اینجه همان :

ایل مالی .. سی ناصل ماردمالی ؟

تور کیسی طوتدیروب صینجیه قادار سویلیور . ائک بویوک  
مراقی : قومار ... کاغدرله کفر ایده ایده اوچ کون اوچ کیجه  
هیچ قالقماسه جه سنه اوینیور ، غائب ایدیور . طیتی داغده  
اشقیاتعقیب ایدرمش کنی خور انجه سنه براوینایش ... قازاندینی  
بو ده لیکنن آقوب کیدیور . زنکیندر دییه اسکی وزرادن برینک  
قیزنی ویرمشلر . نازک ، اینجه ، توی کی بر قیز . اوکاروم ایل  
آغزی :

— آبه قیزیم ...

دییه التفات ایدیشی آکلایورلر ، تحمل ایدیلیر شی دکل ...

لكن اولك دبدبه سی یرنده : اوتوموبیل، موتور، آرابه .. حالا  
حکومتجه اوقادار اعتبارلی که صدراعظم ایله ایکیده بر چفتلک  
کزمه لری یاییورلر ، برابرجه ساعتارجه اوطوروب حسب حال  
ایدیورلر ، سنلی بنلی ، ایکی اوموز داش کی کوروشورلر .  
اوندن بحث ایدرکن کریم بك :

— یاماندر بزم آخرتلك !... —

دیور . ایشته بویه بار کیر کی بر آدام ، بر میلیوز ..

دیگر بری :

نام آقمرای بکی ؛ بر آژ دها اول دنیایه کله ایش اون  
ایکیرمه قاریشمرش ، فقط میدان بوله مامش ، دنیاك دار زمانده  
کوزینی آچمش ، بویوك ایشلر کوروب نام ، عنوان آلاماش ؛  
لكن بیچیم ، جاقا ، ادا غایت یرنده ، کسکین کاخان بکی ...  
صندوقه کیرمش ، پهلوانلق ایش ، او باصمش ، آدام وورمش ،  
حمام قایتمش ، میخانه بیقمش ... کوزل زیبک اوینار ، برونک  
ده لیکنی قابانوب یامان زورنا تقلیدی یاپار ، یاقلرخی شیشبرتوب  
چیفته نعره کی اوتر ... شویه بر قادین کی دوماتسی صویوب  
بیریه ، صوغانیله بر صالاته یاپیشی ، بر پطلیجان دوکوشی ،  
بر قیر سلیکمه سی یاپیشی واردر ، لطیفدر . آرقاسنده قولسز  
برتیرم فانایلا ، بانطالونی قایمش ، آیاغنده ترلکار محله ده اوی  
کی دولاشیر ، قهوه اوکنه اوطوروب نارکیله ایچدرك ظن  
کیدنه لاف آتار ، تعریض ایدر . طابانجه مراقلیسیدر . خاق  
اوکا باش ووروب سلاخلرخی کوسترلر ، فمکرخی صورارلر :

دها اوزاقدن رووه لوه رلرك جنسنى طائير. اسمنى تعيين ايدر:

— سميت وه نسون نقلیدی ، ايشه ياراماز !

ياخود :

— خالص ناغانت ، كوردوكمى مالى ! برعمله يه قارشى قويازا

كى تنقيد لرله خاقى ارشاد ايدر . فقط كنديسى يالكنز  
براوسترا طائير ، بشقه سلاح قوللانماز :

— بكا يه تيشير ، دير ، اك صاغلامى بودر !

لطافى پهلوان ، عيى زمانده كومروكده ده كاتبى ؛  
اسكى دورده هيچ اوفرا مازمش ، صورا كنده دوامه باشلامش ،  
ترقى ايتش ، مدير لك قادار چيقمش . . . . . . . . .  
پاشاده جمعيتك مملى ، جانى ، مدافى اودر . اوافق نك كارلرده  
كوسترمش ، بوستانلردن برى يوق بدلنه ايقاقدن عهد سنه  
كچيرتمش ، چيفته قهوه لر مستاجر ي تهديد ايدرك قاچيرمش ،  
يرينه بونى كتيرمش . انتخابات زمانى فعاليت كچر ، مفرزه لر ،  
چتهلر تشكيل ايدر ، معيتنده صوبالى ، قامالى قرق ، للى آدام  
واردر ، بونلرى صاغه ، صوله صالديرر ، اطرافه دهشت ويرر ؛  
ايشنى كورور . آق كوزلر ي ده ويرهك مخالفله خائن خائن  
بر باقىشنى سويلرلر ، نويلر نورپر تيرمش . مخالف غزتهلر  
نه حدينه قهوه لره كيرسين ، موزعلر آدى چاغيرسين ! لطافى  
پهلوان كورور ويا ايشيديرسه انسانى محو ايدر . ايشته بو حريف  
شيدى حرب زنكينيدير .

آنقرمدن تفك طوبلاشمش ، طريزونه ، صامسونه قايق  
ايشله نمش ، جانى نه باقمق ايسته ديسه ، هانكى ايشه كيرديسه

معاونت کورمیش، موفق اولمش... آدانک اوتللیری، بروسه نلی  
قابلیجه لری، خلیجک ماوونه لری هپ آئنده در. قادین، قومار،  
ایچکی، اسرار، خلاصه بلکه نه ذوق، نه ابتلا، نه ذالت،  
وارسه اونده موجوددر، بربر اوستنه اولمش، اوچ او اداره  
ایدیور، برقاچده قایتمه بسلیور. بونلردن آرته قالان وقتدهده  
شیشلینک اولرینی قاپی قاپی کزیور... شیمدی بولتیقه ایله  
هیچ مشغول دکدر؛ کندیسنی صفایه ویرمش، کارلرینک  
اوزرینه یان گلش، یاقش نارکیلاسنی، کیفنده...

نه دن بحث اولسه :

— بکانه به! —

دییه هایقیرر، انکلتزهدن، یاخود آلمانیا دن، صدراعظم دن،  
یاخود سرعسکردن، خلاصه هانکی دولندن، هانکی دیرلایلردن  
لاقیردی آچیلسه :

— طوپنک جاننه ...

دییه کفر ایدر. اوکا ساده قادیندن، قوماردن، ایچکییدن  
بحث ایتمه لیدر؛ آرتق کاردهه قانمشدر؛ ایشلرینی کندی حالنه  
بیراقش، ذوق پدشنده دولاشیور؛ دنیا اومورنده دکل،  
وارسه قادین، بوقسه قادین.. کیتمش آلماییایی، آووستریایی  
ایلرجه بومقصد اوغورنده کزمش؛ کونده یوزلیرا، ایکی یوز  
لیرا اوچ یوز لیرا صرف ایتمش، ینه قانماش؛ فقط مملکتنهده  
مربوط :

— استانبول باشقه یا هو! اوراده کبروب قالاچنی دییه

قورقدم، مناریمی بو طوپراقده ایسترم ..

دیور . کیدیشه باقیلیرسه بر قاچ سنه ده فلوس احمره محتاج  
قاله جق، ینه قوجه مصطفی پاشایه چکیلوب طابان ایسطه ماطورانی  
پایه جق ... کاخان بکنک بری !

بر باشقه سی :

دها یکر می آتی باشند یا وار، یا یوق؛ شماریق ، یوزسز،  
تحمل ایدیلز بر اوغلان ... محاربه نك باشلانغیچنده الكتريك  
شرکتنده تحصیلدارمش ، عارسز لغندن دنیا یا قاسیلکمش ،  
شکایت شکایت اوستنه، قوولوق اوزرمايمش، لوازماته چاتمش ..  
اویله لایالی بر طبعی وارکه در حال ، ایلک کوردی آدامله  
سنلی بنلی اولویور، اوموزینه ووره رق، صیرتی اوقشایه رق،  
باجاغی دورته رك اویله تربیه سزجه قونوشویور ... هر بختدن  
آجییور، مردار مردار لافلر ایدیور . بش سنه لك عمرینك  
یاریسندن فضله سنی برلینده کچرمش؛ آراسیرا استانبوله اوغرا یور  
و هر طرفه حقارت صاوورویور، صوکره سوکویور، صاییور،  
ترنه پینوب کیدیور. اما جیلری توصیه دولو، فخری ملازم،  
رسمی متعهد، ایجابنده خارجیه مأموری ... بوتون وکلا ،  
وزرا ، ارکان رجال ایله یوز کوز اولمش ؛ قایلیری وورمه دن،  
قارتی کوندرمه دن ، خدمه یه آلدیرمادن اودالرینه کیریور ،  
وقتی وقتسز اولرینه کیدیور، اویقودن اویاندیریور، یا قایلرینك  
اوزرینه اوطوروب قونوشویور، فرنك واری حیانه دوشکون؛  
یاننده دائما بر قاچ مهندس بوزونتوسی ، بایاغی بوزلو ، فقط  
شاقه لی حریف ، اوتوموبیل ایله استانبولی ویزیل ویزیل



دولاشیور، آلمان سوسیته لرینه کیروب چیقیور، جنرال بیلیم  
کیمک قیزی یاننده چارشینی کزیور، مدیر عمومی بیلیم نه نک  
مادامه سیله ایوبه کیدیور، یالکز اولرله دوشوب قالقیور.  
تراموایه بیلتهجی اوله حق قدر اهلیتی یوق؛ او یله جاهل، او یله  
عادی، او یله چرکف بر حریف که انسان قالقوب آیاغک آلتنه  
آلماق، باشنی، کوزینی یارمق ایستیور؛ نولومی جهانہ نعمت ده.  
ایری، سهیره ک، قورقونج دیشلرینی کوسترک متادیار کولوشی،  
بر کورولتولی قونوشوشی وار، قارشیسند کنگ یوره کنه  
بایغینلقلر چو کدورویور. بر آراق بنم یانمه یاقلاشدی :

— خانم اقدی، دیدی، آلمانیا یه کیتدی کز می ؟

— اوت، دیدم، قاشلریمی جاتدم. همان قهیه اوطوردی،  
کویا ظریف، حرمتکار اولان بر طورله طوتدی بکا بر لبقی  
تصویره، خاطراتمی احیا یه قالقیشدی. نه صاحجه لر سویلیوردی،  
نه عقلسز آدمدی بو ... هیچ یوزورمدم؛ صوکره کیمش  
کانی یه بنی صورمش حقمده ایضاحات آلمش اوچ کون کچمده دی،  
سوقاقده راست کلدیم، همان قوشدی :

— ناصل، کانی نه طلمده؟ دیدی. چوق سلام سویله ییک،  
بو اقام کیدیورم ... [ بر آزدوردی ] ایستر سه کز برابر  
کیده لم جانم، خوش وقت کچیررز. بر عالم یاپارز !  
تربیه سز ! ...

صوکنجیسی :

هدایت بک ... حربدن اول طالع کندیسنه غایت غریب

بر طرزده کولومسه مش ، رفاهه ، ثروته قومش ، دنیایی  
 قیسقاندیرمش برکنج ! باقیکنز ناصل : اسکی دوردده رشديه سی  
 بیله اکمال اتمه دن هانی قلمله چراغ ابدیلن دوائر ارکانی  
 نغدوملری واردی ، مدیر ویا میز بک کیدر ، مکتوبچینک ویا  
 محاسبه چینک اتکنی اوپر ، اوده ناظر پاشایه سویلر ، بر مذاکره  
 یاییلیر ، موجنبجه سی چکیلیز ، اولدی بیتدی ، برحقه ، برقام ،  
 برسندالیه و ماصادن برینک کنارنده شویله داراجق بریر ...  
 اوندن صوکراسی کل ، کیت ! ایشته هدایت بک عموجه سنک  
 خاطری ایچون بو منوال اوزره قلمه قیدایدیلش و دوامه  
 باشلامشدی ؛ یاشی دها اون سکزی بولامشدی . اما ایریجه  
 کیمکلی ، کوستریشلی ، کوزلجه برکنجیدی ؛ کوزی بویوکلکده ،  
 تمیز کینمکده ، میراث یدیلکده ایدی ؛ باباسنک حالی ، وقتی ده  
 بک فنا دکلدی ؛ تک آتلی بر آرابه لری واردی ، هدایت بک  
 بازار ، جمعه کونلری اوکا بینر ، قلندر دوعرو صاری یردن  
 بر کزینق یاپاردی . زوالینک تمیزجه برقات البسه سندن ، بر  
 یکجه فوطینندن ، باشی کوموش بر تک باستونندن باشقه خلق  
 ایچنه چیقہ جق بر قیافتی یوقدی اماینه نه دنسه دائما باشقه طاقم  
 کینمش کی کورونور ، کوزی آوتوردی . بوسیرانلر  
 انناسنده دها اون آلتیسنی بولامش برپاشا قیزینه برمدت عاشقلق  
 ایتدی ، صوکی گلهدی ، برایتالیان مادامک پیدشده دولاشدی ؛  
 نوید اولدی . صاغه دوندی ، صوله باقدی ، سکسان سرگذشته  
 آتیلدی ، آلی بوش چیقدی ، پاراسز ، قیافتسز وموقعسز  
 اولوبده بویله یوکسکجه ماجرالر آردناه . قوشمق نه قدر

مشکدر .. بچاره، آرابه نی باباسندن آلینجیه قادار بیک خلجان  
 کجیرر، آناسندن بر مجیدیه قوبارنجیه قادار خراب اولور،  
 بر چفت یکی چوراب آلق ایچون کونلرجه اقتصاده قانلایردی.  
 ایشته بو وضعیته، قلمده معاشی آلمق ایکی یوزه چیقماق  
 شرطیه ایکی سنه دیدیندی، دوردی، نهایت بر کون، حشمتلی  
 بر آرابه دن، پجه سی صبقی صبقی به ثور تولمش کوستریشلی بر  
 قادینک کندیسیله مشغول اولوشی نظر دقتی جلب ایتدی.  
**صوردی :**

— آ، دیدیلر، مشهور تونسلی زلال پاشانک حر می ..  
 قوجایی ایتالیان آفریقان کچرکن بر فیرطینا اناسنده بوغولمش،  
 میلیونلرجه روتندن قاریسنده ایکی بوز آلی بیک فرانسز ایراسی  
 بر حصه دوشمش؛ آلمشلق، برقادین لکن او قادار کوسترمور،  
 تووالته دوشکون، کنجلیکه مراقلی، کوزی کنج قوجاده،  
 اوله نه جکمش اماداها کیمسه یه کوکلی یا تمامش، دوشونوبورمش ...  
 هدایت بک او هفته آرابه سی شوق دل خاتم افندینک یالیزی  
 اوکنده بر آز دیکله ندیرمش، حیوانه صولوق آلدیرمش ...  
 بازار کونی کذا .. قلندرده، چایرده، بندلر یولنده ده یاری  
 کیزلی، یاری آجیق، فقط چوق ترسیلی بر تعقیب . قادین  
 ایسه عادتاً مساعد کورونوبور، حق ردفعه سنده پجه سی آچمش،  
 یوزخی شویله بر لحظه کوستریبورمش ... والهی هیچ ده فنا  
 دکل؛ بر کره کوزلر حالا کنج، حالا لطیف، اورون، قیوریق،  
 صاب صاری اوقسیژته صاچلر اورتیسنده اعتنا ایله بویالی  
 چهره ده او یله بک خراب کورولمور؛ یاقیندن بلسکه بوروشوق،

پورصوق ، قصورایدر؛ لکن اوزاقدن اوتوزلق بریوز ، اویله طراوتلی ، تازه دورویورا هدایت بک امیدلشمش ، قلمی سرمش ، بایغی کونلردهده یایان ، یالینک اوکنده دولاشمغه باشلامش ، نهایت برکون ، آقشامه دوغرو ، بوغار ایچی کولکلرله دولارکن پانچورک بری آچیلشمش ، شوق دل خام افندی کورونشمش ، دلی ، دیوانه کی کیجه کوندوز قایدنی بکله بن بوهاشقنه اوزون اوزون بر باقمش ...

ایشته ، بونک اوزرینه هدایت جسارتی آرندیردی؛ خلق بویو کدره جایرنده انکلیزلرک فودبول اوینایشنی سیر ایدرکن یان یانه تصادف ایتدیردیکی آراه سندن اوصولجه حق ، یالکیز خانم افندی به سزدره رک بر مکتوب آندی . ایرتسی کونی اوکی ایلمکلی بر حرم آغاسی جواب کتیردی . ایش یولنسه کیرمشدی ؛ قیشه نکاح ... هدایت هدیه لرک صاغانغی آلتنده شاشیرمش قالمشدی ؛ ترزیلر قره دی اوستنه قره دی آچورلر ، مغازه لر مشتری ایتک ایچون نا اوینه قدارکلوب یالوارییورلردی . البسه ، چاشیر ، پارا دولوبرطاقم صندوقلر ، سبتلر ، چکمه جه لر طاشینیوردی . نهایت ایلمک بهاره اولندیلر . هدایتک مهارتی اصل بوندن سوکرا باشلادی ؛ ذکی ، یامان اوغلانمش : قاریسنه ده ایجه سنه مفتون ، دیزی یاندن آریلیور ، قیصقانجی قیصقانج ! حدینه می خانم کز مکک چیقسن ، استانبوله ایفسین ... دایما برابر ، دایما برون برونه ، یان یانه ... یالیده کی حرم آغالرندن بیله قیصقانیدیور ، برادرلرینه ، عموجه لرینه بیله چیقارنیدیور :

— اولاماز ، شوق دلچکم ، قابل دکل ، زور ایله دکل آء ،  
دایانامیورم ، کوجه کیدیور ، اضطراب چکییورم ...

دیور ؛ خانم افندی ده ایچندن ممنون ، مسرور عادتا  
سویچندن بایلمال کچیریور ، فقط ظاهری برعشوہ کوستیریور :  
— خاق نہ دیر آرسلام ، سوزاولویور ، بنی بیملر آء !! ..

طرزنده یاری اعتراض-کار مقابله ایله بکک هر امرینی  
اجرا ایدیور . بو مراق ایسه - قالدینه ویریدی امنیت  
نسبتنده - آرتیور ، مثلاً قیصقا نجلق جانلیلردن جانسزلره کچیرور ؛  
بو بوک اندام آینه لرینه توللر نور تولیور ، ده کیز جهشده کی  
نجره لره ، پانجورلردن باشقه قفسلرده طاقدیر یلیور ، قایطونلر  
آرابه لغه چکیلوب یالکیز قویه لر قوللانیلییور . شوق دل کوندن  
کونه قوجاسنه مفتون ، هدایت بک هر ساعت باشنده بر میلی  
دها قاریسنه عاشق ، بوبله یاشیدور لر . حال بوکه بو غریب میراث  
یدی صمان آلتندن نه صولر یوروتویور ، بک اوغلنده ذوقنه  
نه مکمل خدمت ایدوب بر طرفدن ده پاراسنی نه کوزل قوللانیدیور ،  
او قادار که حربک اعلاننده سرمایہ سنی اورته یه آیینجه پیاسه یی  
اله کچیریور ، اک بویوک ایشلره صوقولوب تروتی کعبه واریلماز  
بر درجه یه چیقارییور . لکن شوق دلنه یینه مجلوب ، یینه  
قیصقانچ ... دوشونویور که چوغی کیندی آزی قالدی ؛ البته  
بو کون یارین ، ذاتاً شیبمیدی یتمش یچمش اولان شو قالدین  
کوزینی یومه جق و اوکا کنیش ، فرح ، امثالسز بر میدان  
بیراقاجق ...



عقللی ، حیلہ باز ، دیپلومات بر کنج !

ایشہ کانیک دعوتیلری بونلردی ؛ ایجیدیلر ، ییدیلر ،  
جوشدیلر ، آکلامق ایسته مدیکم بیک رزائیدن صوکره صباحه  
یاقین هریری بر طرفه داغیدیلر . آم ، اسکی زمان دعوتلری ...  
اونه لطیف شیدی ، بعضیلرینی خاطرلییورددمه بردها عینی  
ذوقی دویمیه جنم ایچون عادتاً محزون اولویور ، حسرتی  
چکیورم !

یکی دورک بوتورده دی حرب زنکینلرندن باشقه برده  
تورده دی پولتیه زنکینلری واردر ؛ طالع بکا اوللری ده بر زمانلر  
طانیته برمشدی . اونلرده کندی طرز لرندمه بام باشقه آداملر ،  
عجائب ومناسبتسمز شیلردی . بزم پاشانک بویوک مخدومی احسان  
بک سیاسیات مراقیبی اولدیغندن مشروطیتک اعلانندن  
صوکره سیوریلوب میدان آلان نه قادار یی یه تیشمه کنجیلروار  
ایسه قوناغه طویلار ، ضیافتلر چکر ، اکراملر ایدمردی .  
اوطورروب قالماسنی ، بیوب ایچمه سنی بیلمه یین اوکسوز اولاد  
طورلی ، جولوق جوجوق مقوله سی بوسونه په رجال هر دفعه سنده  
براز دها کستاخلاشمش ، براز دها یوز بولوب شمارمش  
اوله رق صیق صیق کلیرلر ، صباحلره قدر پولتیه دن ؛ اصلاحات  
واجرا آتدن بحث ایدرلر ، اکثریاده دوووشه چک ، سوووشه  
چک قادار مناقشه یی ایلری کوتورده رک بربرلرندن دارغین  
آریلیرلردی . فقط صوکره چارچابوق یینه باریشیلر ،

چوق كچمه دن قول قوله دونرلر ، بخلرينه عيني حرارتله دوام  
ايدرلردى . احسان بك ايچلرندن برقاچه مفتون ايدى :

— نه طلاق ، نه قلم ، نه ذكا ... مملكتته بويوك ايلهكلرى  
اوله جق ، دولتى قورتاره جقلىر ، ملقى اصلاح ايله جكلر ، وجدانلى  
عرفانلى ، يامان آداملر !

دييه مدح ايدر ، كزردى ، حتى دور سابقه آثار ،  
طوتار ، اسكى پادشاهه قيزار ، نه دن بو پارلاق ذكاردن ، بولكه سز  
ناصيه لردن استفاده ائتمه ، ده حكومتى جاهلار ، خير سز لر ،  
اوشاقلر آلدن . براقدى دييه آغزينا كفى سويلردى . خوش  
اوزمان — اوزاقدن اوزاغه — بنده بوفكرده ايدم يا .. لنگن  
احسان بك پاراسز دلاللرى كه سيلمشدى . اونلرى برر برر  
پيشنه طافاره ، طانيدىنى نه قاندار اجنې دوستلرى ، كبار احبابلىرى  
وارسه طاشير ، طانيتيردى . حتى دها ايلرى به وارير ، اليمسه  
وجاشير جهنتدن بك فقير ، بك چولسز اولان بو مستقىل  
دولتلىلره — ضيافت ويا دعوت اولونجه — طاقم طاقم اوابلرندن  
برر قات آييرير ، كوملكنندن بويون باغنه قدر كيديرر ،  
قوشاتير ، انسان ايچنه چيقيله بيله جك قيافته سوقار ، اويله  
كوندمه ريردى . آيلر كچكجه اونلرده ياواش ياواش پارانك طادىنى ،  
موقمك شرفى طادمغه باشلايورلر ، برر آرقه سنه يوكسلاوب  
هپ بويومك ، پارلامق شرطيله مقاملردن مقاملره كچيورلردى .  
آرتق زيارتلىرى سيره كلشيور ، كلكلىرى زمانده باش آغزيسى ،  
يورغونلق بهانه ايديلهرك ايركسجه ياتقى يولى طوتولويوردى .  
احسان بك ايچين ايچين كسندىنى بيبور ، دها حرصنى ، حدتى ،

بك بللى ايتمهرك عليهدارلغه دوشرو آديم ، ياواشدن  
يورويوردى :

— غالبا ، دييوردى ، بونلردن ده خير كليجك ..  
صوكر ا تيز بردهدن مخالفت ايتدى ، عادتا كويوردى ،  
قودوردى :

— هاي آچاقلر ، مقصدلري مقام ، مسند ، منصب مش ..  
اسكي دوره رحمت او قوتديلر ، اوروپايه قارشى نه شرفلر قالدى ،  
نه حيثيمز ؛ كلخان بكاري آلى يوز سنه لك دولتى بر بارالق  
ايتديلر ...!

مارزنده آغزىنى آجدى ، كوزىنى يومدى . نهايت ياقاسندن  
چكديلر ، دوام ايده جك اولورسه اسكي احبابلغه باقىهرق ،  
خاطر كوكل صايهرق جاتنى ياقه جقلىرىنى خبر ويرديلر . اوده  
خوموردانه خوموردانه صوصدى .

قوناغه صيق صيق كلدكلرى صيرالرده شاديه حامله برابر ،  
او خاتى اويودقدن صوكر ا كيدر ، سالون قايدىنىك آردندن  
صحبلىرىنى ديكارلك . بالطبع بزي بودرجه هييجانه ، فداكارلغه  
سوق ايدن يالكىز بولتيقه لافى دكلدى . بر آزده كىنجاكلرىنىك ،  
اركلكلرىنىك دخلى واردى . ايله اچلردن بريسى ايكي مزلده  
بك خوشنه كيدردي . ايسترلك كه هپ او قونوشين ، بز لذتله  
ديكله يلم ... عكسى كى سسى بك چيقمازدى . ساده ديكلر ،  
ساكن دورور ، مناقشه بك آلهوله ندىمى يان او طبه بچر ،  
كتاب او قوردى . دورغون بر مخلوقدى . فقط اودورغونلغك  
آلنده . طيقي شاديه خام كى . — آزغين ، حاشارى بر يوره كى

واردی. ایکمزدہ عاشق اولمشدی، طیبی کو چولہ خام ایسی۔  
بر معناد۔ ایلری ده کوتوردی. غالباً صرامنده ایردی، فقط  
اوصیراده بریریمزی آرتق بلک آز کورمکه باشلادیغمزدن ماجرایه  
واقف اولامادم. بو کنجک سیاسیات علمنده ده شهرتی آفاق  
طوتدی، خالق اوغورنده وورولدی، ووروشدی، قادینلرده  
همان همان اوپله... معروف اولدی، مقبول اولدی، زنکینله-  
شدی. فقط آدام اولامادی، برکون تولیویردی، اونودولدی،  
کیتدی.

اوبرلندن بر چوغی ده مقاملرک الک یوکسکلرینه کچدیلر،  
سنسزجه بودواق اداره ایتدیلر، اوقادار مشهور اولدیلرکه  
حیاقلری حقنده خلقلک اوکرنمدیکی برجهت قلمادی؛ شیمدی  
بیم باباجم الک قابالی تعریفلر بیله اونلری طائیتابیلر، بناء علیه  
کچیورم... نه ذوقلری ذوقه، نه احبابقلری احبابغه بکزمین  
بویردن یایمه زبیدی بولتیقه قهرمانلرینک خوراججه، خاشار بجه،  
تربیه سز تربیه سز قالقوب او طوروشلری، بیبوی ایچیشلری بزه او  
زمان نه فتا تاثیر ایدردی... اسکی اداره نک غننه لرینه هنوز باغلی  
برحاله ایدک؛ کوزلریمز وقارلی حرکتلره، تمکینلی معاملهلره  
آلشقیندی؛ کنجلردن چوق سکوت، آرسوز، آغیر طور  
بکلرک. بوبکلر قوناغه، چوق زمان آخورلرنده قالوب بردن  
قیره چیقاریلش خاشاری، آرزغین میدیللیر کبی کیرمشلر،  
او خلقی نور کوتمشلردی، ایله زواللی پاشانک آرا صیرا مسائل  
حاضره حقنده مداوله افکار ایتک ایچون اوداسنه کیرلردی؛  
فقط نه طورلری ده کیشدیرلردی، نه معاملهلری... باش

کوشه لره بکچرلر ، آياق آياق اوستنه آنارلر ، هپ اسکی حکومته  
 آتوب طونمق شرطيله وقابا قابا تئيرلرله قافالردن کچنی سويلرلردی .  
 فرنکجه کلمه لرك مبدولیتنه باقيليرسه پاشا بو محبتلردن هيچ برشی  
 آکلامازدی . فقط بللی ایتزدی ، ذاتاً هيچ قونوشادینی  
 ایچون کندینی آغیر صائمش اولوردی . لیکن ایچین ایچین  
 شوکستخانه معامله لردن دلکیر اولدیغنه شبهه یوقدی ، هر حالده  
 هيچ ده تماس ایتک ایسته میوردی اما احسان بك ايکیده برده  
 بایاسنی زورلویور :

— یی طرز اداره حقنده کی معلوماتکیزک توسعنه یارار ،  
 آرا صیرا بونلرله کوروشوب قونوشمالیسیکیز !  
 دییه رک احبابلرینی ساعتخانه یه صوقویوردی . حق بر  
 آراق شادیه خانمک بویکی بکلردن بريله اولدبريله سی ایچون  
 خیلی چالیشدی ، چابالادی ، لیکن مرامنه ایرمه دن آراسی  
 آچیلدی . قانی ییچاقلی اولدی ، فیکرندن — بالطبع — واز  
 کچدی .

بر آاز صوکر اویوقسول آدم لرك هر بری کوشکلره ،  
 یالیرله قورولملار ، حشمت ، دبدبه ، هوسنه قویولملاردی ؛ فقط  
 بازارینی مملکتده دکل ، دیشاریده ، فرنک ایلارنده بییورلر ،  
 بوراده ظاهر آغایت مقتصد بر حیات سوره زکورو نوپورلردی .  
 هيچ شهه یوق که بزم پاشانک اسکی دورده صرف ایتدیکنندن  
 فضلله سی جیملرندن چیقویوردی ، لیکن بو مملکتک آدم لرينه  
 دکل ، پارسک ، برلینک محبوبه لرینه قسمت اولویوردی . یاواش  
 یاواش قوناقلر داغیایور ، اوفالوب یارچسه لانیوردی ، یازیق که



اسى دورك اويكانه كوزلاسى بويىسپايە كوكلى آملرك النده محو  
اولوب كىتمىشدى .

أوت ، ايشته يى دور سىمالرى هپ بويله شانسىز ، باياغى ،  
ذوق ويرمنز ، قابا آاملردن عبارتدى .



## اسكى دور سيالرى

اسكى دور سيالرى ... اونلارده باشقه يېڭىم عجائب شېلردى؛  
 فقط - دوغروسى - آز ضررلى، بابا آداملردى، اك خوديين،  
 اك نفس پرستك بيله ينه اطرافنده اولوب بيتن ايشلارله، چكيان  
 مختلر وسفالتلارله بر علاقەسى؛ انساني حد تلتد بزمەين، كوزە  
 باتمايان، قانە دوغونمايان بر صافدلاسى، بر جاهللىكى واردى .  
 مختلرى، سيرانلرى، قناعتلرى ھېسى كندىلرينە مخصوص،  
 نومي شخصلرينە منحصر، كوكلدن دوغمه، يورەكە باغليدى؛  
 ايمانلرى، اعتقادلرى ايچندە نە راحت، نە مستريح ياشارلر،  
 بوكونلر آداملرينە نسبتله بر چوجوق كېي كداهسىز، فتورسىز  
 عمر سوروب نە تمیز، نە مستثوليتسىز وعذابسىز تولورلردى .  
 بونلردن بر چوغنك طرز حياتى تاياقيندن، ايچلردن، يورە -  
 كلرينك كوشە سندن بيليرم؛ كنجلىكم اونلر ك يانندە، ديزلرينك  
 اوزرندە، كيرلى چاشسیرلرينك آراسندە كچدى، قاديغى،  
 ار كككى آووجك ايچى كېي طانيرم؛ شيمدى دوشونويورمده  
 ھېسنى كوزيمك او كندە برر عزبزه كېي باشلرندە برر نورلى  
 ھالە يله كچيور، بكا حرمت ويريور . اك مفسد و مزورى

بیله نظارمه بوکون — نسبتاً — یا کدامن و مبارک کورونویور .  
 صولک زمانلرده اوپله شنیع شخصه لره ، اوپله حیا سنز و قانلی  
 آدم لره دوشوب قالقدم که ماضینک سیالری بکا ، بر محبوسک  
 چوجوقلق آرقداش لرینی ، مکتبئی دوشونوشی کبی هپ صاف ،  
 سویملی ، قباحتنسز و کناهنسز بر تأثیر یایدیور . اسکی دوری  
 بوسوزلرمله حمایه و یا مدافعه ایتدیورم ، اونده ده نرزالتلر کوردک ،  
 نه ماسقارالقلر سیر ایتدک ؛ فقط او بر جنایتدی ، بو بر قتال ...  
 او بر صانصاردی ، بو بر صیرتلان ... اسکیدن توپلریمزک  
 نورپردیی اولوردی ، شیمدی دیکن دیکن اولویور ؛ اسکیدن  
 یوره کمر بولانماز دکلدی ، شیمدی ده کیز طومش کبی یز ،  
 چکرلیمز سوکولدی ...

خاطریمه کلن بر قاچ سیایی دفتریمه کچیریورم ، شویله ،  
 ایکی ، اوچ فیرچه سوروشیله ، قیصه قیصه ، کولکه سنز و سوس سنز  
 آکلانه جنم .

بری :

صفوت بلك ... نظارتلردن برنده مستشار . یوز لیرا  
 آیلق آلیر و بونی اولدینی کبی ، نه یارینی ، نه اختیاسارلقی ، نه ده  
 چوجوقلرینی دوشونمەدن صرف ایدر . سازه ، سوزه مراقلیدر ،  
 اونده هر کیجه فصل واردر ، زمانک اک نامدار ، اک مرغوب  
 خواننده و سازنده لری اوراده طویللا شیرلر ، جوش و خروشه  
 کلیرلر ، مست ایدرلر ، مست اولورلردی . نه کییم ، نه قوشام ؛  
 نه اشیا ، نه انتظام ... بوتون ، قوناق خلقنک یکانه دوشونجه سی ،

يكانه مشغولیتی مسافرلره ييمك ، ياناق ، عشرت صوفراسی...  
 كيجهده سـكـز ، اون دفعه توکـنـير ، تـكـرار دوزـلـير ، ييمك  
 شفق آتـهـجـنی وقت يـنـير ، بر آـز صـيـزـلـير ، صـوـكـرا قـالـقـلـوب  
 صـبـاح فـصـلی يـاـيـلـير ، اوکـله طـعـامی ايدـيـلـير و آقـشـامـه قـاـدار او بـونـد قـدـن  
 صـوـكـره تـكـرـار سـازـه باشـلـانـير ، تـكـرـار جـوشـوـلـوب تـكـرـار  
 صـيـزـد قـدـن صـوـكـره تـكـرـار بـر کـون او لـيـکـي پـر و غـر اـمـله ذوقـه  
 دوام ايدـيـلـير دـی . صـفـوت بـك خـانـدان بـر آـدـامـدی ، جـد بـجـد بـويلـه  
 يـاشـامـش بـر عـائـله يـه مـنـسـوبـدی . يـاز ايسـه ايجـه جـك مـصـر كـتـفـنـدن  
 اـنـتـا ريسـنی ، تا كـسـنی تـير ، آرقـه سـنه كـزی قـابـلی پـهـله كـور كـار نـدن  
 آـلـير ، كـوشـه يـه كـچـوب كـمال وقـار و عـظـمـتـله تـسـيـح چـكـردی . قـيش  
 ايسـه چـوخـه و صـمـور كـورك كـير ؛ حـق دـها صـوـنـوق هـوـالـده  
 بـرده بـونـك اوزـر يـنه دوه تـو يـنـدن دوقـونـمش نـا ديدـه بـر عـابـا  
 طـاقـار دـی . تـی تـيز ، عـكـسی ، مـسـتـبـد خـويلـوبـدی . قـار شـيـسـنـده  
 مـر كـس بـويـون اـكـمـكـه ، صـويـنه كـيـتمـكـه ، كـيـفـنه خـدـمـت ايتـمـكـه  
 بـجـور دـی . قـانـده حـالا دره بـكـك زهـری دولا شـيـور ، كـندـی  
 ايسـتـد يـكـنـدن باشـقه دورلو حـركـت ايدـنـلـري حـالا يـاقـوب يـيـقـمـق ،  
 آصـوب كـسـمـك آرزـو سـنـده بـولـونـويـور دـی . اونـه دـير سـه مـسـافـر لـري  
 تـصـديـق ايتـمـلی ، آقـه قـارا دـير سـه هـای ، هـای ! ، دـيـمـلی ،  
 مـاقـاصـه يـچـاق ديدـيـمی هـ شـهـمـی وار ، البـتـه ! ، دـيـيـه هـب بـر آغـيـز دـن  
 مـوافـق بـولـمـا ليدـی ؛ يوقـسـه قـيـامـتی قـوبـار ر ، هـايـقـير ر ، باغـير ر ، مـجـلـسـك  
 طـادـيـنی ، طـوزـيـنی بـوزـار دـی . اعـتـراض ، مـناقـشـه سـوـمـز دـی .  
 او سـويلـه مـلی دـيـكـر لـري جـان كـوكـلـدن دـيـكـله يـوب بـه كـنـمـه ليدـی ؛  
 يا خـود او دـيـكـر كـن دـيـكـر لـري هـب اونـك بـه كـنـه جـي طـر زـده



سویله مه لیدی. بوجهتدن خوینه کیدلیدی دنیا ده اوندن آبی  
اوندن کبار و نازک آدام اوله مازدی. ذاتاً سوزی محبتی ده  
یرنمیدی. ذوقنه دوشکون اولماسهیدی چوقدن والی اولور ،  
ناظر اولور ، پادشاهه حلول ایدردی . فقط کوزی بویله ،  
مسند و منصبده دکل ، ذوقده ، صفادهیدی . او ، گوشه سینه  
کچسین ، آله تسبیحی آلسین ، مسافر لر قارشینه دیزیلوب  
ساز باشلا سین ، دنیا نك خزینه لرینه باشی چه و یروب باقازدی .  
« کل کیفم کل ! چالغی ، چاغناق ؛ سوز ، محبت ؛ بیك ،  
ایچمك ... دهانه ایسترا غامك اوغلی ؟ ! » دیهرك آراسیرا  
حالدن عنونیت کتیر بر ، سهوینردی . معایده لره کیتمز ، سرایه  
اوغراماز ، ناظر باشایه دالقا و وقلق ایتمز ، ديك قاقالی ، تی تیز  
خویلو کندی عالمنده سربست یاشاردی . اوکا کیمسه ایلیشمزدی .  
مثلا بر آراق ساز طویلوقلری شدتله منع ایدیلشدی ؛ معتبر  
آداملردن درت کشی بر آرایه کلوبده شویله ، بر قاق  
ساعت اُکنه میورلر ، بر فصل دیکلیه میورلردی ؛ ژورنال ژورنال  
اوستنه ، ضبطیه ناظرلری ، بشکطاش محافظلری ، فهملر ،  
صقالیلر سرایی ولوله یه ویریورلردی . بونی ده اخبار ایدرلردی ؛  
فقط پادشاه آدیرمازدی . حق نهایت :

— دو قونمايک اوکا جانم ... کندی حالنده وارسین  
اُکلن سین !

بیله دیمشدی . آرتق بونک اوزرینه صفوت بك ذوق  
وصفانك امتیازیخی آلمش اولدی ؛ ژورنالچیلر دیل لریخی  
کسمش لر ، قوناغی راحت بر اقمش لر دی .

بزه قومشو ایدیلر. ساز بعضاً پك بارلاقلاشیر، طنبوریلر،  
 گمنچه جیلر، مشاهیر اساتذده فصله داخل اولورلردی؛  
 او زمان قومشو خاتم افندیلرله خبرلر کیدر، دعوتلر یاییلیردی.  
 همان قوشاردق، حرم طرفه ایکی کنیش پاراوانه چکیلیر،  
 سس سس، صداسز ساز دیکله نیردی. اونلر نه تربیه لی، کبار  
 مجلسلردی... قولاغه آغیر کلن نه برکله ایشیدیلیر، نه کوزه  
 چرکین کورونه جك برحر کتده بولونولوردی. ایچرلر، ایچرلر،  
 فقط تربیه لرینی بوزمازلردی. کوچوک بر سرخوشلق  
 ومناسبتسزلک کورولمش، ایشیدیلش شی دکلدی. آرا صیرا  
 پسدن بعضی « اوف، لر، « آه، لر، « الله، الله، لر  
 دویولوردی. ایشته اوقادار؛ ایچین ایچین جوششارلر، ایچین  
 ایچین یانوب طوتوشورلردی. بن بیلر، اکثر او حاله کلیر،  
 او یله متأثر اولوردم که مندیامی آغزیمه کوتورور، طيقانه طيقانه  
 آغلاردم؛ فقط کیمسه یه بللی ایتمزدم... او اسکی بویوک سازلر  
 شیمدی قابلمی یاییلسین! دانا استادلردن هانکیسی قالدی که...  
 مشروطیتدن صوکر اووالری داغیلدی، سفالت، نسیان ایچنده  
 برر برر تولوب کیتدیلر.

یچاره صفوت بکده پریشان اولدی. تقاعده سوق ایتدیلر.  
 آنه اوتوز لیرا قدر بر پارا کچیوردی. اونکله نه یاییلیردی؟  
 بر مدت اوك کیدیشنی بوزمق ایسته مدی. مغلوبیتنی اعتراف  
 ایدم مدی، آلدشدیغندن آریلامادی. بورج ایتدی، اشیاصانندی،  
 فقط قابلمی؟ آشجیلر صاوولدی، اوشاقلر داغیلدی، مسافرلر  
 سیره کلشیدی. خواننده لر یکی قابیلرله چاندی؛ برده یانغین کلدی،

ایکی یوز سنه لك اوشنلكلی قوناغی اشیاسیله برابر ایکی ساعتده  
 سیلدی سوپوردی، گول ایتدی. اوزمان صفوت بك چوكدی.  
 بر انقاض حالته كلدی، كوچوك بر محله اوینه طاشیندی،  
 آرتق نه كلن وار نه کیدن؟ نه ساز وار، نه سوز ... بوتون  
 دنیا قارشیسینده شیمدی اعتراضکار و مناقشهچی ... آق  
 دیدیکنه قارا دییورلر؛ ماقاص دیدیکنه بیچاق! زرده اویگرمی  
 کیشیلک مسافر محاسنه ریاست ایدن تی تیز بك؟ زرده طنبوریلر،  
 زرده کمنجه جیلر، زرده او درین درین اوف، لر د آه لر؟  
 أولك قارشیسینده صباحدن کیجه یاریلرینه قادار حافظ عاشرك  
 غزللرینی، شامرانك قنطولرینی چالوب سویله بن قهوه غراموفونی  
 دیکله مکه مجبور اولان صفوت بك هر دقیقه بر آزدها زهرله نرك،  
 قافاسنه اویمایان هر وقعه و حادثه دن یوره کنده بر یارا دهها  
 آجیله رق بویله کوندن کونه ازیله خیربالانه آجیقلی بر عمرله  
 مزاره یاقلاشییور .  
 زواللی آدامجغز !

دیگر بری :

ضیا بك ... کنهجله کنده معلوماتلی، درایتلی، ایشکدار  
 بر آدامش، اجنبی لسانلرینی اوکره نمش، لوندره بی، پارس  
 کورمش، فرنکارله خیلی دوشوب قالمش، صکره پادشاهک  
 ناصلسه توجهنی غائب ایدرک فعالیتدن چکیلمش، شورای  
 دولته اعضا اولمش ... ادبیاته مراقبلی، افکار جدیدیه  
 پرستشکار، الهی بشلک بر ذات ... بابادن قلمه بر قوناغک دادیلی

باجلی، قالفالی لالالی بر اسکی زمان غنغنه سی ایچنده یاری مدنی  
بر عمر سورویور. قوجامان بر کتبخانه، هوغونک، لامارتینک،  
موسه نک رسملری، کره مسطحه لر، آلیدن مشاهیر ماسک لری  
اتحافلی بر ایکی فرنک فوطوغرافی... وازولر ایچنده قورومش  
سازلر، صاقسیلرده قیش چیچکلری، سوس یاراقلری، برده لر  
یاری اینک عمرنی تبیع ایله، مصاحبه ایله فرنسکانه کچیریور.  
حرمی اسکی زمانک تحصیلسز، فقط اصل خانملرندن  
یاشلی باشلی بری؛ اوی انتظام ایله، اقتصاد ایله، کبارانه  
اداره ایدیور، یک افندی بی تریمز بر اعتنا ایله یاشاتیور،  
آوروپالیقلرینه کوز یومویور، هوپبالقلرینه آلدیرمیور؛ کندلی  
عالمده، حرمدہ آیری بر حیات سورویور.

ضیا بک غایت شوق کینیر؛ او زمانده صقاللی، یاشلی بر  
آدم ایچون خوش کورولیه جک قیافتلرده سوقاغه جیقوب  
نظر دقتی جلب ایدر. آرقه سنده بوئورور، یاقاسنده بر گل،  
قولنده باردوسو، تراشلی توالتی، فس کیمش بر قونسلوس  
کی فرنکجه قونوشه قونوشه کنج آدم لرله واپورده، ترنده  
کیدوب کلیرکن عالم حیرتله اوکا باقار، فقط حرمت ده ایدر.  
آدی عالمه، فاضله حیقمشدر. بر جوقلری او یله گوشه انزواده  
قالیشنه حدت ایدرلر، حکومت استفاده ایده جک کیمسه لری  
بیراقیورده بر طاقم جهله بی قوللانیور دییه سویله نیرلر؛  
مع مافیہ یاننده پک یاقلاشه مازلر، پادشاهک توجهندن اوزاق  
قالیش خلقی نور کوتور. بردن سلام ویروب کچرلر. او، بونلره  
لا قیددر، ذاتاً آروپا کاری معلومات و تربیه سی اولمایانلرله

کچینه من. مع الاسف کندی باشنده مدنی احبابلری ده یوقدر.  
 بالجبوریه کنجلی، یکی به تیشمه لرله بولوشور. اونلری اطرافنه  
 طویلایوب ادبی، فلسفی مباحثا لرله کوکلنی آوتور. حیاتنه بر  
 غایه سی واردر: قادین، ارکک کنجلی باشنه طویلایوب  
 قاجیمز، کوچیمز یاشماق، بر ماصه نك اطرافنه دیزیلوب  
 اوزون اوزون محبتلر ایله ایمه بیملر بیک، ایچکیلر ایچمک،  
 نکتله ر ساووروب کبارجه، فرنکیجه زندو سستلقلر ایتک...  
 فقط خانم افندی، آنکدر. حرم سلاملقه قطعاً بیرلشه من.  
 بک افندینک نفوذی اونه طرفه کچه من. اوراده صاچلری  
 زرده چاللی قینالی، باشلری خوطوزلی یمنیلی، دزت پیش  
 ائتاری کبیر، آبدست آیر، نماز قیلار یاشلی خانملر دولودر،  
 خانمک بابادن میراث ایراد و عقاری اولک اصل کچینه سفی تشکیل  
 ایتمه سه ضیا بک بلکه ده شیمدی به قدر چوقدن قاریسندن  
 آریلیردی. فقط سیلوردی که او زمان دبدیه به، داراته وداع  
 ایتک لازم کله جکدر. صبورانه بکلیور. قاری قوجه توسیع  
 ملک یایدیرد قلرندن برینک نولومیه یا قوناق بسبتون آلا فرانقه.  
 لاشه جق، یاخود بسبتون آلا تورقه لاشه جقدی... شیمدی  
 ایکسی اورتیه سی، یاری تکیه، یاری غازینو کیدیور.  
 بر کون خانم افندی نولیوریر.

ضیا بک نه یاه جق؟ چو حوقلری ده بوق، بکارده یاشایامازیا؟  
 برمدت شوراده، بوراده دولاشیر. کیدر آدا اوتلارنده آیلرجه  
 قالیر. قات قات البسلر یایدیرر. شهنشاه اعنسانی آرندیرر.  
 اولنه بیله جکی بر قادین آرار. نهایت تصادف یاردیم ایدز،



ما جاره انكيز قاريشيني بك اوغليلى بر عالمه نك دول  
 كريمه سيله ازدواج قرارلاشير . قادين قوناقدن او طورمغه  
 راضى دكلدر ، صيفيه ايسيتور ، چوغى فرنك ، آزي تورك  
 كوى نره سى ؟ آياستفانوسده بر او آئينير ، قهلى ، وه راندالى  
 زوييه بر كوشك ؛ اورايه طاشينيرلر ، اوتوز بملك بر قادين اما  
 كوكلى كنجمى كنچ ، اطواري هوبيامى هوبيا ... ذاتا ضيا  
 بك ده اويله ؛ او ك ايچى كيجه كوندوز ، وقتلى وقتسز بر طاقم  
 چولوق چوجوقله دولار دولار بوشانير . بيانولر ، ماندولينلر ،  
 شريقلر ، رقصلر ، قيركزينتيلرى ، آتاكلنجهلرى او وباليق ،  
 هپسى وار ... بك اوغلنك صيفيه مفتون آبارتمان خلقى قيش ،  
 ياز كلوب كوشكه دولويورلر . صاحبلرى باريل باريل ، يام يايه شيق  
 طارانش فيلر كى كنجلر ، مملرى كوكسلرى دولدورمش  
 ترونازه قيزلر ، قرقه ياقلاشمش چككن مادامه لر ، قيرانطه  
 موسيولر ، ديون عموميه مامورلرى ، بانقه كاتبلرى ، سيغورطه  
 وزنه دارلرى ، هپ بو عيار ، بوچشيد مخلوقات طاقم طاقم  
 كليورلر ، شنه دير يورلر . نره ده ضيا بكك اواسكى راحق ؟  
 شيمدى البسلرى يارى نوتوسزدر . كوكسلرى باريلتيسز ،  
 وجودى يورولمش ، باشى اوغولتولو ، عادتا سر سمله مش ، بو  
 هاى وهويك اورته سنده مسكين مسكين دولاشيور . معدده سى  
 آغريور ، نوكسور و كلر صيقلاشيور ، باقيلمغه ، شفقتة احتياجى  
 وار ، فقط مادام فرقنده دكل ... صيزلايور ، سويله نيبور :

— ژوژوجيم ، خسته يم ، درمانسزلق دويويورم ، بر آز  
 استراحت ايتسه ك ، باش باشه قلوب بروجوديمزى ديگكه سه ك !

دیور؛ قادین لاقید... کلوب اختیارک آرقه سندن ایتیور:  
— هادی بزم دوز و آتم، شویله سیدلکین باقیم، کنج لره  
طاش چیقار تیرسک، انسان کنیدیسی حزنه، اویوشوقلغه بر کره  
قایدریدی بردها قورتاراماز، ایله بزم یاشمزدده...

دییه رک برچوق کیشینک کولوشوب سویله شدکلری صالونه  
قوجاسنی زورله صوقویور. آقشاملری ضیابک بردرلو شطارته،  
ذوقه اشتراک ایدم میورکه... کوندوزک یورغونقلریله خراب  
اولان وجودی صیزبلر ایچنده... یاناق کوزنده توتویور،  
اویوقلویور، اوزمان مادام یرندن قالقیور:

— ساعت اون، تام اویقو وقتک ضیا، یارین، بیلیمور.  
سک یا، فلوریاده (پیک نیک) وار، ایرکن یاتمالیسک!  
قولنه کیریور، افندی بی اوداسنه چیقاروب یاتاغنه صوقویور،  
صوکرآ آشاغی یه اینوب مسافرلریله قهقهه، آهنگ، کیجه  
یاریلرینه قدار اوطوریور. زواللی ضیابک ایکیدم بر،  
اویقوسندن تورکه رک اویاندیور: آشاغیده قیامت قوپویور،  
قوشوشانلر، قاقیشانلر، ده وریلن اسکمه لر، صارصیلان  
دولابلر، بر حال... «کهل قوهو بوهو، یاخود، انااه مع.  
الصابرین!، دیور، ایچنی چکیور، اویومغه چالیشیور. آرتق  
کتبخانه اوداسنه کیروب قارشیدنه کنج و حرمتکار مکتبیلری  
آلهرق علم محبتلری یاپامیور؛ تبعاعده بولونامیور، اثرلری  
یازامیور. او خالق خدمتجیلره، اوشاقلره قدار هب روم  
وآرمی...

— هادی آوه!

دیورلر ، صباحك رطوبتلی آيازندہ ضيا بکی قالیطاريا  
نپهلرندہ درت دوندورويورلر ، ياخود :  
— قوطرايه ، قوطرايه !

ديه باغريشه رق چولوق ، جوجوق ده کيز طرفنه قوشو-  
شويورلر ، اونى ده آرالرينه قاهره رق روزکار ، کونش قارشيسندہ  
تايالويه ، هرکيه قادار جولانلر ياييورلر ؛ ياخودده ، قيش  
ايسه :

— قار طوبى اوينايلم !

قراريله باغچه يه آتيليورلر ، اونى ده آرقه سندن ايتهرک  
بونالنجيه قادار آلت آلتہ ، اوست اوستہ ديديشيورلر ، صوکر  
صالونه کلوب چای ايجييورلر ، پونچ يايدييورلر ، دیکله نييورلر ...  
ضيا بک بوجياتی ، قهقهه دن باييلان کنج قيزلری ، شوکوزلريله  
قادينلری ييين حريص دليقانيللری ، بوار کیکلی قادينلی ايدمه نال  
ياشايشی سومييور دکل ، ذوقندن مست اولويور ، فقط :

— قرقدن اول آرالرينه قاتيلماليديم ، دييور ، کيچ قالدیم !  
هرکون بر آزد دهاچو کويور و اوچو کدکجه اولک کورولتوسى  
اونسبتده آرتييور ويا اوکا اويله کلييور . آرتق آرالرينه قاتلق  
ايچون اصمرا ايتييورلر :

— بز شيمدی کليرز ؛ فتره قادار بر طور ، آزيحق هوا  
آلام !

کبی بر بهانه وبر وعدله باشلرينی آلييورلر ، ساعتلرجه  
قيرلری دولاشييور .

ضيا بک قولتوغه کچييور ، سوقاغی ديکلييور . ديرکن

اوزاقدن اوزاغه شطارتلی سسلر ، قهقهه لر ... قاپی چینغیر -  
دیور ، اتک خیشیلدی لر ، پورت مانطویه آتیلان باستونلرله  
شمسیه لرك طاقدیسی ... ایشته کلدی لر :

— نصلاسک بابامز !

دییه رك اطرافنی آلیورلر ، بیه لرینسك ، ایچمه لرینك ،  
ا كانه لرینك حقنی ئوده ركی بر آز شاقلا بانلق ایدیورلر ،  
صوكر ا كندی ذوقلرینه ، كندی ماجرالرینه دونوبورلر .  
كوشه سندن اوهر سر كذشق كوزلرله تعقیب ایدیور ، كیم كیمك  
پیشنده ؟ كیم كیمه عاشق ؟ نه درجه لرده ؟ كناه فصلنه کیریلدی می ،  
کیریلدی می ؟ هپ بیلیور . صوك زمانده قاریسنی ده قیصقاغنه  
باشلاور ، یوره کی بورغویله ده لینبورمش کی بر آجی ، بر صیزی  
دیویور . او وفاكار دادیلر ، او امكدار اوشاقلر ، اوصادق  
خالایقلر خاطرندن كچدكجه بسبتون ئوزولوبور ، ایله قاریسنی  
عقلنه كتیردكجه فنا لاشیور ، آغلاور .

— ژوزوجیم ، دیور ، بن فنا لاشیورم ...

قادین قهقهه لرله كولوبور :

— برشینك بوق ، وهم !

دیور ، یاخود ، قیزیور :

— بوده یی چیقدی ، دیور ، مرده كریزلك !

وبرکیجه آشاغیده ماندولینلر ، كانلر ، بیسانولر چالینوب  
بك اوغلی دوكونتولری ذوق ایدرکن زواللی ضیابك بوبرسورو  
لاقید خریستیانلر اورته سنده ، یاپه یالکیز ، نادم ومشتکی ترك  
حیات ایدیور .

## بردیگری :

شیشمان رضا افندی ، بوغازینه دوشگون برقاضی ؛ یییه ،  
 ایچمه دن باشقه هیچ برشی دوشونمز ، نه سوز ، نه ساز ... نه دبدبه به  
 قولاق ویرر نه رتبه و منصبه .. اویدمین ، ایچمه دن ده ایستر آرقه سنده  
 صمور کورک بولونسون ، ایستر پوسته کی ... ایستر مسیره ده او طور سون ،  
 ایستر محزنده ... ایستر اجابا بلریله اولسون ، ایستر دشمنلریله ...  
 ذاتا اولک خلقی ، قاریسی ، قائن آناسی ، بالیزی ، هپسی دایما  
 مو طباقد و وقت کچیرلر ، هپسینک آیری آیری کندیلرینه  
 مخصوص بیکلری وارد ، هپسی قاضی افندینک معدمه سینه  
 خدمتله مکلفدرلر . هم نفیس ، هم ده بول پشمه لیدر ، محن ،  
 طاباق نجره کی اوفاق تفک قابلر قوللانیماز ، لکن ، باقراج ،  
 قازان ، لنگر ، ایشته بونلر دولوسی پیشیریلیر ، بر سو فراسنه  
 او طور ولور ، آل ایله شاپیر شوپور ، طیقانوب قاص قاتی قالینجه  
 قادار یه نیلیر . مثلاً افندینک جانی بر یومورطه ایستر ؛ همان ایکی  
 اوقه قیسه یایدیر یلوب بول صوغانله قیزارتیلیر ، قوجامان کلاچ  
 تپسیسنه سه زیلیر ، اوزرینه قرق ، اللی یومورطه قیریلیر ، آدام  
 باشنه بشر ، اوتر دانه یه نیلیر ؛ علی الخصوص کندیسسی اویله  
 اوفاق عمدلری ، صابیلی ، حسابلی شیلری هیچ سومر . هر کس ،  
 خدمتچی یه اوشاق قادار طبقه باصه ، تیکسیننجه قادار دویمالیدر .  
 اوده دایما خوشاف بولونور ، صراحی صراحی لیمونا طاهر  
 حاضر دورور ، قارپوز ، قاوون کوفه لرله ، پورتاقال ، ماندارینه  
 صندوقلرله ، قایماق یوغورت لنگر لرله آلیذر ؛ وقتلی و قتمز ،  
 صبحالین ، یاتارکن ، کیجه یاریسی ، ایسته نیلیدیکی قادار و ایسته ندیدیکی



دقیقه ده به نیر . کلید ، آناختار ، صابی یوقدر افندی صباحین  
ایرکنندن چیقار ، آرقه سنده زنبیلی ، طوربالی ، کوچی قوتی  
یرنده بر اوشاق ، بازاری دولاشیر ؛ بوجولان اوچ ساعت  
سوره ر ، سوکرا ایی ده حال علاوه اوله رق هیئت اومه دوزر .  
قادینلر مو طباقده آله ستا بکلرلر ، نواله بوشالتیایر بوشالتیماز  
بر فعالیتدر باشلار ؛ قهقهه ، جنبش مالطیزلرک باشنه نوشوشورلر ،  
آیاقلرنده نعلینلر ، طیقیر طیقیر ، کچ و قتلره قادیار ، آری کبی  
چالیشیرلر . کلن مسافرلری ده ذاتاً مو طباقده قبول ایدرلر ،  
یوقاری اودالره چیقمنه ، سوقاغه کیتمه و قتلری یوقدرکه ...  
هم بوضیافتلر مسافر ایچون ده دکلدر ، کندیلرینه در ؛ سنده ده  
آنحج اوچ درت دفعه قومشولر چاغیریلیر ؛ فقط اونه نفیس  
یمکلدر ... هندی کوکسندن اشکمه جورباسیله باشلار ،  
انفس اون بشر درلویمک ؛ کشکول فقراسنه ، سرای بورماسنه ،  
آرازوتلی سوتلاجنه قادیار یالکز درت چشید طاتلی ! بایاغی  
وقتده ده هریمکده محقق بر ، ایکی درلوطاتلی وارددر . سوفرادن  
قائیلدیمی رضا افندی اومه کلیه اومه کلیه ، صولوق صولوغه دوغرو  
کوشه منده رینه کندیسینی آتار ، برچوبوق دولدورور ، قوجاقنجان  
بر ساده قهوه ایچر اوندن سوکرا کوزلرینی قاپار ، دالار ، نام ایکی  
ساعت بویله اودانک کورولتوسی ایچنده ، دلیکسز اوپور بر کره  
اویاندیمی کلسین سو ، کلسین لیوناطه ، کلسین قاربونات باشی بمنیلی ،  
آیاقلری چیللاق آخرتدکلر افندی نک حرارتی باصدیرمنه  
مأموردرلر ، برتهوییه کلیرلر ، کیدرلر ، باردق باردق صو ،  
شریت ، لیوناطه طاشیرلر . معدده سنک آتشی بر آرز باصیلدیمی

قاریسی او که دوشربا بود و میقت، قائمقی بیلمه بن فلی یان اوداده کی  
یریا ناغنه چو که کرتیر. آرتق محله بی صار صان خور و لتولرله شیشمان  
قاضی اوبقوبه واریر، صباحلین اویاندیمی :

— یا هو، جانم برتپی بوره کی ایسته دی، یانه ده بول  
جو بزی برتل قدائی، نه دیرسکز، قیزلر ؟

کی برجه ایله یمک بجی آچار، اوبرلری ده :

— هیچ، افندی، نه آبی اولور، چوقدن ده یایمامشوق !  
دیرلر ؟ درحال قرار ویریلیر و آقشامه هپسی حاضر لانیر،  
عاقبتله اوطورولوب یه نیلیر ...

رضا افندی، بعضاً بو اوده پدشن یمکلرله ده قناعت ایتمز،  
مثلاً قالقار، بکقوزه پاچا، یاخود ایوبه کیاب یمکه کیدر .  
مشتیریلری حیرته دوشورن براشتا واستیعا یله اوقه لرجه کوزله  
یر، صوکراده رجه اوغرار آلی، بدی بارجه اکمک قدائی  
یوتار، راحت ایدر. اوده کی کیلار کوروله جک شیر؛ صوجوقلر،  
پاصدیرمه لر، کلاجلر قانقال قانقال آصیلیدر؛ طلومارله پذیرلر،  
صیرا صیرا قاشار کله لر، دیزی دیزی کوموشخانه المارلی،  
انبارلر دولوسی آریشته لر، روم ایلی یوقسارلی، آنادولو  
دورو ملری، بوتون مملکتلره خاص انواع خور ایشلری ...  
سلانیکدن بادم ازمه لرلی کلیر، ایزمیتدن پشمانیه، ادرنه دن  
صغیردیلی، بروسه دن کستانه ... او یله مملکتلر ده هیچ خاطر لر بی  
قیرمادینی احبابلری واردر، وقق کلنجه قوطولری ویاچواللری  
حاضر لارلر، امانتچیلر تودیعاً قاضی افندی به کونده ریرلر .  
او آقشام بویکی چشید نواله نلک شرفه او خلقنه بر ضافت

چکيلير؛ رضا افندی، کوزلری نشه سندن قیویله جیمیلر صاحجه رق:

— بالقی تمانیله به نیر، هریمکک برشر فی واردر!

دیر، در حال یاقیشیق آلان درت، بش قاب یمک اسمی  
صایار، چارشویه کندیسینی دار آتار، آقشامی ایپله جکر،  
نهایت صوفرایه قاووشسور، بیر، بیر، صوکرآ — برمعتاد —  
قیلوله سنی چکوب حرارتی باصدیرر، کیدر اویقوسنه واریر.  
ایشته عمری بویله بچر...

نه مشروطیته آلدیرمشدی، نه اوتوز برمارته نه ده صوکرآ کی  
فرقه جیلغه... دنیا اومورنده دکلدی، اونک یمک نه دو قونولماسین،  
چارشو، بازار قاپانماسین ده ایسترسه قان کووده بی کوتورسون،  
استانبول چاییر، چاییر آتسه یانسن... حرکت اردوسی طاش  
قیشله اوکنده محاربه ایدرکن رضا افندی ترفنده انکنار  
بولدورمش، زیتون یاغلیسنی یایدیریور؛ خلاصکاران انقلابنده  
یعلیجان طوروشوسی قوروپور، ناب عالی باعقیننده — هوانک  
صوتوقلغندن اشتهاسی بسبتون غلیانه کلدیکی جهتله — هندی  
دولدورتوبور، قدائف پیشیرتیبوردی. ایلهه بالقان محاربه سنده  
استانبول اوکنده محاربه لر اولورکن قربان بایرامی مناسبتیله  
شیشمان قاضی طانلیلی یخنی یایدیرمائی، بومبار، شیردن قزارتدیرمئی  
هیچ اونوتاماش، معدده سنی آلیشدق لرندن محروم ایتمه مشدی.  
اوشرفی، ملیتی، مظفریت ویا مغلوبیتی هپ یمک صوفرایسی  
آردنده کوروردی؛ دنیانک اییلکفی، قنالغنی یمک چاشنیسیله  
آکلار، دیلیله طادار، معدده سیله مقایسه ایدردی. بوزمانه  
قادر وقوعانک ارزاق و ذخیره اوزرنده هنوز تأثیری اولمامشدی.

اما روم ایلی بی غائب ایتمش ، طرابلس کیتمش ، پادشاه یرینه  
مملکتی توره دیلر قاپلامش ؛ اونک او مورنده دکلدی ، ینه بالقان  
قاشاری کلیور ، لیون ، پورتاقال بولونویور ، ات کسیلوب  
یوقفا صانیلوردی یا ، الویرر !

فقط حرب عمومی اعلان ایدیلنجه ایشلر ده کیشیدی .  
بهالیق ، قیتلق باش کوستردی ، شکر اون ، یگر می ، یوز  
دیرکن اوچ یوزی کچدی ، رضا افندی شاشالادی ؛ مقاومه  
اوغراشدی ، دینه یرم ، ایچرم ! دینه سوبله ندی ، کزدی ؛  
لکن کوندن کونه موطباغک شرفی آچالادی ، شمشه سی  
سوندی ، نشه سی قیریلدی . شیشمان قاضی ضعیفیور ، بیمکار  
آزالییوردی . آرتق قایلوله لر یاییلماز اولدی ، بقلوا سینیلری  
کورونمیوردی ، هندی دکل بیلیچ بیله کسیلیمیوردی . او  
بولق نه ایدی ، بوقیتلق نه ؛ بعضی احبابلری یولده صورو یورلردی :  
— ناصلسک حاکم افندی ، برآز ضعیفلامش کورونویور .

سیکنر ؟

— نوله دیکمزه شکر !

او شیمیدی مدعی بر بولتیقه جی ، کیندار بر مخالف ،  
یامان بر آلمان دشمنیدر .

— آه شو بوغازلر بر آچیلسه !

دیور ، باشقه برشی دییور . بیلیور که بوغازلرک آچیلما سی  
دیمک کندی غیرتلاغنک آچیلما سی دیمکدر .

آدام دکل فیل . . .

بر بابا و بر اوغل :

سرایك اَك كيركين ، استانبولك اَك كيرلي خفيه لرندن  
 بری ، احمد بك ، ستار افندی زاده ... عالمه سی جهشتدن  
 چوق معتبرمش ، چوق اصیل ایش ؛ بوتون خلق باباسنی ،  
 دده سنی ، اجدادینی خاطرلیه رق ، خاندانقلرینی یاد ایدرک ،  
 مملکته اولان خدمتلرینی صایوب دوکهرک بو عادی ، ارذل  
 اولاده لغت او قوبورلر ، کبروب کیتسه ده فامیلیك ناموسی  
 قورتولسه ! ، دیسه دعا ایدیورلر . فقط او ، کون کچدکجه  
 شماروب خاناریلا شوق رزالتی آرتدیریور ؛ افتالر ، تهدیدلر ،  
 بهتانلرله راست کلنی صوقیور ، زهرلیور ، یاقیور ، برونی  
 صوقادینی یر ، جانی یاقادینی آدام براقیور ، عمری ذاتا  
 کوندوزلری ییلدیزده متفذان او طهرنده دالقا و قلقله ، کیجه  
 لری بك اوغلی سفاهتخانه لرنده رزالتله کچیور ، صقاللی محمد  
 پاشادن حسن پاشایه ، فهمیدن فائقه اوغرایه رق بیراقدینی  
 ژورناللری اکثریا ، حکایه یازار کی ، یوله دوشبونوب  
 اوبدوره رق غیله سنندن چیقاریور . ایری یاری ، یاقیشقلی  
 وحشمتلی بر وجودی وار ؛ آت ، آراهه ، کیم قوشامده یرنده ،  
 صوکی بارا صرف ایدیور ، ولی نعمتلیرنک بولونمادینی هر  
 مجلسده کیمسه به سوز براقیه رق هپ کندی قونوشویور و کیمسه نی  
 کندیمندن بو کمک بولیه رق باش گوشه به هپ او کچور . یاننده کی  
 بر طاقم ارمی و یهودی معاونلریله بك اوغلی عادتاً خراج  
 کسمشدی ؛ دکانلردن ، اولردن ، قارخانه لرندن عادتاً واردر .  
 بهرا بالاسه کدر ، انیون فرانسه ز سوواره لرینه صوقولور ،



اجنبیلر حقنده سرايه قوجه قارى ماصالى قیلندن ژورناللر  
ویرر . استانبولك ايكي طرفی ده اونك ادبسنز لکسندن یاقا  
سیلکر . استجوابلره ، توقیفلره ، اشکسجهلره ، نهلره سبب  
اولماز... شیمدی ، جان ، جکر احباب ، ساعتلرجه قونوشور ،  
بر چوق التفاتلرده بولونور :

— الله عمریکزی مزداد ایتسین ، افندیمنزی کندیمه  
ولی نعمت تلقی ایدهرم ، خاکسایکز چراق قبول ایتمز بر  
قولکزم ...

کی ، بابغی باباغی بر سورو دالقاووقلقلر ایدر ؛ فقط  
آریلیر آریلماز یاننده کی آدامنه دونر :  
— آتلاتدق حریفی !

دیر صوکراده اوستهک بر ژورنال اویدورور ، آقشامه  
صیجاغی صیجاغنه برینه تقدیم ایدر ، بیچاره یی — ایشک اهمیته  
ودرجه سنه کوره — کوزدن دوشورور ، برندن ایدر ، باشی  
بلایه صوقار . هم هیچده اوتانماز ، آرادن بر هفته کچمه دن  
تکرار او ذات ایله قارشیللاشمه ایستیفی بوزماز ، یانه کیدر ،  
کندیسی نه قادر سودیکسندن ، حقنده نه ده رین بر حرمت  
بسه دیکسندن ، آنجق توجهیله یاشادیغندن بحث ایدرهک معنادی  
رزالتی یاپار ، حق اسکیسندن فضله احترام و تملق کوسستر .  
متلسز ، منسدر بر مفسدیر . دنیا بونی بیلیر ، فقط قورقار ؛  
بیرام اولدیمی قوناق مسافر لرله دولوب دولوب بوشانیر .  
حشمندن ، مضرتندن احتراز ایدنلر کلیر ، اکثریاده اوده  
بولامادقلرندن اوزرینه « قوللری » ، « بنده لری » کی اسارت

وحیثیتسنزلک تمغالری ووردقلری قارتلرینی بیراقوب: « نه ایسه  
شونی ده صاودق! » دییه سهوینه سهوینه کیدرلر. آقشاملین  
بلک قوناغه دوندیمی، قارت طاباغی ویا لیسته پی ایستهر، اسملری  
برر برر اوقور، هپسی ایچون آیری آیری:

— های بوناق، اوده می گلش! های تهره س سنده می  
کلدک! کبی غیاباً التفاتلرده بولندقدن صکره:  
— طوبینک آناسی صانایم!...

جمله سیله بو حسابیه بر یکون چیزوب باشقه ایشلرینه دوزر.  
اوغلی قیصه حق بویلو، اختیار آدام یوزلو، باباسندن آللی  
قات یوزسز بر اوغلاندر؛ کوچوک یاشنده خنکار چاوشی  
یامیشلر، جمعه کونی اولدیمی مکتب سلطانی یه لالاسی بر آطلس  
بوخچه ایچنده عسکر البسه لرینی کتیرر، مخدوم بی کیدیرر،  
بر آراهیه پندیروب سرایه کوتورور. دها اون یاشنده ایکن  
بو بوکلیکه نوزدن بوفساد تخمی چوقدن چیقارده ایچمه که باشلامش،  
راقی وقار مراقبه یرنده دوراماز اولمشدر؛ شیمیدین خفیه،  
فیتنه و مزوردر. صنفده بری قونوشدی و مبصر آکلامایوب  
« کیمدر؟ » دییه سورده می در حال اوجواب ویرر، خوجالره  
باش شکایتچی اودر. شویله قولندن خیزی ایتسه لر باباسنک  
نفوذینی بیلدیکندن همان مدیره چیقار، آغلار، آرقداش لرینی  
جزایه چارپدیرر، حتی باباسنه بیله آکلادیر، مکتوب یازدیرتیر،  
خبر کونده رتیر، آلمدن کلن فنائی یاپدیرر.

اون بش، اون آلتیسنی بولونجه آرتق کستاخانی، کپازه لسی  
تحمل ایدمز بر حاله کلشدر. دها بیقلری ترله مدیکی حاله

یگر می بش یاشنده کی دلیقانلیلرک یاپامیه جغنی یایمغه باشلامشدر؛  
قیصه جق بویله صبور کورکلی بر قوجه مان بویوک آدام بالطوسنه  
بورونوب آغزنده کهر بار آغز لغه طاقیلی برسیغاره ، بک اوغلی  
جاده سندن قاشلری چاتیق ، صورت اُکشی ، امثالی کورولمه مش  
بر عظمت وهندی قابازیشله کچیشی واردر ، انسانک توپلری  
دیکن دیکن اولور . هر کسه فنا ، لغت معامله ایدر ، مثلاً  
آرابه جی بی چاغیر بر ، اویله حقارتلی برطور ، اویله دره بکجه سته  
بر جاقا که اوزاقدن سیر ایدنلرک بیله قان باشنه چیقار ، مثلاً بر  
یره کیدر ، یمک یر ؛ طاباقلره اویله تیکسینیر کی بر باقیشی ،  
اطرافی مستهزی مستهزی بر سوزوشی واردر ، عالمه مجلسی  
زهر ایدر . قونوشمالری نه سیکیر بوزوجی شیدر :

— اقدم بو خلق خلق دکل آت ... مملکت آخور ؛ بز  
یاشامییورز . آغاچ کی تذب ایدیورز . اسمم کاشکه علی ، ولی  
اولاجغه پول ، زان اولسهیدی ، هیچ ارمازسه آدام ایچنده  
یاشاردم ...

ایشته بو قیلدن طوتدورور . آغزینه کلنه سویلر ، اوکنه  
کلی تحقیر ایدر . نشئه سی ده صوئوقدر ؛ باصمه قالب تحفلقلری  
نه طاتسز دوشر ؛ احبابلرینه صورار :

— کیفکیز منتهی میدر ، منتهنامیدر ؛

یاخود مسافر لرینی قارشیلار :

— صفا آمدی ، خوش آمدی ؟

هر بجه ایله اُکله نیر ، عجمجه به صاتا شیر ؛ ( زبان فارسی ) دن  
خاطر نده قالان : « برادر تو بکاست ؟ » ، یاخود « قلم من بکیست ؟ »

کبی عبارده لری ایران تقلیدیه ایکیده بر، صیرالی صیراسز سویله،  
کولر . عرصه دن نصلسه اؤزله دیکی :

سئل المصانع رکباً تهيم فی الفلوات

مصر عنی بلدکه بر ساعتده یوز دفعه تکرار لایوب اکثریاده  
تور کیلردن ، شرفیلردن برینه اویلدوروب اصول ایله چالار ،  
یاخود نجوید ایله اوقور ... چکیلیر اوغلان دکلدر . اوکا  
صوکرلری برعلت عارض اولمشدی : آدام دوومک .. یولده  
کیدرکن مثلاً ایکی کیشی بربریه آتیشور ، همان قاباریر ،  
اسپنج خروسی کبی کوچوچک بویله شویله اوزانیر ؛ تیریاکی  
اختیار سسیله :

— نه در او ؟ نه بو ایتلک ؟

دییه برصورار ، او برلری آله یرمادی می : « جات ! » برینه ،  
« جات ! » اوتکه کنه همان طوقادی ایندیرر ، پولیسک یاناشمق ،  
یاخود دایاق ینلرک حق طلب ایتمک حقلمی ؟ یورور کچر ،  
صوکر آکلادیر :

— باقدم کوبک کبی دالاشیورلر . مملکتی بو ؟ پولیس  
یو ، ادب یوق ، حیا یوق ... ایت آخوری جانم ؟ همان یورودم ،  
حریفله ایکیشر توقات عشق ایتدم ، « سکا نه » دیدیلر ،  
برردانه دها ووردم . درسلینی ویردم ! ..

بوتوقات فصائی آرتدیردقجه آرتدیردی . آرابه جی دوودی ،  
غارصون دوودی ، پولیس دوودی ، ضابط دوودی . هیچ  
شاقاسی یوق ، همان پایشدیرییور . هم کندینه تعلق ایدن  
ایشلرده دکل ، بوتون استانبوله قاریشیور ، حکمی هرکسه

شامل ... حق ایشی دها ایلریله تدی ، نظارت ارکانی ده توقا -  
تلامغه قالدی . « نه یایدورسک ؟ نه حقل ؟ » دین چیقمیوردی .  
رتبه ، منصبجه ده یوکسلمکده بردوامدی ، خارجیه دن ،  
بیلم نه مجلنه ، اورادن بیلم نه اعضالغنه ، بینه توجهات ...  
برایرامدن برایرامه محقق ترفیع ، ضم معاش ... دها یگرمی  
بشنده ایکن ماینه جیلرک ، یاورلرک یاننده ، آیاغی آیفی اوستده ،  
آغزنده خیفارا ، کمال عظمتله اوطوروب قونوشور ، اصلاحات ،  
اجرات ایچون یایلماسی لازم کلن شیلری سویلر ، ساعتلرجه  
دیگله تیر ، پادشاهه لایحه لایحه اوسته بونلری تقدیم ایدر . شورای  
دوات اعضالغنه نامزد ، همان بوکون یارین تعیین بکله نیور ...  
دیرکن اعلان حریت ؛ باباسی بکر آغا بلوکنه طیقیلیر ، پاراسنی  
آلیرلر ، کندیسنی سوره لر ؛ مخدوم بک شاسالار ، قالیر ؛  
اوزمانلر حریت پرورلرکه مراق صالار ، غزته جیلکه قانقار ،  
فرقه جیلغه باش وورور ، هیچ بری سوکمز . قیایق قیافت  
أسکیدن یایدیریش اولانلره شکر ، یرنده اما جییده یش یارملر  
یوق ... نروده اتوقات فصللری ؛ کوتوله یوب قالیر . دهافناسی  
برکون تونلدن چیقوب بک اوغلنه آغیر آغیر دالارکن اوزاقدن  
بری قوشار ، اوکنه دیگیلیر :

— بنی طانیدکی ؟ دیر .

— خاییر ؟

— بن سکا شیمدی طانیتیم !

« بات ! ، برطوقات « چات ! » برتوقات ... مکرسه اسکی

دورده دایاغی ینلردن بریمش ...



شیندی — آرا سیرا — پدر بك افندی به ده ، مخدوم بك  
افندی به ده سوقاقده راست کلدیکم اولیور . غالباً سفالت  
ایچنده لر ... ایله مخدوم بك یتیک ؛ بوینده کاغد یا قالق ،  
آرقه سنده اون بنس سنه لك قلوş پالطو ، آیاغنده آلتی پنجه لی  
قوندورالر ، بر سر خوش کی صارصیله سنده له یه یورو یور .  
شاشیورم اوکستاخلقلریله ناصل اولدی ده یکی دورده ده  
بارلایوب مسندلره ، منصبلره کچه مه دیلر !..

برباشقسی :

احیا افندی زاده نظمی بك ، باب عالیده قلم مدیری .  
کاتب ، خوش صحبت رذات ؛ فقط عکسی خویلی ، فنا اعتیادلری  
وار ؛ مثلاً غوغارن حظ ایدر ، دها دوغروسی غوغاسز یاشایاماز .  
او خلقیله ، دائره ده کی مأمورلرله ، سوقاقده کی اصناف ایله ،  
کان کیدن مسافرلرله ، خلاصه زرده اولسه و کی مکله اولسه  
هیچ یوقدن مناقشه چیقارر ، مارازایه باشلار . اما ، یالکیز  
آغز غوغاسی ... غایت قورقادر ، آل شاقاسنه ، طابانجه یه ،  
قامایه ، نه لکلی ایشلره هیچ کله مز . آقشام اولدیمی ، شیشمان  
وجودینی بریوک کی هوعلیه بوعلیه ، سویله نه میریلدانه ، بیک  
مشکلات ایله طاشیه رق اوینه دوز ؛ اسکی اصول ، بابادن کورمه  
آلاتورقه ستریسنی در حال چیقاریر ، صویونور ، آنتاریسنی کیوب  
یاز ایسه باغچه یه چیقار . باغچه دبیدیکی دوت دیوار آراسنده  
قلمش بر آراقدن عبارتدر . زبرک سمتمده بویله ، ایکی جیلیر  
اینجیر وزردالی آغاجی دیکیلیمش ، طافلانلرله سوسله نمش ،

فنجان قادار حوصلی او باغچه لری چوقدر . نظمی بکک گیده  
 بونلردن بریدر ؛ فقط هیچ اعتنا کورمز ، کیره جسمز ،  
 خرج جسمز ، طاشلر برر اوزه رینه قونهرق بک طرفدن جمعه  
 کونلری اوده قالیندینی زمان یاپیلمش اولان دیوار ، ایکیده  
 برده ، برآز یاغور و صبق برلدوسله بیقیر ، دائما کدیکلیدر .  
 حوضک صوبی نوکنمش اولدیغندن ایچنده شیمدی ایکی قاریش  
 چامورله بوصون و آناج قوربنه لر دولودر . ایشته نظمی بک  
 بونک قارشیسنه کچر ، راقی ایچر ، احکام قورار ... او قادار  
 ایچرکه ایکی لقمه ییمکی کوچ بیر ، کندیسنی یاتاغه دار آتار .  
 اصل مراقی آلیش ویریش ایتک و بو وسیله ایله بول بول ،  
 چشید چشید غوغا چیقارمقدر . صباحین زنبیلی اوشاغه ویرر ،  
 چارشیه کیدر ، بردغه سبز جیلری دولاشیر ، اونلرله آتیشیر .  
 هم او یله آتیشیرکه خلق باشنه ئوشوشدورور ، دنیایی مراقبه  
 ویرر ، پسدن ، ئورتولو دکل ، آواز آواز ، سوکه صابه ،  
 اهالی بی چاغیروب اشهاد ایده ایده ... شو ، بو دلالت ایدر ،  
 بی اورادن چیقاریرلر ، قصابه کیرر ، اونکله ده برمقدار آغیز  
 شاقاسی ایدر ، بقاله باش وورور ، اورادده برآز خارازا ...  
 نهایت ساکنله شمش ، راحتلاشمش برحالده دوز ، او کونسی  
 وظیفه سنی بیتیرمش کبی برمنونیتله شو یله یاربم ساعت قادار  
 او یور ، صوکر اکینبوب قلمنه کیدر .

جمعه کونلری اوده قالیر ، یا آنتاریسنک آنتاکلرینی  
 قوشاغه صوقوب دیوار تعمیرله مشغول اولور ، یا خودده آلت

قات جومبايه قورولوب كان كچن صايغيلري جه ويرير، بازارلق  
وغوغا ايدر، مثلاً يغورتجي بي چاغير :

— آ، بو يغورت صولو ! يغورتجي اعتراض ايدر :

— طاش كي اقدم، دير، نرمي صولو؟ تنكي بي جه ورسه

دوشمنز ...

— يا اويله مي، وير باقلم !

نظمي بك آني اوزاتير، تنكي بي باقالار، جو يروب حربك  
باشي اوزرينه ، لارپ ! ، يغورتى دوكر . طيبي بر قيامندر  
قوبار ؛ بعضاً پوليس بيله كلير، فقط صايغي حقسنز چيقار ،  
لغت اوقويه اوقويه كيدر .

نظمي بك قادار محافظه كار آدام بولونماز. قوناق ييقيجي به  
ويريله جك حاله كلكشدرده ايچنه بر تعمير سوقامشدر. پوراز  
طرفدن لدوسه نقل ايدر ، لدوسدن پورازه ؛ اوك ايچنده  
موسم موسم دولاشير، كوچ طاشير ؛ فقط باشقه بر سمته ،  
ياخود بر سنده ، نه اولور شويله بر صيفيه يه كيتمز .. ذاتاً  
وابوردن ، ترمندن ، آرايه دن قورقار. ده كيزده ايكن بر كيلو  
مترو اوتدن بر باشقه واپور كورونسه صارامغه باشلار .  
قابودانه اشارتلر ايدر، خلقك نظر دقتي جلبه اوغراشير :

— بونه اخياطسزلق جام ، قوجه ده كيزه صيغمايورلر،

بر برلرينه سورتونه سورتونه كچيبورلر !

دييه سويله نير ، آرايه ده ايكن هيچ قونوشماز ، متدأياً  
صاغنه ، صولنه ثوركك ثوركك باقينير ، صارارير وياقين بر  
آرايه كچديمي ، آي ! آمان ! ، قيبندن بر طاقم سسلر چيقاروب

کوزلرینی قاپار. ترنده ده هیجان ایچنده در. دیشجی اسکمله سنه  
 اوطورمش سیکیرلی قادینلر کی صایر صایر ترده، تر دوکر.  
 ایشته اونک ایچون نه مسافر لکه کیدر، نه صیفیه به ... صباحلین  
 چارشی، اوکله یه دوغرو قلم، آقشامه عودت، راقی،  
 اویقو ... ایشته بو قادار! او یله باب عالی آراسنده کی یولی آیلر  
 کچر، ده کیشیدیردیگی کورولمز. سنلر اولمشدرکه کوپرودن  
 اوتنه یانه کچمه مش، سمتندن باشقه طرفه آیاق باصمامشدر.  
 او غوغاسنی ایتسین، باشقه هیچ بر شینه احتیاجی یوقدر.  
 قهوه یه چیقماز، تیاتروییه کیتمز، ساز سوز سومز، یالکیز حفظ  
 ایتدیگی ایکی اوج احبابی کلیرسه طاتلی طاتلی صحبت ایدر،  
 کنجلیکنه طاند مناقب آکلانیر:

— سلطان عزیز دورنده استانبولی کورمه لیدیکمز، دیر،  
 اونه عالمدی، اونه جتندی ... باشند باشه دوکون درنک،  
 چالغی چاغاناق ... پارا بول، مال اوجوز، زمان مساعد؛  
 خالق عمری کیف ایچنده کچردی. کاغد خانه، بندلر، بکقوز  
 چایی، جیریحی، ولی افتدی یوقی؛ اورالری تعریف  
 ایدم که ... مثلاً صحاف اصنافی، جلب اصنافی، مصر چارشیایلر  
 طوبلا شیرلر، چادیرلرله، بیمکلرله اورالره سیرانه کیدرلردی؛  
 اما بر کون ایچون، اوج کون ایچون دکل ... برهفته قالیر،  
 ایچرلر، بیرلر، برونلری قانامادن، آرالرنده هیچ بر نزاع  
 جیقمه دن کولوشه اکلنه دوزلردی. قیشین حلوا محبتلری،  
 بهارده قوزو چویرمه لری ... ایلله بک اوغلی طاملری! بن  
 او زمان کز کینجی ایدم، آجیق کوزدم، جاقیندم؟ قله دیننده کی

برنجينك غازينوسنده اهلى قيزلرينى ديكلمك ايچون هان هر  
آقشام اورايه كيدر ، راقىمى اوراده ايجر ، صوكره بالق  
بازارنده كفالونيالى بر يانينك لوقاطهسى واردى ، غايت نفيس  
باليق قيزاتير ، يىكمى ده اوراده يردم . آرايه به بر جىديه  
ويردكمى سنى بويوكدرمه قادار كوتورور كتير يردى . اوزمانلر  
زنكبن ارمىلىر چوقدى . سرايلردم . متهدلك ، نقاشلق ،  
قلمكارلق ايدرلردى . ايسته بك اوغلنك ذوقنى چيقارتان  
اونلردى ، سفاقى ، ذوق اونلرده كورمه ليدى ... حريفلىر  
آرايه ايله بويوكدرمه كيديرلر ؛ قاريلر قولتوقلرندم صباحه  
قادار ذوق ايدرلر ، چالديرلر ، سويله تيرلر ، صوكراده جاقا  
ساتارلردى . مثلا آرايه جى يى چاغيرلر :

— قاچ ليرا آرايه نك بدلى ؟

— قرق آلتون آغا ...

— آل ، بش ده جابامى !

بارالر صاييلير ، آليش وريش بيتردى ؛ ديركن غارصونى  
چاغيرلر :

— بر تنكه غاز كتير شو آرايه نك اوستنه دوكله ، وير آتشي !

— باش اوستنه آفا ..

اعتراض ، قورقو ، مداخله ، نزاع يوق ... جانم آرايه  
چاير چاير ياقيلير ، اطرافنده جنبش ايديليردى . بو درجه  
اسرافه و اراميانلرك هوسلرى ايجلرندم قالماسين ديه شيمدیی  
تعليمخانه ميدانى يوقى ، اونك آشاغيينده بر صيرا غازينولر  
يايمشلردى . آفتوسنى آلان اورايه كيدر ، جام قيراردى . ذاتاً



بوسنار اونك ايجون چوروك چاريق ، جام تحته سندن قورولمىدى .  
 بويله آباندىكى « كور ا » بر طرفه دوريلدوير ، بوتون جاملر  
 شانغير شونفور قيريلدى . او زمان صايارلردى :

— قاج پارچه ؟

— آلى سكز !

— نه ايدر ؟

— سكز يوز يكرمى بش !

— آل ! ..

آلتونلر تركاهك اوستته فيرلانيلىر ، مشريلرك تقديرلرى  
 آراسنده قولتوق قابارته قابارته غازينودن چيقيلىدى ؛ قادين  
 ممنون ، حريف مغرور ، دنيا آفرين خوان ، بر حال .. بز  
 بويله كونلر كوردك . شيمدى توكلنى دكل قاپى طيشارى چيقمام !  
 چكانه جه اكلنجهلردن ذوق آليورم ، والسلام !

نظمى بك حقيقة بو آكلاتدقلىنى كنجله كننده كورمىدى ؛  
 حقيقة جابقين بر عمر سورمىدى ، فقط صوكرا ، سفاعتك  
 افراطندن سيكيلرلرينه برضعف كلش ، بويله ثوركك ، غوغاجى ،  
 عكسى بر آدام اولمىدى . موقعك حرمتنه اسكى دورده اونك  
 دهلى دهلى غوغالرى نتيجه سز قالير ، كيسه به مقابله جسارت  
 ايتمزدى ؛ حق اوينك او كندن جنازه كچيردكلرندن دولاي  
 محله اماميله آزى بوغوشمىدى ؟ بو ايش ايجون فسنى  
 باصديروب ناظره قادار چيقمش ، شكيت بيله ايتمىدى . غالبا  
 منعهده موفق اولمىدى . يكي دور كلنجه ايشلر ده كيشدى .  
 محكمه دن بر ايكي جلب كلدى . زواللى نظمى بك قورقدى ،

دیشاری چیه مار اولدی، باشلادی یالکیز اوده گیرلی حاشلامغه...  
اونلرده بردن حریتک ویردیجی جسامرتله معامله لرینی تبدیل  
ایتیلر، جواب ویردیلر، حق اوستنه یورودیلر... شاشالادی،  
سیندی، خسته لاندی، چوق کچمه دن غوغا ایدمه مکدن  
متأزراً وفات ایتدی.

### صوکیسی :

حاجی اسحق افندی، مزور اسحق افندی دیمکله معروف،  
جامع امامی ... کیرییکسز ماوی کوزلی، لکالی جیللی یوزلو،  
سیره ک صقاللی بازارکانه بیکیزر شانسز بر آدام؛ جامعلی،  
جاهل، خسته لقایمی خسته لقلی، فقط مفسد می مفسد...  
بر دفعه انسانی دیلنه دولادیمی، قورتولوش یوقدر، سکسان  
یره کیرر و سکسان برده یحثنی آچوب فساد، افترا نامه  
نه پایلمق قابلسه یاپار. ذاتاً محقق بر آدامله اوغراشمالی،  
دیدیشمه لی، اون ییره سرینجه به قادار، بر آیمی کجر، ایکی آیمی،  
هرایشی بیراقوب اوکا کندی جان و کولدن وقم ایتمه لیدر.  
بویله تزویر پیدشده صرف ایتدیکی قدرتی، فعالیت، او  
حرارت و هیجانی باشقه برایشده، باشقه برمسلیکده کوسترمش  
اولسه نه موفقیتلر قازانماز، نه لر اولمازدی... فقط کوزی  
موقعده، پاراده دکلدیر؛ دیدیشمه ده در... محله ده هیچ یوقدن  
مسئله لر چیقاریر، اهالی بی ایکی طرف ایدر، بر برلریله اوغرا-  
شدیریر؛ صوکر ا کجر قارشیدن کیفله سیر ایدر، مثلاً برجقمماز  
یول واردر؛ اون آچدیرمغه قالقار، بلدییه دائرة لرینی، دفتر

خافانی قلملری، اوقاف ارکانی کونلرجه تمجیزایدن، خریطه لرین،  
سندلرین میدانن چیقاریر، کلیر قهوه ده اوقور، آکلاتیر :  
« حقمزدر، بوراسنی آجا بیلیر، یولمز تام سکز یجق دقیقه  
قیصا لاجق، محله ده شرف بوله جک! » دیر. اها لینگ بر قسمی  
موافق بولورلر، لیکن دیگر بر قسم « او چیقماز سوقا قده  
اوطور ویده آرابه پاطریدیسندن، کلن کچن یابانچی آدم لره  
حضورندن، توزدن و جاموردن مصون قالانلر طبیعی اعتراض  
ایدرلر. ذاتاً مزور اسحق افندینک مطلوبی ده بودر؛ ایچلرندن  
برینه قانجه بی آغوش، مقصدی، اونی ئوزمک، اوکا اذیت  
ایتمکدر. بوقسه بول آچیلمش، سوقاق شرف بولمش، نه  
اومورنده... بوتون محله شیمدی بومسئله آردنده هر ایشی  
بیراقیر، مشغول اولور. اسحق افندی آرتق کوروکله مکله مشغو-  
لدر. اورته صنف اهای بی کیدوب بویله قهوه لرده، جامع  
آلوسنده، شادروان اطرافنده زهرلر، یوکسک صنف محله  
ارکانی ده قوناقلرینه اوغر ایوب مسئله دن خبردارایدن، معاونتلرین،  
توسطلرین دیر... امام افندینک طرفنی طوتانلر دائما غالب  
کلیرلر، نملر یاماز، نملر یایدیرماز. چیقماز سوقاق سکنه سی  
ایشی آرتدیرلر :

— هله کچمکه قالقیک، ویرانه دیوارلرین بیقمق ایسته ییک،  
باق نه یابارز، قافالریکزه قاینار صولور دوکهرز، طشاش  
یاغدی ریز!

کی تهدیدلره قالدیلر، دائره لره استعدال ویریرلر،  
« باغچه لرینک اوچیقماز سوقاغه ناظر اولدیغندن چاشیر کونلری

أولرنده ایش و کوجلریله مشغول اولان مخدرات اسلامیه نك مارین و عابرین طرفدن تجاوازه معروض قالماسی ، احتمالی اوکه سوره نك بر قور تولوش چاره سی آرارلر ، اوبر طرفده کیتدجکه جوشار ، کوبورور :

— ییقا جغز ، یاقا جغز !

دییه هایقیرر . ایشه دلیقانلیلر ، آجار آداملرده قاریشیر ؛ فقط اوبرلرینکده آرالرنده ایشکذار ، عقلای ، نفوذلی آداملر واردر . کیجه کوندوز طویلانوب استشاره ایدرلر ، چاره آرارلر ، غلبه امکاتی حاضرلارلر . دیرکن بر صباح یولک آچیلماسنه طرفدار اولان مزور اسحق افندی طرفی بر شاشقینلق آلیر . آغزند آغزه برخبر :

— چیقماز سوقاغلک نام سوکنه بر منزار طاشی دیکیمش !  
— بره ایتمه !

برتلاشیر کیدیور ، یالانده دکل ، قوجه مان بر طاش ، قاووقلی ، کتابه لی ، شویله یان یاتمش یولی بکلیور . حدینه می ایلیشیلین ، قان کووده بی کوتورور . اسحق افندی حدتندن صارارمش ، کوزلری دونمش بر حالده کندیسینی سوقاغه دار آتار ، بول انفییه چککرك آقشاملره قدریدی قوله بوستانلری آراسنده بر باشنه دولاشیر ، دوشونور ، شو چیقماز یولدن قور تولمغه اوغراشیر . وای ماعونلر وای ، بونلر فرقنده اولمهدن ناصیل او قوجه طاشی کتیر مشلرده دیکم شسلر . . . توه ، اه بلاسنی ویرسین ، اویقویه یاته جق صیرامیدی بوزمان ؟ . . . صباحه قدر جومباه کچوب سوقاغی بکله مه لی ، هر طرفه کوز جیلر

قویمالی ، نوتخیلر دیکمه لیدی .. ایشی بر باد ایتمک ، کیتدی .  
تمیزله باقم شیمدی شو برنجک طاشنی !

اوبوله کدرلی کدرلی قیرلرده دولاشیرکن دیگر طرف  
نقشه ایچنده در . همان ایرتسی گجه اک نفوذلیلرینک اوندی بر  
ضیافت چکیلیر ، ساز ، سوز ، قهقهه ، شرقی ، قیامت قویار ...  
یولده ایکی طرف بربرلرینه معالی سوزلر فیلاتیر ، کنجیلر  
آراسنده مارازا قویار ، برآز آتیشیلیر ، ایتیشیلیر ، مع مافیه  
چیقماز سوقاقده کیلر الآن مستریح دکلدلرلر ؛ گجه لری نوبته  
طاشی بکلورلر ، باصقینه اوغراماسندن قورقورلر . اولیله ،  
یونلر ناصیل کتیردیلسه اولنلرده اوله کوتورورلر ؛ منور  
اسحقک حالی معلوم ، جوق ساکن کی کورو نوپور ، چه ویره چکی  
بردولاب واردر .. حقیقه اوله درده ...

هم امام دیورمش که :

— او طاشی کتیردکلری کی بن اولنلر کوتورته بیله جکم ،  
کندیلری آلیبی آتکمی اوپوب طاشییه جقلر ؛ فقط راضی ده  
اولیه جنم !

آرادن اون کون کچر ، برصباح قالفه ، ایکی دولکیر برر  
آرایه قوم ، چاقیل ، کیرهچ ، خلاصه یانی لوازمی ، اوکده  
اسحق افندی سوقاغه کیرلر ، عجبا نه وار ؟ نه یاییله جق ؟ شمدی  
به ری طرف متبسم ، برکیفدر کیدیور ، نهایت اوسوقاق سکینه سندن  
بری صورار :

— نه او اسحق افندی ، نه بو حاضرلق ؟

— اولیاء الله دن بر ذاتک بویله سوقاق اورته سنده یا تماشنی



ولی نعمت افندیز ترویج بویورما مشلر؛ بر مقدار عطیه شاهانه  
احسان بویوردیلر، تربه یابه جفزا !

کوردیکزمی ایشی؟ حالوکه اورایه بر بنا چیقارسه سوقاغک  
منظره سی بر باد اوله جق، بوتون اولر، یان یخمره لر یله ده کیزه  
اورادن باقارلر، ذاتاً ایکی قلعه دیواری آراسنده بوش قالمش  
یکانه بر اوراسی؛ شیمدی اوده قاپانیرسه یدی اوده منظره سز  
قاله جق؛ هم اسحق افندیك تربه یی عنادینه اوپ اوزون، سیب  
سیوری یابدیره جفنده شبهه یوق... باقیك مزورك چه و بریدی  
دولابه؟ مایینه قادار، پادشاهه قادار دایامش !

تملر در حال قازیلغه باشلار، بوبوك بر بنا یامغه پاره  
کافی دکلدر، اما امام افندی اعانه طوبلامغه چیقمش بیله...  
حاضرلق دهشت، تربه دکل عادتاً تسکینه یابیله جق، بیلمنه پاشا  
اویله آرزو ایدیورمش، بلکه کناره بر جامع ده یابدیر اجمش...  
دیگر طرف هیجان ایچنده در. براوزلاشمه چاره سی آرارلر،  
کلوب اسحق افندی بن رجا ایدرلر: «سوقاغی آچام، بز طاشی  
کتیردیکمز کبی بر کیجه یینه اوصوله جق کوتورورز، تربه یی  
کوشه باشنده کی مقبرك اوزرینه یابدیر برز، اوستنه پاره ده و بریرزا،  
دبرلر. فقط او بری راضی اولورمی هیچ، اراده سینه شرفتعلق  
ایتدیکدن بحث ایدرک رجا جیلری کری چه و برر :

— آرتق بنم آمده دکل، دیر، کتیردیکمز طاش بومبارك  
ذاتك طاشیمش، الله اوکا تربه مقدر ایتش، خلافتنه حرکت  
ایده مه یز !

نهایت تملر بیتر، جاتی آلینیر، یان طرفه برده سید

سیوری تربه دار اوداسی یاپیلیر ؛ سسوقاقده کیلر بلدییه باش  
وورورلر ، سرایه قادار مراجعت ایدرلر ، دیکله نه منزلر ، تربه  
قورولور .

ایشته بونک کبی ، بویله ، بیک ماجرا ... خصوصی عائله  
ایشلرینه ده قاریشیر ، برکت محله امامی دکلدر . اويله اولسه ییدی  
عجبا نلر یاپمازدی ؟ .. اوطوردینی سمتک صاحبی ، کهیاسی ،  
پولیس ، همسی اودر . طانیما دینی آدام یوقدر که ... ضبطیه  
ناظرینی طانیر ، بوتون مستشارلر ، محاسبه جیلر احبابیدر ؛  
ماینجیلره قادار آل قول ، صالمشدر و بوتون بوقوتلری سونک  
بونک علهنده ، تزویر ایچون ، بلا چیقارمق ایچون قوللانیر ؛  
هر صوقولدینی ایشدن غالب ، مظفر چیقار . دها آلالی یاشنه  
هنوز کیرمشدی ، وفات ایتدی . تولومی غایت غریب اولمشدی :  
قومشوسی باغچه مراقیسی ، کندی حالنده بر آدامدی ؛  
صوک کونلرده اوکا مسلط اولمشدی ، بر دیوار مسئله سندن  
دولایی دیدیشیوردی . بر آقشام هر کس یاندقدن صوکره  
دیشاری چیقار ، شفتالی زمانیمش ، اوصولجه حق دیواردن  
آشه حق ، کیدوب صاحبک بیک اعتنا ایله یه تیشدیردیکی ویارین  
اوبرکون قوپازاجنی میوه لری چالاجق .. حالبوکه اوده اوکون  
تمیزلنک ایچون انم چوقوری آچدیرمش اولدینی اونودور ،  
باغچه داخلنده در دییه فنرده یاقدیر مامشدی ، قازانلقده یورور ،  
ایچنه یووارلانیر .

ایرتسی کونی تولوسنی بولورلر ، قوپاردینی شفتالیلرده کورکنک  
جینندن چیقار !



## حرب دورينك خانملىرى

كانينك اصرارينىڭ دايانامام ، كچن كون بويوك آدايە ،  
 شاينى كوزمكە كىتىم ، ذاتاً مراقىدە ايدىيوردم ، ثروت وسامانى  
 دىللرە داستان اولان شودونكى آخرتلىكى يقيندن سىر ايتىك  
 قاجير بىلەر فرصت دىكلىدى . كىم بىلەر نە مناسبىتىزلىكلار ايدە جىك ،  
 نە شىار يىقلىقلار ، نە خويىپالقلار ياپە جىق ، نى ناسل قىزدىرە جىك  
 وأ كىندىرە جىكلىدى ... دوشروسى سويلەمك لازم كلىرسە ايجمىدە  
 قىصقانچىلغى ، حسدە بىكزەين وبى قورت كىي ياواش ياواش كىرن  
 برشى يوقىدى دىيەم . ئوزولويور ، كىتمىكە تىردە ايدىيوردم .  
 فقط دوشوندىم كە بىدە محتاج ، سەقىل دىكلىم ، على الخصوص  
 ياشىمە رغماً حالا كوزلدىم ، حالادە كىنچ كىي اطرافىدە تائىرلر  
 ياپيور ، سەوييور ، سەويليور ، حياتىن ذوق آلىيوردم . ايشتە  
 اوبوندىن محرومدى . اونك بارەسى بونى تامين ايدە ميبوردى ...  
 بناءً عليه دائماً شاينە كىندى وارلىقى دويورا بىلەر ، دائماً اونى  
 قهر ايدەر ، زهرايە بىليردم . ايشتە بويلە دوشونەرك زيارتە قرار  
 وىردم ؛ كىندى حسىنە ، وجودىمە كىوونەرك بوكا تشبىت

ایتم . ایچ چاشیرمدن بچمه قاداز ساعتلرجه نه ووروب  
چه ووروب معاینه و تجربه ایدوب او یله اعتنا ایله کیندکدن  
صوکر ا توفانلانه اوغرایوب چو قورله شکر و چیقولاته آلدن ،  
ا ک بهالی قوطورله قویدردم ، واپوره بیدم . آدا اسکله سنده  
آرابه جیلردن برینه دیدم که :

— کافی بک او طور دینی کوشکه کیده حکم !

— بویوروك !

هرکس بیلدیور . بر قاج آیده غوانسز ، مأموریتسز  
کندیلرینی قوجه زنکین آدابه طانیتا بیلمشله ، بر اسملرینی  
سویله مک کافی کلیور . بر آز آلینارق ، آرابه هر زمان بینمک  
معتادی اولانلره مخصوص بروضعتله او طور دم . نظام جاده سنه  
صایدق . کوچوک یاشمدن بری هر او کندن کچدکجه نظر دق  
جلب ایدن یاری کارگیر ، یاری اخشاب ، قونت یاییلی ، مهابتلی  
بر کوشک او کنده دوردق . ساعت ایکندی به یاقیندی ، قاپی بی  
ایتم ، چغراق صاللانندی ... جام و مانولیا آغا جلریله کولکه لغش  
وصول لغش سرین بر بولدن بورودم . قایسی بول اولرده بی  
شاشیرتان برجهت وارددر ؛ عجبا او خلق هانکی طرفدن ایشلر لر  
وهانکی طرفه کیدیلیرسه عجمی کورونولمز ، بالعکس اورانک  
اعتیادینه موافق حرکت ایدمش اولور ، شاشیرتیلماز . مرمر  
مردیوه نلری چیتدم ، زیله باصدم ، قولالانمش بم بیاض اوکلکلی  
برروم خدمتچی قاپی بی آچدی . بویله زمانلرده قیافتک ، حال  
و طورک چوق تأثیری وارددر ، بنم : « خاتم اقتدی اوده می ؟ ،  
سؤالمدن ، بوسوزک چیه یاشندن در حال اهمیتی ، موقعی آکلادی ،



شویله برباقدی ، ظاهر قیاقمده امنیت ویردی که در حال :

— بویوریکز !

دیدى . اشیا هب آغیر ، کوستریشلی ... یان سالونه کیردک ، همان باش طرفه کچدم ، اوطورددم . آلت قاتدن و اوست قاتدن بر چوق سسلر کلیوردی ، اوده بر تلاش واردی ، بر مسافر باخود بر ضیافت حاضرلنی ، حق دها فضله سی ، دها اهمیتلی و دها تلاشایی ... بو حال هیچ خوشمه کتیمه دی ، علی الخصوص مردیون باشنده بر طاقم فیصیلدیلر اولویور ، مادتا بر کوچوک مناقشه یاپیلیوردی . قولاق ویردم ، غالباً خدمتجی یی آزارلییورلر ، غی قبول ایتدیکندن دولایی چیقیشیورلردی . بسبتون صیقلدم ، بر مدت صوکر ا قالقدم ، صفیه چیقدم ، دونوب کیده جکدم . آرقه مدن بری :

— آء عصمت ، عصمت خانم ..

دیه سویله ندی ، دوندم ، شایانه قارشیلانقدق . نه ضرب شیی ، بر بریمزی هیچ سهومه دیکمز حانده یینه در حال قوجاقلانقدق ، نوپوشدک . بسبتون قوپ قورو ، قاس قانی ، دیشلهک وسه ویمسز اولمش ...

— خیانت ، دییوردی ، بکا بر کره اوغرا مادک ، اوزا قاتدن اوزاغه خبرلریکی آلییورددم ، فقط بر درلوازیی بی بولامیورددم که ... برازمیرده ، برویانه ده ، دنیایی آلت اوست ایتدک !

بو حسن قبول اوزرمده در حال تأثیرنی کوستردی ، صانکه شایانی اسکیدن بری سهویوردمشم کی ایچمده قوتلی بر دوینغو

واردی ؛ یوزینه عادتاً نمونیتله، کوچوچک بر تحسره، ایسته یه ایسته یه باقیورددم، سوزلرینی لذتله دیککیورددم .

— قرده شم، دیدی، قیاغی عفو ایت، کوروپورسک یاه، کینبورددم، بر خاتم کلدی دیدیلر، کیمدر دییه مراق ایتدم، آشاغی ایندم، بر کره کوره جکدم، یابانجی ایسه جقمیه جقدم، باقدم سن... ناصل اوزریکه آتلدیغی ییلمیورم، نه بی ایتدک، ذاتاً کافی سویلیوردی و وابورده راست کلدیم، رجا ایتدم، بو کونلرده کله جک، دییوردی؛ قاپی ده هر آراهه دوردقجه یوردم کم قالقییوردی، بخرمیه قوشو یورددم. [ بر آاز دوردی ] نه آبی تصادف، طالع ایسک، بو آقشام دو کونمز وار، مکمل ا کله جکر !

بن :

— نه دو کونی، کیم اوله نیورادییه سور یورددم، اوجواب ویرمیورده ی. شیمدی سکا کلینی کوستره حکم، باقیم بکنه جکمیسک؟ دییوردی. آمدن طوتندی، مردیوه نلری چیققدی. یوقاری قاتده تلاش دها زیادهیدی، کولو شو بورلر، قونوشو بورلر، شورایه بورایه عجله عجله کیدوب کلیورلردی. بر سورو قادین، بر چوق کنج قیز، البسه لر، قاشلر، قوطولر و بوغچلر آراسنده قایناشییوردی. بر اودایه کپردک. تووالتک اوکنه بر بودور قیز او طور تمشلر، صاحبی یاییورلردی. شایان بکا اوصوله جق ایضاحات ویرییوردی :

— بزم خدمتچی بیگر، دییوردی، اونی قوجه یه ویرییورم، هم بردن قرارلاشدی. دون صباح، کونش یکی چیققدشدی .

بن بالقونده حالا اویو یامامش اوطورو یوردم . بعض کیجه لر  
 بویه اویقوم قاجیور ، چاملغه دوغرو بر باشمه کز مکه بیله  
 چیقدیغ اولویور ، ینه دولاشمغه نیت ایتدم ، کورولتو یاماندن  
 مردیوه نلری ایندم ، قوجه اولک ایچنده بندن باشقه اویانیق  
 یوق ظن ایدیوردم ، مکرسه وارمش ، همد نه اویانیقلر ...  
 بر قابی غیجیردادی ، بر فیصلیدی اولدی ، ایرکیلدم ، صوکر  
 کندیمی کوسترمه مک ایچون پورت مانتونک آرقه سنه کیزلندم .  
 برده نه باقیم ، ایشته شو قیز ، یاری چالاق ، آرقه باغچه نك بخره سندن  
 صارقش بریسیله قونوشویور ، طیبی اوشاقلردن بریله ... عجبا  
 هانکیسی ونه قونوشویورلر ؟ اوصول اوصول ، آياقلمک  
 اوجه باصه رق آرقه سندن یاقلاشدم . باقدم بکرك سسی ، بزم  
 وکیاخرج : « قیز بیکر ، سنی قاجیراحم ! » دیور ، او بری ده  
 یاییق یاییق « حدینه می دوشمش سنک ، صاحبك تلنه  
 ایلیشه مزسک ! » دییه جواب ویریور . عاشقانه محبت ایدیورلر .  
 هیچ بللی ایتمدم ، دوندم ، فقط قراریمی ویرمدم . کافی به بیله  
 دانیشام . بر آرز صوکره بکری قارشیمه چاغیردم :  
 — سکا بیکری ویریورم ، شیمدی نکاحکیز اوله حق ،  
 یارینه دوگون !

— آمان آقندم ، بر قباحتی ایتدم ...

— خایر ، فقط راضی اولیه جقسه ک بر ساعته قادار خبر

ویر ، یریکه باشقه سنی طوته جنم !

صوکره بیکری بولدوردم :

— سنی بکره ویریورم ، شمعی امام کلوب نکاحکیزی

قییه جق ، یارینه ده دوگونکیز اوله جق . راضی دكاسهك سویله ،  
 اودن چیه جقسك ... بر ساعته قالمادی ، ایکیسی ده ذاتا جانلرینه  
 منت ، یانیه کلدیلر ، ائک اویدیلر ، تشکر ایتدیلر . بن اوکله  
 اویقوسنه یاتمادن انام ایشی بیتیدی . اوشاقلردن کیمی وکیل  
 اولدی ، کیمی شاهد ، عجله عجله نکاحی یایدق . بو آقشام ده  
 باغچه ده کی ایکی اوطه لی بکچی دائره سنده کووه ی قویه جفز .

انسانه پارا نهلر باپدیریور... او آلت اوست اولمشدی ؛  
 جدی بر دوکون وارمش کی بیکلر حاضرلانیور ، قومشولر  
 جاغیریلیور ، ساز کتیریلیور ، قیامت قوبویوردی . شیمدی  
 کیم قوشام ساعتیدی . شایانک قیزی حلاوت ، یانیه اقرانلرینی  
 طوبالامش ، شیماریق شیماریق سویله یوب کوله رک کلینی حاضر لیور ،  
 سوسلیوردی . بیکر مطیع ، ممنون ، طاش بیک کی اسکمله سنک  
 اوزرنده دوکش ، کندیسنی بو عارسز قیزک الله براقشیدی .  
 نهلر یامبورلردی... کیمی طیرناقلرینی بارلانیور ، کیمی دوداقلرینی  
 بو یایور ، کیمی کوز قاپاقلرینه سرمه چکیور ، کیمی کیر بیکلرینه  
 بو یا سورویوردی . بر صاج یامشلردی ، حقیقه مکمل اولمشدی .  
 ذاتا کلین کوزله ، آلملی بر قیزدی . تووالله بر قات دها  
 کوزله شمش ، دها بک کوربه ، بک کوچوک اولدیغندن قیوریم  
 قیوریم صاچلری ، ماوی کوزلری و معصوم چهره سیله فرنک  
 رسملرنده کی قانادلی مله کله دونمشدی . بنم خوشمه کتیدی .  
 کاینمزه بک کوزلمش جانم ، بر ایچیم صو... دییه قیزی  
 اوقشادم ، قیزاردی ، کوزلرینی بره ایندیردی . شایان در حال اوکا

بر چفت فلانك كوپه، بر بيله زيك، بر يوزوك ویر مشدی؛ حلاوت  
خامده شیمدی، بنم یانمده، چکمه جه سی آچش :

— هانکی سی ویر سه؟ عجباشونی، یوقسه بونیمی؟

دیه مجوهرانك ایچندن عادیجه لرینی برر برر سه چییور،  
بزه کوسترییور، فکر دانیشدیوردی نهایت بر خفیف، چوجوق  
ایشی پاندانف آیردق، سوقاغه آتسهك صو ایچنده یینه بوپارا  
ایله یتش، سکسان لیرا ایدر. کلین حاضر اولدی، فقط تلی  
اکیسکدی، استانبوله تلفون ایتدیله، یازنخانه دن بر آدام همان  
آلسین کلسین دیدیلر. او خاقی خانلردن خدمتچیلره قادار  
حقیق بر دوکون اولویورمش کبی کیندیله. دیرکن مسافر لرده  
کلمکه باشلادی. آدا خانلری بوفرصق قاچیر مامشله، طاقش  
طاقیشدیرمش، دعوتیه اجابت ایتملردی.

ایشدن کانینك هنوز خبری یوقدی؛ شیمیدی، اویسه  
دوتجه بو حاضرانی، بوشعشه و شنلکی کوروب شاشیره حق،  
بو اوکا بر «سوربریز» اوله جقدی... اما بو کیجه کلین کووه یه  
ویریلن هدیه و «آره لرله برابر من حیث المجموع» مثالییدی یوز،  
سکیز یوز لیرا مصرف ایدلمش؛ نه چبقار، دوت، بش ساعت  
ا کلانیمك احتمالی وارایا... فداا ولسون! بونی شایان سویلییوردی؛  
هانی بزم شایان :

— سق؛ سق!

دیه منراد مالی بر کوبه ایچون طایا خانك انکینه واران

شایان!

ینه او طایا خانم آکلانیردی، اسکی بویوك قوناقلرده بعضاً



بوئیل ساخته دوکونلر یاییلیرمش ، فقط حرمده ، یالکز  
خانلر آرمنده ... مثلاً خلایقلردن برینی کلین صایارلرمش ،  
برینی ده کووهی ، برینی تلله لر ، بوللارلر ، اوبرینی ارکک قیافنه  
مسوقارلرمش ، صوکر ا دعوتلر یاییلیر ، طاقم تفرعاتیه  
بر جوق خانم افندیلر ، صاحبی بر دوکونه کلینیورمش  
کی هدیه لری باش قالقه نك قويئنده اولدینی حالدده قوناغه  
کلیرلرمش . سازاولور ، سوز اولور ، ینیر ، ایچیلیر ، کولوشوب  
اکله نیلیرمش . اوزمانلر ایچون بو هیچ ده آقیری دوشمزمش .  
زیرا حرم حیاتی بک محدودمش ، خانلردیشاریده اکله نه منزلر ،  
کوکلرینی آوونامازلرمش . بویله وسیله لر بولمق ، سبیلر ایجاد  
ایتمک لازم کلیرمش ... غالباً شایان ، طایا خانم دن بر وقتلر ال  
بچه دیوان دیگه دیکی بوماصالی شیمدی تطبیق ایدیوردی .  
اوکا نوزه نیور ، اوکا یلته نیوردی .

کانی کلدی ، فقط اوده کی بو عجله دوکونه هیچ شامش  
کورونمده دی :

— پک اعلی ، پک اعلی ! اکله نیک !

دیدي ، البسه سی ده کیشدیردی ، قالدی کتدی . بز ،  
قادینلر ، بز بزه قالدق . آرامزده یالکز ایکی ارکک واردی .  
بری حقوقده می ، دارالفنونده می ، بریویوک مکتبده معلم ایمش ،  
اما معلمه بکزه بن بر جعتی بن کوره مه دم ، زوبیه نك اعلاسی ،  
صرتنده بلی کمرلی داپ داراجق حرب موداسی البسه ، بیله کنده  
آلتون بیله زیکلی شکسز ، عجائب بر ساعت ؛ ایپک کرکین  
چورابلرینی تالالدرینه قدر کوستروب اویله اوطوریور ،

لاوانطه دن ، قاشیدن ، ترزیلردن بحث ایدیور ، صوثوق  
صوثوق غالانتریلر یاییور . فقط کوزل جوجوق ... خانلر  
کوزلریله اونی ییورلر ؛ فطین بک اشافی ، فطین بک یوقاری ،  
باشقه لاقیردی یوق ، مجلس صانکه اونک شرفه قورولمش ،  
خلق اوکا خوش کورونمک ایچون کینمش ، سوز اونی  
ا کلندیرمک ایچون سویله نیور .. یکریمی خانمک بردن شو  
کنج چوجوق اوغورنده بو قادار قیریلوب دوکولملری جانی  
صیقوردی . او ، مستغنی ، لاقید ، هپسینی ارزوسنه رام ایدمکچکندن  
آمین ، اورته ده برپرنس کبی دولاشیور ، خدمتجیلره امرلر  
ویریور ، تازه قیزلره شاقالاشیور ، اودادا کیلردن کیمنه :

— شکر آبالا

کیمنه :

— جیجی یککه جیم !

کیمنه ده :

— یاقوت خانم !

دییه خطاب ایدمک التفاتلرده بولونویور ، بر سورو  
شمار یقلقلر ، لاابالیسکلر یاییوردی .. هرکس بونلری خوش  
کورویور ، حق بکلیور ، نمون اولویوردی . او بر ارکاک بر  
احتیاط ضابطیدی . سیپ سیوردی ، قوپ قورو ، ساده کیمکدن  
عبارت برکنج ... فقط بللی که آبی پارا طوتویور ، ایشی یولنه  
قویمش ؛ خط قومیسر لککنده می مأمور ندر ، خانلر اوکاده  
فضله ملتفت ؛ ایله تجارت یاپان اوچ قاذین واردی ، پیشینی  
یراقیورلر ، صیرا ایله کوشه لره چکدرک فیصیل فیصیل ، میریل

میریل قونوش-ویورلر ، بر طرفدن ده جوجوغه امید ویرمک  
ایچون خوبالقلر ، خفیف مشربلکار ایدیورلردی . او  
قادینلره قارشى زبون و عجمی کورونویوردی ؛ ایجه  
آولامشر ، قومپانیه لینه صوقوب ایشلرینی کوردورمکه موفق  
اولمشرلردی ؛ واغون ، قولى ، پیاسه کله لریله دولو تجاری بر  
حسب حال ایدیلیرکن طوز ، بیبر مقامنده ، یم ، طوزاق اولسون  
دییه بوشاشقین بکه فضلجه صوقولویورلر ؛ اوندن بحث ایدرکن  
یوکسک سسله :

— بزم آغابکمز او !

یاخود :

— کوچوک ولیعهد !

کی تعبیرلره عزت نفسی اوقشیورلردی . خلاصه فطین  
بکیده ، خلقی بکیده ، آری آری سبیلره شمارتیورلر ، باش  
تاجی ایدیورلردی . کوشک باشدن آشاغی آیدینقلر ایچنده  
یانیوردی . هپ قادینله دولویدی ؛ بوایی بک شو ششمه دار ،  
شو یاری سرخوش وجوشغون حرمت صاحبیلردی .

کلین ، شیمدی تلرینی طاقش ، دوواغی شویله باشندن  
یان آتمش آرامزده کزدیریلور ، کولوشمه لره ، آلایلره سبب  
اولویوردی . یچاره قیز آیشمادیفی بودار البسه ، بو آغیر یوک ،  
کندیسیله مشغول بو خلق اورته سندنه قپ قیرمنی ، حق  
موسموردی .

صیقینتیدن ، یورغونلقدن وهیجاندن طاقتسز ، محالسر  
دوشمشدی . بن آجیدمده مداخله ایتدم ، « اونى بکله تمیمهلم ،

وارسین کیتسین ، راحتہ باقسین ، دیہہ برآن اول المزدن  
قورتاردم .

کوشه لردن برنده درت ، بش خاتم خلقه اولمشلر ، آوروها  
سیاحلرندن بحث ایدیورلردی . کیمی اسویچرده اوزون  
مدت قالمش ، کیمی شویله ، ایکی آیک ایچنده بوتون آلمانیایی  
و آوستریایی دولاشمش ، کیمی ده براینده سنه لرجه اوطورمشدی .  
متادیا بربرلرینک خطالرینی دوزه لیدیورلر ، متادیا معلومات  
فروشلق کوستروب حسبحال دکل مناقشه ایدیورلردی . ایله  
ایچلرندن بریسی سیاحت رهبری کیدی ؛ بر آزده آلمانجه  
بیلیوردی ، قبلی باشقه سنه سوز سویله تسین ، نفس نفسیه ،  
هیچاندن هرطرفی اوینایه رق ، کوزلری دوشمش ، کندی غائب  
ایتمش ، امنالی کوروله مش بر جوشقونقله کیمسه یه لاقیردی  
صیراسی ویرمیور ، ما کنه کبی هپ کندی سویلیوردی .  
نهایت طاقسز قالدی ، توکندی ده اویله صوصدی . اوسویلرکن  
اوبرلری دیکله مک موقعنده قالدق لردن دولایی نه قدار صیقیلیور-  
لردی ... بواونلر ایچون دایانیلماز بر عذابدی ، ذاتاً نیچون  
سیاحت ایتشلردی ؟ سیاحته چیقما یانلری قیصقاندیرمق وغودتده  
بول بول لافی ایتک ایچون دکلگی ؟ ... حالبوکه بو مجلسده کیلرک هپسی  
آوروپایی کورمش قادینلردی وشو که وزه خانمندن ده صیرا  
دوشو-وروب بیلدکلرینی ، یاخود ، دیگرلرینک بیلمه دکلرینی  
آکلاتمغه موفق اولامیورلردی ... بناء علیه فناحاله جانلری  
صیقیلیوردی .

اوتده برباشقه غروب ، کنجکلر و کوزلار ویا کندیلرینی

کنج و کوزل عد ایدنلر فطین بکک اطرافنده طویلانمشلر ،  
 اینجه ، دهرین بر مباحثه دالمشلردی . هانی خانلرک باصمه  
 قالب سحبتلری واردلر : زوج ناصل اولمالیدر ، اولیلکده سعادت  
 و بدبختلق نادره کی بیتوب توکنمز و اینجیر چکره کی دولدورماز  
 مباحثلر ، ایشته بونلردن برله مشغولیدلر . هیچ بری حیاتندن  
 نمون دکلدی ، هیچ بری قوجاسنی کندیسنه لایق کورمیوردی ،  
 هیچ برینک کنجلاکند ، نخیل ایتدیجی سعادت حاصل اوله مامشدی .  
 بونی آب آجیق ، دو برا دو برا سویله میورلر ، مأیوس ، مغدوم  
 بر چهره طاقه رق و کندیلرینه آجیند برمغه چالیشه رق کیزلیدن  
 اشراب ایدیورلردی . بوخزینلرک نا اهل آلله کچدیکنه ،  
 بو اینجیلرک خروسه قسمت اولدیغنه انسانک آجینه جفی کلیردی .  
 فقط حقیقت هیچ ده اویله دکلدی ؛ طالعزلندن و آ کلاشیللا .  
 مادقلرندن شکایتلری فطین بکه بر کوستریش ، فطین بکک رقتی  
 ونظر دقتی جاب ایچون برهانه ، بر واسطه ایدی . حیاتک  
 دردمنز ، سرگذشتمنز ، سکونتله کچدیکنه راضی اولمایان بو  
 خانلر راحتجه جق یا شادقلری اولرینه ، قوجالرینه قارشلی  
 مخالفت ایدیورلر ، کندیلرینی مغدور موقعنده کوسترورلردی .  
 حالوکه فطین بک غایت قیدمنز کورونوبور ، یاری دیگلیبور ،  
 بر معتاد :

— شکر بککه جیم ، جیم آبلاجیم ...

خطابلریله شاقالا شیدیور ، کوکلی اکلندیریورلردی .

باشقه برکوشه ده خانلر بوکر اوینایورلردی . کورولتولو ،

تراغلی و اصولمنز بر بوکر ... دلی دلی بولفلر یاهرق



عرب حاجی کی اویونی قارما قاریشیق ایدیورلردی . بر قاج دفعه داریلشدیلر ، غوغالر یابدیلر . سوکرا تکرار باریشوب بر مدت کچنجه یینه بوزوشدیلر . بو بوکر متادی بر نزاع وسیله سیدی . هر کاغد دونوشده اورته ده بر قاج بوب اکیسک اولوبور ، قویما یان کیمسه بر درلو آ کلاشیمییور ، اوزون اوزون استعطاقلرله اویون عارضه یه اوغرا بوردی . هپسی :

— روستنکزا —

دیگه مراقلیدی ، صانکه بونک ایچون ، بونی سویله یه بیلمک ایچون اوینا بوردی . باشلرنده دوروب بر آز شیر ایدم بیلمک ایچون انسان ، علی الخصوص اویوندن آ کلایان بر کیمسه ، نه صبرلی ، نه متین اولمالیدی ... بن تحمل ایدم مه دم ، کوچوک خانمک اقرانلریله اولموردینی او بر اودایه کچدم ؛ بر آزده اونلرله وقت کچردم . هپ تورم دی قیزلری ... خانملری اوده یوقکن البسه لرینی کینوب سالونه کچن وخام تقلیدی یاپان بر سورو آخر تلکار ایچنیده ییم ظن ایتدم ؛ اویله ، ییلیشیق ییلیشیق کولوشوبورلر ، اویله بر برلرینی دورته دورته قوشوبورلر ، اویله قاش کوز حرکتلریله اشارتلر ایدیورلردی . دها ایکی ، اوچ سنه دن بری زنکین حیاته قاریشان بو محله جوجققری ثروتک طلسملی آئنده البته دوزمه جکوردی ، البته دوزمه لر ی لازم کلیردی . فقط هپ کنسیدی آزالرنده ، بوتورم دی محبطنده پاشادقلری ایچون بر درلو اصلاح ایدیه مییورلر ، ده کیشه مییور-لردی . ایچلرنده نه ده کوزلاری ، طراوتلی ونفیسلری واردی .. وجود ، شغل ، البسه اعتباریله کوزلریمی آلدیلر ، کوکلی

آوندیلر .. لیکن حرکت و سوزجهندن پک عادی ، پک آشاغی مخلوقلردی . هر شیئه بردن باشلامشلیری : سازه ، لسانه ، تووالته .. فقط هیچ برینه اهمیت ویرمیورلر ، اوکره نمیورلر ، چالیشمیورلردی . کوزلری هپ خاشاریلقده ، چاقینلقده ایدی ؛ عمرلرینی استانبوله اینوب ترزی ترزی ، دکان دکان دولاشمقله ، پاره صرف ایتمکله کچرن بوقیزلرک بللیدی که پیدلرند برر ویا بر قاجر زوبیه کزیور ، آنکارنده حریفلر دولاشیوردی . کیم بیلیر ناصل آداملردی . کیم بیلیر پک یاقینده نه ماجرالر اوکره نیله جک ، نه کیرلی ، بولاشیق سرگذشتلر دیولاجقدی ... یچاره لر پک ده طوی ، جامل ، ادرا کمز ، عرفانسز چوجو . قلردی ؛ اون دردر ، اون بشر یاشنده اولمالرینه رغما کوچو جک چوجو قلر کبی صاچه صابان ، ده لی دولو قونوشیورلر ، صاب دیرکن صامانه آتلا یورلر ، ابتدائی مکتپلرینک لسانیه بررلرینه : — آقردهش ...

دییه خطاب ایدیورلردی ...

کوچوک خانملر آراسنده بر « مادمازل ماری » ایله برده « میس نووارط » دولاشیوردی . بری روم ، بری آرمی ... اولنره اعتبار فضلہ ایدی ؛ استانبول و آداسیرانلرند بو کوچوک میلیونرله رفاقت ایدن شو عادی قومشو قیزلری جدیجده خاندان بر بوبوک اجنبی عالیه سنه منسوب برنسلر قاندار اکرام واحترام کورو یورلر ، زواللی بزم پارالی ، فقط عقلسز چوجو قلری اطرافلرند پروانه کبی دوندور یورلردی . مادمازل ماری آله باقمده ، قال آچمده متحصص ایدی ؛ خلاوت خانمده شیمدیلک

بوکا مراق صارم شدی ، بکا بیلہ مسلط اولدی ، مادمازله  
 یالواردی ؛ طالعه باقدیر مق ایستهدی . روم قیزی پسپایه لکنه  
 رغماً — هیچ شبهه یوق — بزم کوچوک خانلردن داها تربیه لی ،  
 داها مجلس آرا ، داها ده وقار لی ایدی . بویله برضیافت و جمعیت  
 کیجه سی فالجلیق تکلیفنه معروض قالمقدن متأثر اولدی ، قیب  
 قیرمیزی کسیددی ، شیمدی صیراسی اولمادیغنی ، یارین ، کوندوز  
 کوزبله باقه جغنی سویله دی ؛ اوبری ایشی آ کلامایه رق اصرار  
 ایدیور :

— هادی مادمازل ، اوح بنم جیجی مادمازلم ، کوپکک  
 اوله یم ... دیبه عارسز عارسز یالواریوردی . نهایت دیکری  
 بسبتون قیزدی ؛ یرندن قالدی ، اوزمان میس نووارط ده نیلن  
 آمه ریقان تحصیللی ارمی قیزی :

— سزه باقیشیق آلیر که بویله مجلسلرده فال لافی ایده سکز .  
 اعتراضیه بزمکیملری آزارلادی ، مادمازل ماری بی  
 مدافعه ایتدی . بنده بوزولدم . آمبومیس نووراط .. هادی  
 اوروم قیزی نه ایسه ، ینه بر خوش جهتی ، هیچ اولمازسه  
 قانک صیجاقلنی وچهره سنک سویمیلیکی واردی ؛ یابوکا نه دیبه یم که  
 نه سوزی چکیلیر ، نه یوزی ... قوجامان برونی ، قوجامان  
 کوزلکلی وقوجامان آلی ، آیاقلی بر قاوروق ، قارت قیز ..  
 معلوماتفروشمی معلوماتفروش ... یانلرنده او طوردیغم اون  
 دقیقه ایچنده بکا کندیسنی صاتمق ایچون نلردن ، نه ازومسز  
 شیلردن بحث ایتدی .

هانی دنیا تک بیلدیکی ، ایشیده ، ایشیده بیقدینی لقر دیلر

وارد، ڀٽه متوسط آدمڙه سرمايه ڪلام اولور، ايشته اونلردن  
 بويه سويله دي: ڪيجه ياتار ڪن قيش، يار نجره لري آچاليش،  
 فرانسز آقاده ميسي بيلم نه قادر سنهده فرانسز جه افٽڪ بيلم  
 نه حرفنه ڪلش، آوروپاده رامواي بڪهينلر موقفن برر  
 نومرو بوسله سي قوپارر، اوکا کوره آرابه لره بينر مش. الخ ...  
 ڪوچوڪ خانلر بولا قيردي قيرينيلريني جان و بوره ڪدن، حيران  
 حيران ديڪلورلر، بڪاده ڪوز قوپرو غيله:

— ناصل، ڪورد ڪمي ميس نووارطي، نه معلومات،  
 نه معلومات، دڪلي؟ معناسنده برر ڪره باقورلردي. ايچمدن  
 «الله سزه باغشلاسين!»، ديدم، قالقدم؛ نمون ده اولماديلر  
 دڪل، زيرا ڪندي آرالرنده قالب تڪليف سز، ڪلفتن سز، سه ره  
 سريم اوطوروب جيويل جيويل ٿو ٽمڪ ده ايشلرينه ڪليوردي.  
 ذاتا خانلر محاسبندهده بويه براعتبارلي قادين، برمادام آلدبيادو  
 موجوددي؛ يامان بريهودي قاريسي.. بديڪده وقتيله بوخچه -  
 جيلق ايدرددي، عادتا ڪوزم ايصير يوردي. قوناقد ايڪن  
 آراسيرا خبر ويرلردي:

— بوخچه جي مادامه ڪلش، جيقيسين مي؟

جانمز صيقليرور ونشه مزده يوق ايسه «بي، ڪلسين!»،  
 ديردڪ؛ شيشمان برقادين، ياننده ايبي عظيم بوخچه ايجري  
 ڪير، اٽڪ اوپر و مالني بيڪ اعتنا ايله آچوب صوڪراده  
 ده وشيروب قاتلايه رقصيرا صيرا ڪوستردي. خدمتجيلر،  
 خلايقلرده سيرينه ڪليردي، اونلرده قماش ڪسديريلر، هديه لر  
 آڻيردي. بوخچه جي مادامه قوناق ارڪانڪ دائما بر حساب

جاریسی واردی . هر آلیش ویریشن سوکرا بر دفته  
صورولوردی :

— بنم بورخم نه قادار ایتدی مادامه ؟

او، کیرلی برموشامه بهودی دفتری آجار ترمه سیونتوس،  
تره سیونتوس ای سین قووانتا، قووانتا چه نروس، دیبه بر  
حساب یاپار، بارانک بر قسمی آلیر، قالقوب کیدردی .  
سوکرالری بوخچه جیلر اورته دن قالدی، بو عادت اونودولدی .  
حالبوکه، بکا او یله کلیورکه اسکی قوناقلرک واسی معاشقه لرک  
بو بوخچه جی قادینلر اهمیتلی برررکنی ایدی . اونلری بیله کوزم  
آریور .

مادام آلدیادو بابادن اسپانیول و آنادن ایتالیان اولوق  
ادامانده یاری دالقاووق بر خوش صحبت قادیندی، اوندن  
چوق حظ ایتدم، یالکز ساخته وطن پرورلکی هیچ خوشمه  
کتمه دی . دولتمز، دیور، دولتمز ایشیدیوردی . اونک ذاتا  
ایشی کوچی قونسر، تیسارو بیاتلری صانمق صورتیله اعانه  
طوپلامق، جمعیت خیره لر پیشنده قوشمقدی . نروده اعضا  
دکلدی که ... هلال احمرده، مدافعه ملیه ده، فقرا پرورلرده،  
آشجیلرده، ایشجیلرده، هر یرده ... هپسندده مجلس اداره  
اعضاسی ... مادام آلدیادو بو غیرتنک مکافاتق مع زیاده  
کورویوردی . برکره، عثمانلی بانکه سنده اون بش لیرا آیلقلی  
عادی برقاصه دار اولان قوجاسق، فرصت چیقار جیقمماز همان  
یکی بانکه لر دن برینسه قلم مدبری یابدیرمش، بوتون مانده سنی  
قادینلی ارککلی درجه واقفدارلرینسه کوره تلفون، تراموای



شمر کنندن اعاشه، پوسته نظارتلرینه قادیار هر مؤسسسه و هر دائره به قابولاندير مشدی . آلدی یادو عائله سی بو کون رفاه ، اقبال ایچنده یدی . بنم نفوذلی بر قادیان اولدیغمه احتمال ویره رک ، نه اولور نه اولماز ، ایلک دقیقه دن دوستلغه باشلامی . ایکیده برده یانمه کلیور ، باشقه لرینه خطاباً بنم ایشیده حکم صورتده :  
 — عصمت خانم افندی بی جانم چوق چکدی !

کبی التفاتده بولونوبوردی . بو قادینک یکی دور ارکانندن طانیادی بی آدام یوقدی ؛ اسملریله ، جسملریله بیلیور ، احباب اولدقلرینی سویلییوردی . هم ، بللی که ، بالانده دکلدی ؛ هیسنک ، هم دم دایما مدح ایدرک ، خصوصی حاللرینه عائد معلومات ویره بیلییوردی .

بر آراق شایانه کوشه ده باش باشه قالدق . اودالر جیغاره دوماننه بوغولاشدی ؛ مسافر خانلرک هپسی ده توتونه دوشکوه . ندیلر ؛ خوش ساده توتونه دکل ، ایچکی به ، لقمان روحنه ، حق مورفینه بیله دوشکوندیلر . مثلاً بریخی کوستردیلر ، نرمین خانم ، سساز کبی اینجه ، صولوق ، جانسز بر قادیان ، یوزی صاب صاری ، کوزلری جام کبی پارلییور ، غالباً ورم دییوردم ، مکرسه اتر قوللانیرمش ، یانمزه کلدی ، شایان صورتدی :

— ناصلسک جیجیم ، روحکله آراک آبی می ؟

بن بو « روح » اسمی و بریلنک بر دوست اولماسی احتمالی دوشونه رک کندی کندیغه : اوده می عاشق ؟ .. دییه صورییوردم . حالبوکه « روح » دییه لقمان روحنی مراد ایدیورلرمش ؛ نرمین خانم جان و کوکلدن ایضاحات ویردی ؛ آ کلاتیرکن سسی

تیرییورودیلنه — هیجاندمی، یوقسه علاجك تأیرندمی، نه —  
 برطوتوقلق، بر آغیرلق کلیوردی :

— آه، دیدی، باشم شیدیدی، بر کندیمی اوه آنسهم،  
 همان سونکریمه قاوشه جنم، بنم ایچون آرتق حیسانك باشقه  
 ذوقلریله آوونمق احتمالی قالمادی؛ باق، آقشامدن بری شورادهیم،  
 ا کلنهم لازم گلزمی، خاییر، علقم هپ روحده ... سوکیلی می  
 بکار کی، سو کیلمه بولوشه جنم کی، هپ اونی دوشونویورم،  
 فکریمی باشقه برایشه چه ویرمیورم ...

کویا بیلیمیورمشم کی صوردم :  
 — او قادار می ذوقلی شی جانم، دیدم، سزه ناصلی بر کیف  
 ویریور که ...؟

یوزیمه حیرتله، حدتله، خلاصه خوشنود سز لقله باقدی،  
 باشی صالادی :

— آ کلانامام که، دیدی، هیچ طاقمامشله آ کلاتیلا —  
 ماز که ... هر سفرنده دنیاده باشقه عالمه، یدی قات کوك یوزینه  
 چیقارم ... اوراده کدر یوقدر؛ غم یوقدر؛ آجی، اذیت یوقدر؛  
 طاتلی بر رویا ایچنده، قولاقلریکنز طاتلی خاطره لرله جینلایه رق،  
 او یله، دنیا یوزنده امثالنی کوره میه جککنز بر سعادتله بش،  
 اون دقیقه یاشارسکنز که بوتون بر حیاته بدلدر .. یانککزده  
 اوصیراده داووللر چالینسه، محن قاباقلری وورولسه، سلا حلر  
 باطلایوب آداملر بوغوشسه بر موسیقی کی خوش کلیر، دیدم یاه  
 بزم ایچون، شیدشه من المزده ایکن، حیاتده فنا سس، فنا امیش  
 یوقدر، هر شی طاتلی، هر شی لطیفدر ...

— بردن صوصدی ، بر آزدوشوندى :

— الله آصهار لادق ، بن كيديورم ، اشتهاى كتيديكز ،  
ذاتاً صباح ، بافيكز اورته لق آغاردى ... آديو !  
شايان بكا ديدى :

— كوردكى بيجارده بي ، باشندن كچن فلا كتلرله بو حاله  
كلدى ، بلكه ايشيتمشكدر ، استانبولك مشهور حكايه لرندن بريدور ،  
هانبا ايكي قيز قوردهش كنديلرني سوبليمه ايله زهرله مشلردى ،  
بر عشق مسئله سي ... جانم خاطر لاميورميسك ، بسدكه ،  
ايكي سنه اولوبور ...

— ها ، خاطر لادم ...

ديدم . فى حقيقه شيمدى وقعيني ايجه خاطر لامشدم .  
آز چوق آجيقلى ، خيلى عجائب بر حكايه در . آكلانايم :

اوچ كواكب زاده لر

ايكي قيز ، براركت اوچ اقربا ، اوچ كواكب زاده لر ...  
اوچ مخلوق ده بر برلرندن حساس ، بر برلرندن مريض ... ذاتاً  
ايجه جك ، فيليز كهي ، مغموم ادالى ، بدبين كوكلى ، شاعر ،  
عاشق شيلر ... نا كوچوك ياشلارنده طائيشي بورلر وسه ويشي بورلر ،  
اما هر اوچي ده ، عيني شدتله ، عيني قوتله ، بريني ديكرندن  
آيرد ايمدن سه ويورلر . اركت بو ايكي قيز قورده شده عاشق ،  
ايكي قيز قورده شده ار ككه عاشق ، آريجه بر برلرني ده ده ليجه سنه  
سه ويورلر ، خلاصه گرفت اولمش بر محبت ؛ جوزولمز ،  
سه چيلمز ، تقسيم اولماز بر غريب سودا ... آقشام ، صباح

باشلرینی آلییورلر، یاده کیز قییلرنده، یا تارلار آراسنده ساعئلرجه  
 قول قوله هراوچی دولاشیدیورلر، قیصقه-انجاق دویمه دن،  
 بربرلری ایچون هیچ قنایکیرلر طاشیمه دن، مسعود یاشیدیورلر.  
 نرمین، کوچوکی، هنوز قیزارماش، مصر یوسکولی کی  
 جی رنگلی آجیق صاچلریله، قانسز چهره سیله، صاری  
 کوزلری، نارینی بوی و دورو بیاض تزیله اوپله هواثی، اوپله  
 یاری موجود بر مخلوق که انسان نه ایله، ناصل، نیچون یاشادیغی  
 بردن آکلایامیور، مراقله، شاشقینقله یوزینه دیک دیک  
 باقمه مجبور اولویور؛ چین کاغندن، قاشیدن یاپیلماش،  
 رنگ و مشاهت ویریله مه مش بر بیک .. اویری، منیره، ایکی  
 یاش بویوکی، طبیق نرمین، وجودلرینک بیچیمی تماماً عینی؛  
 لکن بونک صاچلری و کوزلری سیم سیاه، بناء علیه قرده شندن  
 دها جانلی، دها قدرتی کورونویور. اوندی یاشادیغی باشقه -  
 لرینه ده حس ایتدیرن بر حال وار، دیکری کی اوپله آسمانی،  
 خیالی دکل، موجود و قادر... فقط حساسیت جهندن ایکسی ده  
 بر؛ ایکسی ده شعرله، رومانله مشغول؛ بیدار بک ده اوپ  
 اوزون صاچلری، صولغون چهره سی، کنیش مانعوسیه  
 استانبولده بر آلفره ددوموسسه کی دولاشیور، کیجه صبا حله  
 قادر اوطوروب اوداسنده شعر یازیور، تنها تنها گوشه لر  
 بولوب هرانلرینی ترنم ایدیور... بردویغو و برلا فدن عبارت  
 بر آدم... کوچوچک کن عادی ترجمه رومانلرله باشلامشیر،  
 «آموری، لر، «آنتونین، لرله سیکیرلرینی ایچمه که وشه تدکن  
 صوکر یاواش یاواش «لادام اوقاملیا، لر. کچمشیر، دها

صوكراده فرانسه نك آتشلى و مريض ادبياتنه غير تلاقيرينه قادار  
 دالمش لردى . فرانسه زجه اوكرمه لرى اونلر ايجون بدى بختلاق  
 اولمشدى ؛ اونلرى بولسا ان آشنالق بىستون محو ايتمشدى ؛  
 روماتيزمايه مستعد بر آدامك يالى په طاشينماسى كى اونلر كده  
 فرنكجه يه نقل فكر ايتمه لرى بىستون خسته لانه لرينه سبيت  
 وىرمشدى . قرق ، آلى سىنه اولكى روماتيك بر معاشقه ...  
 «رافائل» لر ، «غرازيه لالا» لر آلارنده ، دنيا دن بى خبر ، حياتك  
 مادي و صاغلام ذوقلرندن اوزاق ، خويلاده عمر سور و يورلردى .  
 نهايت ياشلر ك آرتماسى ، طابلىك ظهورى ، آفاده ، باباده  
 اولندير مه آرزولرى بو عارضه سز حيايه آنكل اولغه باشلادى .  
 از دو اجمى ؟ بونى عقللر نىن كچير مورلردى ، بويه ، الى الابد ،  
 فكرلرينك از دو اجميه اكتفا ايدم جكلردى ، بويه ، الى الابد ،  
 پاك و تزيه ياشايه جكلردى !

بيدار ، زمين ، منيره بر صبح ، اورته لق آغارمه دن صنداله  
 يينديلر و طاوشان آداسنه كيتديلر ؛ اوراده الك بوكسك بر قايانك  
 اوزمه رينه چيقه رقى دوغان قيزيل بر آغستوس كوشنه قارشى ،  
 آل آله ، هيچ اولنمه مكه عهد و پيمان ايتديلر . آه ، بو صبح ...  
 قاييقده بر برلرينه صوقولوب دايانه رق بورمكلرى بىستون  
 ييقانمش ، روحلرى دها خفيفه شمش ، دها انجىلمش ، كوزلرى  
 شكران و محظوظيته دولونه اونودولماز بر عودتدى بو ياربى ! ...  
 هيچ قونوشما مشلردى ، يالكيز سا كن سا كن ، ممنون و بختيار  
 بر برلرينه ده رين ده رين باقىيورلر ، كولومس بورلردى . فقط  
 حياتك احتياجلى ، ابراملرى واردى ؛ بونى نظر دفته



امامشلردی .. حالبوکه قیزلرک بر آن اول اولتوب عائله یوکفی  
 حقیقله تمهلی لازمدی ؛ بیدار بکده مأموردی ، هم بوتون  
 بو خیالی عمر خارچنده کونده یدی ، سکنر ساعت کیرلی ،  
 لوش ، باصیق بر قلم اوداسنده کاتبک ایدمک غایت بر باد بر  
 صورتده چالیشماسی ایجاب ایدیوردی . عکسی کبی طالبلرده  
 چقیقوردی ، علی الخصوص منیره ایچون ... کوچوک خانلرک  
 هر طالبی رد خصوصنده کوستردکاری شدت و قطعیت نهایت  
 اولخلفی شبهه لندیردی و بر طاقم تدبیرلر آلمق لزومنی کوستردی ؛  
 بیدار بکه اخطارانده بولوندیله ؛ او ، بوندن ، در حال هیجانه  
 کلدی . بر قاچ کیجه ، بربر اوستنه « ودرتر » ی اوقوبه رق  
 انتخار آرزولری ایچنده قیوراندی ، صوکر افاکارلغه قرار  
 ویردی ، نفسنی فدا ایدمک ، زیننی ، منیره ی قورناره جقدی .  
 اوزون بر مکتوب قلمه آلدی . اونلره « روحک همشیره لری  
 وفیکرمک پرستیده لری ، دییه خطاب ایدمک یوره کنک بوتون  
 آنشی ، بوز کبی صوئوق تعبیرلره کاغده دوکدی . کیجه دن  
 ایشی هیچ سه زدیرمه دی . هوا و موسمه تام بویه بر رومانلیک  
 افتراقه یاقیشیر حالده یی . دیشاریده قاسم فیرطینلری قیامتله  
 قوبارییور ، یخچره لره خزان یاپراقلری دولوبور ، بیتمز  
 توکنمز یا غمورلر ، ایلک صوئوق یا غمورلر انسه انک یوره کفی  
 ئوشوتوبوردی . کیچ وقتله قادار ، معتادلری وجهله ، ایکلیه ،  
 صیرلیه ، مشتی و پر هجران صحبت ایتدیله ؛ بر برلرینک صاچلرینی  
 اوقشادیله ... آزارلنده بوکا مساغ واردی ، دها ، وغر و سی ،  
 یکه نوازشری بو ایدی : ساعتلرجه قارشیلیقلی صاچلریله

اوينولردى. مع مافيه بيدار كديرى بر آ زېلى ايتدى: آريليركن  
كوزلردن ايني دامله ياش برلشمش اولان آلارينك، اوچ آلك  
اوزرينه دو كولى. قىزلر بوبوك بر خوف و خشيتله :

— بيدار، نك وار، سويله !

دييه رك هايغيريشديلر . بيدار بك :

— هيچ ويا هرشي، كوزياشي وياشبنم، ياس ويا سوينچ!

دييه بر جواب ووردى . بوشمرله مست، بوده رين سوزلرله

برهيجهان آريلديلر .

ايرتسى كون بيدار بكك ايتالياكلره قارشى حرب ايتك

اوزره طرابلسه كيتديكى خبر آلىندى . منيره و زمين باش باشه،

عيني بوبوك و قدسى عشق ايچون آغلاشديلر، آغلاشديلر...

اووخ ! بونه شديد بر مسموفيت غرام، ايدى !

ايكى همشيره سياهرلر كينديلر، كوكسلىر نه عفت و بكار تلىر نك

علامتى اوله رق برر بياض چيچك طاقديلر و بر مدت، تارك

دنيلر كى شهره اينجيه رك پندكك تنها قيرلر نده و اوچرى ساحل

بويلر نده خلقدن اوزاق ياشاديلر . هر آقشام او طور وب تام

يكرمى بشر ساطرلق برر احتسا سنامه يازيورلر و بونى مشترك

بر دفتر تحمير . كچيريورلردى . عجيبا بيدار شيمدى نره لرده

ايدى ؟ بوراده قارلر ياغاركن او، طرابلسك قيرغين چوللر نده

بله كده بوره كنده تازه بر ياره، صوسز و امداد سز ناصل

جان چكيشيور، زمين ايله منيره سنى ياد ايدر ك ناصل متحسر

و پریشان نولويوردى ...

« بيدار، بيدار، بيدار ؟ ! »، دفتر ك ياريسى ايسته بويله

تکرار ایدیلن بر اسمله بر چوق تعجب وسؤال اشارت لرله  
 دولوبدی. یوره کارندن قویوب کلن آتشلی دویغولری لسان  
 نحریره صوقه بیله جک کله و اشارت یوقدی که ... ایشته بویله  
 ایکیم ایکیم : « بیدار ! بیدار ! بیدار ! » دیه ایکلیورلر ،  
 انجق بو اسمک تکرار یله بر آرتسلی وسکون بولاییلورلردی.  
 اوت ، عجیب « او ، شیمدی نره دهیدی ؟ ده ها هنوز نه خبر ،  
 نه مکتوب آلا بیلیمشلردی ... مع مافیه بو خبر سنزلک ، بوسبوتون  
 تحسر و افتراقه ، روحلرینک قارا کلغنه ده ها مونس ، ده ها خوش  
 کلیوردی !

— « ائم ده کیزینک ، تا اعماقده باشایورز ، « بویوک  
 یأس ، دن بزده طاندق ، « ابدی کدر ، « بزده واقفز !  
 کبی معناسی چوغمزجه مجهول بر طاقم مبهم تعبیرلر و ترکیب لرله  
 آوونویورلر ، حق بوفلا کتله عادت ااوگونویورلردی. ایشته بویله ،  
 شو افتراقه آدام عقللی آلیشوب بنمسه دکاری بر صیرادهیدی ،  
 آفریقادن پارس طریقله بر احباب کلدی ، او ، طرابلس  
 ایشلر یله مشغولدی ، هر شیدن خبرداردی . قیزلر محزون  
 چهره لری و آرتق بستیون صارارمش ثولو بکیزلریله بومسافری  
 قارشیلادیلر :

— بیدار ثولدی ، دکلی ؟ بزه دوغروسنی سویله ییک !

دیدیلر. اوبری :

— بزم بیدارمی ، دییه صوردی ، هانی داپی زاده کز

شاعر بیدار ؟

— اوت ...

آدامچغز کوله دن لاقیردی سوبله به میوردی که ... یالکیز  
 « نه سر کذست ، اولور شی دکل .. » دییه مریلدانیوردی .  
 نهایت : « خایر ثولمادی ، برکت ویرسون وقتنده یه تیشدک ،  
 قورناردق ! » دییه بیلدی .

نرمین صوردی :

— یاراسی نره دهیدی ؟

منیره صوردی :

— چولده می وورولدی ؟

مسافر قیزدی :

— جانم ، دیدی ، هانجی یارا ، هانجی جول ، سز نه دن

بخت ایدیورسیکیز ؟ بیدارک چولله ، یارا ایله ایشی نه ؟ ..

صوکرآ آ کلاتدی :

اوزون صاچلریله پارسیده کی هیئتک حضورینه چیقمش ،

« ثولمکه کلدیم ، دوووشیمکه کلدیم ، بکا حرب میدانک

یولنی کوستریک ، ملک الموتله طرابلسنده رانده ووم وار ؟ ،

دیمش ، شجاندن قابینه صیغامیورمش ، صباح ، آقشام ، کونده

ایکی دفعه کلوب سفار تخانده کیلری تهجیز ایدیورمش ؛ ناقشله که

اولیه جق ، بوغسادجی کوکالی بی اوصیراده کیده جک اولان بر

هیئت طبعه معیتنه خسته باقیجی اوله رق قید ایتمشله و کونی

سوبله مشله ؛ « وقتنده ، ساعتده کل ! » دیمشله ، حالوکه بر

داها بیداردن خبر چیقماش ، نام ونشانی سیلینمش ، قویدکسه

بول ... نه دن صوکرآ بر حوادث : بیدار گندینی زهرله مش ،

قوشوشمشله ، قورنارمشله ... مکرسه بر قادینه ، عادی بر

سوقاق قادینه طوتولمش ، هفته لرحه پیشنده قوشمش ، پاراسنی  
توگتمش ، اوندان صوکراده برشیشه آفیون روحی یووارلامش ،  
فقط دهـا اولدن ، چوق اولدن اتخار ایده جگنی مکتوبله  
آرقداشلرندن برینه بیلدیردیکی ایچون یتشمشله ، حیاتی  
قورتارمشله ، شیمدی حالا : زورژه تم ! ، دییه سوقاق  
سوقاق ، سفیل و بریشان پارسی دولاشیور ، حالا او قادینی  
آرایورمش !

ترمین ایله منیره حکایه نك بوجیگلیکی ، بو کولنجلی قارشیشنده  
جدیتلرندن بر شی غائب ایتمه دیلر ، ایکسی بردن ، غایت اهمیتله ،  
وقار و حاکمیتله تکرار صور دیلر :

— قادیـن وجودجه ، چهره جه عجیبا ناصیلش ، بیلورمیسکیز ؟  
— بن کورمه دم ، فقط بیلنلر وار ، ضعیف ، انجه  
اوزون ، صولغون بر قیزمش ، محزون صور اتلی ، سلیک ،  
صولوق بر شی ..

— هاه ، شیمدی آکلادق !

ترمین ایله منیره نك ظنه نظر آ بیدار پارسیده کندیلرینه  
چوق بگزمه بن بر قادینه تصادف ایتمشدی ، زورژه ت بو ایـدی .  
زواللی چوجوق او هجرانی ، غریبت و تحسر کونلرنده  
قارشیشنه منیره ایله نرمیتك ، پرستیده لرینك بر نسخه ثالته سی  
چیقنجه آرتق کندیشنه حاکم اولامامشیدی . زورژه ت ایچون  
دکل ، ینه بونلر ایچون صیلامش ، بونلر اوغورنده اتخار  
ایتمشدی ..

— آه معصوم ، یوکسک روحلی بیدار !



ایشته بو جمله لريله تکرار بیداره عرض صداقت ایتدیلر ،  
 « کیم بیلیر نه لر چکدی ، ناصل یاندی ، صیرلادی ؟ » دییه  
 یر بر لرینه سورویورلر ، کوز یاشی دو کویورلردی .  
 ایکی آی صو کره بیدار بک دوندی ، کلدی .. فقط قولنده  
 برده قالدین !

منیره ایله ترمین در حال سوروش-دوردیلر : عجیبا بزه  
 بگنزییورمی ؟ .. عکسی کی بو فرنک قاریسیله ایکی همشیره نك  
 آراسنده ذره قدار مشابعت یوقدی . او قوجامان کوکسلی ،  
 آزمان کدی صورتلی ، ابرو یاقاقلی ، قوجامان بر مخلوقدی ،  
 قوجاسنی :

— بی تارر ، بی تارر !

دییه بر چاغیریشی واردی ، انسانک سیکیرلرینی بر باد  
 ایدییوردی . فقط اونلرینه تسلیسنی بولدیلر . محقق ،  
 دییورلردی ، بو قادینی مخصوص قولنه طاقوب کادی ، بزی  
 کندیسندن صوغوتمق ، بزی اولنمک تشویق ایچون .. بیچاره  
 بیدار شو حس سز مخلوقله یان یانه کیم بیلیر نه عذاب چکیور ..  
 فدا کار چوجوق ، فدا کار قلب ! ابدی دوست !

حالبوکه بیدار ماداماسنه بک مجلوبدی ؛ اوزون تویلو پرفینو  
 کوپکی کی یالتاقلا نه یالتاقلا نه قادی نك آیاقلری آلتنده سورونوب  
 دورویور و بک نمون کورونویوردی . شیمدی ، مأموریتجه ده  
 ایلريله مشدی ؛ پارسده طانیش-دینی بر قسم قومیته جیلر اونی  
 طوتیورلر ، یوکسه لتییورلردی . ایکی همشیره الا آن عشقلرینه  
 صادقیلر ، الا آن بو « بویولا و قدسی سودا » پیشنده آرییوب

خراب اولویورلردی . بر آقشام قرار ویردیلر ، اوزون بر مکتوب یازدیلر :

« بیدار ، دییورلردی ، سنك فداكارلغك بزمكفی كجدی ، سن بزم « بویوك و قدسی سودا ، من ایچنده اك مشقتلی واك مشکل وظیفه یی درعهده ایتدك ، سن بزی شرفسز ، شانسیز بیراقدك ؛ فداكارلقدن سنك مرتبه کی بزبولامادق . هر دقیقه ك عذاب ایچنده كچیور ، نه قدار صاقلامق ایستسهك بز بیلییورز ؛ حیاتك زهرلرله دولدی ، نه قدار كوسترمه مك ایستسهك بز كوروپورز ؛ بزی قورتارمق ایچون كندیخی فلاكتلرك برندن اوبرینه آتیورسك ، نه قدار سویله مه سهك بز آكلایورز ... سویله بو « بویوك و قدسی سودا ، اوغورنده ، اوکا لیاقت كسب ایتمك ایچون نه یاپالم ؟ »

بیدار بوکا جواب ویرمه دی . « حالا فداكارلق ، حالا نفسیه مجادله ... ، دیدیلر ، جوابسز بیراقتاسنی قصد آلا قید كورونمك ایسته مه سنه حمل ایتدیلر . شیمدی بر آرزولری واردی : اونكه یاریم ساعت قونوشمق و صوكر ، صوكر ترك حیات ایتمك ... فقط مراجعتلرینی بیدار رد ایدییوردی ، اونلره خبر كونده رییوردی : « واز كچسینلر بوایشدن ، دیدیر تییوردی ، اوله نسینلر ، مسعود اولسونلر ! ، خق اوصیراده برده چوجوغی دنیا به كمشدی ، یعنی بیدار او یله ، قیزلرك ظن ایتدی کی ، نفسنه بر ظلم اوله رق یاشامیور ، بك اعلی ، هر كس کی ، طبیعی بر اولی حیاتی كچیریوردی . بونلرك بیتمز توكنمز تعجیزلرندن نهایت ، غالباً ، حده كلدی ، آجی بر مکتوب یازدی ، ایچنده

ماضی پده ، اوده بويوك وقديسي سودا پده ، خيالانده ،  
علويانده بر چوق تحقيرل صاووردی ، اونلره حدى بر تداوى  
توصيه ايتدی ، دلى هکیمی اسمارى صایدی ، آلاى ايتدی ...  
لکني ينه اينانديرامادی :

— بوساطرلى کوز ياشلر بله يازمشدر ، هيچقيرا آغلايه ...  
دييورلردی . نهايت اُك بويوك قرارلرني آلدیلر ، برکون  
کينديلر ، بيدارک دائره سنه اوغراديلر ، خدمه يه ايکي خانمک  
کنديسني آياقده ، بر دقیقه کوره جگني سويله ديلر . بک ، على العجله ،  
النده قلمی ، فس سز اوداسندن چيقدی . ايکي قرده شک پجهلری  
صيقچه ثورتولیدی ، سنه لردن بری اونلری اوقادار اونوتمش  
وکورمه مک ، دوشونمه مک آليشمشدی که طانيامادی :  
— بر امر يکزمی وار ؟

ديه صوردی . جواب و پر مه ديلر ، يالکيز پجهلرني  
قالديرديلر : صولوق ، ييتکين ايکي ماتملى چهره .. بيدار  
ايرکيلدی . هيچ برشی ديمه دن ينه پجهلرني اينديرديلر و دونوب  
کيتديلر . او آقشام سوبليه ايجمشلردی . نام يدی کون سانجیلر  
ايجنده قوراندیلر ، منيره قورتولامادی ، بويوك وقديسي  
سودا يی اوغورنده ثولدی . نر مين ياشادی ، حق  
ثوله ندى زنکين بر قوجايه دوششدی ، فقط فلاح بولمادی ،  
يشته بويله ، کنديسني انهره ويردی . چوق کچمه جک ، اوده  
ثوله جک ، همده الآن بيدارک کنديلرني سويکنه وعشقلرينه  
صداقت کوستردیکنه اينانه ق ...

بيدار بک شيمدی سفارتلرک برنده باش کانيدر . روايته

کوره صاحبزبانی کسیدردکن صوکرده صحتی ده یوانه کیرمش ،  
 یاناقلری آلاشمش، آکسه سی قاپارمش ، یوص یوردارلاق ،  
 طوس طوبارلاق بر آدام اولمش !

بن بونلری ذهنیدن کچیررکن مادام آلدیادو یانمزه  
 کلدی ؛ اوزون مدت او صاحبسندن اوزاق قالمق ، معتادی  
 اولان التفات ودوستلقلرینی کوسترمه مک اونک ایشنه کلز ،  
 پلانلرینه اویمازدی . یهودی قاریسنک قافاسی دائما بویله هرکنی  
 ممنون ایتک ، هرکسه خوش کورونمک ، دنیاده بردها  
 قارشیشاماسی امکافی اولمایان کیمسه لره قارش بیله صمیمیت  
 ومحبت کوستررک نه اولور ، نه اولماز، احتیاطاً احباب لیسته سینه  
 صوقق عادتیدی . درحال بکا یینه التفاتلر بذل ایتدی :

— آمان ، نه طاتلی خانم افندی بو، جانمک ایچنه صوقه جغم

کلدی !

دییه باشلادی ، نرده اوطوردیغمی صوردی ، پک یقینده ،  
 برکون اوغرایه جغمی سویله دی ، ازمیردن تفصیلات آلدی ،  
 بوتون طانیدقلریمه آشنا چیقدی ، هپسنی مدح ایتدی ، خلاصه  
 یکریمی دقیقه ده بنی کندیسینه یکریمی سنه لک احباب کی طانیتدی ،  
 ایصندیردی ، حتی ، برآزده ، سهودیردی . شایان شیمدی بکا  
 یی برماجرا آکلاتیور ، فطین بکک اطرافنده اک جوشقون  
 وطاشقین برعاشق طوریه پروانه کی چیرینان خیلی یاشلیجه  
 بر خانم حقنده معلومات ویریوردی . مادام آلدیاده  
 دیکلیوردی . لیکن سوز علمنه بر شیکل آلدیجه غایت جانندن

مدافعه ایتمه قالدیشیور، بزه دیدی قودی یا یامامه من ایچون  
نصیحتلر ویرییوردی. فقط ایچمدن آمیندم که بیللمه دیک برجهت  
وارسه اونیده اوکره نمک ایچون جان آتیوردی.

بو خانم قرقی بکیمکیدی؛ فقط اوتوزینی آتلامامش کورونمک  
ایچون چابالادینی بک کوزه چارییوردی. محقق وقتیه بک چوق  
کوزه لیدی؛ حالاده بوزولمش عدایدله مزیدی یا... باشندن کچن  
قارمه قاریشقی ماجرالردن، اذیت وصیقیتیلردن صوکره اونک  
حالا ارکک پینشنده قوشوب دیدیشه جک بر حالده بولونا بیللمه سنه  
شاشیوردم. حکایه سنی - بیلدیکم قادار - آکلا تهم :

... اوکا سنیحه خانم دییورلردی، فقط غالباً بو اسم اصل آدی  
دکلدی، تورک زندوستلغنک طاقیدینی بر اسمدی، سنیحه بی  
طالع، برمدت ذوق عالمربنه آتمش واورادن شهرت و ثروتک  
الک یوکسک زدوه سنه چیقاردقن صوکره تکرار یرمورمش،  
تکرار چیقارمش و بویه قرارسنز، دوامسنز بر صورتده، گاه  
سوروندوره رک، گاه اوچوره رق اوکا ماجرالی بر عمر  
کچیرتمشدی. الانده او یله کیدی یوردی. دها بک کوچو ککن  
آبلا سنی بر ملازمه ویرمشلردی، ایکی طرف ده بک فقیر، بک محتاجدی؛  
چوقور بر محله ده قوت لایموت، دیدیشه دوووشه، خیرلاشه  
خوموردانه یاشیورلری. انشته بک، دها اولندیکنک سنه سی  
اولمادان آبلادن بزمش، اوفاجیق بالذیزینه کوز آتمشدی.  
بوترجیح قیزک عزت نفسی اوقشامش، مماشانکار اولماسنه  
یاردیم ایتمشدی. نهایت قیامت قومش، سنیحه اون آلتیسنده



اودن آتلا تېلەش، اورته حاللى برغانلەيە خدمتچىلەككە وىرەلمەشدى.  
 اورادەدە آرزۇماندە وقەلەر اولمەشدى، اوك اختىار بىيى برمايدىن  
 يېڭى خدمتچى بە آشۇرى التفاتلار ايدىرگەن كۈچۈك بىلەن جۈشە  
 كەش، طاشقىنلار كۈستەرمەشدى. بالەبىر بۈيۈك مەھبەت اۈرە  
 سىغەمەش، اوزمانە قەدر بىلەن سەكەن، بىلەن تەربىيەلى ياشايان بۇ  
 بابا اوغۇل بىرلەرنە چاتماش، كەلگەن بىكارى كېيىن ووروشوب  
 دوۋوشماش، رزالتلار قۇپارماشلىرىدى. سەيخەيە اورادە يول  
 كۈرۈنمەشدى. اوزمان بىر خەف چىراغى طالب اولمەش، ھەن  
 كەينى ايدىلمەشدى. فەقەت بۇدەدە بىر قانچە برادر مەسلەك اولمەش،  
 كېيىنەلەرنە سەكتە وىرەلمەشدى. ايشە بۇئىلەدە سەيخەكە آشاغى  
 تەبىئەتلىك اۈرەلەر مەردار اولمەش. لېكىن چوق كېمەدەن  
 بىر تەسەۋۋۇف اۈرە قۇرۇلمەش، بىرەرەلى زىنكەن بىر آدامە زۈجە  
 ياپمەشدى. مەكەن بىر حىيات ... اسەف ايدىلەين ھېچ بىر آرزۇسى  
 يوق ... قېش اورۇنسى مەنلا جەيلىك ايسىتۇر، آقشامە بۇلدۇ.  
 رۇلۇب اۈرە قۇيۇلۇپور. يازىن چامەلەيە طاشىنىورلەر، خەنم  
 افەندى سەيلىپور، بىر آي كېمەدەن بۈيۈك كەدەيە نەقلى اولۇنۇپور،  
 اورانلەدە ھۈسەيلىە مەزاج ايدىلەيىپور، بۈيۈك آدەيە كېيلىپور.  
 خەلەسە بىر مۇسەدە دەرەيە كەشەيىپور. سەيخەيە نەنۇن  
 دىكى، بىچارە ھەيە ياپمەدەيىنى اذىت قەلىپور، اۈداسە قەلىپور،  
 آدامەزىيەنە سۇقەيپور، اۈي ھەكىم، خۇجەيە دۈلدۈرۈپور،  
 سەيلىپورلەرنە عارۇز اولان خەستەلىق كۈن كەلگەن آرتىپور.  
 شەيلىپورلەرنە سەلەك بىرەسە ... مەنلا قۇجاسىنى كۈرۈر كۈرۈر،  
 چەيلىق چەيلىق ھەيلىپورمەن باشلاپور :

— کیت حریف کوزیمک او کسندن ، دفع اول !

اوبری هیچ قیزمیور ، اعتراض ایتور ، سیمینوب غائب  
اولویور . صوکر ، بر آز کینجه چاغیرتیور ؛ عفو دیلیور ،  
شاقلا بانلقر ایدیور ، دیر کن بردن ده کیشیور :

— نه به یانمه کلدک ، نه آریور سک بوراده ؟

عرب چتره فیل لسانیله ایضاح ایتمه چالیشیور :

--- چاغیردی سن ، کلدی بن ، العفو ، العفو !

فقط صرام آکلانق قالمی ؟ سذیحه قیب قیرمنزی ، هر طرفی  
تیتزه یور ، کوزلرندن شمشکگر چاقیور :

— کیت حریف ، زه به لالا حریف !

فریادیله آداجمنزی تکرار اودادن آنیور ، بر آی ، بش  
آی بویله ، نهایت بصره لینک تحمیلی توکه نییور ، کونک برنده  
ینه سذیحه :

— کیت حریف ، زه به لالا حریف !

دییه باغیر کن هر زمانکی کبی اوصلو اوصلو ، مطیع واسیر  
دیشاری چیقه جغتو باماشه سی قایدیور ، قادینی برنیز دورویور ،  
صوکر آداملرینه طوتدوروب قایدن آتدیریور ، آرقه سندن  
بوش کاغدنیه ده کونده زییور ...

سذیحه برمدت از دو اجندن صوکره پیدا ایتدیکی ناموسلی  
احبابلری اونده ، مسافر صورتنده یاشادی ، بصره لینک تکرار  
نکاح ایتمه سی مأمول ایدیور لر ، « قابل دکل سندن آریلاماز ،  
بوکون یارین خبر کلیر ! » دییور لر دی . حالبوکه عرب حقیقه  
عنادجی ومتین چیقه شدی ؛ هیچ آلدیرمادی ؛ اوزمان سذیحه

یانوارمغه باشلادی ، واسطارک بری کلوب بری کیدیور. لکن  
برایش کوره میوردی . حریف بردفعه :  
— لا ، والله ...

دیشدی ، آرتق یمنندن دو میوردی . حق قلبنک یومو-  
شاماسندن قورقورق طاسی طاراغی طویلامش ، مملکتنه قاچمشدی .  
ایشته اوزمان سنیحه احباب اوندی ی بولامامغه باشلامشدی ؛  
استقاللر آتمشدی . نهایت تکرار اسبی حیاته دوندی . فقط  
بودفعه طالع هیچده یاردیمه کلبیوردی . کرکنه بر آج کوزلیلک  
ورقت عارض اولمشدی . بوینه ، شوکا بوکا عاشق اولوبور ،  
یانیدور ، طوتوشوبور ، وقتی کوز یاشلری ایچنده قیصاقملر ،  
قیرزاملرله کجیریریوردی . بش پاره سز قلم افندیلرینه وجودینی  
دقت ایتمشی . بویله استفاد سز و مشقلی بر عمرله کوندن گونه  
تورک نیدور ، بوزولوب خیر پالانییوردی . کیم قوشام ، ثروت ،  
سفاهت کوزنده دکلدی ؛ او ، شیمدی ، یالکمز ، دکر سز  
ولزومه سز بر طاقم عاشقانه ماجرالر و دلیقانیلر پدیشنده اسیر  
و منقاد اندیشنی آروب اوزوبور ، کوچوک ازدواجلر ، مینی  
مینی بر او ، برانزوا حیاتی نخیل ایدمک بو امل آرقه سته  
علیدن ولی به آتلاپور ، اذادن اذایه قوشویوردی .

بر کون ایشده کیمشدی ، بخنک ایکی قوتلی قوی تکرار سنیحه به  
صاریلدی ، آغوشنه آلوب اونی تکرار شپارتدی . اوصره ده  
بک ارغلنده زال باشدیه بر حریف پیدا اولمشدی ؛ افهلردن ...  
سرایک آدامیدی ، بوتون میخانه لرله قمار خانلری ، بوتون  
تجارتحانلری خراجه کسمشدی ؛ آی بآی تحصیلدارلری کیدرلر ،

عواندینی طوپالارلردی . بو حریف بویله نصلل موقع صاحبی اولیورمشدی ؛ بو ، قاریشیق ، اسرارلی بر ایشیدی ، غالباً یوکسکدن کان بر امره اطاعت ایدمک مهم ، حیرت بخش بر جنایت ایشله مش ، بویوک بر خدمت کورمشدی ، بونک اوزرینه پارلامش ، استانبولی بنمه مشدی . کیجهده بر قاچ یوز لیرا قازانیوردی . ایستدیگی آدمی دوومک ، ایستدیگی دکانی قاپانمغه ، ایستدیگی بنایی قارخانه یانمغه حق واردی . اطرافنده کندیسندن بدتر سکیز ، اون حیدوده ، بک اوغلندن مالکانه سنده دولاشان بر دره بی کی کچر ، اطرافه هیبت و دهشت ویریردی . ایشته بوزال بک سنجیه وورولمشدی . در حال نشان طاشنده برقوناق طوتلش ، دوشنمش ، دایانمش قادین اورایه بالوز والعیاه نازل اولمشدی . حدینه می کیمسه نک شویله سنجیه یان کوزله باقسین... مکلف کینیر ، قارشیسنده بری زنجی ، بری چرکس ایکی خلایق ، آرابه جینک یاننده بر لالا ویاسایس ، سلطان کی بردبدیه وحشتله مثلا کاغذخانه یه کیدردی . آرقه سندن اوزاق ارزاق زال بکک آدمیری ده آرابه ویا آت ایله تعقیب ایدرلر ، آفشام افندیلرینه معلومات ویریرلردی . بویله بر حیات ، صوک زمانده ، کیمسه لره میسر اولمش برشی دکلدی . ذاتاً زال بک اوه ایکی اوچ کیجهده بر ، اوده یورغون آرغین اوغسار ، همان یاتوب اویور ، ایرتسی کونی ایرکندن قالدوب کیدردی . هر اوغرایدشنده سنجیه یی الماسه ، آلتونه غرق ایدردی ، بو حال ، نه یازیق که ، اوزون زمان دوام ایدمه دی . زال ده کیشدی ، باشلادی قادی خیر پالامغه ... بو خیر پالامه کون بکون آرتیوردی ،

نهایت دایاغه قادار واردی ؛ آرا به لر صاتیلیدی ، خدمتجیلر  
 صاوولدی ، الماسلر و آلتونلر کری به آلیندی . اوده ییمک  
 پشیمه دیگی کون چوق اولویوردی . سنیجه قاجوب قورتولمغه  
 جان آتیوردی ، فقط قلمی ؟ زالك الندن قورتولونامازدی ؛  
 نرمه کبرلنسه بولدورور ، یا قالاتوب دوودوروردی . نه یالوارمه ،  
 نه ناز و عشوه ، نه حسن و آن ، هیچ بری فایدا ایتمیوردی .  
 چیزمه سفی ووردی زمان قادینجیز اوچ آرشین اوتیه فیلا .  
 یوردی . ظلم ، اشکنجه ایچنده تومک اوزره ایدی ، دیرکن  
 بر کیجه زال بیی قایوره کنسندن ووردیلر ، ویق دییه مەدن  
 کوجدی ؛ سنیجه ده قورتولدی .

اوزمان اسکی متحسر و مفتونلرندن بر اورتە حاللی آدام  
 امدادینه یه تیشدی ؛ طوتدی قافاواقلرده بر او بولدی ، برقادین  
 بکچی تعیین ایتدی ، سنیجه بی اورایه قاپادی ؛ استانبوله ایتمک  
 یاساق ، مسافر قبول ایتمک یاساق ، باغچه حدودینی آتلامق  
 یاساق ... شیمدی ده بویله بر حیات باشلا یوردی ؛ بر زمانده  
 بو حیات سوره جکدی . فقط زال بکدن صولک کونلرده او قادار  
 چکمه شدی که هپسنه راضیدی ؛ کندیسنی بر او خانمغنه ویردی .  
 ییمکرا و کره ندی ، طور شیر قوردی ، دیکیشه ، او یایه باشلادی ،  
 خانم خانمچق ، قادین قادینچق یاشیوردی ، نموندی ... جمعه  
 کونلری سبتلرینی حاضر لار لر ، فتره کز مکه کیدر لر دی . استانبولک  
 اک دبده لی ، اک فسق و فجور لی اکلنجه لر ایچنده مست اولمش ،  
 خراب اولمش بو وجود شو سکونتلی ، ادبلی سیرانلردن ذوق  
 آلیور میدی ، یوقسه بو قاتلان یور میدی ؟ اک دوغروسی



سذیحه ده ایکی نفس ، ایکی بنات واردی . بعضاً بریسیله ، بعضاً  
اونه کیله یاشاردی . وقت وقت اوصالانیردی ، وقت وقت آزار ،  
آزغینلاشیردی . شیمدی سکون دوره سیدی ؛ یارین تکرار  
قودوراجقدی . چوق کچمه دن ده کیشیدی ، خیرچینلاشدی  
وبرکون قاچوب کتیدی . هم کیمه ، بر بالیقچی به ...

بوغار ایچنده بش ، آلتی دالبانی ، معیتده سکسان ، دو قسان  
آدامی واردی ، خاطری صابیلیر زنکیلر دندی ؛ ایکی سنه اول  
باباسی ئولمش ، یرینه بو کچمشدی ؛ اوقوماسی یازماسی یوقدی ،  
چپکن ، بو طور کیر ، عمرینی قاییقده ، ده کیزده کچیردی .  
دها یکر می دردنده ، طوسون ، اوچاری ، خنزیرجه سنه  
سه ویملی ، غریب برخلوقدی . سذیحه فنر سیرانلری ائناسنده ،  
اوزاقدن اوزاغه اونی کورمش ، خوشلانمش ، برکون ده بکیله  
برابر یاغموزده طوتولد قلرندن قولوبه لرینه صوقولمشدی . بالیقچی  
آغاسی در حال اکراملرده بولونمش ، اونلره نفیس بر بالیق  
چورباسی پایدیرمش ، تا آقشامه قادار آلیقویمش ، صوکر  
قوجامان قاییقلرله مشعللر یاقه رق اولرینه کوندرمشدی . ایشته  
بو طانیده مالرک تأثیریه ایکی طرف بر یرینه کوز آتمشدی .

سذیحه نلک الک خوشلانیدی ماجرا بو بالیقچی ماجراسی ، بو  
صوک مناسبتدی . علی بکه کور کورینه ، ده لیجه سنه مفتوندی .  
یاشی ده خیلی ایلرله دیکسندن سه و دیکسنگ کنجلیکی ، تروتازه لکی  
عزت نفسی اوقشویور ، فوق العاده ذوقنه کیدیوردی . بسبتون  
کویله شمشیدی ؛ صانکه ، بر زمانلر آدلری ، چاملیجه لری ،  
نشاطلارینی سوسله یین ، زینت وشعشه ایچنده یوزن قادیندن

اونده اوفاجق بر اثر، بر خاطره بيله قالمامشدي؛ هيسني اونو توشدي و  
 بصره لي بي، كاتبري، زال بكي ... بر علي بكي بيليوردی، بر  
 علي بكي كورو يوردی، اونك ايچون دو غمش، اوکا واصل  
 اولاييلمك ايچون بوقادار اذيتلر چكمش، خلاصه ازلدن اوکا  
 نصيب اولمشدي. اوزون و مشقتلي بر يولدن كیده جي يره  
 وارمش اولانلره مخصوص بر ممنونيتله شيمدی صاري يارك آشي  
 يويالي برباد بر ياليسنده، قان آتار، كورو مجملر آراسنده  
 ديكه نيسوردی. بوقاچنجي نكاح، بوقاچنجي اودی ...  
 هيسچ عقله كله ين بر زمانده علي بك خسته لاندی، هفته سنه  
 ذاة الرئودن تولدی. قيليج باليقلري داليانه وورمشدي،  
 ايريلري، آغلري قوز تارمق ايچون عوته سيلاه كيجه ياريسي  
 بوغارك آنا فورلري قارشيسينده چوق چالشمش، ترله مش،  
 صوكر اكنديسني محافظه ايله ديكندن نهايت قربان كيتمشدي.  
 سنيجه چيلغنه دوندی، آيلرجه حياتندن اميد كسديلر ... فقط  
 صوكر، بردن ده كيشدي؛ تكرار ذوق عالميرينه دالدي، وورپاطلا  
 سين، چالدا ويناسين، ياشايوب كيدي يوردی. يكي كنج فاطرلر،  
 كنج جنراللر پيشنده قوشويوردی نه دنسه اواناده كوزلا كنكلك  
 شمعشعلي دوريني كچيري يوردی، بو، غالبا حسنكلك صوك پارلايشي،  
 صوك شعله سيدی. حق، بر زمانلر، چوق مهم آدملردن برياه  
 اولنه جكني سويايورلردی، وكلا قاريسي اولغه نامزددی. فقط  
 بونك اصلي چيقمادی، بر مصرلي ايله اولندی. كيدوب سنه لرجه  
 قاهره ده او طور دی. اورادن قوجاسندن آيريلش دوندی،  
 پاراسی ده واردی؛ آرتق اولميور، كيمسه ايله اوزون وكلفتي

مناسبتره کیرمیوردی؛ بویله، خفیف مشرب سالونلرده، راست کلدیکی کنج بکله مسلط اوله رق کوکلی آوتوبور، کیفه باقیوردی. نه ماجرالی، نه فوق العاده برحیاندی!...

... سنیحه بزم کندنندن بحث ایتدی کمزدن بی خبر، فطین بی برکناره چکمش، آغین باغین، سوزوله سه ریله، بیک ادا ایله قونوشوبور، کوزلرینی کنج آدامک تا کوزلرینک ایچنه دیکمش، سحر باز جاذبه سی آلتند طومغه اوغراشیوردی. او بری ده، قوجامان برماضی صاحبه سی اولدیغندیمدر، یوقسه، آرزولری و کفعلری اوغورنده ایسته دیکی کیمسه ایچون بول بول پارا صرف ایتدیکنی بیلدیگندیمدر، نه ده نسه بو کچکیکن قادینه هیمزدن فضله علاقه دار کورونوبور، عادتا خوشنه کینمکه جالیشیوردی. اونک بوتایلنی ایچمزدنه اک چکمین خانم لایلا خانمدی.

... لایلا خانمی تا اسکی دوردن طانیردم، فقط اصل شهرتی بکی دورده، مشروطیتک اعلاقی متعاقب باشلادی. ایکی قیزی و برکلی ایله برابر درحال سیاسیه آتیلدیلر؛ چارشافلرینک اوزهرینه قیرمیزی بیاضلی قورده لالر طاقه رق قاپی قاپی اسکی رجال ووکلا اولرینی دولاشدیلر و تهدیدکار طورلره اعلانلر طویلایمغه قوبولدیلر. دردی ده، درغروسی، کوز آلیجی، شاتافانلی شیلری... ذاتاً لایلاخانمه قیزلری آنا واولاد کی دکل قیز قردهش، آبلای کی دورورلر، عینی طرزده

یاشارلردی. حریت پرورلک وادیسندہ آری کبی، یورولہ،  
 دیکلہ نمہ بیلہ دن جالیشیورلر، آلدہ ایتدکلی باری کونوروب  
 مرکز عمومی به تسلیم ایدیورلردی. اوراجہ مرغوب خانلردی؛  
 حق ارکاندن بهضیلری آراسیرا کلوب اولرندہ یاتارلر، برمانہ  
 افرادی کبی معاملہ کورورلردی. اوزمانہ قادار سسلانیک  
 واسکوب قهوه خانہ لریله شانتالردن باشقه عالم و حیات کورمه مش  
 اولان بویونتولامش، رندہ لقمہ مش، خام، خانطال کونوکلر  
 لایلا خانمک دعوتلرندہ مادتا آلیقلاشیرلر، اوطوروب قالمہ لری  
 شاشیرلردی. فقط مستعد کنجلردی. آرزمانده عجمیلکلی  
 اوزرلردن آتیورلر، زمین وزمانہ اوبویورلردی. بودرت  
 کوزل قادیسک محیطی سه ویلز، ایستہ نیلمز شی دکلدی که ...  
 دها، اوزمان، لایلا خانمک ایکی قیزی ده هنوز اولقمہ مشدی؛  
 اون آت واون سکز یاشلرندہ توی کبی خفیف، پری کبی  
 کوزل، غایت جانلی ونشسته لی، آفت شیرلردی؛ بری کان  
 چالاردی، بری بیانو... کلین خانم ایسه آفرانغه شرقیلر  
 اوقوردی، خوش برسی واردی. اوجی برلشوبده فصلہ  
 باشلادیلمی بوداغلی دعوتیلر عقللری غائب ایدرلردی ...  
 آرزمانده هیسوده عاشق اولدیلر، بر طرفدن مملکتده  
 موقعلری یوکسه لیور، اوبر طرفدن آرزو وحرصلری  
 آرتیوردی. لایلا خانمک مقصدی قیزلرینه دور ارکاندن ایکی  
 سه چه قوجا بولمقدی؛ بوحریت پرورلکی، اغانه جیلکی، بوغیرت  
 وفعالیق هپ شو مقصده ایرمک ایچوندی. معالاف آچیق  
 وصاحیقلمده، دوکولوب سه ریلمکده آشوری کیتمشلردی.

دعوتیلر ازدواجدن زیاده خوشجه وقت کچرمی دوشونوبو-  
 لریدی. هرری، آری آری، بر دفعه کریمه خامله، قاباجه،  
 خوراججه تجاوز ایتدیلر، موافقت کورمه دیلر، اولک اوزرینه  
 برر برر صاووشدیلر، باشقه طرفله باش ووردیلر. ازدواج  
 پلانی نتیجه نهمه دی؛ قیزلرک آدی کیرلندی؛ ساده آدی دکل  
 اخلاقلری ده بوزولدی؛ ارککله یوز کوز اولدیلر؛ اولک حیثی  
 قیریلدی. آرتق مسافرسز، دعوتسز یامادیلر؛ حریت  
 قهرمانلری اوغراماز اولونجه شو، بوچاغریلدی، دیرکن ایش  
 دها عمومیه شدی، بسمتون چیرغندن چیقدی. نهایت میراث  
 یدی دوکونتوسی ایکی حریف طالب اولدی، قیزلره اوله ندی.  
 فقط سینه مه دی، کچنیرمه دی، آذر زمانده بوشادی. کلین  
 خامده باشی آلدی، آورو بایه کتدی، قافه شانلرله دوشدی،  
 خلاصه بو عائله ذلیل، سفیل اولدی. یالکیز اصل قباحلی،  
 آنا، لایلا خام دها طالعی چیقدی، آلمده، آووجنده ثروتندن  
 ته قالدیسه آرتق توکهنوب سو قاقده قالا جی بر صیراده طالع  
 یوزنی کوستردی: تا کنجلیکندن بری کندیسنه قارشی  
 اونودلماز، ثورتولاز بر محبت طاشییان اختیار بر زنکین،  
 سوریه لی بر باشا. قیزلرینی طانیماق شرطیه. اوکا ازدواج  
 تکلیفنده بولندی؛ طبیعی در حال قبول ایتدی. شیمیدی،  
 مسکین بشلک قوجاسنک سایه سنده مرفه بر عمر سورویور...  
 رفاه، ثروت ده یازدیم ایتدی، تکرار کنجلیشدی؛ گوزی  
 بویله، فطین بنت کبی نازه دلیقسانلیرده. اونلردن بریله  
 قارشیلشدیمی، در حال بختسز لغندن، قوجاسنک یاشیلغندن.



روحك او كسـوز قالدیغندن ، خلاصه بویله بر طاقم كولونج  
وبی معنا مسئله اردن بحث ایدیور ، آهلیر چکیور ، حق یاشلر  
دو کویور ، دقی جالب ایدرک حلوله چالیشیور ، فقط هیچ ده  
موفق اولامیور . سـنـیـحـه خانمـه لیلـا خـانـم ، بوایکی کچکین  
وخوپـا قـادین بر لرینی هیچ چکه میورلر . ایله لیلـا ، کین  
وخصومتك شدتندن بعضاً نوبتلره دوشـویور ، چایر چایر  
یانیور :

— بوقادین بی تولدوره جك ، بوقادین بی تولدوره جك !  
دییه احبابلرینه دائمـا شکایتده بولونویور . فطین بك غالباً  
بو حادثه موتی تسریع ایده جك ، لیلای یاشلیق دردندن الی الابد  
قورناره جق ... !

... مسافر خانملر آراسنده نیم ، اوزاقدن ، بر طانیدیغم داها  
واردی : نیمیقه خانم ... نیمیقه خانم مشهور نریمان خانم قیزیدر ،  
نریمانی بوتون استانبول طانیر ، لیلایله سنیحه بك بر باشقه  
نوعیدر . او برلرندن فرقی بونك داها اصیل ، داها کبار بر  
عائله دن اولوشی وشمیدی ، آرتق بـسـتـون سـاکن و حیثیتی  
بر طرزده یاشایشی ... یوقسه ، داها بش ، آلتی سنه اول  
دیگرلرندن هیچ ده آشاغی قالمزدی ؛ رذالت ایچنده پویاندی ؛  
کنـدیـسـنـدن اك چوقی بحث ایتدیرلرندن ده بریدی ؛ هیچ  
بکله نیلیمین بر کونده اورتدن چکیلدی ، احبابلرله سلامی  
کسـدی ، بوش ، مجهول بر آدمـه اوله نوب سکون وازوایه کیردی .  
استانبولك اك کوزل ، اك شهرتلی قادینلرندن ایدی ، قیزی ده

اونك قادار كوزلدر واونك قادار مشهوردر. لکن بوشهرتلر آراسنده کی فرق چوق بویوکدر ، نیمیقه خفیف مشرب بر قادین دکلدر ، او ، قوجا سینه اولان صداقت و محبتله شهرت قازانمشدر. بلکه باشقه برقادینده اولسه بومزیت شهرت ویره جک قادار اعظام ایدلمزدی ، لکن نریمان خانمک قیزنده بو حیرتله سزا بر فضیلت تشکیل ایده بیلور ، صاحبه سینه آد ، صان قازاندریوردی. نیمیقه ، آنه سنک مناسبتمز حیانتدن وقتيله اويله ییزار ، اويله مایوس ایدی که بر قاچ دفعه اوی بیراقشی ، احباب ، اقربا یانه قاچمشدی. فقط دایما اونی — کوزه لالکندن و آناسنک آندن قورقورق — کری چه ویرمشلر ، بردورلو قبول ایتهمشلردی . نهایت بردفعه سنده نام ایکی آی ایزی غائب ایتمش ، بردورلو آله کچمه مشدی . نه یامشیدی ، نوله یاش وورمشدی ؟ بوتون خلق علینده سويله مش ، آناسنک یولنه صایدیغی ، کیم بیلیر کیمکه برابر قاچدیغی ادعا ایتمشدی . حی نریمان ده اويله تخمین ایدیوردی :

— فضیلتدن بحث ایدوب بر کون بویله یاپه جغنی بن بیلیردم ! دییوردی . حالبوکه حقسنلق ایدیورلردی . نیمیقه ظن ایتدکاری کبی یامامشدی. آرقه سنده دوت پیشلی بر آنتاری کچیرمش ، بر یوکلای چارشاف کیمش ، وقتيله دادیلرندن بریسنک اوطوردینی اوزاق محله لردن برینه کیده رک قاپی قاپی دولاشمش ، خدمتچیلک آرامشیدی ، برکت همان ایلک کونی اورته حاللی برعائنه ، فضله ایضا حات ایسته مین اونی قبول ایدیورمشدی .

نه قادارده أبي باقيورلردى... اولك خانمى ، نيمقه بر آاز فضلجه  
يورولوب مجالسزله شديمى ، همان :

— ياوروم سن چه ليمز سىك ، وجودك بوز حته گلز ،  
هله ايشنى بر آاز براقده شويله صوبانك ياننه اوطور ، بر آاز  
ايصين ، ديكلكه ...

دير ، خاطرينى آليز ، استراحتنى تامين ايدردى . بوتون  
او شهيه دوشمىدى ؛ اسرار انگيز برايش سه زيبورلردى اما  
بونى قيزه حس ايتدirmek چاباليورلردى . نه نازك ، نه ناموسلو  
برعائله ايدى بو ...

بركون خانم ، نيمقه بي ياننه چاغيردى :

— شويله كل باقاييم قيزم ، اوطور ، سىكلكه بر آاز  
قونوشاجم ! ديه باشلادى اوندن حقيقى اولدينى كى  
سويله سنى رجاليتمدى . خدمتچيلكدن يه تيشديكنه اينانما مشلردى ،  
حتى يقيناً بيلورلردى كه اويله اوفاقدن برعائله يده منسوب  
دكلى ، صوبى صوبى بللى بر فامليا قيزى ايدى ، باشندن فاصل  
بر سرگذشت كچمى شدى ده بويله ايل قايلرينه دوشمى شدى ؛  
آكلاتيرسه كنديسنى اولادلرى كى حمايه ايده جكلردى ، ارزوسى  
خلافتنه برشى ياييمه جكلردى ...

نيمقه اولايالاننده اصرار ايتك ايسته دى ، فقط بوكوزل  
معامله قلىنى يوشاندى ، كوزلرندن ياشلر دو كولى ؛ هينچقره  
هينچقره بوتون يوره كفى آچدى ، دردلىرى دو كدى ، كيمك  
نيسى اولدينى آكلاندى ؛ اولك خانمى ده اونكلكه برابر هونكور  
هونكور آغلايوردى !

— آه یاوروم ، آه قیزم !

دییه ركه نيمه ي باغرينه باصبيور ، ياناقلرين اويويور :

— شويله كچ ، شويله اوطور !

دييه باش كوشه ده ير كوستريوردی ، او آقشام اولك بكي ،  
ياشلي ، حيثيلي بر آدام ، اونى ييكده تايانسه اوطورتمش ، نوزوله مسی  
ايچون بر چوق التفاتلرده ، وعدلرده بولونمشدی . نيمه ده رين  
بر سعادت حس ایدیور ؛ ايچندن :

— كاشكه بنم آتام بابام بونلر اولسه يدي !

دييه سويله نيدوردی .

ايرتسى كوني اوكا تمیز بر اودا آيیرديلر ؛ اما آنه سنك  
أونده كي كهي بياض لا كه دوشه يلى ، كسمه بلور آينه يلى ، بخارا  
خاليلريه سوسلو ، دانه لاثورتو و كوموش طناققرله دولو  
بر آغير اودا دكل ، شويله بر هاري برنج قاريولا ، بر آينه يلى  
دولاب ، بر صدفلى ماصه ، ايشينه او قادار . . . نيمه سرايلره  
كيرمش ، تختلره كچمش ، تختروانلره قورولمش كي بو باياغی  
اودانك ايچنده ممنون ، مسعودتى . فقط بو ، دوام ايدر بر  
حيات دكلدى ، چوق غير طيعيدى ، ياواش ياواش اولك بكنه  
بر قورقوده كليوردی . يا آناسى بر شكایت قايومى آچارسه ،  
يا دعوا ايدرسه . . . شرت بر قادين ، اوكا ناصل داياناييليرلردی ؟  
كيدوب محله نك ذكى وايشكذار طانيمش آداملرله استشاره  
ايتدی . كونلرجه مذاكره ل ايدلدى ، زواللى نيمه هر دقيقه  
عكسى بر قرار آمارلردن قورقورق خاججان ايچنده ياشايوردی .  
نهايت قورقدينى باشنه كلدی ؛ محله نك اعيانى بكي بوباللى يولدن

چه ویرمشلر ، آنا سنه خبر ویرمك ایچون اقماع ایتمش لردی .  
 كونك برنده اوک خانمی یانسه قومش لوردن بر جر بزه لی قادین  
 طاقه رق نریمانیه کیتمش ، ایشی آ کلا تمشیدی . اوزمانه قادار  
 غایت قیدسنز ، مراقسنز دوران والده خانم ردن محبت و شفقتله  
 طغیان ایتمش ، همان حاضر لانتش ، قیزی آلفه قوشمشدی .  
 نه دیلار ، نه کوز یاشلری دو کویوردی ؛ وعدلرک بیکی برپارایه ...  
 قیزی کؤکسنه باصدیره حق ، دنیایی اونوته حق ، بر طرفه  
 چکیلوب آرتق حضور و سکون ایچنده مسعود یاشایه حق ...  
 نیمیقه هیچ برینه اینامیوردی اما برابر اویسه دونمکدن باشقه ده  
 چاره بولامیوردی . حامیلری شمدی هب آنا سنک طرفی  
 طوتمشلر ، اوکا عودت نصیحتی ویریورلردی .

ایسته میه ایسته میه دوندی .

فقط ایتسی کونندن نزاعلرینه باشلادی . هفته لری کچردی ،  
 آنا قیز بر برلرینک یوزینی کورمنلر ، برکله لاقیردی ایتمزلردی .  
 ایسته بوتانلرده نیمیقه نك پوره کنه یکی برحس کیردی ؛ کوز -  
 لرینک اوکنده یکی بر دنیا آچیلدی ؛ عقلی تفرعاتدن اوزا قلاشهرق  
 یالکیز بر نقطه یه طوطلاندی : سه و بیوردی ، تریمیز قلبنک  
 اولانجه صافلنی ، بیریکمش قوتی ، عجمی شدتیه برجنون کبی  
 سه و بیوردی ؛ هم گیمی ؟ باشقه قادیلرک یوزینه باقمی خاطر -  
 لیه میه جقلری چیرکین ، عجائب برکنجه . . . قیسه حق بویلو ،  
 بوروشوق یوزلو ، شانسنز ، شهرتسنز بر چو جوق ، اخلاقنک  
 کوزلاکی هرکسجه مصدق اما نه پازاسی وار ، نه موقعی ...  
 چوق جدی بر تحصیل کوردیکنی ، پک عقلای اولدیفنی ، غایت



معروف بر عالمه دن به تیش-دیکنی بیلورلر اما چیرکینلکی بو  
فضیلتلرک هیچ بری ثورته میور؛ خلقدن اوزاق یاشایان،  
عمرینی کتابلرینک اوزمه رینه قاپالی کچیرن بو عجل العجائب کنجی  
ناصل سه وه بیلیمشدی؛ بوالآن بر معما حالنده دیلورده دستان  
اولوب سویله نیور... نریمان خانم ماجرادن خبر آلتجه کوپلره  
یینمشدی؛ او، قیزی ایچون شاناقاقلی بر ازدواج تحیل ایدردی،  
ایله دامادینک شخصه، شکل و شمائله قورله ایدر. احمد  
ویرردی. اطرافنده دونوب دولاشان قارداش و شوقی و سق  
طورلی کنجلر وار ایسه کوزدن کچیر، اندینه سه حیرمیش  
بی اونلرده صرف کندی بکنندیکی جهتلری آرار، کندی  
خوشه کیدن جهتلری تدقیق ایدردی. عثمان بک ایسه بو  
دلیقانلیره هیچ بر جهتن بکزه مزردی؛ زواللی بک دوشوک،  
بک سیلینتی بر چو جوقدی؛ نه کینمه سنی بیلوردی، نه قونو-  
شماسی... درت کیشینک ایچنه چیقنجه شاشقینه دوزردی؛  
صورموتور، برکنارده اوطوروردی. بناء علیه نریمانک آرزو  
ایتدیکی تیپلردن دکلدی. کورور کورمن:

— ایسته م بنی بوحام بوجکنتی...

دیهه هایقیرمش، فریادلر قوپارمشدی. فقط نیمیقه محبتنده  
عنادجی ایدی. هر درلو مانعه لره رغم آ عثمان بکله اولنه جکنتی  
سویلیور، دیک، قعای بر طورله آناسندن موافقت ایتمه سنی  
ایستییوردی. بو مناقشه تام ایکی آی سوردی، ایکی طرفده  
یوموشامیوردی. نهایت بر صباح نیمیقه تکرار غائب اولدی.  
بودفه آرتق دونه دی؛ سوکیلی عثمانیله اولمش جزئی بر معاشه

راخی اوله رق قوجاسیله تا قونییه کیتمشدی. سنه لرجه اوراده آزه قانع، یاری فقیر و محتاج، فقط مسعود یاشادیلر. بربرلری ایچون چیلدیریورلردی. صوگرا طالع ده یاردیم ایتدی، عثمان بك بربر آرقاسنه ترفیع لر کوردی؛ کلدی، استانبوله بول بر معاشله یرله شدی.

نمیقه دنیایی حیرت ایچنده بیراقان اوامشالسنز کوزللسکینی ساده قوجاسنه حصر ایتمکدن بویوک بر سعادت و افتخار دویهرق صادق و وفا کار بر عمر سورمکده در. عثمان بك کون کچدکجه جبر کیتله شیدور، نمیقه یاشلاندکجه کوزلله شیدور، فقط آرالرنده کی محبت زره قادار آرمیور، ده کیشمیور... آناسی حالا عناندنه نباتکار:

— ایستمم بنی بو حام بوجکینی ...

دیبه حالا هایقیریور، فریادلر قوباریور؛ قیزیله حالا روبرو کلیور.

بن ذهنمدن بونلری کچیرکن مادام آلدی یادو شایانه باشقه بر بحثه دالمشلردی. آغزلرنده بر فیضیه خانم لافیدر کیدیورددی. عجبا بونم وطلمک بیلدیکی فیضیه خانمیدی؟ سوردم، اوت او ایمش، نزله سی اولدیغندن بوکیجه کی عالمه کله مه مش.

... فیضیه خانم استانبولک کوزللیگیله شهرت قازانمش، کندندن چوق بحث ایتدیرمش، ذهنلرده ایز بیراقش قادینلرندن بریدر، اسکی، دوراونک بارلاق زمانه تصادف ایتهدی. باباسی جهتمندن

اويله پك يوكسك ، پك كبار ، نفوذلى واهميتلى دكلى ؛ لىكن  
 كندىسى زمانك اك ايلرى كلن عائله لويله اخبايدى ؛ اك بويوك  
 دوكونلره دعوتلى اولور ، كوشه يه سانكه او اوطورور ، سانكه  
 خلق اونى سيره كليردى ؛ كلنلر كولكده قاليردى ... اودورك  
 كييم قوشام دوشكونى قادىنلرى نه قادار پارا صرف ايتسeler ،  
 قابل دكل اونك مرتبه سنى بولامازلر ، اونك شهرته وارانماز-  
 لردى . مسابقه يه كيرنلر هپ غائب ايدرلردى ؛ هر دوكوندن  
 صوكره بوياريشك ديدى نوديسى هفته لرجه ، قاياغه ووران  
 برلوس ده كىزى كې انسانى بيقديران ، سرسم ايدن بركورولتويله  
 چالقاير دوروردى . عىنى قماش ، عىنى ترزى ، عىنى وجود  
 هپ برلشسه ينه اورته يه بر فيضيه خانم چيقامايدى . فيضيه  
 خاتمه بيلينمز ، آ كلاشيلماز ، سري كشف ايدلر بر باشقه لق ،  
 فوق العاده لك واردى كه ايشته اونى نه پارا ، نه ترزى ، نه ده  
 كوزه لك تايمين ايدم بيليردى ... بو ، اونك امتيازى ، ذكا  
 كې منحصر آ اونك آلتماز ، چالماز ، تقليد ايدلر بر ماليدى .  
 هرالبسه اوزرينه ياقيشيردى ؛ نه كيسه كوزل دوروردى ؛  
 نه رنك اواسه آچاردى ؛ نه ييجم ياپديرسه اوكونك موداسى  
 اولوردى ... چاليشوب ئوزه نمەدن ، كندى كندينه اولمش  
 كې حالنده اويله بر طبعيلك كوزه چارپاردى كه هپمز شاشار ،  
 آرامزده بونى سويله شيردك . حالبوكه نه قادار چاليشير ، ئوزه نير ،  
 ديديشير ، خراب اوله رق كينيردى . دنيا ده باشقه دوشونجه سى  
 بوقدى كه ... يا ترزى يه ، يا خودده دوكونه ايتيمك ايچون

سوقاغه چقاردی . ذاتاً اونك دعوت ایدله دییج دوگونلر  
 شعله سنی ، اهمیتنی ، سبب و حکمتنی غائب ایدردی . فیضیه  
 خانم استانبولك یو كسك حیاتی حکمنه وام ایتمش برکیم قوشام  
 سلطانییدی . برطرفدن خانلر البسه سنك پیشنده سور و كله نیرلر ،  
 او بر طرفندن ده ارککلر اندامك جاذبه سنه طوطولمش ، آياغك  
 ایزینه توشوشورلردی . اصیل دنیایی مراقبه صوقان بر جهت  
 داما واردی ، بو درجه اعتنالی و بهالی کینه بیلمك ایچون  
 لازم کلن بول پارایی نره دن بولوبوردی ؟ باباسنك وقوجاسنك  
 ثروتی بوکا کافی گلزدی ؛ خصوصی بر ثروتی ، اراد و عقاری ده  
 یوقدی ؛ کیمسه بر مناسبتنی ، بر خفیف مشربلکفی ده بیلمیوردی .  
 نهی ، بونا نسایل اولوبوردی ؟ ارکک ، قادین ، بوتون خلق  
 بومعاملک حلی ایچون اوغراشییوردی . پیشنه دوشوب گونلرجه  
 اوزاقدن اوزاغه تعقیب ایدن بکلر هیچ بر اماره ده دسترس  
 اولامامشلردی . خانلرده بر ایپ اوجی باقالایامامشلردی ؛ مع مافیه  
 خیلی یاقیشیق آلیر حکایه لراویدورو یورلر ، فیضیه خانمی لککله  
 چاللییورلردی . فقط او ، علمینده آلتدن آلتنه چه وریلن بو  
 فسادلره اهمیت ویرمیوره زینت و احتشامنه دوام ایدییوردی .  
 فیضیه نك اك پارلاق دوری حریتدن اولی دورده تصادف  
 ایدر . زیرا اوزمانلرده مکلف دوگونلر ، قادین اجتماعلری  
 اولوردی ؛ کرانها کینمش برقچ یوز خانمك آراسنده کنیدیسی  
 مزین و آغیر پراودانك اورته سنده دوران آویزه لرکی یاقیشیر ،  
 اطرافنه شعله ویرردی . صوکرالری یکی یه تیشمه قادینلر

آورده سنده دوشده دی ، اودرجه کوزه چارپمادی ، اینجه لایق ،  
ظرافتی بکده اینی آکلاشیلامادی . ایله مشروطیتک اعلانی  
متعاقب بویوک قوناقلر قایلیرینی ثورتوبده میدانده اوکاتواتلیرینی  
تشهر ایدمک اجتماعلر قالمایجه ، آرتق کیمسه سوس و قماشله  
مشغول اولمایجه شاشیردی ؟ ظن ایتدی که آرتق استانیول  
بسمبتون مجلس سز و خامسز ، هپ بویله کورولتو ، هیجان  
ایچنده قالدی ، کیمسه تووالته ، زینته آلدیرمایه جتی ... عادتاً  
ماتم ایدیوردی . نهدن صوکر کدرلری بر درجه یانیشدی ،  
باقدی که دها حرکینمک ، البسه لیرینی دها کیفه ، آرزوسنه  
کوره یابدیر مقشیمدی قابل ؛ پولیسک ویا خلقلک مداخله سندن  
اودرجه قورقولیور ؛ بر بر آرقه سنه چارشافلر دیکدیردی ، یی  
مودالر جیقاردی . اسکی دوردن قالبوده بودورلده اویوشان  
رجالک خاملری تک توك میدانده چیقمنه باشلامشلردی ، یی  
زمانه آداملرینک دها پک عجمی ، پک زییددی اولان عالهلری ده  
یاواش یاواش سیوریلیورلر ، او بارق ، خدمه حشمه صاحبی  
اولویورلر ، سوسه دوشویورلردی . یی بر عالم قورولمشدی .  
فیضیه خانم ینه باش صفه کچدی ، بودورلده ینه محبوبی اولدی .  
فقط اولکدسینه دائماً متحسر قالدی ...

حرب عمومی به قادیار اونک ینه کافی السابق ، توواتلیرینه  
دوام ایدیشی اودرجه شایان حیرت کورولمیدی ؛ احتیاجاتنه  
په تیشن بر کلیری واردی ، او منبع خلقلک مجهولی ایدی اما  
موجوددی ، البته برکون آکلاشیله جقدی ، فقط حرب باشلاوبده  
البسلر یکریمی مثلی آرتجه ظن ایدلدی که فیضیه خانم آرتق



دورالیه جق ، مسابقه یی ایلک دفعه اوله رق غائب ایدم جک ...  
 حالبوکه هیچده او یله اولمادی ، بالعکس داها آرتدیردی ،  
 برنی کییور ، برنی چیقارییوردی ؛ بلکه آیدم بش ، آلتی  
 یوز لیرا صرف ایدم بیلوردی . اونک بویله هر دوره کافی کلن  
 وارداتی عجباً فاصل اسرارانکیز بر منبعدن چیقورودی ؟ آکلا-  
 شیه میه جقمیدی ...؟

ترزیسی احیا اولویوردی ؛ کیم بیلیر اوکانه قادار منتدار  
 قالیوردی . بن بیله فیضیه خانمک توانلرینه ایمره ندرک ، اوکا  
 بکنزمه مک ایستیه رک صوک البسه لرمی هپ عینی ترزیده یاپدیرمشدیم .  
 قیزلره هیچ اسم ویرمادن شو یله اولسون ، بویله کلسین دییه  
 تعریفلر یاپارکن وموده لاردن اصلاحات ، تعدیلات ایسترکن او یله  
 سه زییوردم که هپسی بنم فیضیه خانمک صوک چارشافه بکنزتمک  
 ایسته دیکمی بک اعلایا کلا یورلر وایچین ایچین کولوشویورلردی .  
 حق بن آکلادقلرینه او قدر قانع اولدم که آرتیق کیزلی طومغنی  
 ازومسز کوردم :

— جاتم ، بیللیورسکیزیا ، فیضیه خانمک صوک یاپدیردینی  
 چارشافی کی ... دیمکه مجبور قالدیم . بن بونی سویلرکن دیکر  
 ایکی خانمده اوتهدم عینی تعریفی یاییورلر ، عینی بیجی ایستیورلردی .  
 اوت ، ترزی ، فیضیه خانم سایه سنده احیا اولویوردی ،  
 بو محققدی !

فقط قادین او قادار پارایی نرمه دنده بولویوردی .. نهایت  
 بن ، یالکز بن ، ایشی سه زدم ؛ ارکک ، قادین سنه لرجه پیشنه  
 دوشوبده کیم ونه اولدینفی آکلایامادقلری او اسرار انکیز

حامینک ، او بر کتلی منبعک اسمنی ویرینی او کرده ندم . زاواللی فیضیه هر کسک ظن ایتدیگی کبی فنا و چیرکین بر سر گذشته هیچ ده علاقه دار دگلش ، نه دوستی وارمش ، نه ثروتی ... بوتون او البسه لرك پاراسی نه یابانچی بر ارکک جیندن ، نه ده کندی کلیرندن جی قیورمش ، ساده جه ترزینک مالی ایش ... اوت فیضیه بر نوع ره قلام ، چیغیرتغان ، اوکسه ایش ، او یله سلطانلر ، میلیونرلر کبی کینیر ، عظمت صانار ، حرمت واکرام کورورکن یکی اصول بر بوخچه جیلوق ایدرمش ...

شیمدی خانلر اوندن حیرتله ، تقدیر و حسدله بحث ایدرلرکن بن کنارده ایشک حکمتنی بیلدیکم ایچون شیطان شیطان کولومسویور ، آکله نیوردم . فیضیه نك حیاتی بنم آلمدهیدی ، آمیندم که سرینک فاش اولدینی کون اوکا تولومدن باشقه چیقار یول قالمزدی ... فقط سویله مبه حکم ؛ زیر اخیاتی چوق سه وه ریم ، او جانم وجودینک قارشیدسند . بر ارکک کبی که وشه دیکمی دویارم ! اوت ، طبعی بر ارکک کبی .....

... بوکیجه طانیدیغم خانلردن بری ده لمعان خاندی ؛ دارالمعلمات یه تیشدیرمه سی کنج بر قیز ... بوراده ، اولدقجه یاشلی و معروف قادینلر آراسینده ، اونکده ایشی نه ایدی ؟ ایچوب سویله مه ده داها عجمی ، خانم افندیلک طورلری آلمقده هنوز یک بجزریکمز ایدی ؛ بللیدی که بول پارا ایچنه یکی دوشمشدی ، یک تلاشلی ، یک کورولتدولو ، یک سر ~~بیلدی~~ چیرپنیوردی ؛ بو ثروت ده کیزینک اورنه سنده ساکن و راحت بوزمکه داها آلیشاما .

مشدی. اوج، درت آیلق تورمه یا وروسیدی. فرصتی قاچیرمادم؛  
حقننه معلومات طو پلادم؛ بر آراق یاننه صوقولوب باش باشه  
قونوشدمده ... او کره ندیکمی و آ کلا دیغمی یازیورم :

تخمین ایتدیکم کبی، لیلی قیزمگتیلرندن برنده طابه لک ایتمش؛  
اسی دورده وفات ایدن بر یوز باشینک ایکی، اوج یاشنده یتم  
قالمش. قیزیمش؛ فاتحده چهارشنبه سمترلنده اوطورورلر،  
بیک مشکلات ایله کچینیرلرمش؛ فقط، معلوم یا، هپ بیلیرز،  
او زمانلرده اک فقیری ینه بر نوع رفاه ایچنده، ائیه اکمکیله،  
رجلیله، شکریله یاشاردی. آم، او اوراق اولرک حیاتی  
نه قادر سه وردم ... حتی قوناغک مبدولیت و دبده سندن بیقدیغ  
اولوردی ده آراسیرا بویله، استانبولک فقیر محله لرنده اوطوران  
اسکی احبابلریمزک اولرینه، کیجه یاتیسنه مسافر لیکه کیده ردیم.  
بویوک بر قوناقدن کلش اولق اعتباریله فضلله اکرام ایدرلر،  
خی ممنون ایتک ایچون بیک پارچه کسبیلرلردی.

نه قادر وقتسز و خبرسز کیتمش اولسه م ینه، اوکمه،  
درحال طاتلیسی و طوزلیسیله درت، بش درلو یمک، یاخود،  
قهوه آتی چیقاردی. یک آبی بیلیردم که او اومه آیده  
نهایت اوج یوز، درت یوز غروش کیرردی؛ بویارا ایله ناصل  
یاشایا بیلیرلر، چشید چشید یمکلری و طاقم طاقم البسه لویله  
رفاهه یاقین ناصل بر عمر سوره بیلیرلردی... ایشته بو احوال او  
زمانک فضیلتلرندن بریدی... بو اوجوزلق استانبولک اخلاقی  
اوزرنده بر نوع ملک الصیانه لک ایدردی. ذاتا فقیر سمترلر  
قادینلرخی ایکی عامل باشند چیقاردی: بهاللق و مکتب ...

لمعان بوايکيسنک دوغورماسيدى. فنا بر تدريس ايله مرادار  
مطالعہ لک تحت تأثيرنده ايجہ خير پالانقدن صوکر ا مکتبدن  
چيقدى، نه يايہ جقدى ؟ معلّم لک ... عکسى کي معلّم لکي اُک  
برباد بر زمانہ تصادف ايتشدی، محاربه مملکتک اُلر طوتار  
برخی بيراقماشدى که ... وقتيله درت يوز غروشلہ پک اعلى  
کچينه بيلن بوعائنه شيمدى قيزک قازاندينى پاراده علاوه ايدلديکي  
حالده آجلقدن پريشاندى ... فقرا سمته بهاليلقه برابر برده  
کييم قوشام مراق کيرمش، دها دوغروسي، بومراق بسبتون  
آرتمشدى. او زمانه قادار يالکيز خياللرنده مناسبسز لکلره  
دوشن لمعان شيمدى، ياواش ياواش حيات حقيقه سنده ده سقوطه  
باشلايوردى. بر دفعه، اَنه کچن معاشي اولدينى کي کوتوروب  
قاشه، آياق قابيه ويريوردى. آنه سنک اوکونه قادار بيک  
اهتمام ومشکلاته طوپلايوب حاضر لادينى جهاز طاقلرينى آرتق  
بويله البسه وچاشيرلر کيله ميه جکندن دم وورورق صاندير ييور،  
صاندير ييور، اونلرک يرينه ياتغين، چوروک قاشلردن چارشافلر،  
تايورلر پاندير ييوردي. آياغنده ده قولته اسقار پينلر، آرقه سنده  
جيجيلي ييجيلي بر چارشاف، قولتوغنده جزدانى کنديسنى  
او دار اودن برديشارى آنديمى، سعادت! ... قيريله دوکوله مکتبک  
يولنى طوتويور، اوراده بر آز وقت کچيردکن صوکر ا ياننه  
کندى جنسندن بر قيز دها قاهر ق سواقلره دوشويوردى ؟  
سورت اللهم سورت : نه استانبول قاليوردى، نه بک اوغلى ..  
کولوشه شاقالاشه، کلن کچن ارککلرله اکلنه سوزلشه تا کچ  
وقتله قادار ديشاريدى، اوزاق سمترلده دولاشييورلر، اوه

اوغرا یوب نه وارسه، بر جور با ویا بر سبز، اونی آتیشد یروب  
ینه، علی العجله کیجه مسافر لکترینه کیدیورلردی. حق، بعضاً  
بر برلرینک اوندۀ قالیورلر، کوزلرینه اویقو کیرمه دن بیسک  
مناسبتسز شیلردن قونوشه قونوشه صباحی ایدیورلردی. بوطاقت  
توکه تیجی حیات، بوغدا سزلق وجودنی بیتیریوردی؛ بویننده  
اورلر پیدا اولمش، کوکسی سقط الانغه باشلامشدی. اویله  
کونلر اولویوردی که آغزینۀ ایکی زیتون دانۀ سی کیرمیوردی..  
آناقیز مہادی بر غوغا ایچندۀ ایدیلر. صانیله صانیله اوارتق اییدن  
ای یه خفیفله مشدی، مثلاً بردفہ سندن لمعان لاوانطہ آلمق ایچون  
قاسکی زمانلردن ناصلسه قالمش اولان قیمتلی برکاسہ نی بوق بهاسنہ  
اوقوتیور مشدی... بر دفعہ ده آفاق قابی ایچون اولک مانعائی  
صاندر مشدی. آنہ سی بر آرز فضلہ سوبله ندیمی همان اوزرینہ  
بایلہ لر کلیور، نفسی کسلیور، هایقیرا هایقیرا بوتون محله نی  
باشنہ طویلایوردی... اواسکی ساکن، اوصلو حیاتدن شیمدی  
خاطرہ بیلہ قالماش، اوفقیرانہ رفاهک طادی بیلہ اونودولمشدی.  
آکلاشیلیوردی که لمعان بسبتون اورقایہ دوشمک ایچون  
اوغراشیور، فقط واسطه سزلق و عجمیلک یوزندن الان  
محفوظ قالیوردی.

نهایت اوفرصت ده چیقدی؛ کونک برندۀ پارا کونشی  
لمعانک باشنہ ده دوغدی؛ همده نه غریب بر صورتده:

اقر بالرندن بر سرسری واردی، حربیہ دن طردایندلمش،  
نفره چیقاریلش، صوکر آرقداشلرندن برینک کوکسنہ خنچرینی  
صوقوب حبسه آتیلیمشدی، اشرادن بر مخلوق... محاربه نلک



اعلاننده هنوز زندانده ایدی ، بر آراق تشکیلات مخصوصه  
آلاینه قانیلوب قافقاسیه ، اورادنده عجمستانه کیتیدی دیو-  
لدی ، صوگرا خبر کسیددی ، طانیانلر تولدیکنه حکم ایتدیلر ،  
نمون اولدیلر . آدی صانی اونوتولدینی صیراده یدی برکون  
طاق طاق قانی ، لمعانک اوینه باشنده عجم کلاهی ، صیرتنده بوزمه لی  
یشیل برکوملک ، صاهی صاقالی قینالی برحریف کادی .

— کیمی ایستورسکیز؟ دییه صوردیلر؛ طانیامامشلردی .

عجم فصیح برتورکجه وطانیدق برسسه :

— آچیک جانم ، بن کلدیم ، عزیز ...

دیدی ، حیرت ایچنده قالدیلر؛ لمعان یوقاریده آیدینلقانی وورسون  
دییه طوللو ایکنه ایله دیواره ایلشیدیردیکی طوپارلاق مزادمالی  
آینه سنک قارشیشنده یوزنی بویامقله مشغولدی ، یرندن قالدی ،  
مردیوندن اکیلوب باقدی . اوت ، قوجه برعجم ، آننه سی  
اوکنده اوست قاته چیقیورلردی . عزیز آغابک دییه چوجو-  
قلغنده برآزیحق طانیبا ییلدیکی ضابط البسه لی کنجک بوشکله  
کیره جکینی عقلنه کتیریرمیدی ؟ ... مراق ایتدی ؛ اوطوردقلری  
اودانک قابیسنه قولاغنی ووروب ایجری بی دیکله دی ... کیتدیکجه  
حیرتی آرتیسوردی ، عجبا دیدکلری دوغرومیدی ؟ بیک برکیجه  
ماصالی کی برسرگذشت ... عزیز ایراددن ، عقاردن ، پارادن  
بولدن بحث ایدیوردی :

— صیقینتیکیز واردر، بیایورم ، دییوردی ، آرتق قورقا-

بیک ، بن سزه یاردیم ایدرم ، باشقه اقرالرم یوق که ...

شیمدی هر شیشیم سزسکیز !

صوڪرا ڪورونٽولو ڪورونٽولو ڪولوپور :

— هم بنده ڪيلر هپ آلتون پارادر ، ڪاغذ قولالانام !  
 ديهه اوڪونوپوردي . لمعان قيب قبرمزي ڪسيلمشدي .  
 ايلله برآراق ڪندي آدينڪده ڪچديڪني ايشيدنجه بسبتون خايجانه  
 دوشدي ؛ ڪوزيني آناختار ده ليڪنه داغا اي ياقلاشديردى .  
 عزيز نا غارشيسندهيدي ؛ ايرى يارى ، ڪوچلى قوتلى برآدام ،  
 البسه سنى وقياقتى دڪشديرسه هيچده چيرڪين ڪورونميه جك ،  
 فقط بو حاليله ، معاذاه ، اوڪنه ميلونلر دوڪسه باقلاشلماناز...  
 برساعت قادار ايجريده حسب حاللر ايدلدى ، يانه چيقمغه جسارت  
 ايدميوردي ، بلڪه آنه سنى راضى اولميه جقدي ، حالا ، اورالرده  
 قاچ ڪوچ عادتي باقيدى . لڪن ڪنديسي هيچده حس ايتدير .  
 مه مكي موافق بولمادى ، ڪوڪلى بوكا راضى اولاميوردي ؛  
 قاي بي آرالادى ، باقديغنى بللى ايتدى . داها صوڪرا آنه سنى  
 چاغيردي ، يوكسكجه وطائليجه بر سسله صفده قونوشدي .  
 ايجندن ديپوردي كه :

— شيمدى او بنى تحصيلسز عرفانسز ، قابا صابا بر محله  
 قيزى فرض ايدر . فاصل ابته مده قياقتى ڪوسترسهم . احتياطاً  
 ڪيندى ، قوشاندى ، جزداتنى قولتوغنه آلدى ، حاضر دوردي .  
 مسافر ڪيتمك اوزرهم نام طاشلغه اينرڪن اوده موطباق قايسندن  
 خبرى يوقش ڪي چيقدى ، آ ! ، ديدى ، ڪرى دوندى .  
 عزيز آنه سنه اون دانه صاب صارى ، چيل چيل آلتون  
 براقشدي . ياقينده ينه ڪله جڪدى . حقيقه ايڪي ڪون صوڪرا ،  
 لاستيك تڪرلڪلى برآرابه قورولمش ، عجم البسه سيله تڪرار

کلدی . لمعان آرتق چه کینمه دن ، عزیز آغا بکیسنک یاننه بر  
باش اورتوسيله چیقدی ... آناسی آشاغیده ، موطباقده اون  
لیرانک اوه سوقدینی موقت بر بولاقله یملکر یاپارکن باش باشه  
قالدیله ، قونوشدیله . مسئله اکلایلمشدی ، عزیز ایران  
حدودی داخلنده کی عشرتله آراسنده پروباغاندايه مأموردی ؛  
حسابمه ، کتابمه پارا آلپور ، انکلیم مفرزه وقاراقولارندن  
قاجیرمق ایچون عجم قیافنه کچوب تا ایچریله سوقولوبوردی .  
بوپارایی کویا عشرتله داغیتوبوردی ؛ شیمدی ، ینه پارا آلمغه  
کلشدی ؛ ضربخانه ده اونک ایچون بالخاصه آلتون باصیلیوبوردی .  
لمعان صباحدن بری قاییده بکلنه آرایه نکل قومشولری حسده  
دوشوره جکفی خاطرلادجه قابنه صیغامیوبوردی . عزیز بیکدن  
صوکره بردن :

— بکا برآز مساعده ، شوراده یاریم ساعتک ایشم وار ،

ینه کله جکم !

دیوب کیتدی . آقشامه دوندی ، فقط بریغین پا کتله  
برابر ... آنا قیز ایکسفی ده سونجولندن جیلدیرته جق قادار  
آغیر ، بهالی هدیه لر کتیرمشدی . قاشلر ، آیاق قابله وشکرلمه لر ...  
بلکه ایی یوز لیرالق مال ! آرتق عزیزک زنکیئلکنده شبهه  
بوقدی :

— بن جانمی دیشیمه طاقدیده اویله بوپارایی قازاندم ،

دیوبوردی ، کلدیکم کون انور پاشا « هندک یولنی بزه سن  
آچیورسک ، یاشا قرده شم ! » دیبه آلمدن اوبدی ... قاچ  
دفعه بولولمردن قورتولدیم ، نه لر چکدم بیلورمیسکیز ؟ نام

درد آبی وجودم یاتاق کورمه‌دی ، قورصاغمه صیجاق بیك  
کیرمه‌دی... بز اوپله چالیشدق. شیمدی بکا یارین کیده جکسک  
دیسه‌لر بردقیفه دورمام ، قوشارم ، ایکی کون داها دوروب‌ده  
دیکله‌نسم بیله دیمم ...

کلن هدیه‌لر آراسنده برپاکت واردی که عزیز اونی صفه‌ده  
آلیقویمشدی ؛ آقشام باصنجه :

— قوزوم تیزه ، شونلری بر تپسی به قوی‌ده کتیربویر ،  
برقدح چاقاسم او یویامیورم !

دیدی ، مکمل مزملر ، خاویارندن صیغیر دینه قادار هپسی  
وار ... ایرتسی کون آرابه قانی‌یه کلدی ، عزیز دیدی که :  
— هایدی ایکی‌کزدده کینیکز ، برکزمه یاپالم !

خانونجغز آرتق اعتراض قوتنی کندیسنده بولامیوردی ،  
ذاتاً لمعان‌ده برته‌وییه آناسی صیقیشدیریور ، یوله صوقوبو-  
ردی . برابرجه کیمدیلر ؛ یوله‌بلکه یکریمی مغازه‌یه اوغراندی  
واشیا صاتین آلیندی ... پارا عزیزك آلدی ، صوکی آقییور ،  
کوجو جك اولک ایچی ثروته غرق اولویوردی . سیرانلر صیقلا-  
شدی ، هم والده خانم اکثریا اوده قالییوردی . عزیز قیافتی  
ده کیشدیرمشدی :

— آرقه‌مده خفیله‌لر دولاشیور ؟ بنی راحتسز ایدیور ،  
ایسته‌دیگم وقت ینه اسکینندن عجم اولورم ، او بنم آلدی ...  
دییوردی . لمعانه ایجه طوتولمشدی ، بر آقشام هرایکیمی‌ده  
فضله ایچدیلر ؛ ایرتسی کون عزیز تیزه‌سندن :

— برنسکاح قیدسه‌ق داها آبی اوله‌جق ، دکلی ؟

دیه موردی، نکاح ده قبیله دی؛ یاز موسمی ده کلیوردی،  
او بول پارا ایله چهارشنبه محله سنده اوطور و لمازدی با ... آدایه  
طاشینمنی قوردیلر، اشیالی برأ و آرادیلر ... اُک ایدسی بولوندی،  
سکیز یوز شوقادار لیرایه ... بر آشعی، اوچ خدمتچی، در حال  
یرله شیلدی !

ایشته قولاغنده کی کوپه لری کوزلر قاماشدیران لمعان خان  
او معلمه و جییـلرندن التون دوکولن عزیز بک ده اوزندان  
قاچینیدی . نه سرگذشتلر ، نه آداملر ، نه عالم ، یاربی ! ...

... اوت ، ایشته شایانک دعوتیلرندن واونلرک بنده  
خاطر لاتدقلری خانلردن بر قاجی ... داها نه بیلدکلرم ، نه منا-  
سبتسزلری و نه اخلاقسزلری وار ؛ یازدقیجه آرقه سی کله جک،  
بو باب اوزانه حق، توکنمک بیلیمه جک ... ایدسی کیسه جکم !  
حیاتلری هپ بویه ماجرالره، انتظامسزلقلر و حیثیتسزلیکلره  
دولوسیارل شیمدی استانبولده اوقادار چوق که سیئات و رذالت  
فصلی آراسنده بر آزده خیرات و فضیله یر بولمق بیه قابل  
اولیه جق ... ذاتانه صنف قالدی ، نه درجه ... نه یوکسک محیط  
بللی ، نه آشاغی خلق ... خل و خمور اولدق ؛ هپ کیرلندک،  
هپ لیکلندک . انسان روخنه سکون و استراحت و یره جک  
ایکی حکایه ایشیده میور؛ فضیلتنه ایمان ایده جی بر احباب بولامیور؛  
بر مزیتلی یه تصادف ایده میور ... متدایاً آلچالییوروز، عادبله شییوروز،  
اخلاقسزلاشییوروز . اسکیدن علی العاده آداملردق ، نه چوق  
ضرر لیدک ، نه ده چوق فائده لی ، فقط بوکون هر کس مضر ...



قارما قاریشیق ، آلت اوست اولدق ، نه قادار یازیق ! ...

... دو کونک ایرته سی کون اوکله یئمکنده طوبلاشدق ؛ کافی ده  
بتم شرفه اوده قالدی ، کوچوک خانمک میس نو وارطی ایله  
شایانک مادام آلدیادوسی ده برابر دی . ذاتا دایما اوده بویله  
لاابالی و فضولی مسافر لر بولونویوردی . برکت اونلر علی العجله  
سوفرادن قالدیلر ، واپوره ، بر واپورینه قوشیدیلر ... کافی  
دیوردی که :

— فنا صیقیلورم ، احباب یوق ، ایش یوق ، اکلنجه  
یوق ... قیش ده کلور ، هر طرف چیرچبلاق ، صیر صبقلام ،  
چامور ایچنده قاله حق ... خلق آچ بی علاج ، دیلنچیدن یولده  
یورونه میه جک ؛ انسان ، جینده پارامی ده اولسه بو  
ملککته شویله جان و کوکلدن بره اوخ ؛ دییه مزکه ... نیتیم  
کیدوب قیشی ویانه ده ، برلینده کچیرمک ؛ ذاتا کچن سیاحتده  
سفرله لاابالیله شمشدک ، آبی اویوشویورز ، کارلی ایشلرده  
کیره بیلدم ، نه دیرسیکیز ؟

بن صوصویورم ، استانبولک قیشندن ، چامورندن شکایت  
ایدن شوزنکینه اسکی کوزله ، فکری پاشانک سلامغنده یا ثوب  
قالقدینی و کیجه یاریلرینه قادار سراجخانه باشینک مردار  
سوقاقلرنده دولاشدینی زمانکی کوزمله باقییوردم . شیمدی برلینه  
کیدوب ده سفیرلره ، مستشارلره باش باشه ، تروتلی واحتشاملی  
یرلرده یاشایه حق اولان اوآدامیدی ؟ چوقور چشمه قهوه لرینک  
کدکلی مشتریسی کانیمی کیدوب آدلون اوتلنک باش دائره سینه

یرلشه جك و ذوقی ایچون بیهکله رجه لیرا صرف ایده جکدی ؟ ...  
شایان قوجاسنی تصدیق ای دیوردی :

— دوغرو قوجه جیم ، دیوردی ، سن کیت ده صوکر  
بزی ده آلدیر ، راحت ایدرسهك آرتق بسبتون یرله شیرز ،  
استانبولک یاشانیر یری قالمادی که ... برآزده آدام ایچنده عمر  
سوره لم ، یاشادیغمزك لذتی دو یالم ... او یله دکللی عصمت ؟  
بن ینه صوصو یوردم ؛ یاشادیغمك لذتی دو یامادیغندن ،  
استانبولی به که نه مدیکندن بحت ایدن شو طالعلی آخرتله که  
اسکی کوزله ، فکری یاشانك حرمنده افطار تپسیسی حاضر -  
لارکنکی کوزمله باقیوردم . شیمدی آوروپایه کیدوب ده آدام  
ایچنده یاشامغه جان آتان قادین اوسایس یانینك حمامه صوقوب ده  
کوبك بیقار کی زورله بیقادینی صاچاقلی وحشی یاورو -  
سیمیدی ؛ شایانمی برلینه یرلشه جك و اوراده عمرینی کچیره جك ؟ ...  
قیزلری بو ییخندن نشئه لشمیدی :

— کیده لم بابا ، دییه شیاریوردی ، بکا ، سورتی دو بال ، لر  
یایدیر سیگنز ، اوراده لوجه من اولور ، هر کیجه کیده رز ؛ بن  
بر طرفندن ده موسیقی مکینه دوام ایده رم ... برلین دورورکن  
استانبولده یاشانیرمی هیچ ؟ ویانه یه ، پشته یه ، بکروه شه بیله  
راخی یم ...

بن الان صوصو یوردم ؛ های محله قیزی های ! سنمی  
آرقه که آغیر مانتولر طاقوب نیاتر و لرده دولاشه جق و استادلر  
آلندن موسیقی او کره نه جکدک ؟ تحتیه صوقولو ألما شکری  
یالایه یالایه بارامی فاتح میداننده کچیره ن بو صویسز قیزی

مملکتندن اوزاقلاشمق آرزوسيله چيرينيدوردی ؟ .. آرتق  
دایامانا مادم ، فقط بوسبوتون جدی اولمغه ده جسارت ایدم .  
مدیکمدن یاری آلاي :

— جانم ، دیدم ، نه در بواسه تانبولدن شکایتکنز ؟ سزه  
ضرری نه ؟ بالعکس اونک ایچنده دوغدیغکنز ، یاشادیکنز واقباله  
قاووشدیکنز ، نانکورلاک ایتمه سه کزیا !  
کانی قیزدی ؟ دیدی که :

— بن بو غیرتمله ، بو عقلمله ، بو طالعمله نرهمه اولسم پارا  
قازانیردم ؟ هیچ اولماسه آدام آلندن قازانیر ، آدام ایچنده  
ییردم ... بو حکومته امنیت جائز می ؟ یارین مال می ، ملک می  
مصادره ایدر ، بنده طوتوب دار آغاچه کوتورور ...  
سبب نه ؟ زیرا زنکیم ... کچ جانم ، بزده اقیله حیاتی سورویورزا !  
آنا قیز اونی تصدیق ایدیورلردی . بودرت کونلاک  
زنکینلرده نه درین بر مملکت عداوتی واردی . خارجه ده رفاه  
ایله یاشایه بیلیمک امکانی حاصل اولویورنجه ، در حال ، اونلره  
بر وطن دشمنلی کلیور ، مملکتی هر وسیله ایله تحقیر دیلیرینک  
به له سه نکی اولویوردی . هانی متالکسنز دامادلر ویا مخدوملر  
وارد رده قاشن پدرلر یله بابالرینک یاننده بر صیغنتی کی یاشارلر ، ذلیل ،  
حیشیتسنز سوروتورلر ، صوکر ا جیلربنه کچه بیله جک قادار پاره  
کیردی می همان طور و مسامله بی ده کیشدیره رک بوینه آوی بیراقوب  
آیر یلقدن دم وورورلر ... ایشه بویکی قارونلرده ده عینی حالی  
کورویوردم وکندمده ده بعضی بعضی ، ایستر ایسته منز بوکا یاقین  
حسلردویمامه رغما ینه آلتدن آله قیزمقدن نفسی منع ایده میوردم .

آراق آراق کانی اوطه یی تنها بولدجه یانه صوقولویور ،  
کوزلرنده شمشکاکر چاقه رق :

— وای بزم بیلیم...

دیه سوبله نیبور، کیتمه دن ایله شیشلیده بر آقشام بولوشامیزی  
ایستیوردی؛ اوقادار مسلط اولویوردی که بوینه، هر دفعه سنده  
تأمینات ویرمه که مجبور قالیوردم. بوصول زمانلرده اوکا بستون  
برا کلنجه، ذوق، صفا مراقی عارض اولمشدی. آرتق استانبولک  
کلنجه لری کافی گلیوردی. بورانک محدود عالم لریله چه لیمیز  
ومریض قادینلری کوکلنی آوونامیوردی. ذاتاً بونک ایچون  
آوروپا سیاحتنه چیه جقدی. صانکه، بک یاقینده، دنیادن  
آنی آنکسی چکه جکمش کبی آز زمانده چوق، بک چوق،  
ذوق دویمق آرزوسی ایچنده صاغه، صوله، هر طرفه باشی  
ووروپور،، یاشامالی، یاشامغه باقمالی؛، نقراتی آغزندن  
ییراقیوردی.. قودورمش، چیلدیرمش دینه جک باقیشلری  
واردی. ایچمده کانی ایچون بر قورقو دیویوردم؛

## اسکی ویکی استانبول

ایشته استانبولی دولدوران شخصلره سرگذشتلردن بر  
چوق نمونه ... بن کوردیکمی و بیلدیکمی اولدینی کبی ، هیچ  
ده کیشدیرمه دن ، سوسله مه دن ، خیالمن برشی علاوه ایتیه رک  
یازدم . او قدار مختلف سیالر و ماجرالر طوبلادم که شمدی بنم  
بوتصویرلری اوقویانلر یولده راست کلدکاری بر چهره ویا  
قولاقدن قولاغه ایشیتدکاری بروقه قارشوسنده ، ظن ایدرم که ،  
بر آشنالی دویه جقلردر . فی الواقع داها بیلدیکم و خبر آلدیم  
نه سرگذشتلر ، نه وقعلر وار ؛ استانبولک چیزه مه دیکم داها  
نه قدار صحنه لری ، کندینه خاص نه باشقه شکلری موجود ...  
فقط اویله ، بربری آردینه صولوقسنر واستراحتنر یازمقله اثریمه  
فضله بر قاریشیقلی ویرمکدن ، کنایی دار بر باوول کبی طیفه  
باصه دولدورمش بولونمقدن چه کیندم . هم بعضی مشهور  
سرگذشتلر واردر که اوزلرندن براز زمان کچمه دکدن صوکر  
یازیلیرسه لذتنر اولور . بو خاطره لری اوقویان قارنلر ، مثلا  
دیمه بیلیرلرکه :

— کافی نه اولدی ؟ سن نه اولاجقسک ؟ نتیجه نه در ؟  
مع الاسف بونلرک جوانی شیمدی ویرمه جکم ، دیدیکم



جاء آرادن وقت کچیرمک لازم کلیبور . هم حقیقتنه او قادار  
صادق قالمق هنرمندیم که کتسابمه دوس دوشورو بر نتیجه  
ویره بیلیمک ایچون دها بر مدت بکله مک اقتضا ایدیور . بن  
تاریخ نویسم ، وقعه لری قید ایدیورم ، غیله مدن امداد  
بکلیه مم ..

برکون ، صیراسنی دوشورورسم ، ینه استانبولدن  
اونی دولدوران شخصیتلردن ، بلکهده بورومانده کی اشخاصک  
نتیجه لهنه مش کورونن ماجرالردن تکرار بحث ایده بیلیرم .  
ذاتاً دوشورو دوشونولورسه ، نتیجه ده نیلن شی حیانده  
موجود دکلدرکه ... مثلاً ، کافی ایچون : « بنمله کور وشدیکسک  
ایرتسی کونی سکنه قلبدن وفات ایدیوردی . » دیسه م  
نام مناسبه بو بر نتیجه میدر ؟ یاخود شایاندن بحث ایدرکن :  
« ده لیجه سنه حرکتلری آرتدی ، آرتدی ، نهایت جیلدیردی ،  
شیمدی آلمان خسته خانه سنده ، یاخود آلمانیه تداوی  
ایدلکده در . » دییه یازسه م بونی بر « نتیجه ، می صابه جغز ؟  
انسانلرک حیاتی بعضاً « نتیجه ، ظن ایدلیدی برده تکرار  
باشلار وباشلایه حق کورونن برده بردن کسلیر ... بز عمرلری  
آقوب کیدرکن سیر ایتملی یز ، اصل او زمان شایان دقتدرلر ،  
منصب بلرینه قاووشدقلری برده اهمیتلری غائب ایدرلر . بن  
بوراده وقعه مک اشخاصنی حیاتده اولدقلری کی قونوشدوردم  
وکندی ده ، اونلری ده زورلامدن ایلری ، کری یوروندم ...  
بونی یاه بیلدیکدن دولایی چوق ممنوم !

استانبول دها زیاده آسی دورده شخصیتلی واهمیتلی ایدی .

شیمدی رنکسز وسفیل ... دار ، فقط سوسلی ، آلافرانغه  
 بر آیارتمان اوداسنده اوطوروب دیشارینک تراموای واووموبیل  
 سسلرینی ایشیده رک شو ساطرلری ألیکتریک ضیالری آلتنده  
 یازارکن پارامه واستقلالنه رغماً هیچ بر ذوق دویمادم. موسم  
 قیش .. فقط نه چاشنیمز بر قیش ! کنجلیکی ، کنجلیکمک  
 قیشلرینی ، قیش کیجهلرینی خاطرلییورم ... ایصلاق قاپلامالی  
 چوروك ، خراب اولرده ، دالغالی وبنکلی شیشهلری کوشه  
 باشنده کی بقالدن آلینان سکیز نومرو مور پترول لامبه سنک  
 ایشیغه طوبلاشه رق نه خوش زمانلر کچیردک . آم او زمانکی  
 استانبولک صایحی سسلری ... دورغون وقارا کلک سوقاقلرده  
 دولاشان کیجه سیمیتجیلری ، بوزاجیلر، کتن حلوا جیلر ...  
 تحسره اونلری آکیورم وارییورم ؛ یوره کم صیزلییور ، ماتم  
 ایچنده کبییم ؛ چوق یاشلامشمد کنجلیکمی خاطرلییور کی  
 لذتله ایچین ایچین دالیورم ... شمدی دفتریمی قاپادم ؛ تاجارداقلی  
 طورشیجیدن باشلایه رق سراجخانه باشنده کی قوناغی ، فکری  
 باشانک ساعتلی اوداسنی ، خدمتجیلر پیدشنده قوشان داماد بیی ،  
 بزم او سرسری روحلی کوچوک خانم افندی بیی ، هرکسی ،  
 هربری تکرار کوزیمک اوکندن کچیرییورم ؛ بکایی طانیدیغم  
 وکوردیکم او دورک شایان دقت بوتون سیالرینی برر دفعه دها  
 خاطرلییورم ونه قادر ذوق دیویورم ... حالبوکه صوک  
 سنه لرک یاد خاطراتی بنده بویه کوزل وحضورلی بر تاثیر  
 یابامیور ؛ یوره کم صیقیلییور، سیکیرلم که ریلیور، وجدانم عذابه  
 بکیزر بر صیزله دولویور؛ عادتا نوزولویورم. هیچ شبهه یوق که

کافی بیلدیکم او ، الما کافی ، اوله رق قالمالیدی ، شایان آخر تلکدن  
چیقماه لیدی ، حتی بن بیلله قولتو غمده عود قوناق قوناق  
دولاشمقده دوام ایتمه لیدم... دنیاتک انتظامی ، مملکتک خیری ،  
استانبولک کوزللیکی نامنه بو ، بوبله اولمالیدی !

... بزم همزه اسکی دور ییچلمش بر قفتان ایمش !  
بوکیجه هیچ اویویامادم ، صباحک آلاجه قارانلی جاملری  
آغار تیرکن دها بن آیاقدیم ، کوکلم ، نه دنسه ، هجرانله ، یأسله  
دولو ... لامبانی سوندوردم : اطرافده کوردیکم اشیا ناصل  
هنوز بللی ، بلیرسز دورویورسه ، پردلر ، ماصلر ، قولتو قلر  
آنحجق فرق ایدیله بیللیورسه بن ده اویلهیم ؛ کندم ایچون یاری  
موجود ، یاری حیاتدهیم ... یالکیز ده رین ، کسکین برشی ، بر  
آغیرلق وقوت وارکه کوکسمدن باصیبور. آلتنده آزیلش کبی ،  
ئولش کبییم .. کندی می دویمایورم ، فقط حزنمک ، هجرانمک  
آجیسنی دویویورم .

عجبا بر سیکیر خسته لغتک باشلانغی می ؟  
تجربہ بی آجدم ، بالقونه چیقدم : ئورتولو بر قیش صباحی ،  
کوکده ده کیشکسز صدق بر آیدینلق ؛ نه پنبه بر چیزکی ، نه ماوی  
بر یرتیق ، نه منارلر ، نه مدرسه داملری ، نه ده قلعه  
دیوارلری ویا صوبندلری .. شیشلینک چیرچپلاق ، یاری  
اکمال ایدلمش ، آرالی عرصه لرله فاصله یه اوغرایان ذوقسر  
بر محله سی ... شیمدی قولانغه بو آلاجه قارانلغک ایچندن بر  
تمجید ویا اذان سسی کلسه و کوزیمه شویله ، اوزاقدن اسکی  
استانبولک بر پارچه سی کورونسه نه قادار ممنون اولاجم !

غربتده ، يابانچى ديارلرده قالمش كېيىم ؛ يريمه ، اويمه ،  
منبعمه دونمك آرزوسنك بر آجلق كېي اچمى بايلىتىدىغى  
دويويورم . عىنى استانبولك ايجنده استانبولى آرييه رق و آرتق  
بولاميه جغى پك ابي آكلایه رق هينچقيره هينچقيره آغلامق  
ايتيورم .

بن استانبولك ، اسكى استانبولك ، اوشخصيتلى وكوزل  
استانبولك ايج يوزىغى آفانجه سنه طانييان بر اولاديدم ؛ اونى  
بن نه ابي آكلایم ... صانكه اوده بكا آريجه ، هر كسه  
ياپديغندن فضله يوره كفى آجاردى .

ايشته بن بويك ابي طانيديغم و پك چوق سه وديكم وجودى  
غائب ايتدم . اوكا يانيورم ، اونك حسرتى چكييورم !

روبرت فوليج ، ۱۰ ايلول - ۱۰ كانون اول ۱۳۳۴

صوڭ






# کبریا کی دیکھو

حقوق ناشرینہ عائد

احمد احسان شیرانی

مطبعہ یاقوت عثمانی شریف



## آرابه جينك دردی

دیوان یولی ینسه اوکون چاموردن کچیلیر کبی دکلدی ؛  
آرقداشمه، کنارده مشتری بکلهین آرابهینی اشارتله ، « ینهم »  
دیدم وموافقشدن آمین، اوطرفه یورویویوردم؛ حالبوکه اوقبول  
ایتمدی. « آرابه ینهم ، دائما یوروروم » دییه سویلندی . بن  
بونى برزاکت عدايدرك اصرارده بولندم ؛ اوزمان قوللرمدن  
چکدی، حدتندن قیزاردی، و، پک وخیم برسرافشا ایدرکبی ،  
« یمینلی یم ، عهدلی یم ! » دییه هایقیردی .

— نه دن جانم ؟ سببی نه ؟

— هله یورویهمده آکلاتیرم !... آکلاتدی :

— خیلی زمان اولویور؛ اوزاق بریرمن مطبعه یه دونویوردق؛

مجهول برایشه یارامق ایچون درت تکرلک طاقیلمش برعسکر  
 قولوبه سنه بکزه یین بویاسی دوکوک قوپه مزک جامنه ، یازی  
 یولده ، آرقداشم برایکی ضربه ایندیردکن صوکره بکادیکی که :  
 « شوراده برأوه اوغرایه جغم ، بنی براز بکله ! » و آرابه جی یه  
 سسلندی : « شمدی کلیرم ، ایکی دقیقه ! » حالبوکه بن  
 طانیادیغم سوقاقلرده آرابه ایچینده آدم بکله مکی ، برده - چوق  
 غریبدر - تخته قوروسنی هیچ سوم . چوق صیقیلدم ،  
 برسیغاره یاقدم . آرابه جی اسکله سندن دوغروله رق صوردی :  
 — دها بکلیه جگمی یز ؟

— بیلیم که ، دیدم ، شمدی کلیرم دیدی ایدی ....  
 بوجواب اوکا کافی گلدی ، براز اسکی وضعیتنده قالدقن  
 صوکره شدتلی بر سسله سویلندی :  
 — ایکی دقیقه ، ایکی دقیقه ..... بز بویله ایکی دقیقه  
 دیوبده یاریم ساعت کله ینلری و صوکره آوو جهزه ینه برچاریک  
 طوقه ایدنلری چوق کوردک .

— البته بر بخشش ویرر ! دییه ککه لدم ...  
 — بخشش ، بخشش ! ( دوامله ) آرقه که بر چووال  
 پالطو کچیر ، الکه برقامیش آل ، بیقلریکک اوجارینی یول ،  
 اورتاسنی شیشیر .... اولدک ایشته برژون .... تحصیلدار کی  
 سکزی ره اوغرایه جق ، کیتدیگک یرده دهوه کی چوکوب

اوپۇر اچقسهك، آرا به سنك نه كه؟ (شېطنتله) بېزكن او غرايه جىكى  
نه به سويلدكدى؟ بك حيله سى بو، طانيرز. (ندامتله) بېلسه يدم  
بىندىر مېدم؟...

— (حدتلتنه رك) بىندىر مەك نه دىمك؟ پارە سنى وىردككن  
صوكره بى اىستىدىكم يره كوتورمكه مجبورسك! نظام وار،  
تەرفە وار!

— (بوصوك كەلرى دويونجه صجر ايووب فوق بالىغى كې دىشلىرىنى  
دوداقلرندن طاشىراق و ھايقىرەرق) نظام، تەرفە! بودەيكى  
چىقدى... جونبايه ساقسى قويمة، ياساق! سوقاغە چىركف  
آتمە، ياساق! پنجرەيه چاشىر آصمە، ياساق! بازارلق ياساق!  
ئەي نە اولەجق؟ دونمى فېز قەلسنەمى آصىم؟ كىرلى صويى  
دستى يەمى بوشالتىم؟ مشترى بر متالك وىررسە «الله عمرلر  
وېرسىن» مى دىيەيم: بر فدان كل ايچون قوجە بر بوستانمى  
طوتەيم؟ (كندى كىندىسنە تىكرارلىهرق) نظام، تەرفە....  
(بردن، حتى تىكرلكە باصمغە وقت بولامىهرق و چامورلرە، دكرە  
كىرر كې، آتلىهرق قاپو جامنك آرقە سىندن) بوكا كلنجه يە قدر  
دەھانەلر وار؟ اونلرى ياپك! يوللر، ترامواى دىمىرندن  
ھوادەكى تلغراف تللىرى يىغىننە، قانور چالغىسنە بىكزەدى. اوت  
اكمك بەاسنە چىقدى، آرپە بقلوەدن بەالى، چشمەلر ك صولرى  
خستەلق وار دىيە طىقالى.... حيوانلر ك نعللرى اوچ كوندە



سېلىك مجىديه لر كزه دونويور ! صوكره نظام ، تعرفه ! لاف  
اولسون ده ... (باغره رق) هانى بزه براورنك البسه كيديره جكد  
يكز ، آرابه لرى يكي ياپديره جقديكز ، اوده لاف ! قياقتمز  
قورقولقدن بدتر ! اسكمله دن آتلا ركن المله او كيمى مى آرقه مى مى  
اورته يم شاشيريورم ، ياغمور آلتنده تنته كې ايصالانيورم ...  
ناه ايشته بىنديكك آرابه نك سوپروتنى تنكه سندن فرقى نه ؟  
دورت تىكرلىكى دكلى ؟ ياره لى ، علتلى طاشيه طاشيه قماشى صيچان  
دريسنه ، ياره صارغيسنه دونمش ؟ نصام ، تعرفه ! (غضبندن  
شدته خارجدن چرچوه ينى زانغر زانغر صارصه رق ، آوازي  
چيقدينى قدر فرياد ايدر) هپسى لاف ، هپسى ! كوچكز ، قوتكز  
وارسه بلغارى ازسه كزه ... يونانى تپه له سه كزه .. مللمزى ،  
ملكلمزى آلير ، حدودلرده عسكرمى كسوب يچرلر ، شمندو-  
فرلرمزى اوچورورلر ، صوكره ، نهى ، نه يمش ؟ شيشلى يه بش  
غروش ؛ بويوكدره يه برمجديه ؛ قوجه برمقوا ، مشترى بكنسين  
بكنسين سويله سين ... كوچكز بزه مى يتيور ؟

— ( ككه ليه رك واطرافى احاطه ايدن مناوه ، سقايه ،  
بقال چراغنه ، قامچى صاتان چركسه وبرخىلى صاريقىل يه مرام  
آكلا تمق ايستيه رك ) ايلرى كيدييور ، تربيه سزلىكك لزمى  
يوق ( كندى كنديمه ) نره ده ده قالدى يا ، كليجكمى ، قاچه يمى ؟  
— ( ماجرايى خلقه خيلى دكيشديروب آكلا تىقدن

صوکره) آرابه جیلر ادب سزدر دیرلر؛ ناصل اولماسینلر؟ یانغیندن  
 صوکره عرصه که او یاپدیرمه، بازارلق ایتمه، کیجه لری ایکی  
 فنریاق، صوکره، المزه، اولمش ماندا کوزی کبی بر چاریک  
 دولایویر، اونیده اصناف تذکره سنه آل... باق، ملتله بزه  
 پاره ویریورمی؟ عقللی آدملر... قوجه صدر اعظم نرم  
 دکنکچینک یامانگی کبی یوروویر دولاشیور، آمان زمان دییورده  
 حریفلر بزه می دییورلر؟ (اوستمه یورویرهک) نظام،  
 تعرفه، بیلمم نه؟...

— پولیس، یوقی؟ امداد، پولیس یوقی اوراده!...  
 — (آرابه جی خلق ایله برابر برمدت قهقهه لرله کولدن  
 صوکره) باشده یان فس، بلنده بر آلتی باطلارله برده شمسیه  
 دمیری قدر سونکو، نه وار؟ پولیس... اولا بقالک بورجی  
 سیلین، قاریلری دوکمه دن وازکسین ده، صوکره کلسین،  
 آله کلپجه وورسون...

آرتیق بایله جق حاله کلمشدم، قاقچه امکان یوقدی،  
 برده نه سویلهم آرابه جی قصورینی بولویور، بنده آغیز  
 آقچه قدرت بیراقیوردی. معاذالله، یاکلشله قله آغزمدن بر  
 «مکتب» ویاخود «معارف» سوزینی قاجیریورسم، هیچ  
 شبهه سز، محله مکتبنک خواهه سز قالدیغندن باشلایه رق معارف  
 ناظرینک آرابه سنده فوطینلری اونوتدیغه قدر آکلاته جقدی.

اوصيرده - عكسى تصادف - اوزاقده بر اوتوموبيل بوروسى  
اوتدى . بن ، آرابه جى يه دويوروب اغضاب ايتمهك ايجون بلند  
آوازله لقردى ايتك ايستمه دم :

— هرشى دوزه لير ، بردن بزه اولماز ، صوكره سنك  
يوزكده كولر ...

— (كوپوره رك) تعرفه ، نظام ... ساقسى ني جو -  
نبايه قويمه ، دكان لوحه سنى سواقغه اوزاتمه ، يدى قوليه  
يدى غروشدن فضله آلمه ... صوكره ايشيكنز ، كوچكنز  
اويون ، كوزبويامه ... غلظه سرائندن بون مارشه يه قدر ،  
بايزيددن حسن بابا تر به سنه قدر ترامواى ، نه ايمش ! مصرف  
ايت ، تخته دن قورشون ياپ ، صاغ طرف يكيلى ، صول  
طرف قلعه آلدى ، نه در او ؟ مانه ورا ! بونى جامع اوليسنده  
چو جوقلره اوينامق يازاشير (قابونك طوپوزنى حرصله سو -  
كر . آتار) نظام ، تعرفه : ايكي كوتوكمى يه سور چينقو رنكنى ،  
كيت شماندرا كې ديك بوغازه ، نه در بو ؟ زرهلى . (آرابه يه بر  
يومروق اينديرر) بونك تخته سى ده ادايا نقليدر به ! (فترك  
آلتى قوپارر ، النده صاللايوب جامه وورور) شونى قالايلا -  
تيم ، باق نه پارلار ، نه كوز آلير ! نظام ، تعرفه ! ... شوراده  
درزيلر ، بوراده عربلر ، اوتده آرناوودلر آرمش ، صورارسهك  
اطراف سوت ليان . (اوت طور به سنى سيلكنر ، صوكره كيدر

آتلرک باشندن طوتار ، قامچيلا مغه باشلار ) لاف ديدکي غيرلا!  
 ( حيوانلر کيشنهر ، چيفته آتار ، خلق ساکتانه سير ايدر )  
 باغسيم يانيور به ! ( قهوه جي چيراغنه خطاباً ) برغازوز کتير!  
 ( غازوز کلير ، پارماغني صوققجه باطلادير ، تراشيلرندن داملاته  
 داملاته ايجر . برمدت يوتقوندقدن صوکره ) پاره يي آرابه ده کي  
 بکدن آل !

بو صيره ده آرقداشم قيدسزجه کلير ؛ آرابه جي يرده کي  
 طور به يي ، فئر پارچه سني ، قاپي طوقماغني ياواش ياواش طويلار .  
 آغير آغير اسکمله يه چيقار وحدتله صورار :  
 — نره يه کيده جکدک افندي ؟

آرقداشمه مطبعه نك آديني ويرمکه بيراقمام ، شدتله منع ايدرم :  
 « آمان صوص ! سويله مه . باب عالينک قارشيسنه دي ... »  
 — نه دن ؟

— زيرا ده مين غزته لري اونوتمشدي ؛ برده اونلره  
 باشلارسه آرتيق بودفعه ساده آرابه نك اوته سني بري سني دکل ،  
 هيچ شبهه سز طاقتي ، حيوانلري ، احتمال که نري ده پارچالار .  
 آرقداشم صوصدي . صوردم که :  
 — ديمک ناظرده اوليه جقسک ؟

يوزيمه حيرتله باقدی : « آکلادم ! » ديدی . ايضاحات  
 ويردم : آرابه جينک کي کبي استيضاحلره تصادف چوق  
 نمسندرده ...

## « تشبث شخصی » می؟ هیات !

بر ساعتدر، خسته بر اوردك كې، چكه سنی کو كسند ایا یوب  
اویوقلایان اُسکی مکتب آرقداشمه نهایت حد تلندم : « دور مقله،  
دوشونمکه پاره قازانیلماز ؛ تشبث شخصی دنیلن برشی واردر،  
هر طرفه باش وورمالی، چالیشمالی ! » دیدم . مخاطبم بو « تشبث  
شخصی » ترکیبی دویونجه ، قویروغنه باصیلماش بر ییلان ،  
ناصوری چیوی یه چارپمش بر آدم کبی قنپه دن دوغرولدی ، باشنی  
کو کسندن قالدیردی و ماوی ، کیرپیکسز کوزلرینی کوزلر مه  
دیکه رك، بر مدت آغزی ایصیرمغه، صوقغه مهیا بر حالدہ دوردی،  
نی بر آئی سوزدی . رنکی صاب صاری کیلماش ، صاچنك  
هر برتلی دیکه شهرك باشی بر تیمار قاشاغیسی کبی سرتلشمشدی .



کندی کنديمه : « عجبا نه دیدم ده بو قدر قیزدی ؟ » ديه دوشوندم  
والا آن ، اوزر مه آتیلوب یاقامدن بر پولیس کی بیر تهرق بنی  
چکوب بر آئی ده دوومه مسنه حیرت ایدرک ، اویله قالده .

بردن ، آئنده کی خسته لقی بر چو جق قدر اوتتسی ، بریسی  
شیش ، شوراسی بوراسی قیریق وسجیمله باغلی ایصلاق بر  
شمسیه نی « پات » دییه بنم یریمه ماصیه ووردقن صوکره ،  
« تشبث شخصی ! تشبث شخصی ! اویله ها ! » دییه میریلداندی ،  
وتسبیح چکر کی بوکله نی بر آلی قدر تکرار لادقن صوکره  
باغردی :

— بوراده ماصنه ک باشنه یان کچوب اوتورونجه امر قولایدر ،  
تجار اول ، آرپه اک ، آمریقاه کیت . یوق ، یغورت سات ،  
آت جانباز خانه سی آچ ! نصیحت دیدکی ، بیک دانه ... صرتم  
پهک ، قارنم طوق ، جیم دولو اولدقن صوکره بنده سویلرم ؛  
بنده یان کچر ، سیغاره می تللندیرر ، آلتون کوستکمی آئنده  
چویره رک ، کوزلکمک آرقه سندن شوویه بر باقار ، ( تقلیدی  
یایار ) « تشبث شخصی ذیلن برشی واردر ، هر طرفه باش وورمالی ،  
چالیشمالی ! » دیرم .

ایکی سنه در نره لرده ایدم ؟ نه لر یایدم ، هیچ صور دکمی ؟  
یووو !! اومور کده می ؟ ( ایکی پنجه سنی ده ، آل وورماجه اوینار

کې بربرینه ووردقن وصورتمه دوغرو اوزاندقن صوکره )  
اوتوز ایشه باش ووردم ، اوتوز ! آکلايورميسک ؟

آرقداشم برر برر صایدي وايضاحات ویردی :  
قلمده درت یوز غروش معاشم واردی ؛ برکون حریت  
چیقدي ، بایراقلر آچیلدی ، خلق سوقاغه دوشدی . اوصرده  
باقدم که اختیار ، کنج ؛ چولوق ، چوجوق ؛ فقیر ، زنکین ،  
مبعوث نامزدی ، محله مختاری ، شیلته سنی رهنه قویان ، چوجوغنک  
آلتون نظراق طاقنی صاتان ، حجه کیتمکدن واز کچن هرکس  
سلاح آلیور ؛ هر لسک بلنده برقاییش ، اوچنده آسیلی عجائب  
بردمیر پارچه سی ، عظمتدن قولتوقلرینی قابارتہ قابارتہ یوروور ،  
« اتحاد دانم ، احراردانم ! » دییوب میدان او قویور . شورایه  
باش ووردم ، اوتہ کنه یالواردم ، بریکندن معاونت ایستدم ، نهایت  
برسلاحچی دکانی آچدم ... ایشلر ایلك کونلری او قدرایی کیتدی که  
کونده بش اون دفعه فسمی هوایه آتدم : « یاشاسین حریت ،  
یاشاسین تشبث شخصی ! » دییه باغیردم . دکان اوپله بر  
ایشلیوردی که درت چیراق کوچ یتیشیور ، پاکت یاپمغه کاغد  
الویرمیوردی .

آرتق کندی کندیمه قناعتم واردی : « هیچ شبهه سز ،  
دیوردم ، سلاجیلیق نی کچندیرر ؛ تجارت شرکتلری آچیلیر ،

صناعت ترقی ایدر ، بنده زنکین و مشهور اولورم ! » فقط  
کونک برنده بر امر : اون سانیتمترودن اوزون ناملوسی  
اولان سلاحرک منع فروختی ... آمان دیدم ، فقط چاره یوق ؛ مالزی  
یا قالا ییجه طوبیخانهیه کوتوروزر ، تورنهیه قویارلر ؛ خاووچ دوغرار  
کبی سلاحرلی باش طرفندن قویارتوب آتیوررلر ! ... بونکله  
قالسه ای ... بش کون صوکره بر امردها : بش سانیتمترودن  
اوزون ناملوسی اولان سلاحرک قورشونلری نافذ اولدیغندن  
منع فروختی ... یینه آمان دیرز ، زمان دیرز چاره یوق ؛  
اوکودوک مالزی تکرار قوجا قالا ییجه طوبیخانهیه کوتورور ؛  
تورنهیه ویریر ، تحت یونتار کبی سلاحرلی باش طرفلرندن  
« شارق ، شارق ! » کسوب کسوب تالاش کبی یرلره سره لر ...  
اوجانم ره وولوه لر کیرچ اوچاغنه دوشمش ، توپلری قوپوق  
طاووقلر کبی غریب برر شکله کیرر ، چیلنکیر آلاتنه دوزر !  
بالطبع ایشده یورومز ، دکانک قاپوسی آچیلماز اولور ؛ اول  
چراغک بریسنه ، صوکره دیکرینه ، ده صوکره ده کندیمه  
اذن ویرر ، چیقارم ! بونک اوزرینه آیلرجه شوراده بوراده  
سوروندیم ؛ اوفق تفک ایشلرک تعدادی اوزون اولور ، بطریقخانهده  
اوداجیلقدن طوتده تراموای شرکتنده مفتشلیکه قدر باش  
ووردیم ؛ نهایت برغزته تأسیسنه قرار ویردم .

ناقل ، بوزوق بردمیرجی کوروکی کبی، اوزون فقط قوتسز  
برنفسدن سوکراینه دوام ایتدی :

اداره خانه طوتولدی، قلیشه لر یاپیلدی، مطبعه قرارلاشدی،  
هر شیلر حاضرلاندی ؛ برکون « مجموعه حوادث » بویوک  
کورولتورله انتشار ایتدی . نه صاتیش کورسهك ! ماکنه کوچ  
یتیشیور ، موزعلر مطبعه قابوسنده بربری ازیوردی ؛ ایلک  
کونی ایچلرندن تام دردی یارالاندی، بری باییلدی ویکرمی بیک  
نسخه صاتیلدی .

آرتق کندی کندیمة قناعتم واردی: «هیچ شبهه سز، دییوردم،  
غزته جیلک بنی کچیندیرر، مطبوعات جمعیتلری آچیلیر، معارف  
ترقی ایدر، بن ده زنکین و مشهور اولورم ! » فقط کونک  
برنده برأمر: شونندن بحث ، بوندن نقل حوادث جائز اولمامقله  
دقت ایدلمسی ... بر هفته سوکره بر تذکره ده : قرق لیرا  
جزای نقدی ... آمان دیرز، زمان دیرز، چاره یوق؛ پاره لری  
رمشین طور بهیه قویار، آعزینی مهرلر ، کفرتی بودر دیسه  
یرینه کوندیررز. بونکله قالسه آئی ؛ بش کون کچمز: « چشمه  
صولرینک بولانیق اولدیغنه دائر صرف اکاذیبدن عبارت » بر  
حوادث ویردیکمزدن دولایی اون بش کون حبس جزاسی ...  
بر آراهیه بینر ، لوازم سفریه مزئی یوکلته تیر، توقیف خانه یه کیدرز!  
بو صیره ده خلق چشمه صولرینک علینده یازدیغمدن دولایی

بني برمر تيج تلقي ايدر، غزته مه بويقوت ياپار... بالطبع اداره  
خانه يي قاپار، لوحه يي سوكر آتار وسوقاغه دوشهرز!

بونك اوزينه هفته لرجه شوراده بوراده دولاشدم؛ اوافق  
تفك ايشلرك تعدادي اوزون اولور؛ كوپرو باشنده كي اعلان  
قوطوسنك ايچنه كيرمكن طوت ده روم مبعوثلرينك ترجمانلغنه  
قدر باش ووردم؛ نهايت چيفته جيله كه باشلادم.

مخاطبم، غير تلاغي آيرلش برقوربانلق قويون كي برمدت  
تيندي، صوكره اكلاتدي:

آيدين ولايتده اراضي كرالادم، آمر يقادن يچمه ماكنه لري،  
انكلتره دن لوقوموبيللر، دنيانك هر طرفدن اك اي آلتلر  
كتير تدم... هر طرف سه رولدي. تخم لراتيلدي، فيض وبركت  
يوز كوستردى... بيكلرجه كيشي محصولي طوبلامغه کوچ  
يتيشيوردى.

آرتق كندى كنديمه قناعتم واردى: «هيچ شبهه سز،  
دييوردم، جفتجيك بني چنديرر، شركتلر آچياير، زراعت  
ترقي ايدر، بنده زنكين ومشهور اولورم!» فقط كونك برنده  
قاپا برطرف كلير، آچارم، ايچنده ايكي مارتين قورش وني،  
كاغذك اوزرنده برقاني پنجه! حيرت! عجباً بوده نه در؟ آرام  
صورارم... ديرلر كه چاقيرجه لينك ويركوسى... دورمغه كلز،  
اوچ درت بيك ايرا كوندرمه لي! بارى حكومت ده ويركوسندلرينك



اوزرينه بويله برقانلى پنجه، يا خود بردار آغاجى رسمى قويسه ده  
 تاثيرى قطعى اولسه!... كيجه لرى اطرافده سلاح سسلرى ،  
 اراضيم داخلنده حيوان خيرسيزلنى ؛ بركونك ايچنده اوواده  
 بغدادى تارالارى ، كويده دكرمن ، داغده كچى آغىلى چاير  
 چاير يانمش! آمان ديرم، زمان ديرم؛ چاره يوق ! برهفته كنججه  
 برقانلى پنجه دها ؛ بونك بوغازمه صاريلاسى يقين؛ آرتق طييعى  
 دورمغه گلز ، يوروك بر آلك صيرتنه بيننجه دوغرو قصبه يه ،  
 اورادن ازميره ، ازميردن استانبوله .

بونك اوزينه آيلرجه شوراده بوراده دولاشدم ؛ اوافق  
 تفك شيلرك تعدادى اوزون اولور ؛ ريختيم اوستنده واپور  
 سمسارلنى ايتمكدن طوت ده نيقتونى دافع بر جنس سيغاره  
 كاغدى ده پوزيتري اولمغه قدر باش ووردم . نهايت زوجه مك  
 يك اوزاقدن مهد حرى تلى بر اقرباسى بولنديغدن تكرار ماموريت  
 كيردم ، آنا توليده بر قضايه قائم مقام اولدم .

زوالى متشبث، كوزلرينه ميل چكىلمش برأسكى بيزانس  
 حكمدارى كى اطرافه آجى قلى آجى قلى باقدى، صوكره دوام ايتدى:  
 — كمال دبدبه ايله قصبه يه كيردم ، مستعجل ايشلرى  
 چيقارتدم ؛ بر آز مدت ايچنده قضايى بر اسويچره قصبه سنه  
 چو يردم . متصرف متشكر، والى خشنود، داخله ناظرى بيله نمون.

آرتق كندى كندىمە قناعتم باردى : « ھىچ شېھەسىز ،  
 دىيوردىم ، مامورىت بى كچىدىرر ؛ ايشلار يولنە كىرر ، حكومت  
 كسب نىفوزايدىر ؛ بىن . ە . متصرف ، والى ، ناظر ، ھەرشى ، زىنكىن  
 ومشهور اولورم ! » فقط كونك بىرنە قولتوغە كومولمىش ،  
 استدعالى اوقوركن سوقاقدە بركورواتو دويار ، ھەننجەريە  
 قوشارم . بىكلرچە خلق طوپلانمىش ، اوزرى « يا حرىت ،  
 اولوم ! » « يا كرىد ، يا حرب ! » يازىلى بايراكلر آچلمىش ، باغەرە  
 باغەرە ، يانە ياقيە كلىورلر ! « بونەدر ؟ دىرم ، كرىد اىچونمى ؟ »  
 « خاير ، دىرلر اونلر اسكى بايراكلر ، سىنك علەندە مېتىغ ! »  
 توپلرم اوربرىر ، برايكى سوز سويلك اىسترم ... اھالى : « قەر  
 اولسون قائمقام ، ياشاسىن جمعيت ! » دىيە بر آوازە باغىرىر .  
 آمان دىرم ، زمان دىرم ، چارە يوق . مھم اوراقى بر جزدانە  
 ىرلشدىرر ، ايكى ژاندارمەنك تحت حمایە سەندە يولەچىقارم .

آرقداشم صوصدى وخستە بروردك كې تكرر چكەسنى  
 كو كسەنە دايدى ، دالدى .

نەدن سوكرە ، اوسلاھچىلىق ، غزتە جىلك ، چفتجىلك ومامو-  
 رىت حياتى تكرر يشار كې اللرىنى ھوالاندىروب اوموزلرىنى

اويناتوب ، كسيك كسيك سسلر چقا-ارتدقن صوكره بك  
 خفيفدن، دعا ايدر كي قرق اللي دفعه « تشبث شخصي ! تشبث  
 شخصي ! » ديه سويلندي و صوكره قفسده كي قاناريه مي اور كوتن  
 برصدای جانخراش ايله هايقيردي :

— تشبث شخصيمي ؟ هيها !

— ۱۱ تشرین ثانی ۳۲۶ —

## بیلمه جه بیلدیرمه جه ...

اوکله ییمکندن سوکره علی الاکثر اداره خانه ده بر ساعت قدر  
استراحت ایدر ، هضمی تصعیب ایتمین دیه پولتیقه دن بختی  
موقتاً بیراقه رق هوائی صحتلره دالارز .

دونینه او طوردق وطاتلی برأکنجه آرادق . آرایان  
شفاسنی ده بولور بلاسنی ده دیرلر ، نهایت بزده وقتیمزی خوش  
کچیره جک بر بحث بولدق . معصوملر کی بیلمه جه سویلشه جکدک .  
اولا بن باشلادم ، دیدم که :

— سویلنه جک بیلمه جه لری ایکی درلو حل ایتلیز ؛  
یا به بیلیرمیسکیز ؟

آرقداشلر آکلما دیلر : « نصل ؟ دیدیلر ، ایضاح

ایت ! « ایضاح ایتدم : — مثلا « کوچوچک فوچی جق ایچی .  
دولو طور شو جق « نه در او ؟ بیلک باقهیم !  
— لیمون ! ...

— پک اعلا ، فقط دهانیه ، شکل ، خوی اعتباریه  
کیمه بکزر ؟ سزه کیمی خاطر لاتیتر ؟  
هپ دوشون دیلر . نهایت بری بولدی : « مالیه ناظرینی ! »  
دیدی ؟ آلقیشلادق وتکرار صورددق :  
— « برکوچوچک عربجق ، باشنده در طابله جق ! »  
— چیوی ! ...

— اعلی ، فقط دهانیه ؟

نه دوشون دیلر وهپ بردن ، محترم فائرلر ، ناظرلردن  
شیمدی سزکده در خاطر ایتدیک کزک اسمنی ویردیلر . آرتق  
ایلریله مشدک . بر بشقه سی : « یر آلتنده بابام باشی » دیدی ،  
« معارف ! » دییه هایقیرددق و « یر آلتنده بابام بیخی » فی نافعیه ؛  
« یر آلتنده یاغلی قایش » ی اورمان ومعادن ، « یر آلتنده قاینار  
قازغان » ی اتحاد فرقه سنه مناسب کوردک .

« چات بوراده ، چات قپو آرقه سنده » بیلیمجه سی  
اختلافاته سیدیت ویردی ؛ آوروپا ایله استانبول آراسنده  
صیق صیق کلوب کیدنلرک برر برر اسملری صاییلدی ، بردلو  
قرار اعطا اولنه مادی . کیمی چوق یرد کیشدیرن والیلری ،



کیمی ده دائما تبدیل موقع ایدن کوپرونک مدخلنی بوکا  
بکزه تیور ؛ فقط دیکیش ایکنه سی معناسنه کلن « بر قیزم  
وار ، تک کوزی وار ! » بيلمجه سی متحداً خارجیه ته تنسیب  
اولونویوردی . وقعه نویس صورتی :

— « آغزی وار ، دلی یوق ، نفسی وار ، جانی یوق ؛  
دریسی وار قانی یوق ! » نه در او بیلک ؟

— کوروك .

— ده ؟

ایکی اسم صاییلدی ، نهایت برنده رایلر طوپلانندی :  
— عبدالحمید !

« تپیش تپیش یورورسک ، سمور کورکک سورورسک ،  
سن بر بکه بکزرسک ، نیچون یایا یورورسک ؟ » بيلمجه سی  
دور سابقده آرابه ده کیمکه مخصوص کورکلو پالطولر اعمال  
ایتدیروب شیمدی یایا کزنلره ویاخود شیمدی کورکلو پالطولرینی  
آرابه ده کیوب صوکره یایا کزه جکلره تشبیه اولوندی .  
کولکه دیدی که :

— آچاجق دال ، یمه سی بال !

— چیلک

— ده

— اعیان تخصیصاتی .

« قیصه جق بویلو ، قدیفه دونلو » ، « حاجی اوغلی خواجه ،

قولى بودى قيصه» و «آياقلىرى قيصه قيصه، كندى  
 درمباليسا» بيلمجهلى حقيله مشبه بهنه تفويض ايدىلى .  
 آرتق خاطرليه مايوردق . بر مدت دوشوندىك ، طاشيندىق ،  
 ونهايت «بارداق» معناينه كان «برقىزم وار ، كان اوپر كيدن  
 اوپر» نكته سنى مرخص مسئؤللارك اتكلىرىنه بكنزىتكدن  
 صوكره بن صوردم :

— «براوغلم وار ، يوزى دريدن ، قولاقلىرى دميردن»  
 شونى بيلير وبكنزه تيرسه كنز سزه آفرين ...

برخىلى دوشوندىلر : يوزى دريدن ، قولاقلىرى دميردن  
 براوغله مالك اولمق دهشتلى بر طالع سزلىكدى . بويلاه براولاد  
 نه اخطارات وتدرىساتى ديكليه بيلير ، نه ده ياپدينى خطالر  
 قارشىسنده قىزارير ، ندامت دوياردى ؛ بن سويلمكه مجبور  
 اولدم :

— دف !

— اعلى ، اعلى ، فقط بودرى يوزلو ، دمير قولاقلى  
 اولادى بشقه نهيه بكنزه ته بيلورسك ، باقالم؟ او ، سكا بشقه  
 نهيه خاطرلاتيور ؟

— بونى آكلاميه جق نه وار ؟ قاينيه يي !

— ۱۸ تشرين ثانى سنه ۳۲۶ —

## ویرکویی نصل طوپلارلر ؟

کچن کون عدلیه نك اوکیندن آغیر آغیر کچیوردیم ، بر  
آرقداشه تصادف ایتدم. بکا قابینه نك دوشوب دوشمیه جکئی ،  
داخلیه ناظرینك استیضاح ائساننده بردفعه حدتلتوبده مخالف  
مبعوثلری دوکوب دوکیمه جکئی صورددقن صوکره : « نره یه ؟  
دیدى ، بوراده نه دولاشیورسك ؟ تراموای شرکتدن سنك ده  
اون پاره آچه فرقی دعواکمی وار ؟ »

— خایر . دیدم ، آیا صوفیه حاجی تعمیرسزلکدن ییقله -  
جقمش دیورلردی ده صوکره بلکه کورمك قسمت اولماز ،  
بردفعه جق دهاتماشا ایتدم ؛ هیچ ایشم یوق ، وقتم چوق...

آرقداشم قولمه كيردى ، بنى عدليه نك مدخلنه دوغرو  
سوروكلدى :

— اويله ايسه كل ، محكمه لرى ديكليهلم ، اكلنيرز !  
قاپو آراقلرنده ، قارانلق كوشه لرده ، ياخود تا آياق اوستنده  
چكمه لى برچوق عرض حالچيلار ، چومه لوب استمعا يازديران  
مشتريلر آراسندن بريول بولوب دهليزه كيردك . جيفاره  
دومانى ، نفس قوقوسى ، ايضلاق البسه بخارى اوراسنى بر  
دباغخانه هوايله افساد ايتمشدى . ديركن برصدای دعوت  
ايشيديلدى :

— نادر افندى ! فوزى افندى ، شاكر بك ، حسيب  
افندى !

بردعوى واردى ؛ كيردك . برمدت صوكره رئيس مدعى  
عليه خطاباً ديدى كه :

— باق سنك ايچون نه دييورلر؟ چكن تشرين اولك برنجى  
كونى ويركودن اولان بورجنى استيفا مقصديله خانه كه كلن  
مأمورلردن نادر ، فوزى ، حسيب افنديلرى وظيفه مأموريتلرينى  
ايفا حالنده تحقير ايتمش سئك ! وقعه نصل كچدى ؛ آكلات باقالم.

مدعى عليه آياغه قالقدى ؛ آلى ياشنده قدر واردى ؛  
برمدت دوردى ، يوتغوندى ؛ اولا رئيسه ، صوكره ديوارده كى

طغراه ، دها سوکرده طاوانه ، ترکه دن مال بکنیر بر آدم کجی  
اوزون اوزون باقدی ، نهایت دیدی که :

— رئیس افندی ، اولاً سزه صورایم ، ویرکویی نصل  
طوبلارلر ، کوردیکز می ؟  
رئیس حدتلندی :

— سنک بکا سؤال صورمغه حَقْک یوقدر ، وقعه یه کج !  
مهم آلدیرمادی ، دوام ایتدی :  
— اوت ، ویرکویی نصل طوبلارلر ، کوردیکز می ؟ بوکا  
طوبلامه دکل ، سوکوب چیقارمه دیملی ... کوپری مأموری  
اونلغی دها نزا کتله طوبلار ، آبی اخلاطی دها خوشجه قوپارر ،  
دیشجی انسانک دیشنی ، نعلبند اوکوزک نعلنی ، فورطنه میدته  
آفاجنی دها نازک ، دها انسانبه سینه سوکر ... سزه ایشی  
باشدن آکلانیم :

یکرمی کون قدر اولویور ایشته ، اوده چولوق چوجوق  
اوطورمش «یرینه پولیس قولوبه سی قویوب ینه اوراسنی  
مادام که قاپاناجقلر مش ، حسن بابا تر به سنی نیچون قالدیردیلر ،  
البته او جانم دمیر پارماقلقلر رنکی صولوق تخته ییغندن دها  
آییدر . « دییه سولیشیوردق ؛ آجی آجی قاپو چالیندی .  
پنجره دن باتمی اوزاندم باقدم : آمان یاربی ! بزم اولک اوکنه  
آرابلر بریکمش ، خلق طوبلانمش ، اماملر ، مختارلر ، محله لی



هې ميدانه چي قمش، قفسلره نقيورلر، آلريله قاپوي، باجاي،  
مطبخك تپه جامني كوستره رك ياسلي، ياسلي باشلرني صاللايورلر،  
ميريل ميريل سويله نيورلردى . عجباً نه واردى ؟ يانغينى ؟  
باصقينى ؟ آصغينى ؟ بيلميوردم كه... جامى قالديردم، صوردم :  
— نه ايستيورسكنز ؟ افنديلر !

بونازكانه خطابمه يتمش قدر اوغولتى . تهديدكار بر ايكلتى  
جواب ويردى، سوراق ده كيزلر كي دريندن درينه چالقالاندى ،  
نهايت امامك سسى سويلندى :

— آچيكز افدم ، كيره جكنز !

برپوليس علاوه ايتدى :

— قانون نامنه !

خلق بربرينه ميريلداندى :

— قانون نامنه ها ؟ وای قانون نامنه به !

بونی ایشیتن رقیقم، اې چوروك بر مصلوب كې « پات ! »  
دييه يره دوشدى ؛ چوجوقلر، يكي عسكره آلان استانبول  
افرادى كې هايقيره هايقيره اوکا صاريلدى ؛ آشجى قادين  
بياض كوملكيله كوپرو مأمورى كې ائتكلرمدين ياقالادى ؛  
اوشاق برپوليس قدر مهارتله ميداندن صاووشدى . هانكيسنه  
باقه جقدم ؛ بالطبع هپسنى كندى حالرينه بيراندم، اشاغى اينوب  
قاپوي آچدم... كلید دوزر دوزمز اكاو كده كي بابايكيت داياندى،

محلەي صارصان برسسلە قاپو قاناديني ديواره چارپوب اوزرمدن  
 براي جانبازي کي اتلادی ، مردیونلره هجوم ایتدی ...  
 مأمورلر اونی تعقیب ایدیوردی . اولیده یکر می بش کیشی قدر  
 واردی ؛ خلق دیشاریده بکلیور ، آرابه جیلر قامچیلرینی  
 شاقلاتیوردی . قومشولر قفسلرینی سورمش بزی سیر ایدیوردی .  
 بریسنه دقلاشدم : « نه وار افدم دیدم ، مقصد زیارتکنز ؟ »  
 یوزیمه باقدی : « سز کیمسکنز ؟ » دیدی .

— اوڭ صاحی یم !

— اثبات ایدیکنز !

شاشیردم ، قالدیم . قاریم بایلمش ، اوشاغم قاچمشدی ؛ آشچی  
 قادین ایسه نیم اوصاحی اولوب اولمادیغمی دکل تورکجه یی بیله  
 بیلمزدی ... نهایت امام امدادمه یتیشدی ؛ اوزمان ایضاح  
 ایتدیلر :

— « ویرکودن بورجکنز وار ! تأدیه ایتمه مشسکنز ،  
 اشیا کنزی حجز ایده جکنز ! » حال بونکه رئیس افندی ، سزده  
 پک اعلابیلر سیکنرکه ، اولا اوچ دفعه اخطارنامه کوندریلیر ...  
 بونی یامادیلرکه پاره یی ویره یم ... ممانعت ایتک ایستدم ، وعده  
 طلب ایتدم ، اولمادی ؛ ژاندارمه قره قولنه خبر کیتدی ، دیشاریسی  
 عسکر قوندوره سی سسیله دولدی ! باشلادیلر آوی کز مکه ...  
 آمازیاربی ! بو قدر آدمه نه دن لزوم واردی ؟ اون سسکنندن

آللی بښنه قدر ضعیف ، شیشمان ؛ صاقلالی ، بیقسمز ؛ یاقاسی  
 یازیلی ، پانطالونی شریذلی فقط هډسی کیرلی یکرمی آدم ، یکرمی  
 مأمور حجز ایده جک اشیا آریوردی . مطبخدن طاوان آراسنه  
 قدر سوقاغک چامورینی طاشیدیلر ، هر طرفه آل اوزاتدیلر ،  
 آینه لرده بویون باغلرینی ، فسارینی دوزلتیلر . بوقارغشه لقدمه  
 برده باقدم که شوافندی ( اینجه اوزون ، آوورتلری چوکوک ،  
 بیخی یارملی مدعی بی اشارتله ) قیزمک کلینلک قنپه سنه چیمش  
 چامورلی آیاقلرینی ، کیرینی اورتن برکدی کی تپشدره ، تپشدره  
 بوزطغان کهرینی سیرایدیور : « نه یاپیدیورسک ، افندی؟ دیدم ،  
 کنهادر ، صوکره بوراده انسان اوطوره جق ! »

آلدرمادی بیله ... حتی آرقداشینی ده یاننه چاغیردی ،  
 اونیده کمرک تماشاسنه دعوت ایتدی . ایشته اوزمان دایانامادم .  
 قان باشمه چیقدی ، طبقی استدعاسنده سویلیدیکی ، دمینده سزک  
 تکرار ایلدی ککیز کی : « نعلرکله باصدیغک قنپه لر شهراماتی  
 اوکنده کی کوبره ییغینی دکل ! » دیدم . تام بوصیراده قولانمه  
 برکسر سسی کلدی ؛ یان اودایه قوشدم ؛ اوچ کیشی چوملمش ،  
 برایش کورووردی . باقدم ... پیانویه چیموی میخلامیورلرمی ؟ ...  
 — نه یاپیدیورسکیز ! دییه هایقیردم ، چیلدیردیکزمی ؟  
 بری کمال سکونتله جواب ویری : — پیانویی حجز ایچون دیواره  
 چیویله باغلایوب مهرلیه جکیز ، عادت بویله در !

كسرك هر ايندeshنده زواللى آلتك هر تلى آرى برسس چيقا-  
رييور ، هر طرفى ايکيم ايکله يور ، بيجاره ، بوغازلاناں برقره جه  
کبي بوکورو يوردى . مأمورلرايسه بزم اوى ياپان قالفه استاوريدن  
درس آلمش قدر مهارتله کسر ووريورلردى . ارتق تحمل  
ايدمه مدم ، کسرى شو آدمک ( شيشمان ، ياناقلى قابارمش ،  
چوق صقاللى مدعى ي اشارتله ) آلدن قايىم وطبقى دمىن  
استدعاسنده سويلديكى ، سزكده تکرار ايلديکسز کبي : « دفع  
اول بورادن حيدود ، ديدم ، چاقيرجهلى اؤيمى باصسه پيانونيه  
چيوى وورماز ، سن هانكى چته نك آدميسك ؟ »

بم بو حدىتم اوزرينه بوتون مأمورلر کشف وتحریدن  
وازچديلر ، اوزرمه يوروديلر : « بزمأمورز ، مشروطيت  
مأمورى يز ! سنى امنيت عموميه مديرينه سويلرز ، ديوان حربه  
کونديررز ، بکر آغا بلوکنه آتارز ! » ديه هايقيريشديلر ؛  
برازدها حدىتمده دوام ايتسه بم مشروطيت مأمورلرى آصيلمامه  
قدر قرار ويره جکلردي . آرتق کوپورمشلردى ، راست کله  
اشيانك باشنده قفا قفايه ويرييورلر ، بنى پارمقارييله کوستروب  
« مرتجع ، مرتجع ! » دييورلر وموملرينى ياقوب مهرلرينى  
نرميه تصادف ايدرسه مثلاً جوينر آينه نك تا اورته سنه ، لاکه  
پاراوانه ده کى ليلىک رسمنك تاغاسنه ، ياغلى بويالو حله لرك امضا  
يرلرينه باصبيورلردى . اؤ فنا فنا بالومى قوقويوردى .

نهایت کاغذ لره بر چوق شیلر یازدیلر ، اوتوز قدر ، وحشی  
 قوشلره بکزه یین، امضا قویدیلر، بکاده مهر تئدیلر ، چیقیدیلر ...  
 اونلر سؤ قاقده بکله شن خلقک انظار خوف وهراسی قارشیسمنده  
 قولتوقلرینی قابارته قابارته آرابه لرینه بینرلرکن بنده قاپونی  
 قاپادم ؛ اوشاغی بولوب هکیمه کوندرمک مقصدیله مطبخه  
 دوغرو یورودم، فی الحقیقه محمد اوراده اوله جقدی، زیراباقیرلرک  
 قاریشدریلدیغنی دویویوردم .

قاپونی آچدم ... آه رئیس افندی ، نه کورسه م بکنیرسیکنز ؟  
 ایشته شوچوجق ( اون سکنز یاشنده قدر جیلز ، خسته رنگلی  
 مدعی بی کوستر ) صحنلک باشنه کچمش هر آچدیغی قاپدن آغزینه  
 برلقمه آتهرق فارنی دویویور ... « بوراده نه آرییورسک ؟ »  
 دیدم ، برازشالادی ، صوکره نیم تکرار : « نه آرییورسک ها ؟  
 نه آرییورسک ! » سؤاله قارشى : « حجز اولونه جق اشیا ! »  
 دیدی ... او حجز اولونه جق اشیا دکل ، هضم اولونه جق یمک  
 آرایوردی . ردینغوتنک قویروغندن یاقالادیغ کبی بومو طباق  
 پاچاوراسنی سوقاغه آتیویردم ، ایشته وقوع حال بوندن عبارتدر !  
 مدعی علیه قانون جزانک یوزاون اوچونجی ماده سنه توفیقاً  
 اوچ مجیدیه آلتونی جزای نقدی یه محکوم اولدی . چیتارکن  
 کندیسنه یاقلاشدم ، دیدم که :



— سزده اونلر علمنه اقامهٔ دعوی ایتسه کزه ، باقیکنز  
مرتجع دییه تحقیر اولونمش سکیز !  
مخاطبم شویله بر بکاباقدی ؛ صوکره دیدی که :  
— نهدن دعوی ایده‌یم ؟... حریت پروراونلر اولسونلر ،  
بن‌پیانویه چبوی وورانلردن اولمایه‌یم ده ؟...

## عجا دلمیدی ؟

اداره خانه ده نعلسه یالکز قالمش ، و کونش تول پرده لری  
کچهرک تا ماضه مه قدر کلدیکندن ، دیوار اوستنده یاتان برکدی  
کبی اویوشمش ، کوزلرمی قاپامش ، دالمشدم . بر آردلق بکا  
قابو آچیلیر کبی کلدی ، صانکه اوداده خفیف خفیف بری  
یورودی ... باقدم : قارشیمده غایت اوزون بویلو ، تک کوز -  
لکلی ، اشتاینک اعلا نه کی پالطو کین شقه مشاه وقور بر  
ذات واردی . سلام ویری . سلامنی آلم . هیچ رشی  
سویله مه دن اوطوردی . ردنغونک آرقه جیندن بر اوتولو  
کتن مندیله چیقاردی ، اونی تا اورته سنندن ایکی پارمغنک  
اوجیله طوته رق حقه باز کبی بوشلقده بر سیلکدی و برونک

اوزرنده برمدت، خالیدن مرکب لکھسی سیلرکی کزدیردکن،  
قانادلرینه ووروب ووروب ایصلانمش، کیرلنمش کی داثما یرینی  
دیکشیدیردکن صوکره چویردی، ترس طرفیلهده آغزینک،  
بیقلرینک نمئی آلدی، کوزلرینی اوغوشدیردی، آلتندن  
چکیددی ونه دن صوکره یوزمه باقدی. همان صوردم :

— نه ارزو بویورولویور أفندم ؟

زائر لیسته دن یمک بکه نیر کی دوشوندی، دوشوندی  
وصوردی که :

— بنی طانیمازسکز دکللی ؟

دقتله باقه رق :

— خایر أفندم، دیدم، هنوز مشرف اولماقدی... اسم  
عالملری ؟

مخاطبم قاریسنک آدینی صورمشم قر حدتاندی : —  
اسممی نه یابه جقسکز، دیدی، بکا بیله بر فاندھسی اولماقدن  
صوکره ...

رزمان ایکیمزده صوصدق. او، آغیر آغیر سویلندی : —  
کوندن کونه خستیم، کوندن کونه فنا لاشیورم ...

محقق مسافرم قاتنی شاشیرمش، بوقاریده کی دو قنوره  
کیده جکنه بنی زیارت ایتمشدی ؟ نزاکه دیدم که : — ایکنجی  
قاندھ کی دو قنور پک مستعد، پک حاذقدر، تشریف ایدلیمی ؟

بوسوزم مخاطبمك پك خوشنه كيتدى ، كولدې ، كولدې ،  
و « محقق كيرپي امضاسيله سز يازيورسكز ... » ديدكن  
صوكره بردن جديله شدى ، صوردې : — بنم نچون كلديكمي  
بيليورميسكز ؟

— خاير ، بيلمورم !

— بنده بيلمورم !

زائر تكررار منديلني عين حر كاتله ، عين يرلرده صيره سني  
شاشيرمه دن قولاندقن صوكره ، پك ايي بيلديكي بر بختي خاطر-  
لايامايان برشا كرد كي بعض كله لر ميرلداندى ، يوزمه باققن  
صيقيله رق فوطينلرينك اوچني ، قولرا ميقروبي سيرايدر قدر  
دقتله ، غرابتله ، كين و غضيله برخيلي تدقيق ايلدكن صوكره  
متأسفانه باشني صاللا دې : — بيلمم كه ، ديدې ، نصل اكلاتام ،  
نصل تعريف ايده يم ؟

براز دها دوشوندى ، منديله براز دها وقت كچردى  
وباشلا دې :

— آه ، نه ديدم ده آوروپايه كيتدم ، نه ديدم ده او جهان  
مدنيتي كزدم ، دولاشدم و صوكره بورايه تكررار كلدم ؟  
عودتمدن برى جهان كوزمده زندان ! نزهيه كيتسم ، نه طرفه  
باقسم دائما قصور بولويور ، حدتليور ، اوكمه كلنه ، مثلا

آرابه جی ، پولیس ، مبعوث ، اعانه تحصیلداری ، کوپری  
مأموری ، هپسیله غوغا ایدیور ، هپسیله بوغوشویور ، هپسیله  
جنکله شییورم ... بوملککتک هر طرفی نی چمیدرتیور ، هر  
شیئی عقلمی آلیور ، نی خراب ایدیور ...

مثلا تراموایلر ... نه دراونلر ؟ قویون واغونیی ؟ بکچی  
قولوبه سیمی ؟ بللی دکل که ... اوفاجق جاملری آرقه سندن  
یکرمی بش کشینک ازیله باغریشه کوتورولدکرینی کورنلر  
ایچینده کیلری محکوم ، تراموایی حبس خانه آرابه سی ظن  
ایدرلر ... آلتیجی دائره یوقوشنی چیقان زواللی بارکیلری  
سیر ایدنلر ، قامچی - سلرینی ایشیدنلر تورکیاده آتلیر بیله  
خدمات شاقه یه محکوم اولویور ، دیرلر ... آوروپاده درت آرشون  
تخته اوزرینه یکرمی کیشی ، یکرمی آدم دکل یکرمی قاز دیزسلر  
پولیس مداخله ایدر ، بویله مردار تخته لر اوزرنده استریدی  
طاشیمسلر بلدیله مانع اولور ... بو آرابه لر دن برینی لوندریه  
کوندرسه ک اونجی عصر دن قلله براشکنجه آلتی دییه موزه لره  
قالدیر یلیر ، آوروپا کویلرینه آتسه ق ایچینده کوبره  
قوروتولور ...

اما اوکا کوره دهانه لر وار ! کوپرو دن پاره آلمق عادتیی ...  
تاریخه باقک ، هیچ برملته کورولمش شی دکلدر ... آفریقا  
وحشیلری بیله قوردقلری کوپرولدن پاره آلماز ، اسکیمولر



بو خالدن اوتانیر ، بخارالیلر اعتراض ایدر . . . باری کوپرویه  
 بکزه سه! آرابه بارکیرلرینه ، صباحلین سلخخانیه کوتورولن  
 اوکوزلره باقک : کوپرودن چکم لازم کلنجه نعللرینی اوکه  
 دایایوب کریسین کری کیدیورلر ، آیاقلرمن قیریلما سین ، قافمن  
 یاریلما سین دییه موازنه ایله یورو یورلر . . . حال بوکه سیریا  
 قصر اقلری کوپری کچلم ، راحت ایدلم دییه قویروق صالار ،  
 قیچ آتار ، سونیرلر . . .

عشیرت بکلری پولیسلره : « جامنی قیروب کیریکنز ،  
 صندوقنی پارچالایوب ایچنده نه وار ، نه یوق آلوب ویر کوپور جنه  
 مقابل بکا کتیریکنز ! » دییه امر ویرمن . . . نه در بو پولیسدن  
 چکدیکمز ؟ حکومت ساده کلاهلرینی دکیشدیرمکله مشغول ؛  
 نه لزومی وار ؟ اونلره خیرسنزلر ذاتاً کلاه کیدیوریور ، البسه لرینه  
 قدر صویویور . . . ایشته امین اوکی قاره قولی میدانده ؛  
 وورولان اوراده ، صویولان اوراده ، قاصه سی قیریلان اوراده ؛  
 ایشه یارامادق دن صوکره حکومت احتیاط ایدوب قاره قولی  
 بشقه بریره نقل ایتسه ، زیرا یقینده طاقیله آشیره جقنر ! . .  
 کیجه یاریسی طاش اوجاعی آچار کبی قازم ، کوسکی قاصه  
 قیریورلر ، خبری اولمور ، میدان محاربه سی کبی درت ال  
 سلاحله آدم دویریورلر ، خبری اولمایور . . . خبری اولمق  
 ایچون شهری اختلاله می ویرمه لی ؟

هېسى برى بړندن بدتر . . . شهر امانتى ، شهر امانتى  
 ديرلر، دورورلر ؛ بر كره بناسنه باقك ، اونك ايچنده عمريني  
 كچيره بيانلردن نه بلكه نير ؟ امانيت عموميه بناسنى ، جمعيت خفيه لر  
 كشف ايدييور، ديهه طوت سراى كي قوناقلره نقل ايت ، شهر  
 امانتى بر خراب چفتلك آخورنده بيراق . . .

آوسترالياده كي يابانى اورداق قوشخانه لرى ده ا كوستريشلى ،  
 ده ا تميزدر . . . برانكلير قطبه كيدر ، قار آلتنده صوغوقدن  
 ئولورده بويله بر بناده ايصينوب قورتولمغه تنزل ايتمز . . . عجباً  
 دنيانك هانكي شركتى ، دنيانك ترمه سنده بويله بر بنايى شهر امانتى  
 عنوانى آلتنده سيغورطه ايتمشدر ؟ صورارم سزه ، دنيانك  
 ترمه سنده ؟

صوكرا بر چوق كورولتو : واپورلر من وار ، ترنلر من وار ،  
 وار ، وار . . . قونيه يه قرق سگنر ساعتده وارييورز ، اون  
 بيك سنه اول ده وه لرده بوندن بر آ ز فضله وقتده اويونى  
 آليردى . . . يولده اوتلايان او كوزلر آغير كيديشمه باقوب  
 ترنلرى كندى جنسلرندن بر قافله ظن ايدوب مرافله صوقو-  
 لويورلر ، شاشغين شاشغين بزه باقيورلر ! . . . مدانيه يه كيدر كن  
 يونس بالقلىرى كوروك ؛ باشلىرى دكزدن چيقارتوب چيقارتوب  
 واپوره كوليورلر ، كيدييورمى ، دوريبورمى ؟ ديهه بر برلرينه  
 صورييورلر ؛ نوحك كميسى ده بو قدر كولنجدى !

ویرکو ویره میوب اشیامزی حجز ایتدکاری کونک ایرتسی  
 چات قاپو: دونما اعانه سی، تعمیم لسان اعانه سی، فقر اپرور اعانه سی!..  
 کیجه قرا کلغنده چوقوره دوشدیکمزک صباحی: تنوریه رسمی،  
 بلدیہ قالدیرم، شوسه رسمی!.. اوده کی سوپروتی نی پاکت یاپوب  
 ألمله دکزه آتدیغمک آقشامی: تنظیفات پاره سی، سوپروتی  
 پاره سی، نقلیه پاره سی! صویولوب آنامدن دوغدیغم کبی سواقاه  
 چیقدیغم وقت: قاره قوله تلفون وضعی پاره سی، بکچی اجرتی،  
 معارف اعانه سی... دها بیلیرمی یم نه؟ کلدن کوسه یه معاونت  
 اولسون ده!...

ساده بومی یا؟ آیدینده اشقیا، ادرنه ده اشقیا، سلایکده  
 اشقیا، پاتختده ببله اشقیا، هر یرده اشقیا، اردو مرکز لری  
 صایار کبی... اشقیاسز مملکت، اشقیا اولان مملکت قدرغریمزه  
 کیمه که باشلادی... غزته جیمیسک؟ کوپرودن کچرکن  
 «دان!... دان!...» ایکی قورشون، بش اون واه واه!..  
 شویله ایدی، بویله ایدی، برازده حشری ایدی! «کبی یکرمی  
 اوتوز سطر یازی... اولدی یتدی!

چقتلک صاحبی میسک؟ قصبه یه دوزکن ینه «بوم!...  
 بوم!...» ایکی قورشون.. بش اون واه، واه!.. «وقعه  
 شویله کچدی، بویله کچدی برازده مرحومک احتیاطسز لغندن  
 کچدی!» کبی سکز اون سطر یازی... ایشته اوقدر!

دار سوقاقلرده يايا كزنلردنميسك ؟ اوينه كيدر كن ،  
 « دوت !... دوت !... » پاشا چادري قدر بر اوتوموبيل ؛  
 كيزلیدن برايكي واه ... واه ... « شويله اولمش ، بويله اولمش ،  
 متوفي ياكلش مانورا ياپديغندن صوله قاقشده ! » كبي درت  
 بش سطر برحوادث ... اوتهسي آخرت ! هاني اوجاني ؟ نرده  
 اوچيدود ؟ نيچون سربست اوما كينيست ؟ ازيلن ، كسيلن ،  
 ئولدورولن سن دكلسهك سوين سوين ده اللهه شكر ايت ،  
 ديلني قيصةطوت ، اوطور اوطورما كه باق !

بربارمق ايزي كورولتوسيدر كيديور ... صاقين اهميت  
 ويرمهيك ! برازدها چاليشه لرصو كنده ينه كندي پارماقلىرىنىك  
 ايزيني بوله جقلىرينه هيچ شبهه يوق ...

آيا قومسالارنده صنعت نه قدر مترقي ايسه بزدهده اوقدر ؛  
 ايكي اودوني بربرينه وورهرق آتش ياقماديغمزه شكر ...  
 سو كوكزنى ديكديكمز تيره دن طوت ده بحريه مشاورمزه ،  
 كرك ، عدليه مستشارمزه قدر اجنبي مالي ... آوستريا بزه  
 بر بويقوت ياپسه استانبول اهايمسك ياريسى ديوزهن كي آچيق  
 باش كزه جك ، صيرتنده روماليلر كي بر آتقيدن ، آياغنده چاريقدن  
 بشقه رشي قالمالايحق ! آوروپا كوندرمسه اعدام محكوملريني  
 سازله آسه جغز ؛ اولرمزده چيرا ياقه جغز ؛ طويل البصر  
 اولانلرك كوزينه كوزلك بوله ميوب ميل چكه جكر !

دها به سويليه يم بيلمم كه ؟... مجلس مبعوثانك ضبطنا -  
مهلرني ...

مخاطم سوزيني اكمال ايده مهدي، كوزلري آچيق برمدت  
دوردی، يوتغوندى، صوكره « پات ! » ديه يره دوشدى . ذاتا  
چوقدن برى باصمغه حاضر لاندیغم چنغراق دوكمه سینه اولانجه  
قوتى ويردم... ديشاریده قوشوشمه لر اولدى؛ اداره مأمورى ،  
موزع ، قابوجى هپسى بردن اودايه دولديلر؛ فقط يرده اوپ  
اوزون سريلى بر آدم كورنجه : « قولرا ! قولرا ! » ديه هايقيروب  
بربرلرني چيكنه يه رك قاجشديلر... نم ايچون ده آرتق ياپيله جق  
برايش يوقدى ؛ قسمي قاپدم ، پالطومى ياقالايجه - سوقاغه  
فیرلادم .

عودتمده زائرى كيتمش بولدم !...

— عجباً دليمدى ؟

— ۲ كانون اول ۳۲۶ —



## عقللی بومیدی ؟

آقشام اولمش ، صولر قارارمشدی ؛ غلظه دن کوپرویه  
دوغرو قوشه رق اویمه دونویوردم . بردن شدتلی شدتلی  
« فلیپ » ک جامی وورولدی . وقتیلہ بزه جوار اوطورمش  
برقومشویه بکزتدیکم اختیارجه ، قولاقدن آتمه کوزلکلی ،  
متبسم برچهره بکا باقییور وائلہ چاغرییوردی : کندی  
کندیمه : « نه ایستیور عجبا ، دیدم ، شیمدی ده صره سیمی ؟ »  
وقایودن کیردم .

نم کنیدیسنه یاقلاشدیغمی کورونجه شویله بردوغروولدی ،  
غایت لایالی برطورله صوردی :

— نزدیکه بویله آفندم ، قوشه قوشه ؟ ...

بن نه قدر عجول ايسهم او ، اودرجه ساكن و بنم تلاشمه  
لاقيددى ؛ علاه ايتدى :

— هله اوطور و كز شويله باقم ، چوقدندر مشرف  
اولامادقدى ...

اعتذار ايتدم : — قابل دكل ، ديدم ، واپورى قاچيريرم ،  
صوكره پك كجه قاليرم ، يولمده خيلى اوزاق ...  
مخاطبم كولومسهدى و آيله تكرار اوطورمami اشارت  
ايتدكن صوكره : — كنجسكز ، ديدى ، اوزون يولك  
نه اهميتى وار ؟

— پك دوغرو آفندم ، اما شوصيرهده كويده بعض  
سرقتلر ، وقعهلر اولويورده كيجه نوبت بلكه مك الحجاب  
ايدىيور ، ايركن ياتىيور ، آلتى يه دوغرو اويانوب آرتق لامبهمى  
ياقوب اوطورييورم ...

— اه محافظه ايتسين ، بر شيجكلر اولماز ، اونلر هپ  
روايت ، افسانه ، لاف و كذاف !

آرتق حدتلىندم ، حدتمدن همان صنداليه يه اوطوره رق  
— حدت تحف شيدر : اوطورمش اولسه يدم آياغه قالقاردم —  
اعتراض ايتدم : — نصل اولوريا ؟ غزتهلر يازدى ، تام آلتى  
كيشى كيرمشلر ، اركى ايله بردنك كى قيص قيوراق  
باغلايوب كوشه يه بير اقدقن صوكره قارىسنك شافاغنه بر وولوده

دایامشیر ، تام ایکی ساعت هم قونوشمشیر ، هم صویمشیر ...  
 برده کچن کون ینه بویله آلتی یدی کیشی دوریه قولی کز رکچی ..  
 مخاطبیم دوامه مساعده ایتمدی : — ایشده بر آاز مبالغه  
 اولمالی ، غزتله ربو ، دیدی ، بره اون قاتارلر ، هم سزه بن  
 برشی سویله می می ؟ سز قدر ناشناسلق ایدیورسکز ، اوت ،  
 اوت قدر ناشناسلق ایدیورسکز ! بو محقق !

— فضل ، أفندم ، آ کلامادم ؟

— آ کلاته میم :

— او غلم ؛ بش پارمق بر میدر ؟ باق ، کیمی کوچوک ،  
 کیمی بویوک ؛ انسان راحت ایتمک ایچون کن دیسندن بویوکلره  
 دکل ، کوچوکلره باقمالیدر . اونلری کوره دک حاله شکر  
 ایتملیدر ، بر آاز اسکی زمانی دوشونهرک بوکونک نعمت لرینه  
 قناعت ایله مه لیدر ...

ساده شکایت ، ساده اعتراض ... مثلاً کوپرو پاره سی  
 ویرمه مه لیش ... نهدن ؟ صورارم سزه نهدن ؟ صانکه قایغه  
 بینسه ک باد هوامی کچه جکسک ، یوقسه قیلج بالنی کبی یوزه -  
 جکمیدسک ، مارطی کبی او چاقمیدسک ؟ ائی کوتو ، آیاغمز  
 صویه ایریشه نهدن ، صاللانمه دن ، آقینتی یه قاپیلما دن قره دن  
 قره یه آدیم آتیورز ... نیچون پاره ویرمه لم ، لوقنطه ده

بادهوامی قارن دو یورو یورز ، ترامواید بیات المیورمی یز؟  
بونکله اونک فرقی نه ؟ دوشون ، بوندن یوزاللی-نه اولی ...  
صالرله ، آغاچ کوتوکلریله کوچ بلا کچرلر مش ، یاری یولده ده  
اکثریا قاینار کیدرلر مش ! شکر بوکونلره !

شکایت اولسون ده ... مدانییه یلکنلرله نصل کیدلدیکنی  
أولیا افندی سیاحتنامه-سندده اوقومادکمی ؟ براز انصاف !  
شیمدیکی واپورلر اوفق تفک ، اسکی پوسکی اما ، هیچ اونازسه  
یورومک ایچون روزکار بکله میوریا ؟ ایچنده کیلره کورک  
چکیدر میورلریا ! دهانه ایسترسک ؟

یوق ، تره نلر آغر کیدر مش ، کیجه لری ایشله مز مش ...  
آغر کیدریا ! اوروپا غزتله رینی اوقو ، باق کونده چابوق  
کیتک اوغرینه نیجه آدملر تلف اولویور ... نه لزومی وار  
بو تهاسکلی سرعتک ؟ آغر آغر کیدرم ده صاغ سالم کیدرم ،  
دها ای ! کیجه ایشله مزیا ؟ اللهک کونلک کونش دورورکن  
زیفری قاراندغده یوله چیقمانک ایجابی نه دن ؟ پنجره دن  
قیرلری ، تارلالری سیر ایده کیدرم دها اعلی ! کیجه  
یاریسندده قانلی قاتل کبی یوللرده ایشم نه ؟ ایشته هپ بونلر  
بزم منفعت مزه ، دوشونولوب ده یاییلمش شیلر ...

یوق پولیسلر ماهر دکلش ، قره قوللریله صویولویور مش ،  
قاصه لر کستانه قابوغی کبی آچیلیور مش ... اللهک قانلی بچا قایسیله

اوغراشیلیرمی هیچ ؟ بر کره اونلر کوزلرینه حبسی ، تولومی ،  
جهنمی آملر ، کله لرینی قولتوقلریک آلتنه صیقیشدیر مشارده  
اوله میدان آتلملر ... پاره سی اولان یاننده طاشی سین ،  
یره کومسون ، کوپه دیز سین ! نه وار دمی چکمه یه قویوب اولو  
اورته هرکسک کوزی اوکنه دیکه جک ؟

قول یاییسی بو ! البته قیریلرده ، صویولورده ...

بیك درلو شکایت ! چو وال بیله یاپه جق فابریقه مز یوقش ،  
کبریتزی بیله اجنیلر کوندریورمش ، آوستریا بویقوناز یاپسه  
یوطورله ، چاریقله کزه جکمیشز ! ده ها نه لر ... یوطور ،  
چاریق فنا البسه لر میدر ، دوشون بر کره ناظرلر مزه کیدیرسه ک  
نه شانلی ، نه کوستریشلی دورورلر ... هم آجانم ، بوتون  
بوشیلری بزم یاپمه مزه نه دن لزوم اولسون ؟ .. پاره مز اولدقدن  
صو کره ایسته دیکمزی آلیر ، ایسته دیکمزی کیر ، ایسته دیکمزی  
صرف ایدرز . اونلر چالیشسون رنجبر کی ، بزییه لم بک کی ..  
فنامی بو ؟ صورارم سزه فنامی بو ؟

ینه شک ، فرنکلردن اکسیکمز نه ؟ الکتریقمی ایسترسک ،  
لوکس لامبه سیمی ، هوا غازی می ؟ هپی وار . آلی سس نه اول  
یاغ مومندن ، طلومبه لی زیتون یاغی قندیلندن بشقه برشی  
یوقدی ... سواقلر شیمدی کوندوز کی ، شمسیه کی دوشورسه ک ،  
چوقوره قایماش ایسه ، آل یوردامیله بولویورسه ک ، اوللری



كنىدى بولامازدكده كوشى بىكلىرىك ! سوقاقلار تىرتىز، سىراي  
 حولىسىنه دوندى؛ بورغويه بىكزه يوللار بورو كېي دوغرى ولدى،  
 دوزلندى؛ صىباح اولدىمى؟ چات قېو؛ كىمدر او؟  
 سوپرونتوجى... يىكرمى درت ساعىتك كىرىنى آلوب كوتوروپور،  
 نه وار، نه يوق تىمىزلىيور.. ياصىرتىنده سن طاشىسىكه نه ياپاردىك؟  
 يوق سوقاقلار چامورمش، قالدىرملار بوزوقمش...  
 چامورسه لاسىتىك كى، بوزوقسه يواش يورو؛ يا هېچ يول  
 اولماسىدىده اوندن چىقامايه ايدىك نه دىيه جىكدىك؟ چوق شىكر  
 آرابه سىده ايشلىيور، تراموايىده؛ اىچرلىرى كوشىك قدر  
 راحت؛ دودوكلار اوتدوره رك، قامچىلار شاقلا تهرق كوى  
 دوكوننده كېي اكلنه اكلنه كىدىيورسىك ! يا اسكىدن اولدىنى  
 كېي آرابه بولامايوبده ادرنه قېوسىندن سىركه جىيه ياي يوروسىكه  
 نه ياپه جىكدىك؟

حقسىزلىك، انصافسىزلىك بودىرجه سى اولماز! محكمه سىده  
 وار، عدلىه سىده... ناظر سىكا برتوقات وورسه دعوا ايت،  
 قازانىرسىك؛ صدر اعظمىدن آلا جىك اولسه جلب چىقارار،  
 اشىاسىنى جىز ايتدىررسىك؛ تراموايى اون پارە فضله آلسه  
 محكمه دن اونى كىرى آلېرسىك... دهانه اىستىيورز بىلىمكه؟  
 دوشونىك اسكى زمانى؟ يىكى چىرى آغاسى ووردىغى وورر،  
 آصدىغى آصارمش... شىمدى اويله شىلار اولويورمى؟

یوق صورارم سزه اولویورمی ؟ حاشا دگلی ؟  
 اوزمانلر بویوک آدملر قوجه وزیرک رتبه سنی آلیر ،  
 اشیاسنی حجز ایدر ، کنیدیسنی محاکمه بیله ایتمه دن بیلمم نره یه  
 سوررمش ، حتی ساده سورمه کله قالماز ، برده کوزلرینه میل  
 چکرمش ... شیمدی میل چکیورلرمی ها ؟

مخاطبم ، قره یه دوشمش براری بالیق کبی ، عادتا چیرینیور ،  
 صوکره تهلکه لی عملیاتدن تورتولمش بر خسته کبی یوزمه  
 باقهرق طاتلی طاتلی کولومسیوردی . دیشاریده دودوک سسلری  
 ایشیدیلیوردی . کندی کندیمه : « نصل قاچسه م ؟ » دییوردم .  
 اوصیره ده جاده ده طانیدیغم برسیما کوروندی ، هان فیرلادم :  
 « شیمدی کلیرم ، شوکچن آدمه برشی سویلیویره جکم » بهانه سیله  
 سلام بیله ویرمه دن قاچدم .  
 عجبا عقلای بومیدی ؟

— ۹ کانون اول ۳۲۶ —

## دواژده تعقیب مصالح

بر هفته قدر اولویور ، مراقی ایتشدم ، یوقسه آرابیه  
فضله پاره ویرمه یهیمی دیمشدم ، شیمدی خاطرلیه مایورم ،  
بشکطاشدن کلیرکن هر نصلسه اوتوبوسه بینمشدم . حرکت  
ایدیوردق ، ایچری اقربامدن بری کیردی :

— نره دن بویله ، دیدم ، بوراده نه آرییور-ك ؟

— خبرم اولمه دن استمالاك ایدلمش بردكان مسئله سی وارده ،  
دییه جواب ویردی ، بر آیدر اونی تعقیب ایدیورم ؛ کویا  
بوکون بیته جکدی ، ینه قسمت اولمادی ...

— بر مانعی چیقدی ؟

— برمی ؟ براولسه آئی ، بیک مانع چیقدی ، بیک ! ...

— ناصل اولور جانم ...

— آکلاته یمده باق !

شیمدی کیدیوردق و همیز ده کزه دوشمش برر شیشه  
کبی بر صاغه ، بر صوله متادیآ و منتظماً صالانیور ، بعضاًینه  
همیز بردن « هو ! » دیر کبی دوریشانه بویون قیره رق اوکه  
آکیلیور ، بعضاًینه همیز بر وضعیتده هکیمه بوغاز مزی  
کوستر کبی باشمزی طاوانه قالدیره رق بلا اختیار : « آ ! آ ! آ ! ... »  
کبی کسیک سسلر چیقاریوردق . قارشیمزده کی مادام متادیآ  
یرندن قایدیور ، چومه لیر کبی موقت بر وضعیت آلدقن صوکره  
تکرار طوپلانیور ، چوجوغی کمرینه ایکی آلرینی صوقوب  
باشنی یان تحته یه ووردیغندن دولای آغلار کن باباسی باستونیله  
کندیسنه راستنادکاه آریوردی .

بعضاً بر صارصیتی اولویور ، اقر بام مکیک سرعته « چات ! »  
کلوب قولمه ووریور وایکنجی بر صدمه ده اوکیدیور ، بن  
قوشه رف چاریوردم . اوتوبوسک ایچی غریب بر چوخه  
ماکنه ی کبی متادیآ ایشلیور ، همیز ، برر آلت کبی صاغه  
قوشه رق ، صوله چارپه رق ، بویون بوکوب باش قالدیره رق  
صان که بر قماش دو قویوردق . ایشته بو صیره ده اقر بام ماجراسنی  
حکایه ایتدی :

اوت ، بوکون ایش بیتجهکدی ؛ بو برهفته در مقرردي ؛ فقط عکسلاک بنده ، سیس اولوب واپورلر ایشله مدیکندن دائره یه تام اوکلدن اون دقیقه اول کیده بیلدم . مأمور استدعا نومروسنه باقدقندن صکره : بوایش بش دقیقه ده یتمز ، یمک یتمهلم ، بر ساعت کچسین ، اوزمان کلیکز ! » دیدی و کیشه نک تخته پنجره سنی برکیوتین بچاغی کبی ایندیردی . پارماقلمک ازیلوب کسلمدیکنه شکر ایتدم ، کیتدم ، شوراده بورادم دولاشدم . وقت اوقدر آغیر کچوردی که ساعتک آلتش دقیقه اعتبار اولونوشنه عادتا حدتلیور : « آمان ، اعیان شوکاده بر قرار ویرسه ... » دیورددم .

نهایت چینغراقلمچالیندی . مأمورک ماصه سینه تکرار یاقلاشدم ؛ آرقداشله کوزوشیوردی ؛ نزا کته محل یوقدی . کاغدی تکرار اوزاتدم ، آلدی ، فقط باقمادی ، مخاطبه آکلاتمده دوام ایتدی : « — حریف مرمر ماصه نک اوزرینه روجه می ، ارمیجه می نه در برچوق رقلر (! ) دوکدکن صوکره » یتش بش غروش ! » دیمه سینمی ! فیضی آلدی قتبلی ... بنده ایکی مجیدیه قالمشدی . اومتالک طوتمیوردی . کیجه لاله لیدن آراهیه بینمسه ایدی بویله اولمازدی یا ! اون دفعه سویله دم ! »

بو یتش بش غروش حکایه سی یتش بش دقیقه قدر سوردی .



غارسونك حدتلىرى، فيضينك تحفلقلىرى، عجمك بويون باغى  
ايكئىنچى سىنى يازم لىرادن فضله ويرمه مى ھېسى جنائىت استىنطاقىدە كى  
قدر ھىمىتلىك نىقل اولوندى . نھايت مأمور افندى يوزمە وقىمە يى  
دىكلە دىكىمدىن طولايى ترس ترس باقوب صوردى :

— نە اىستىيورسكىز جانم !

— شو آلەكزىدە كى كاغد اىچون صوراجقىم ...

كاغده بركوز كىزدىردى ، صوكرە دھا زىادە حدتلىدى :

— بكا عاىد دكل بو ! دىدى ، قارشىكى ماصەيە كوتورك .

كورمىيورمىسكىز نرەيە حوالە اولنىش ؟

بىلىرمىدىم بن ، اوداجى اونى كوستىرمىشدى . كچن وقىمە

آجىيەرق ، مجبوراً دىكلە دىكىم حكايە شاشەرق ، اشارت ايدىلن

ذاتە باقىم . اوبك مشغولىدى ؛ يالانىيور ، قورولانىيور ، اكيلوب

قالقىيور ، اطرافىە ھىچ باقىيوردى ... ياقلاشدىم : دىقترلىنە

ماوى مركب دوكمش ، پارماقلىرىنى بىلىكلىرىنە قدر بوياشم ،

يوزىنى مور رىنكلى پوسىكورمە بىلرلە سوسلەمش ، مندىلىلە

تىمىزلەنىيور ، ماصەسنىك اوستىنە قاپاشم ، برىزارجى كى صولوىيور ،

ترلى شقاقلىرىدىن آقىيوردى .

ىكلەدىم ؛ نەلر ياپدى ، نەلر ! آلنىك كىرىنى اونوتوىيور ، آلنىك

ترىنى سىلىيور وبونى فرق ايدىنچە مىركىلى مندىلىلە خطاسىنى

كوىا تعمىر ايدىيور ، آرا صىرا دوكمەسنىدىن قورتولان ياقالغى ،

صارقان قوللغنى دوزلتىيوردى . بش دىققە ظىرنىندەلىككەنمەش  
نە اوستىندە ، نە ماصەسنىدە ھېچ برشى قالمادى . نھايت اودانك  
صىجاقلىغى مەركەزلى قوروتىجە قالقدى ، اللارىنى يىقامغە كىتتى ،  
نەدن سوكرە قورولانەرق كەلدى . اىصلاق مەندىلى صوبانك  
يانىندە كى پاراوانەيە آصدى ، برسىغارە ياقدى :

— ھا! دىدى . فقط اولجە مقىداقندى يە قىدايتدىر يورلەدە! ...  
مقىدى اولكى سەفرلەردن طانىيوردم ، اوکادوغرو قوشىدە ،  
پوصلەمى وىردم . آلدى ، فقط آمان ياربى! بردن اىكى آلارىنى  
ھوالاندىروب رەفرىاد جانخراش قوپاردى ، سوكرە باشى اىكى  
اللارىنك آراسىنە صىقىشىدىروب آكىلدى ، طوس طوپارلاق  
اولدى ... خىنچەرەسەندىن آجىقلى سەسلەر چىقىيور ، « آمان !  
آمان ! » دىيە سويلەنىيوردى . مەجبۇنە اولمشىدى ... ؟ آرقداشلىرى  
قوشىدىلەر ، اوداجىلەر يىتىشىدىلەر ... نھايت ايش آكلاشىلدى :  
— بوھر زمان ، دىيوردى ، برلەقمە يىمك ، يىدىمى ! فقط  
بوكونىكى قەدر ھېچ طوتمايدى !

مەكرەدەشە برصانچى كىرەش ، دىشى آغرىمغە باشلامشىدى .  
مەتروكى قەنەسەنك اوستىندە بوكلوم ، بوكلوم آچىلىيور ، آچىلىيور ؛  
سوكرەينە بوكلوم بوكلوم قىورانىيور ، طوپارلانىيور ، كوزلىرى  
بەضاً موشمولە قەدر شىشوب بويويور ، بەضادە مەرجەك قەدر  
اوقالىيوردى .

نهایت تحمل ایده‌دهی ؛ حامده یورور کبی اوداجیلرک  
قولنده ، دیشجی‌یه کیتدی ! بشقه چاره اولمادیغندن بر اسکمه  
بولدم وبکله دم . یاریم ساعت صکره قابودن کوروندی : یوزنده  
صاریق قدر بر صارغی واردی وفسی بونک اوزرنده بر بایراق  
دیرکی طابله‌سی قدر اوافق قالمشدی .

قیدمعامله‌سی بیتدی ؛ اولکی افندی‌یه دوندم ؛ بنی کورونجه  
ساعته‌باقدی : « او ! ... دیدی ؛ ایکیندینک وقتی کچه جک ! »  
چکمه‌سنی کلیده‌دی ، ترلک‌لرینی سورویهرک کیتدی ، بن‌ده  
بش‌اون‌دفعه دولاشدم ، مردیونلری ایندم ، چیقدم وعودتمده  
اونی یرینه کلش بولدم . کاغذک معامله‌سنی کوردی ، تحریراته  
حواله ایتدی .

قلمه کیردیکم وقت ایکی مأموری ، هیچ شبهه‌سز امتحانله  
یکی آلنان بر افندی‌یی یازی‌یه آلیش‌دیرمقله مشغول بولدم .  
یچاره چوجق قان‌تر ایچنده بوکولش ، سطرلر دولدورویور ،  
یالیور ، قاتلایور ، تکرار باشلیوردی . اُسکیلر اوکا اخطاراتده  
بولونویوردی : - ینه آشاغی دوشدیکیز ، براز یوقاری ! - حا  
دکل خی ... ضادده دیش ایستر ! »

بودرس اکلنجه‌لیدی ، سیر ایتدم ، صوکره دیدم که :  
— لطفاً شوکا باقارمیسکیز ؟

— نوریورسکیز ، دیدیلر ، مشغولز ، شوایش بیتسین‌ده...

بروقت سوکره درس کافی کورولدی ، یکی افندی ترینی  
 قورولارکن دیکرلری سیغاره لرینی صاردی ؛ بزم کاغذکده یازماسنه  
 صیره کلدی . فقط بتدیمی ؟ خایر ! اورادن قورتاردم ، ممیزه  
 قوشدم ، تام مهرینی حاضر لایوب ، باصه جنی یری هوهارکن  
 مدیر چاغیرتدی ؛ اوراق قلمنه کیررکن سوقاقدہ بورولراوتدی ،  
 داووللر چالیندی ، عسکر کچادی ، هرکس پنجره لره قوشدی ؛  
 مدیر بکه امضالاتیرکن تلفون اوتدی ، برمحاوره باشلادی ونهایت  
 ظرفک آغزی قاپانیرکن دهلیزه آصیلی برچان تعطیل زماننی  
 اعلان ایتدی .

— آمان رجا ایدرم ، دیدم ، بش دقیقه لق برایش قالدی ،  
 اکمال بویورسه کز !

مأمور افندی حدتلتندی ، کاغذمی چکمه یه فیولاتوب  
 آتدقن صکره آتش پوسکورور کبی دیدی که :

— یوو ! افندی ، دور استبداده دکلز ؛ نظام ، انتظام  
 وار ، خارجنه چیقاماییز !

ایشته عزیزم ، دواژده تعقیب مصالح بودیمکدر !

اوتوبوس دودوک چالوب قوشویوردی ؛ قارشیمزده کی  
 مادام ارتق تمامیه چومهلمش ، اوغلنی صوصدرمغه چالیشیور ،  
 قوجه سی برقاچ دفعه دیشنی قاناتدیغدن باستوننه استناددن واز

کچھ رک آياقده برنوع موازنه حاصل ايتمکه اوغراشيوردي . بز  
ينه بروجہ سابق « چات ! » ، « پات ! » بربرمزه ووروشيور،  
« هو ! » ديه اكيلور، « آ ! » صداسيله کريليورديق. آرقداشم  
متصل تکرارليوردي :

— سان که بقالم يارينه بيته جکمی ؟

— ۸ کانون ثانی ۳۲۶ —



## بی‌قدق بوپولتیقه‌دن . . .

قابودن کیرر کیرمز مدخلده آرقداشمی اوغلنه نصیحت  
ویرمکه مشغول بوادم . چوجوغلک آغزندن فنا برلقیردی می  
چیقمشیدی ، یوقسه غزته‌ده او قودینی برکله‌یی تکرار می  
ایتمشیدی ، نه‌در ، باباسی دییوردی که :

— بردها دویمایه‌یم او یله برسوز؛ عیب، عیب سکا یاقیشیر می ؟  
مبعوئیمسک سن ؟

نهایت آرقداشم بنی‌فرق ایتدی : « آمان، دیدی ، حاضر  
کلش‌کن چوجوغلنه درت بش نصیحت ویر ، چوقدندر او یله  
آزدی ، او یله حایل‌لاشدی که . . . هم نه‌در أفندم ، بوپولتیقه  
خسته‌لخی ؟ بشیکده‌کندن طوت‌ده تابوتده‌کینه قدر سیاسی‌تاله

مشغول : نروده ايسه چوجوقلر آنالرينك قوجاقلرنده « ممه !  
 ممه ! » ديه آغلايه جقلرينه « فرقه ، فرقه » ديه فرياد ايدم جكار ؛  
 آقشام بالارين كورونجه « قابينه دوشديمي ؟ » ديه سوراجقلر ؛  
 اويون ، اكلنجه يرينه دونما اغانه سي طوپلايه جقلر ! . . . ،  
 اودايه كيردك ، چوجق فرصتدن بالاستفاده قاچوب كيتدي .  
 بنده دردينى دوكمكه تشويق ايدر برطرزده آقداشمه سويلندم :  
 « — يوق جانم ، بوده سنك و همك ، هر كس كندى  
 ايشيله مشغول ! » او صاحبي ، اولطه سنه بالق وورمش بر صياد  
 كبي ، قنپه سندن فيرلادى ، هوا سزلقدن بوغولان بر معدن  
 عمله سي كبي قوللرينى بوشلقده بر ايكي صاللادى ؛ صوكره بر  
 نفسده آكلاتدى :

— وهم مي ، كيم ديمش ؟ سنده بر از دقت ايت  
 كورورسك ... مثلامسافري بر از بگلتدكي ، همان سويلنير :  
 — صدر اعظم كبي كونكر ، ساعتكز آيري ايسه  
 بيلديركده اوكا كوره كلهلم !

سيغورطه جينك بورجنى درت كون ويرمه دمكي ، آل بر  
 شكايه :

— ديون غير منتظمه دفترينه مي كچيرديكر ؟  
 اكمكجي سكر اوچه ويره سيه ويرسه ، آتني تكمه ليهره ميرلدا نير :

— آرتق فرونی به داوایمی داغیته جغز، نه در؟ تنسیقاندن  
 صو کره مشتری یانغیندن چیقمشه دوندی؛ زرهلی، طورپیدو  
 نه مزه کړک؟ پاره طوپلایلم ده آچلره عمارتخانه آچالم!  
 غزته جی آیک برنده پاره سنی آلیر، قضارا ویریلنه دیمی،  
 سوقاقدنه هم قوشار، هم شکایت ایدر:  
 — پاره طوتمایورسه ک قرا تخانه ده اوقو، باق قهوه لر  
 فاتحک جنازه نمازی ساعترینه دوندی، ئولو بکله ییچیلردن  
 یر یوق!...

بقالك حسابی تسویه اولنه مادیمی، غریب بر مکتوب:  
 — سزه درت کون مهلت؛ بورجکزی ویرمزسه کز  
 «ضنین» غزته مزله اسمکزی اعلان ایده جکم. امضا: سلیمانیه  
 قلوبی اعضاسندن و بقال اصنافدن حافظ اسماعیل.  
 احبادن بر مکتوب آلوب جوابی کجیکدیردکی، آل  
 بر شکایت:

— آافندم، سزک اوده مجلس مبعوثان عرضحال قومیسوننه  
 دوندی. کیرن چیقمیور، یازیلانک جوابی آلینمیور...  
 بونلرا هونی: دهادهشتیلیری سوقاقدنه کیلر؛ مثلاً تراموایده  
 کیدیورسکز؛ بیلتچی مجیدییه یی بوزمق ایسته میوب سزده براز  
 سویلندیکز می، اطرافده بر میریلتی:  
 — اونک قباحتی نه؟... قومپانیه نک نظامی اوپله؛ سن

کیت ده یتش بش سنه اونی باشمزه بلا ایدن حکومته صور...  
 براز حدتندیکزمی ، غریب غریب توجیهلر :  
 --- مبعوث غالباً ، سلانیکلمی عجبا ؟  
 الکزده بریاره می وار ، فیص قوص :  
 — دیوان حربده طیرناغی سوکولناردن بری بو اوله جق !  
 عجبا درسم مبعوثنک مجلسده کوستردیکی قویوق پارماق بونکمی ؟  
 آیاغکز قایوب دوشدیکزمی ، خاقده برقهقهه :  
 — نهی قابینه بيله دوشویور ؛ هیچ انسان دوشمزمی ؟  
 مثلاً بر آراهیه یینوب « براز خیزلیجه !... » دیدیکزمی ،  
 هان بر جواب :

— شمندوفرلرکز دهامی چابوق کیدیور ، واللہی یاریش  
 ایدرم ؛ مقری کوینه یاریم ساعت اول وارمازسه م توکور  
 یوزومه !

یاخود یا کیلوب « ایچریسی چوق توزلو !... » دییه جک  
 اولدو کزمی ، حریفده بر حدت :

— هیچ شهرامانته کیتدکی افندی ؟ پاره ایسته م ، سنی  
 بره داوا کوتوره یمده برکور ؛ باصدیغک زمان چیقان تور ایچنده  
 انسان کندیسنی کوره میور ، اونک قوقوسی یاننده بنمکی پودرا  
 کبی مسک قوقویور ...

پولیسلره کلاه اکسا اولونالی ، سوقاقده کیدرکن دقت ایتمه لی ؛





— بوخاکی رنکدر ، شانلی عسکر لرمزك قبول ایتدیکی ؛  
چوق یاقیشیر سزه ، باقکیز ضابطلرمزی نصل آچیور ...  
برکتابمی آله جقسکیز ؛ اعلی براسم : ثروت فنون کتبخانه سی ؛  
فقط اون غروشی قیزمیزیلی بیاضلی رکتابه چوق کوردیکزمی ،  
قوجه بر اعتراض :

— اُفندم ! حریت رنکی بو ... ایکی چاریکی اوغورنده  
فدا ایتمه لمیسکیز ؟  
آیاق قابیمی ایستورسکیز ، دکانجی قوطولری آچار  
وباشلار مدحه :

— بونلر خالص انکلیز مالیدر ، پولتیقه سی ده بویله صاغلار .  
مدر اما قدرینی بیله میورز ...  
بوتون بو کورولتودن ، بو پولتیقه مثاللرندن ، فیکر لرندن ،  
ملاحظه لرندن سوکره اوه دوزر دوزمز زوجه کز قارشیکزه  
چیقار :

— آ ! بک نهدر بو چهره ک ؟ ناظر سئده قایینه کمی  
دوشدی ، یوقسه مبعوئسئده داخلیه ناظری برقابالقمی ایتدی ؟  
ایشته ، عزیزم ، اصل قیزدیغم بو ... اوللاری چانیق چهره  
ایله کلسهم « قاره دکیژده کیلر کمی بادی ؟ » دین حریم بیله  
پولتیقه دن مثاللر ، تشبیهلر بولویور ... آرتق بو حاله تحملمی  
ایدیلیر ؟ بیقدق بو پولتیقه دن ! ... — ۲۲ کانون ثانی —

## يکي سنه نك اسراری

باقیچی قادین اُسکی بر صار دالیه قوطوسندن بر طوتام قیر میزی  
توز آلدی ، کوللی مانعاله آتدی . بودومانلر صالیویرن آتشک  
قارشیسنده بن ، کولباصدی بکله یین بر کدی کبی دیز چوکمش ،  
کوزلرمی دیکمش بکله یوردم . بردن خواجه خانمک آلت  
دوداغی چشمه کورمش بر کیرا بار کیر ککی کبی تتره دی ، چککسنه  
دوشدی ، حجره هضمیه سنی دیکش دیرن برده وه کبی معده سندن  
دوغرو بر خومورتنی چیقدی ؛ سونکر قدر ده لیک ده شیک  
چیچک بوزوعی یوزی کر یلدی ، کوزلرینک بیکلری آقنک  
ایچنده سوته دوشمش برر قاره سینک کبی قایدی ، غائب اولدی ؛  
نهایت آ کلاشیلماز بر سسله دیدی که :

— آت باقاييم سجاده يه هديه كي !

يلكمك جيندن ياريم ليرا آييردم ، اوصولجه جق يره  
بير اقدم . باقيجي قادين اوطور ديني يرده ، آياقلى باغلى ياغلى  
برهندي كي بوغوق بوغوق سسلرله كريلييور ، چيرپينيور ،  
صوكره بردن كسب سكونت ايدهرك بوينوني اوزاتييور ،  
حوضده يوزن برغوقو قوشى قدر عظمتله اويله قابارمش بيم  
سؤالمى بكلييوردي .

— خواجه خانم ، ديدم ، باق ماشاه يكي برسنيه كيردك ،  
بن مراقلى بر آدم ، احوال معلوم ، بكا سنه جديده ظرفنده  
نهوقوعات ظهور ايدهرك من الاول الى الاخر آكلاتيرميسك ؟  
مخاطبهم ايلك دفعه « پوليقيقه ، بودجه ، آنككت پارلمنتهر »  
كله لرني ايستمش برطشره مبعوثى قدر بوغرب بياتامه بيكانه  
قالدى ؛ دوشوندى ، برازدها ايضاحات ويردم ، نهايت آكلادى :  
— ها . اوغلم ، ديدى حكومت اسراريمى صوراجقسك ؟  
باش اوسته ، صاحبلى اذن ويررسه نهدن سويله ميم ، نهدر  
باقه يم آكلايه جقلىرك ؟

خواجه خانم مانغاله برطرتام دها توتسو آتدقن ، قرجه  
تسبيجنى قويودن صوچكر كي آغير آغير ، ايكله ايكله درت  
بش دفعه دور ايتدكدن صوكره ايچندن : « ودخى حرف مد  
اوچدر : واو ، يا ، الف ، اما واو نه زمان حرف مد اولور ،

واو ساکن الخ » مقامی اوزرینہ عجلہ عجلہ برایکی شی اوقودی .  
 دعا ایلریله دجکه وجودی تقلص ایدیور ، باشی اوکه آکیلیور ،  
 عادتاً طور طوپ اولویور ، حلول حریتدن بری تورکلرک ایلک  
 ایجاد اولان مشهور عالم « دوموزطوپ » شکلی آلییور ی .  
 آرتق خومورطیلر بسبتون آرتمش ، توز دومان ا دانی  
 قاپلامشدی . دیرکن آ کلاشیلماز برقاج کله دویدم . باقیچی  
 قادین سیر ایتدیکی سینهماطوغراف لوحه لرینی یاننده کی اعمی به  
 آ کلانیر کی کوزلری اودانک کوشه سننده کی اوقونماز برلوحه یه  
 معطوف نهایت سویلندی :

— آچیلسین کیرپی بکک بختی ، دوکولسون یکی سنه نك  
 اُسراری !

برمدت مانعالدہ یانان توتسونک چیتیر دیلرندن بشقه برشی  
 دیویمادی ؛ نهدن صوکره قادینک دومانلر آرقه سننده کی کوزلری  
 ایندن چیقمنغه حاضر لانان آبی کوزلری کی پارلامغه باشلادی ؛  
 بوغوق برسس آکلاتدی :

— آ ، کیمدر اوباقایم اوپله قیصه فیصه آیاقلی ، قوجامان  
 قارینلی ، باشی آق بابا کی چیپلاق ... اوپله سیرکه فوجیسی  
 کی آرقه کی دونمه ، یوزنی کوستر ! باشک قالایی ابریک کی  
 نهدن پارلایور اوپله سننک ... اوزمه نی سویله ، آدک نهدر ؟

ياوروم ... حا ، حا ، حقى مى ؟ ... آ او غلم حقى ، باق بز  
مراقده قالدق ، يكي سنده نه لر اوله حق ، بزه آكلانيرميسك؟  
ديوارده كي شكل نامرئى جواب ويرمدى . خواجه خانم ،  
جمعيت خفيه استجوابنده كي ، بوشخص ناموجودى « لوجه » يه  
قابادى : « سن چكيل ، ديهه هايقيردى ، ذاتاً دالغەلى دكيزده  
كيدەن كرسته كيىسى كي ايكي طرفكه ساللانييورسك ... » بعده  
شقه سە خطاب ايتدى :

— نەدر او كوردىكم ، طوربه مى ؟ آ ، انسائمش ...  
بريرمى سقط ، نەدر ؛ نه قدر ، اوافق تفك ! اختيارلارسه  
ايعان رئيسه دونه جنك ! النده ده فيريل فيريل دونن برشى وار .  
نەدر او ؟ ساعت كوستكىمى ؟ آياوروم ، دونانما كيجه سنده  
ماهتاب چويرن چوجوقلر كي اويله اوينامق سكا ياقيشيرمى ؟  
دون باقىم ، يوزيكي كورەيم ... بيقلرينك اطرافنى قيريمش ،  
قيريمش اورته سنى قابارتمش ، قابارتمشك صانكه بوسكا  
ياقيشمشمى ؟ ... قرە بيقلرك ، ددوه ديكنى اوزرنده يومورطه  
ياپان برركه قوندوز كي ، دوداقلر بگه ياقيشمش ، قونوشدقجه  
روزكاره طوتولمش يپراقلر كي دوداقلر قوندوزلريله برابر  
ساللانييور ، اونلرى يوته جقسك كي اغزىكي آچدقجه اچمه  
فئالق كليور ؛ نه اولور آياوروم ، اوزاتيويرسهك اونلرى ،  
الكدن منصبكىمى كيدر ؟



بوشخص مجهول ده سوزلرینه جواب ویرمینجه خواجه  
 خانم انفعالی آرتدیردی . خیال مستوری خیرپالادی :  
 « آرقه کده عباک ، ألكده عصاك يوق اما ، بوینکده  
 برکشکول آصیلی ! هر سنه جرّه چیقان خواجه لر کبی فرنگستانی  
 بویلیورسک ... آ اولادم ، او عظمتک نه ، ألكده کی کشکول نه ،  
 یا اون ییراق ، یا اوبرینی ده ، زحمتسزجه ایشنی کور ... » مدید  
 خومورتیلردن صوکره براوچنجی شخصه مراجعت ایتدی .  
 — آ ، آ بوده کیم ؟ کمی دوربینی قدر اوب اوزون ، پاریل ،  
 پاریل ، دیم دیک وجودیله بایراق دیرکنه بکزه یور ؛ جواب ویر  
 بکا ، اوزمه باقایم ، یکی سنه ده نهر اوله جق ؟

باقیجی قادین بویله اون قدر شخصه ایراد اسئله ایتدی ،  
 فقط هیچ برندن جواب موافق آلامادی ؛ اودا توتسو دومانندن ،  
 شرکت واپورینک باجاسنه دونویور ، شهزاده باشی تیازولری  
 کبی کوز کوردیکنی کوچ فرق اییدیوردی . ارتق صیقيلمشدم ،  
 قالقییوردم . قادین أيله اوطورمامی اشارت ایتدی :

— صور باقایم بشقه برشی ، دیدی ، چابوق جوابی  
 ویرهیم ... خاطر مه هیچ کلییوردی ، نه دن صوکره دیدم که :  
 — « جم » قاپانه جقمی ؟

خواجه خانم خومورداندی ، خومورداندی ، جواب  
 ویردی :

— هیچ قورقه ، دیدی ، اداره عریفه اولدجه قاپانماز ،  
فقط یکی مطبوعات قانونندن قورق !  
سنه جدیده نك أسرارینی بواخطاردن کشف ایتمک قولایدی !

— ۳ کانون ثانی ۳۲۶ —

## هر فالغه سبب : يولسزلق ۱

كېچه ياريښى بر ساعت كچه مدعو اولديغ اودن چيقدىم .  
فقط اويقوم اولماديغدن آرقداشلره تصادف ايتك اميديله ياني به  
دوغرو يورودىم . عضلاتمه بر كر كينلئك ، وجودمده بر قوت ،  
دماغمه بر كشايش واردى ، قونوشمق ، درد لشمك ، وقعه لر  
ديكلمك ايستيوردم .

چامورلرى اولرك بودروم پنجره لرندن ايچرى طاشان  
مردار سوقاقلر تنها ايدى ، يالئكز نره دن اوتديكى فرق اولونمايان  
پوليس دودوكلىرى دويولويور ، جاده دن كچن آرابه لرك كورو-  
لتولرى عكس ايدىيوردى . بردن بره كوشه باشنده بر كوليكه  
كوروندى ؛ غالبا بك تميز اولان لاستيكسز روغان فوطينلارنى

کیرله تمه مک ایچون غایت اعتنا ایله یورویور ، تل اوستنده موازنه  
 اویونی یاپان مبتدی بر جانباز کی صاغنه ، صولنه ا کیلیور، ینه  
 دوزه لیور، ینه بو کیلیور، هر حالده غایت زحمتله یول آلییوردی.  
 قارشى قارشى یه کلمشك ؛ اوکناره چکیلمش چامورلرک اورتە -  
 مدیکی ایکی کوچوک آتلامه طاشندن بنم چمه می بکیلیوردی .  
 نصل اولدی بیلم ، اوکمزده کی شخص ، دکنکندن چیقمش  
 بر قره کوز شکلی کی بردن ایکی بوکلوم اولدی وعین زمانده  
 بنمده آیاقلم قایدی ، حقه باز شقشاغی کی چات بر بر مزه آلین  
 آینه ووردق... صوکره اک ماهر پهلوالمرک تقدیرینی قازانه جق  
 بر چویکله کله دوشمه مک ایچون ایکی مزده بر بر مزى اوموزلادق...  
 فقط بو عملیه تأثیرینی کوستره مدی ، بالعکس سقوط مزى تسهیل  
 ایتدی ؛ قانجه سی قویمش اوچ آیاقلی بر مردیون کی باش طرفزدن  
 بر بر مزه باغلی آریلدق و « آمان ! » دیمکه قالمه دن اوپ اوزون  
 چامورلره کومولدک ...

أک اول باشمی قالدیردم ، اطرافه باقدم ؛ صوکره « یانی » نک  
 یان قاپوسنه معلق اوفق بوزلی فیزی کورونجه قولایجه تمیزله -  
 بیلمک ، احتمالیله چویکله شدم ، هان قالقدم ؛ همحالمده بی تقلید  
 ایتدی ؛ قاپونک چینغراغنه وزاندی .

شیمدی ایچریده ایدک . غارصونلر اوستمزى سیلرکن  
 دردله شیوردق ؛ شخص مجهول بردن بره دیدی که :

— بزی حمالار قدر یوران ، حرب میدانلرنده کی قدر  
تهلکه لره معروض بولوندوران ، حیاتدن اوصاندیران ، بد بخت  
وعلتلی ایدن نه در بیلیر میسکز ؟ یولسزلق ؛ اوت یولسزلق...  
بو محقق ؛ فضله قوشویورز ، فضله قوت صرف اییدیورز  
وبوتون بونلره مقابل آزا کلنیورز ، آزا قازانیورز ؛ سبب :  
یولسزلق ، اوت یولسزلق . . هر جنس انساندن ، حتی مرجان  
رنکلی آمریکا وحشیسندن ، فیل دریلی پولینزیالیدن ، بویونلری  
تاسمه لی هوتانتولردن دهاسفیل ، دهاسیر ، دهایورغون ایدن :  
ینه یولسزلق ، دایما یولسزلق . .

بر دفعه ، تا کیجه دن ، صباحک یولسزلق یوزندن چکه چکم  
مشقتلرینی دوشونه دوشونه درین برنمه بوغولویورم و اطراف  
آیدینلانیو آیدینلانماز — ایشم اقتضاسی — همان سوقاغه فیرلایورم .  
نصل برسوقاق ؟ تعریفه حاجت یوق . . . او یوقلرینه چامور  
دولمش ، قووقلرندن سوپرونتولر فیرلامش ، چوقورلرینه  
مردار قازدهویلر ، آسکی خرقه لر ، دیی دلیک صاچ منغاللر  
دولدورولمش بر مزبله ، آرابه زیفوسنه ده تصادف ایدرسهم  
دیزلر مه قدر چاموره باته جغمه ، برده پالطومک پالطولقدن  
چیقه رق پورصوق دریمی کبی بنک بنک ، لکه لکه اولاجغنه ،  
حتی بروتمک اوچنه قدر یاغلی کول یالامش آج سوقاق کوپکی  
کبی چامورلره بولاشه جغمه شبهه یوق . . . حالبوکه دوشونوکز



بر آوروپالی یی، حتی هندلی یی، جاوالی یی... باب عالی قوریدور -  
لرنده دولاشیر کی غاجیر غاجیر سوقاقلرنده یوروپیه بیلیرلر، بویله  
یورومک زحمت دکل، ذوق صاییلیر؛ بزده اوپله سوقاقلر  
اولسه هرکس فوج فوج سیرینه قوشار، اوینه دوندیکی زمان  
بروکسل سرکیسنی کورمش کی آکلاتدجه قارشیسنده کیلری  
حیرته دوشورور، تخته پارکهلرینک اوزرینه اورتو سرر،  
یمک بیر...

دائرة کزدن وقت بولوب برایشیکزی کورمکه کیتمکدن  
سزی منع ایدن نه در؟ یولسزلزلق؛ حاللری بشیوز اوقه  
یوکل آلتنده ازن، چوروتن، تکرلکللی آرابهلرله ایش  
کورملرینه مانع اولان نه در؟ یینه یولسزلزلق؛ سنه ده درت  
بانطالون، ایکی پالطو، سکنز چیفت فوطین اسیکیتن؟ اوده  
یولسزلزلق؛ چفتجینک آره سنی، اورمانجیلرک اودونتی، معدنلرک  
حاصلاتی یرنده بیراقان، قیمتدن دوشورن؛ دائما یولسزلزلق؛  
اهالیمزی مدینه تماسدن اوزاقلاشدیران، آلتده قابالی تفنیکله  
حیدود ایدن، چته لره باغلایان، بوده یولسزلزلق... اوت  
هپسی یولسزلزلق!

ا کلنجه لره، تیاترولره، آشه احابه کیده مییورز، سیاحته  
چیقامیورز، ده اوجوز ات، دهائی اکمک بیه مییورز،  
سبب: یولسزلزلق؛ ترله یوب خسته لانیورز، صوبه، چاموره

دوشوب روماتيزمايه طونولويورز ، ايشيمزدن اؤيمزه دونجه خوش بش قونوشمغه ، عالمزله كوروشمكه موفق اولاميورز ، همان رژی قوجلیسی کبی صرت اوستی دوشوب خورلامغه باشلیيورز ، نهدن ؟ يولسزلق ؛ راحت وحضوردن ، نظافت وصحتدن حصه مزی آلاميورز ، كولك كدیلری ، تارلا فاره لری ، دره قوندوزلری کبی توزلر ایچنده یووارلانیور ، چامورلر ایچنده اویالانیورز ، بوكاده سبب : يولسزلق !

اوت يولسزلق ؛ بشقه هیچ برسبب آراماییکز ! نیچون اوركمش كدی کبی همزك قانبوری چیقمش ، خسته بالقجیل کبی بلیمز بوكولمش ، تراشمر اوزامش ؛ نیچون زواللی آياقلمز علتلی چوجوقلر کبی قات قات يوك چورابلره ، فانیلهلی فوطینلره ، بوقاغیلردن آغیر لاستیکلره بورونمش ، یامرو یومرو اولمش ؛ نیچون آرابه لرمزك بویالری صولمش ، تکر - لکلری آشینمش ، دینکیللری قیرلمش ؟ هپسنك سبی بر : يولسزلق !

يولسزلق بزى پالیاچولردن دها كولونج ایدیور ؛ باقیکز شو قیافتمه ! بنده اؤینه دونن جدی بر آدم حالیمی وار ؟ یوقسه اورته اویوننده تحفلق اولسون دییه حوضه آتیلمش ، یاخود آت جانبازنده خلقی کولدورمك ایچون کوبره یه بولانمش برمسخره حالیمی ؟

ایش بوقدرله بیتسه اعلی ... شیمدی آویمه کیده جکم ،  
 دکلکی ؟ مردیون باشندن بومردار قیافته کورونجه قاوغا حاضر ؛  
 ایچوب ایچوب یرلره دوشن ، باشی ایل عالمک پنجره سنده کیدن ،  
 اطرافنه باققدن اوکنی قوللامغه وقت بولامیان ، هپسی بن  
 اولاجغم ، اوت ، هپسی بن .. ، دردی دوکمه ، وقععه یی  
 آکلامغه وقت قالیمیه جق ، چوجوقلر اویانه جق ، آغلاملر ،  
 ایکلملر ، بایلیر کی اولوب خالینک اوزرینه قاپانیشلر ، لقمان  
 روحی ، قولونیا دیه چیرینیشلر ، نفس آلاماقلر ، هپسی ،  
 بونلرک هپسی اوله جق ... بوکیج فصلی ؛ ایرتسی کونی ده  
 وار . اوتولر یانه جق ، صابونلی صولر حاضر لانه جق ، صوکره  
 وقتم کچه جک ، قلمدن قسط الیوم یاییله جق ، دهانه لر ، دهانه لر  
 ... کورویورسکزی ، بوتون بوکورولتولرک ، عائله نزاغلرینک ،  
 اوج درت کون دوام ایدن میریلتیلرک ، دیریلتیلرک ، سببی  
 هپ : یولسزلق !

یا حکومتک بوتون چکدکلری ، یولسزلقدن دکلکی ؟ یمنه  
 برحق آیده کوچ عسکر کوندره بیلیدورز ، حالبوکه برهفته ده  
 کیتسه ، شیخ ادريس پارماغنی اوینه - اتاماز ... حورانیه بردرلو  
 یرلشه مییورز ، حالبوکه یوللرمز اولسه درزیلری اک صادق  
 تبه مزدن صایه بیلیرز ... آرنای دلقده بیگ درلو اغتشاشلره ،  
 اختلاللره معروض قالیورز ، حالبوکه تره نلرمز ایشلسه ،

شوسہ لرمز آغ کبی اطرافی صارسہ اورالزینی اسویچرہ قدر  
ساکن کورہ بیلیرز !

ایشہ آفندم بونلر نیچون اولامییور ، نیچون بن خدمات  
شاقہ یہ محکوم برقاتل کبی یورولویور ، اذا وجفا چکییورم ،  
نیچون حکومت بیك درلو تہلککلر ایچندہ نرہ یہ آلی اوزاتسہ  
اجرا آتہ موفق اولامییور ، نیچین مملکتتمز فقیر ، محتاج ،  
آج ؟ زیرا یوللرمز یوق ... بشقہ سبب ، بشقہ قصور ، بشقہ  
علت آراماییکیز !

مخاطبم سنہ لرجہ قار ، یاغموور آلتندہ قالمش برقورقولق  
شکلنی آلان بوروشوق ، چامورلو ، ایصلاق البسہ سنہ شویلہ  
برباقدی . صوکرہ حدتندن یوزی بوروشمش ، سیما نک  
رنکی اوچمش برحالدہ سلام ویردی ؛ چیقدی .  
حقسنز میدی ؟

— ۳۰ کانون ثانی ۱۳۲۶ —

## تحملي آز بر آدم

با جناغم صول کوزنده حاصل اولان بنکی تداوی ایتدیرمک  
ایچون ویانه کیدیوردی . کندیسنی تشیيع ایتک لازمدی ؛  
کچن آقشام قونوانسیونلک حرکته یقین سرکه جی غارینه کیتدم  
ویوجلیم هنوز کلدیکدن ماصه لردن برینه اوطوردم وبکله دم .  
کلنلره کیدنلرک آياق کورولتوسی، دیشاریده سوروکلنه چوق  
تکرارکللی آل آرابه لرینک یوریجی صدالری آراسنده هنوز  
« تصویر افکار » ک « صانار علی ! » مقاله سنی اکمال ایتشدم .  
تایانمده ، طانیدیغم بر سسک « واغوزلی » غارصونه تنبیهات  
ویردیکنی ایشیتدم :

— شو کوچوک چانطه ایله پاکتلی فورغونه ویرمه ،



شیمیدن واغونه یرلشدر؛ او برلرینک ده بیلتنی آل، بکا کتیر!  
دوندم و سسلندم :

— اوو ، دیدم ، اه سلامت ویرسین ، یوجیلقمی ؟  
مخاطبم بکا تصادف ایتمکدن ممنون ، همان قوشـدی ، المی  
صیقدی و صوکره سـاعته شویله برکوز آتدی ، کلدی ، یانمه  
اوطوردی :

— اوت ، دیدی ، کیدیورم !  
— نریمه ، دییه صورددم ، چوق اوزاغهمی ؟  
— ممکن اولدینی قدر ...  
— برایش ایچون ؟

— خاییر ، کز مک ، دها دوغروسی قاقچق وقورتولمق  
ایچون ... بیلمیورسک نه قدر مضطربم ، نه درجه خستهیم ؛  
کوزومده اویقویوق ؛ هیچ برشی بنی ممنون ایتمیور ؛ پک ...  
دقت ایتدم ، فی الواقع آرقداشم سنه لرحه طوپراغی طیرناقلری  
ایله قازوبده دینه یرینه صوسنز قویو بولمش بر آدم قدرنومید ،  
بونو اعتراف ایتمکدن محجوب کی کوزلری یرده عادتاسویلرکن  
تتریوردی .

— جانم ، دیدم ، بودرجه تأثره سبب نه ؟ عاشقمیسک ؟  
تجارتده ضرررکی وار ؟ دعوا کیی غائب ایتدک ؟  
مخاطبم نم سرد ایتدیکم هرا حتماله قارشی ، صفر ویرمک

ایسته‌ین غرضکار بر میز قدر، حدتله باشنی صالالایور، قیزیوردی.  
نهایت مراقم آرتدی :

— یا نهدر، دیدم، بشقه نه‌اوله بیلیر ؟  
آرقداشم اولاً تردد ایتدی، صوکره، دردینی دوکمک  
احتیاجنه تحمل ایده‌مدی، آکلاتدی :

— اوت، دیسه تکرار ایتدی، کوزمده‌ایقو یوق،  
مضطربم، خسته‌یم ...

سببی : بونی بن‌ده اولاً آکلایامادم. فقط نه‌دن صوکره  
کشف ایتدم ؛ بنی ثولدورن، خراب ومضمحل ایدن بو‌حاله  
صوقان : سیاسیات ! بو‌خسته‌لق ناصل باشلادی بیلورمیسک ؟  
غزته اوقومقله، صوکره بیراخانه کوشه‌لرنده دردلشمکله ...  
لکن بو‌قدرله قالمادی، آرتدی، بینمی بتون استیلا ایتدی ؛  
دکل هم‌عیارلرمله، باشلادم کوپرو اوستنده هم‌الرله، لوقنطه‌لرده  
غرسونلر، واپورلرده بیاتجیلرله کوروشمکه، اونلری استجوابه ..  
گویا افکار عمومیه‌ینی تدقیق ایدیور، معلوماً آرتدیریورم.  
نه زمان آرابه‌یه بینمک لازم کلسه فایطون انتخاب ایدیوردم .  
اوشومک، نزه اولمق قورقوسیه‌له دکل . آمین اول، بالخاصه  
یولده آرابه‌جی ایله دردلشمک ایچون ! حمامده دلاک وجودمی  
اوغوشدورورکن صوریوردم : « سیواس نه عالمده ؟ » اوده

آشجی به سودلی پاسته تعریف ایدرکن آکلاتیورددم : « بولی ده اتحاد ترفی فرقه سی نفوذلیمی ؟ » رجبه کیدوب اوطوردمی اوصوله جق چیراغی استجواب ایدیورددم : « آرانوودلقده ینه قاریشیق وارمی ؟ » سرکه جیدن غلطیه کچرکن صندالینک آغزینی آرییورددم : « طربزون بک فنا دیورلر ! » بزم خاندن کی کورد بکجی بی اکثریا مهم برایش ایچون کبی چاغیرییورددم : « عشرت بکلری یکی اداره دن ممنومی ؟ »

بو حال علتک دورء اولیه سی ؛ صوکره حادثانه کیردی ، بحرانی صایقلامه لر باشلادی : مجلس مبعوثانه کیتدم ، مذاکراتی دیکلهدم ؛ اوچ ، درت کون ، کزدیکم یرده : « اسف ، اسف ، اسف ! » دیبه هایقیردم ؛ وکلانک مقرراتنه مطلع اولدقجه بایقوشلر کبی کیتدم ، مزارلقارده دولاشدم : « ایوا ، ایوا ، ایوا ! » دیبه فریادلر قوپاردم ؛ نافعنه ک پروژهلرینه ، معارفک یکی تشکیلاتنه ، اوقافک انشاآت و ترمیماتنه قارشی کونلرجه دوشوندم ، مجنونلر کبی اودامده قیالی ، ایش سز اوطورددم و « یازیق ، یازیق ، یازیق ! دیبه ایکلهدم ... ایشته بن بویله ازیت چکدم ، بویله محو اولدم !

هم ، دوعروسى ، نه یایدق شیمدی به قدر ؟ یوق صورارم سکا ؟ جواب ویر ! بن بوسؤالی ناظرلره ، غزته جیلره ، دلالره ، دیلنجیلره قدر صوردم . هپسی جواب ویره مدی ، ذاتاً بو کوک

اولان بويونلرينى كوكسلىرىنى ياپىشىدىردى.. صنايع نفيسه متروك..  
 حالا حسنك پاره طولانى سىر ايدىيورز، حالا مدحت افنديك  
 دردانه خانمى او قوبورز، حالا رسم نامنه طور غود رئيس  
 زرهلىسك چىويد رنگلى دكيزده باجلى قاليونه بكمزه ين كووده سنى  
 ساتون آليورز.

آقپور دىنجه حالا كوزمزه باصمه دونلى، بوسكولسىز  
 فسلى، الى سوپوركلى آدملىر كليور، حالا غاز تنكه سنى  
 دوشورمك، قهوهيه توكورمك، ألى قوشاغندن صوقوب  
 صاللامقلا بىزى كولدورويورلر. محرر، شاعر دىنجه يابادانه  
 فيرچه سى قدر كيرلى صاقاللى، ياغلى دىنغو تلى. قوجه قارىنلى،  
 چفته كوزلىكلى برهيو لا خاطر لايورز، يا خود باب على يوقوشنى  
 آياغنه دىكن باطمش خروس كى صىچرايه، صىچرايه اينن  
 بوروشوق فسلى، قولتوغى چانطه لى، قيشين صارى فوطينلى  
 خسته چوجوقلر... حالا بزه ينكه ينك اوداسنه نصل كيروب  
 كيجه يى كچىر دكلرينى، قادينك فوندانى لىكه سىز اينجى دىشلىرله  
 ازر كن صوبانك نصل كوزلرينى قاپادىغى يازى ورلر؛ حالا شعر  
 نامنه كوكه تول اورتولدى، دكيزه بورومچك ايندى دىيورلر.  
 كچن سنه قارلرى قالدىر دىلر، بوسنه اونندن ده واز كچدىلر.  
 داملىر اولوقسىز، دكان اورتولرى چوروك؛ قارلر ياغار كن ده  
 انسان شمسىه آچغه مجبور، كونس آچوب اُرير كن ده... بونلر

اهمیتسنز شیلردر اما دیگر قباحتری کورمک ایچون کوز آچدیرر.  
یا حکومتک موقعی . . . طبق بر آخرتک قیز کی ، کلن  
آزارلار ، کیدن آزارلار ؛ انکلتزه دن لوردلر آرالار ، فرانسه دن  
مبعوثلر ! نیه قاریشدیریورز اونلری احوال داخلیه مزه ؟...  
مع مافیه ، حقیقتی سویلرم ، وکلامزک موقعلری جدأ مشکل !  
یچاره لر اقتداره کچدکلی زمان اوکلرنده بزم رنگمزه بویانمش  
یالکیز بر خریطه بولدیلر ، هم اوילה بر خریطه که انظار بشره  
چوق اوزاق اولان قمرک خریطه سندن بیله ده ناقص ؛ قبارتیلر  
یولی ، داغمی ، آکلاشیلما یور . . . نهایت آرالرنده قونوشدیلر :  
ایشته ، دیدیلر ، اداره ایده جکمز مملکت ! بری صوردی :  
« بو قدرمی ؟ » دیگری جواب ویردی : « اوت ، اوفاقچه ! »  
اوچونجیسی سویلندی : « اما ایگری بوکری ها ! » یشنجیسی  
میریلدندی : « هم نه قاریشیق ! » احوال داخلیه نی شرح و تفصیله  
لزوم یوق ؛ خارجینسی ایسه صورما : انکلتزه راختاپوط کی یاشادینی  
دکیز اورتیه سندن بیکلرجه قوللرینی اوزاتمش باشمزه کزدیریور ؛  
روسیه ژاپونلرک یاقدینی طاباننک آجیسنه باقاییور ، دیشلرینی  
کوسترییور ؛ ایتالیا ، باشنده یانان وه زووک دردینی اونودیور ،  
مافارناسنی تا طرابلسده یمک ایستیور ؛ آلمانیا املاک دلالی کی  
دوست کورونوب یووامزی داغتیور ! بکینیور میسک بو حال ؟  
مملکت مزایسه باشدن باشه بره شهر اخذ واشترا ؛ نره ده ، نه طرفده



دولاشمەك ، چىفېت چارشىسى كى ، انسانك قولاغىنە منادىلر ك  
 سىسلرى كليور : « ھا ساتىليور ، ھا ساتىليور ، وارمى  
 آرتدىران ؟ ايكى سىنە صوكرە دو قوز يوز بىك لىرا ايدەجك  
 عىرە بوسنە قرق بىك لىرايە ساتىليور ، آلمان پشيمان اولويور ! »  
 صوكرە بويوك برمس-اواتىزلىق : مشىخت « چولوغە  
 چوجوغە معاش دە ويرلىرىمى ھىچ ! » دىيور ، رۇس معاشلىرىنى  
 قالدىريور ، حالبوكة نافعە ، قونداغندن ھنوز چىقوب قواني  
 بودىنى صالايانلىرى برچوق تىخىصاتلە الكىترىك قومىسىرى  
 يايور ؛ معارف ، طشرە مكاتب سلطانيە سىنە ، اوست دوداقلرى  
 دھا تويلىمكە وقت بولاميانلىرى خواجە ياييور ؛ بوخام ميودلر  
 فسادينە سىب اولمازمى ھىچ ؟

اجراآت نافعە نامنە دھا آناطوليدە برقازمە ايشلەمەدى ،  
 بركورەك طويراق آتيلمادى ؛ يىكى ياپىلان كوپرولرك عددى  
 نہايت بشە وارييور ، يىقىلانلرك ايسە بشيوزە ... ياقيندە بر  
 كويدن بر كويە آدم ايشليەمىەجك دە نہايت آرالرندن اولنە ،  
 اولنە خلق طورونى ، بالدىزىنى آلاجق ؛ آتلىر او كوزلرلە ،  
 كوپكلرلە ، تارالا فارەلرلە چىقتلشەجك ... معارفە برطوبى آججى  
 عنوانى ويردىلر ؛ نەدوغرو ! مملكتەمزدە بو آجج نەقدر يوقسە  
 معارف دە او قدر يوق ؛ كونى شاشىران كويلو ، جمعە نمازىنى  
 چھارشنبەدن قىلييور ؛ ياقيندە جمعە سىنى ، چھارشنبە سىنى ، صاغى

صولی دکل آنا بابا دیمه سنی ده اونوته جق ، نهایت یکی یتیشدیر-  
دیکمز نسل دنیا به صاغر ، دیلسز کله جک !

آرقداشم حرب سفینه لرنده مستعمل اشارت تخته لری کبی  
قوللرینی متمادی آشاغی یوقاری ایندیروب چیقارهرق عادتاً  
هایقیوریور ، کلنلر کچنلر دونوب بزه باقییور ، پولیس یان یان  
صوقولویوردی . او ، قیدسز دوام ایتدی :

— شیمدی آوروپاده بکا بر فرنک سورسه : « چراغانک ،  
خبره خانه نک ، باب عالینک یرینه بنالر یاپیلدیمی ؟ » بنه جواب  
ویرهیم ؟ بنا دکل تخته پرده یاپیلما دی . هیچ ، اُسکی کوپرونک  
چوروک قالاصلرینی قار یاغیور ؛ صوئوق چوق دیسه اوتوز  
بش غروشدن سکسانه آرتدیروب صاتان حکومت اسراف  
ایدرمی ؟ کوتی بکلر ؛ برکون طالعی یاردیم ایدوب طاش ،  
طوغله پیاسه سی آرتارسه یانغیندن قالان دیوارلری ، باجالری  
درت مثلنه ینه کندی اهالیسنه صاتار کار ایدر !

بردن ایلك قامپانهك سسی دیبولدی ، باجناغم ده کوزنده  
سیاه صارغیسی قاپودن کوروندی ؛ همان قالقدم ، « جانم ، دور  
براز ده ، سوزیمی یتیرهیم ! » دییه قولمدن طوتان تحملسز  
آرقداشمه جواب ویردیم :

— بنده پاسا پورطمی آلوب بانقه نك چكنی جییمه قویسه م

اوته سنی دیکلردم !....

— ۱۲ شباط ۳۲۶ —

## ياز كليبور ...

سوينه‌لی می ، دردلمه‌لی می ؟

واغونك جامندن ، یشیلله‌نن چایرلری ، چیچك آچان باده  
آغاچلرینی آرقداشمه کوستردم وصیجاق ، رایحه‌دار برکونشه  
قاووشمقدن متولد برنشئه ایله دیدم که :  
— یاز كليبور !...

بو تبشیره قارشی مخاطبیم دورغون بر طورله غزته‌سنی  
ایندیردی و شویله لاقید ، دیشاری یه برکوز آتدی ، صوکره  
حدتلمش کبی باشنی صاللا یوب :

— بونده بزم ایچون سوينه‌جك نه وار ، دییه سويلندی ،  
زحمتزمی آزاله‌جق ، نشئه‌مزمی آرته‌جق ؟ خاییر ، هیچ  
بری ... بنجه یاز کلدی دیمك ، یاقیجی کونشه قارشی ایصلاق

کوبره لری قورویان یوقوشلره طیرمانه رق ، توزدن کیرپیکلری ،  
 قاشلری سورمه لشمش بر حالدہ قلمہ کیتمک ، مندیانی تردن  
 بوکولشم یا قالغنه بر یصدیق اورتوسی کبی صاره رق صاغ ایلله  
 اوراق تصحیح ایتمک ، صول ایلله یلپازه لشمک واقشام بیك  
 درلو زحمتدن صوکره اویسه دوندیکک زمان بری مده ده ،  
 دیکری امزیکده ، او بری ده اغاچ پیه سنده اوچ چوجوقلی  
 درت بش مسافر بولمق دیمکدر .

بیك درلو زحمت دیورم ... زیرا واپوره بینمک ایچون  
 اوتوز سکیز درجه حرارت ایچنده یوزلرجه کشینک خاشلامه  
 کستانه کبی دومانلر صالیویردیکی اسکله لرده حامللره پهلوانلر  
 کبی کوره شک ، کوچوکجه چوجوقلرک باشلردن جانبازلر کبی  
 فیرلایوب کچمک ، شیلته خارارلرینک ، برنج قازده ویلرینک ، اون  
 چوواللرینک ، یاغ فوچیلرینک اوزرینه کمی قضا زده لری کبی  
 طیرمانمق وصاقللی برافندینک ناصورینه باصوب آزارلاندقدن ،  
 شیقجه برخامه بالجبوریه فضله صوقولوب اعلی برشمسیه ییدکدن  
 صوکره ، چوجغک آئنده کی بالونی ازقضا قوپاروب قاچایم دیرکن  
 خالاطه طاقیله رق ، واپوره صاحجه یمش بر طاوشان کبی درت  
 طاقله آتوب کیرمک مجبوریدر .

دیدیکم کبی باری بو یورغونلقدن صوکره اونده راحت  
 ایده ییلمک ، سرینه لمک ممکن اولسه ... محقق مسافر واردر ،



و مسافر وار ديمك بزده او صاحبنه ارتق قول كوله اولدك  
 ديمكدرد. اك هوا دار اودا اونلره ويريلير ، بزم جيندكلر  
 سوكولور، اونلرك ياتاقلرينه قورولور ، قاريوله لر مذك آلتنده كي  
 شيلته لر آزاله آزاله نهايت بزه برر بومبه قالير ، حالبوكه  
 اونلرك كي قاباران بر سوت تجره سي كي بم بياض ، ترتميز  
 يوكسه لير ، يوكسه لير ، مدت مسافر تلريني اك آشاغي بر هفته  
 ده اتمديد ابتديره جك برشكل حضور ورفاه آليز .

مثلا بركون اودا كدن باشني چيقاروب يابانچينك اوينه  
 دونن صوفيه باقديغك زمان قوربنغه قدر اينجه باجاقلي ،  
 قوجا مان قارينلي ، عادتاً عربستان فيستيني كي يامرو يومرو بر  
 چوجوغك دولاشديغني كورورسك ؛ صورارسك : ملازم  
 حمدي بكك قيزي ، صراجه سي وارمشده سزك اوده جويز  
 ياپراغي بانيوسي آلييورمش ... حالبوكه او صاحبي بقالك ،  
 عطارك آرقه سنده قوشمقدن ، قاچ کوچ قورقوسندن ، قاپ  
 چاناق يوقسزلغندن بردرلو دكل عادي بانيوسني ، آبدستني آلمغه  
 وقت بولاماز . بو قدر اولسه ... باغچواني صوردمكي ؟ جويز  
 آغاجنده جوايبي آليرسك ؛ جويز آغاجنه درت كون صوكره  
 باقدمكي ؟ بغداد مبعوثي كي صويولوب صوغانه چوريلديكني  
 كورورسك ...

دكيزه كيره جك جلدخسته لقلي ، يول يورويه جك اورلو ،

علم داغی صوبی ایچمه جک بویرهک صانجیلی ، ویر هواسی اله جق  
 سیکیرلی اوزاقدن یاقیندن نه قدر طانیدیغک ، آقرباک وارسه  
 محقق درجه ثروتنه کوره درت اوقه عقیده ، بش پاکت  
 چیقولاته ، اون ارشین شام قاشی ، قیشدن قالمه برطوره  
 طارخانه کبی هدیه لرله برر دفعه سزی زیارت ایدرلر . بونلرک  
 کیمی نشئه لیدر ؛ مثلاً قصابک دعواسنی غائب ایدوب فضولی اون  
 لیرایه محکوم اولدیغکیزک آقشامی اویکیزدهده دوکون وارظن  
 ایدرسیکیز : جاملر آچیلمش ، لامبه لر یانمش ، سفره لر  
 قورولمش ، چالغی طاقی حاضر لاشدر ... نه غزللر ، نه قهقهه لر ،  
 نه کوچهک اویونلری ! براز صوئوق دورمغه بیله کلز : « آ ،  
 بک ، تکرری مسافری ، کناهدر ! » مقابله سی حاضر در . همان  
 قوشار ، کوملککیزک تریله ، کیریشی قوپان عوده تل ، دریسی  
 باطلا یان دغه اش آرامغه کیدرسیکیز .

وقتی ختام بولوب بومسافرلر درت شفتالی دالی ، سکز  
 اون کل فدانی ، ایکی ده جام قیروب کیلاردهده قیریه جق حتی  
 برکله شکر ، آچیه جق برتنکه زیتون یاغی بیراقمه دن کیدرلرکن  
 بشقه برقافله : بونلر فضله خسته لقلیدر ؛ مثلاً اوفاق برتجارت  
 ایشندن شویله یوزده یکرمی بشی درجیب ایدوب بیسک نشئه  
 ایله دوندوکزمی ، اویکیزی یاردارالشفایاقولرا تحفظخانه سی  
 ظن ایدرسیکیز : پالیچولر کبی پات دیه یرلره دوشوب دوشوب

اوزانانلر ، سانجیدن لوانطه قوقلامش کدیلر کی کندیلرینی  
قنپه دن قاریوله یه ، قاریوله دن ماصه مک آلتنه آتوب بوکلوم  
بوکلوم قیوریلانلر ، قولنی قوجه بر صارغی ایله بویینه آسوب  
قفاسنده درت دکر می تلبندله چاتقی وورانلر ؛ دها نه لرده ،  
نهلر : ایکلمه نک ، آغلامه نک ، هیچقیریغک انوعی ! براز  
مشتکی دورمغه بيله گلز : « آبك ، تکر می مسافری ، کناهدر ! »  
مقابله سی حاضر در . همان قوشار ، فوطینلریکیزک توزیله  
دوقتور ، دیشجی ، چیققیجی ، خواجه آرامغه کیدرسیکیز !  
بونلرده اجزاجی یه آلتش سکیز غروش بورج ، اوصاحبنه  
ایکی لیرا تضمینات ، دوندورمه جی یه اون درت اوتوز پاره  
ویره سیه بیراقوب کیلارده ده حتی بریشیرملک برنج ، برتوتسولک  
شکر بیراقمه دن کیدرلر ..

صاید قلم مادی ضررلریمز ، مغویسی ده وار : مسافرک  
اون سکیز یاشنده کی اوغلی قومشونک قیزیله ایجیر آغاجنه  
چیققمش ؛ قومشونک آشجیسیله مسافرک آخرتلیکی کومسه  
کیرمش ؛ حسن بکک خلایفی اوده کی عربی قاندرمش ده  
« حریت وار ، بزى آزاد ایتسینلر ! » دییه قاراقوله قاچیرمش ...  
ها ، باقیکیز ، برده کز مه ، توزمه ، سیران مصر فی واردر !  
زامبا اوغلی باغچه سنده جانلی فوطوغراف اوچه ما کنه لرینی  
کوستره جگمش ، حسنک نیاتروسی « جانیلر ، جاناوارلر »

دییہ مراقلی براویون ویره جکمش ؛ هر کیه تنزه وارمش ،  
موداده دوناما اعانه سنه قایق یاریشلری یاپیله جقمش ... بونک  
کبی بیک درلو وسیله لر ؛ « مسافر خانمک قیزی آلاریکزدن  
اوپوبور ، بک عموجه م بنی اورایه کوندرمزلرمی دیور ! »  
مقدمه سیله سزه شکلی بیله کوسترمه مک ایچون کچه جککنز  
صیرلرده قابو آرقه لرینه ، البسه دولاب لرینه صاقلانان  
بواقربا کز ایچون اوچ مجیدییه بی هبا ایدرسیکیز ! یاخود  
صباحلین واپوره یتشمک ایچون علی العجله فیرلارکن آنتاریلی ،  
بلی قوشاقلی ، چورابسر آیاغی فوطینلی برچوجوق اتیککزدن  
یاپیشیر ، پارماغی بورننده ، خسته سیسیله : « دای بک ، بن  
قوقله یه کیده جکم ، پاره ویر ! » مآلنده صیزبلدار ؛ چاره یوق  
مجیدییه نی بوسویملی چوجوق اوغرنده فدا ایلسکیز !

نهایت دهاسز ، اوصاحبلری ، درت ده کیزبانوسو آلمه دن ،  
شویله قاییش داغنه دوغرو برسیران یایمه دن ، فاملیاجه طوپلانوب  
مهتابده بریمک یمه دن روزکارلر ، یاغمرلر ، قارلر باشلار ،  
قیش یتیشیر کلیر ... سزده منغالیکزی آشر ، صوباکزی  
آشلو ، کندیکزی دیکلر سیمکیز !

ایشته « یاز کلیور ! » دییه تبشیر ایتدیککیز مسئله نک  
ماهیتی ؛ بیلیم سونمه لی می ، یوقسه دردلمه لی می ؟

## ألى بىك كشىنك مبعوثانغى ...

دنيانك اك كوج ايشى ، اك كوج صنعتى نهدر ، شمدى يه  
قدر بن ده بونى تعين ايدمه مش ، خسته لر ينك باغر صاقلرينى  
دوغرايان دوكتورلره ، حدود بوينده دشمن قورشونلرينه  
هدف اولان عسكرلره ، قناعت وجدانيه سى خلافتنه جانيلرى  
مدافعه ايدن آووقاتلره ، صوكر ادها آشاغى طبقه لره اينه رك ،  
دلاللره ، حماللره ، سوپرونتوجيلره قدر تدقيق ايتش ، فقط  
بردولو قرارلرمى ويره مه مشدم .

غالبا حربه ناظر منك مجلس مبعوثانده ك شكول فقرادن  
بحث ايتديكى كوندى ، كوپرونك آمين اوگى جهتدن غلطيه  
كچيوردم ، شهرامانتك ، سكر مجيديه آله جغم ديه ، اك غلبه لك ،



اُك خراب يره انشا ايتدريدكي موشامبه قاپلي شربتجي باراقه سنك  
او كنده مبعوثلردن بر محبمه تصادف ايتدم ؛ ديليله بيقلرينك  
نمى آلدقن صوكره بكا ديدى كه :

— اون پاره يه بردولو باردق اعلى غازوز ، ايجيلمزى ؟  
خيلي لالابالى اولديغمز جهتله سويلمكه تردد ايتدم :  
— دوغرو ، فقط ، ديدم ، سزك ايجون براز مناسبتر  
دوشمزمى ؟ سرده مبعوثلق وار ، اُللى بيك كيشينك وكالتى ..!  
رفيقم جمله مى اكاله بيراقادى ، اوچورمه يووارلانمايه  
رمق قالمش كچي شـدتله قولمدن ياقالادى ، چكدى وجواب  
ويردى :

— سكا دوغروسنى سويله يه يم مى ، ديدى ، بنده بيقدم  
بوترانه دن ... بيك وسيله بولوب كونده بيك كره بكابونى تكرار  
اينديورلر ، اُللى بيك كيشينك مبعوثى ، اُللى بيك كيشينك  
وكالتى ... چوقدن اُللى بيك كره پشيمان اولدم بو ايشه !  
دوردى ، خاصه درايث وادراكمى آكلامق ايسيتور كچي  
نى يوقاريدن آشاغيه برسوزدى ، صوكره تجربه سندن ممنون ،  
بكا صوردى :

— دنيانك اُك كوچ ايشى ، اُك كوچ صنعتى ندر ،  
بيلميرميسك ؟

— خاير ، ديهه سويلندم ، ده بر درلو اوكره نه مدم !

— اویله ایسه بن سکا سویله یه !

تکرار دوردی ، نیچون بیلیم ، برمدت تردد ایتدی ،  
صوکره هایقردی :

— مبعوثلق ، دیدی ، مبعوثلق ، اَللی بیک کیشینک  
مبعوثلغی ، اَللی بیک کیشینک مأمورلغی ...  
صوکره آکلاتدی :

— اوچنجی سنه سی اولویور ، برکون بکا ولایتدن کیرلی  
برظرف کلدی ، آچدم ، چیقان کاغذک آلتنده تام درت یوز  
قرق برامضا واردی : قهرمان زاده لر ، یمشچی اوغللری ،  
خواجه پاشا زاده لر ، غیر قیز طورونری بوتون خاندان ،  
بوتون اعیان کل غنجه سیله ایستیفلی مهرلرخی صیره سیله باصمشلر ،  
نی مبعوث انتخاب ایتمکه عهد و پیمان ایلدکلرخی سویلیورلردی ...  
بابامده اصرار ایتدی ، اصرار ایتدی ، احبابلرم ده « شرفلی  
ایشدر ، برکون کلیر ناظرده اولورسک ، صدر اعظمده ... »  
دیدی ، حریمده یالواردی ؛ اوصیرهده رایشده طوتمیوردم ،  
قوم قاپوده کی عقارتلرمی ده صاتمشدیم ، « هایدی باقالم ، برده  
بونى تجربه ایدلم ! » دیدم ، موافقتی ویردم . کاشکه ویرمه -  
سه دیدم ... کیردیکمزک اوچنجی آئی ، مکتبده کیبی صیره صیره  
رحله لره دیزیلوب راحت راحت لقردی دیکلرکن بفرقه  
منازعه سیدر باشلادی ؛ سنسک بنسک اوقدر ایلری واردی که

نهایت آوجی نفرلری ، برکومه اوردك قالديرمش کبی اطرافیزی  
 چویردی ، ویردی آتشی ، ویردی آتشی ، قاچانمزقاچدی ،  
 سریلهنمز سریلیدی ، هرکس بربرینه کیردی ... تام تکرار  
 انتظامه کیردك ، مخالفلرک دینلی طوتدق ، بوسفرده یانغین  
 یتیشدی ، قوجه سرایمزی کول ، کومور ایتدی ؛ ثباته ینه  
 قصور ایتمه دك ، باشمزی بریره صوقدق ، شیمدی ده حبسلر ،  
 طوقاتلر باشلادی ... والحاصل راحتمز قالمادی !

ذاتاً ، هایدی دیهلم اوجهتدن راحت ایدلم ، ساده بومی یا؟  
 أَللی بیک کشینک مبعوثلغی وار ؛ ایکی بیک غروش معاش  
 ویرلر ، برقارنک آجیقوب کبابجی دکاننه کیردکمی سرزنشلر  
 باشلار :

— « عیب اولویور جانم ، برکوچوک لوقانطیه کیتسه  
 کیزه ! » کوچوک لوقانطه ، دیورلر اما انسانه أک آشاغی اون  
 غروش مال اولویور ... اون غروش غروش بر اون غروش ضم  
 ایتدیگمی چشمه دن صویکی طاشیه جق ، مسافر کلیرسه قوشوب  
 سوتجیدن یوغوردیکی کتیره جک برکوچوک اوشاق طوتارسک ،  
 آخرتدکک پارماغنه بریوزوک طاقارده کوکلنی آلیرسک ! .

أوده چولوق چوجوق یوکلیدن بشقه برشی کیمیور ،  
 براز سویله دکی : « أَللی بیک کشینک مبعوثنه بشقه درلوسی  
 اولورمی ؟ » دیورلر ؛ درت اودالی برأو طوتاماز ، کویده

فایطوندن بشقه آرابه یه ینه مز ، کیدوبده صندوق بروننده  
 درت قدح راقیکی ایچه مزسک ... عکسنی یابدکمی ؟ « أَللّٰی بیک  
 کشینک مبعوثنه بویاقیشیرمی ؟ » میریتیلری باشلار . بقاله  
 بورجک آرتدیمی ؟ کیراجی یه آیلنی درت کون کچ ویرمک  
 ایسته دکمی ؟ بشقه سنده اولسه غایت طبعی کوره جکاری  
 بوقصورلری بویولتورلر ، بویولتورلر ، محله یی بربرینه قاتان  
 بردیدی قودی حالنه صوقارلر ... کولسه ک : « باق یمنی ،  
 حورانی ، کریدی شیمدی ده اشقودرینی دوشونویورمی ؟ ساده  
 براوزتی ! .. » کبی تعریضلر حاضر ! چوق سویلرسک :  
 « محاسک بللی » دییه اکلنیرلر ، آز سویلرسک : « هله  
 اویقوسندن اویاندی ... » دیرلر ، هیچ سویلرسک : « سکوتیلر  
 فرقه سی رئیس ، خوابیدکان اعضاسی » اسملرینی ویررلر .  
 صوکره محله قهوسندن طوتده شورای دولته قدر  
 بیاناتنک هرکله سی ، هرجه سی آیری آیری تدقیق اولنور ،  
 آیری تنقیدلره ، آیری تعریضلره هدف ایدیلر .. قامارده  
 اوطورورکن غزته نک عجله ایله معناسز برحاله صوقدینی نطقنک  
 برجه سنی اوقویان بررشدیه طلبه سی هیچ هضم ایدمه جکک  
 برتحقیر فیرلاتیر ، سسکی چیقارامازسک ؛ مزاج غزته لری  
 تحفلق دییه کله لریکی دیکشیدیرر ، دیکشیدیرر ، کولونج برحاله  
 صوقار ، ینه برشی دییه مزسک ؛ قناعت فکریه ک خلافته ده اولسه

فرقه قراری ویردی دییه آغزیک آچامازسک ! والحاصل اویله  
برحاله کلیرسک که آلی بیک دفعه پشیمان اولور ، آلی بیک کره  
استغفایه قرار ویررسک !

یا دائرة انتخابیه کدن چکدکلرک ؟ کونده قرق مکتوب ،  
اون تلغراف ، متغلبه دن شکایتیه ، مأموریت آرامغه ، چفتلکدنک  
دعواسنی قورتارمغه کلش برچوق مسافر ، برچوق یولچی ...  
هپسی جواب بکلر ؛ کجیکدکمی ؟ طرز افاده لر همان سرتلشیر ،  
عادنا تهدید شکلنی آلیر ... نهایت باقارسک اولمایه حق ، داخلیه  
ناظرینک ، مخصوصاً ایش کوردیرمکه کلن مبعوثلره تخصیص  
ایتدیکی کونده انتظار سالوننه کیررسک ... فقط ، ماحشره ،  
وقت ، صیره بولوب ده کیره بیلیرسه ک کیر ، باقارسک سندن  
درد ساعت اول کلنلر دها بکلیور ...

فرقه مسئله لری ده آریجه برر درد ... طرفدارمیسک ؟ .  
برقسم احبابکله قطع مناسبتیه قدر وازیرسک ، آک سودکلر کدن  
بیک درلو آغیر تعریضلره ، سرزنشلره اوغرارسک و بوتون  
عمریکی دائرة انتخابیه کده کی قلوبلرک أمرلرینی اجرا ایتمکه  
کچیررسک ! . مخالفمیسک ؟ بردفعه بوتون امیدلریکه الوداع  
دیر ، یالکزی ایکی بیک بش یوز غروشله کچینمکه راضی اولورسک ؛  
منتخب نانیلریکه فائده ک دو قونمادیغی جهته یواش یواش ایکنجی  
دورده ایش سز قالمق تهله کلرینک ده کسب قطعیت ایتدیکنی



کورور ، اندیشهٔ معیشتہ کیجہ اویقولریکی قاجیرسک ؛  
 مایوس ، دردناک برحالدہ مکتب چوجوغی کبی کلیر ، صیرہ کہ  
 اوطورور ، دیکلر ، دیکلر ، آقشام اولونجه قالقار ، اویکہ  
 کیدرسک ؛ نہ صدراعظمندن برس-لام ، نہ خدمہ لردن برکولر  
 یوز ! متروک برحالدہ ، لزومسز برآدم کبی سادہ جہ قہوہ کی ،  
 سیغارہ کی ایچر ، شمندوفر یوللرنده کی اشارت ماکنہ لری کبی  
 قوللرینی برآشاغی بریوقاری قالدیروب ایندیرر ، رأی ویررسک !  
 صوکرہ بوتون بونلرک حدتیلہ کلوب فرخلق ویرسین دیہ  
 بربارداق غازوزدہ ایچدکمی ، اُک حال آشنا بردوستکندن ده :  
 « آلی بیگ کیشینک وکیلنہ بویاقیشماز ! ... » تمریضنہ اوغراسک .  
 آلی بیگ کیشینک مبعوثی ، بویلہ بزہ پک چوق ایکن بعضیمز  
 کافی کورمیور : « یکرمی میلیون عثمانلینک مبعوثی یم ! » دیور ..  
 یکرمی میلیون کیشینک مأمورلغی . ہیچ بویوکک آلتندن  
 قالقیلیری ؟ ...

غاطہ طرفنہ یکمشدک ؛ رفیقہ حرکت ایتک اوزرہ اولان  
 اوتوبوسہ آتلادی وبوتون حدتی اونوتمش برحالدہ متبسمانہ  
 سویلندی :

— شمندوفرلر ، واپورلر کبی بردہ شوکا بیات آلمہدن

بینہ بیلسہک ! ... — ۹ مارت ۳۲۷ —

## دردی چوق بر آدمك حكايه سی

یانغیندن سوکره دون اوغرا دم ، فقط آرادیغك قلمی  
بولایلماك ممکنمی ؟ ألمده استدا ، باشمی اوزاتما دیغم قاپی ،  
استجواب ایتمه دیکم خدمه قالمادی ؛ کیمی « صاغه دون ! »  
کیمی « صولده کی برنجی قلم ! » کیمی ده « اُسکی یرنده ! »  
دیور ؛ بنی آلاجقلی کی صوفه صوفه ، اودا اودا دولاشدیر -  
ییوردی . نهایت صبرم توکندی ، دونویوردم ، طانیدیغم برسیما  
ایله قارشی قارشی یه کلدم ؛ برمدت اوبکاباقدی ، بن اوکا... هیچ  
شبهه یوق ، بوتراشی اوزون ، رنکی اوچوق ، چکه کیمکی یاماغنك  
دریسنی باطلاده جق قدر ضعیف بو بیچاره آدم و قتیله قونییه ده

طانیشدیغم تحریرات مدیری احسان افندی . بویله قارشى قارشى یه کلوب کوزلیمزى بربریمزه دیکهرك قاوغایه حاضرلاناں کدیله کبی دیم دیک دورمق ، باب عالی دهلیزلرنده مناسبتسز برحال تشکیل ایتدیکندن ، نهایت ویرمک ایچون دیدم که :

— ظن ایدرسه احسان افندیله مشرف اولویورم ..

مخاطم اولابنی ، سیاسی خاطرذن چیقمش برآلاجقلى ظن ایتمش اولمالیدی که اُک سرت جوابی ویرمکه حاضر، حدید برباقیشله عادتا بوی اولچیوردی؛ فقط بونازکانه سؤالنه قارشى طوپلاندى ؛ یرلی کیره میتلر قدر باصلی دیشلرینی کوسترن بر تبسمله جواب ویردی :

— اوت أفدم ، امرکز ؟

— استغفره ، دیدم ، بنی طانییه مادیکز می؟ هانی قونییه ده

کوروشمشدک ...

دها زیاده ایضاحات ویرمکه لزوم قالمادی ، اُسکی آشنام ، بر ایری حلقه یه باغلی بش دمیر آناختاره دونن ضعیف، قورو اُلی اوزاتدی ؛ آرتق ایجه طانیشمشدق .. اولا مأموریتده اولوب اولمادیغنی صوردم : ایچنی چکدی ؛ استانبولده می اوطورویورسکز ؟ دیدم : آه ایتدی ؛ براز ضعیفلامشکز ، طشره ده می بولونویوردیکز ؛ سؤالنه قارشى : کوکسی قاباردی ؛ نهایت ، یانغیدن درت دیوارحالنه کلن شورای دولت دائره سنی

کوستردم ، « یازیق اولدی ، دکلی ؟ » دیدم : کوزلری یاشله دولدی . بختی دیکشدیروب « چولوق ، چوجوق ، عائله عافیتده در ان شاه ! » دعاسنه تحمل ایده مدی . هینچقرمغه باشلادی :

— جانم نه وار ، نه اولویورسکز ، دیدم ، برچوق اصرار ایتدم ، نهایت سرگذشتی آکلاتمغه راضی اولدی . دهلیزلرده ، صوفالرده هم دونوب دولاشیور ، مطبوعات قلمنی آرییور ، هم یانمده دردینی دوکن آرقداشمی دیکلییوردیم .

— باشمه کلنلرک هانکی رینی صایسه م ، دییه باشلادی ، عجا بندن بد بخت بر آدم وارمی ؟ .. برادر ، ایکی اوچ سنه در اوغرامادیغم درد ، صاپلانمادیغم فلاکت قالمادی ؛ هر بلا بنم باشمه کلدی ، هر فاجعه بنم اومده قوپدی ؛ باق آکلاته یم :

مشروطیت اعلان اولونور ، اولونماز ، اوچنجی کونی منفامدن همان استانبوله قوشدم ، چرچرده بر او طوتدم ، راز اشیا آلدیم ، یرلشدم : « نه ، ان شاه فلاکت نهایت بولمشدر ، بوندن صوکره رفاهله عمر سورر ، کیده رز . » دییوردق ؛ فقط قدرده یوقمش که اوه کیردیکمزک برنجی کونی ، دهها شویله کوشه مندرینه هنوز اطورمش ، قهوه می ایچیوردیم : « یانغین وار ، یتیشک ! » فریادیه دیشاری فیرلادم ؛ فیرلایش او فیرلایش ، بر دهها ایچری کیرمک میسر اولمادی ! « نه یاپالم ، اللهدن کلنه راضی یز ! »

مقابله سیله چولوغی ، چوجوغی اقربادن برینک اوینه بیرا قدم ،  
امنیت صندیغی ، صراف ، مراجه جی کبی واسطه لرله بش اون پاره  
تدارك ایدوب آیاصوفیه ده برکوچوک خانه جک صاتین آلدیم ،  
همان سیغورطیه ویردم ؛ « نه » ، آرتق فلاکت انشاء بونکله  
بیتمشدر « دیوردق ؛ فقط بیتمه مش اوله جق که هفته سنه قاپی  
چالیندی ، ایکی ژاندارمه بنی یاقالادینگی کبی توقیف خانه یه سور و کلدی .  
حقوق عمومیه غزته سنده برمدت مصححک ایتشدم ، قلوبلری  
باصیلدینگی کون تحقیقات اجرا ایتشدر ، دفترلرده بنمده اسمی  
بولوب همان « بوده منفیلردندی ! » ملاحظه سیله توقیفه قرار  
ویرمشدر . برکت چوق یاتمادم ، هفته سنده اویمه دوندم . اویمه  
دوندم اما یوکده ، دولابده برشی بولامادم ؛ صدف چاقیدن  
طوت ده قاپی طوقاغنه قدر آشیرمشدر ، جانی اولانلردن بشقه  
أوده برشی بیراقمامشلردی . « نه یاپارسک ، اللهدن کلنه  
راضی یز ! » مطالعه سیله پاره وعد ایتدک ، کفیل بولدق ،  
ویره سیه مغازه لردن بری واسطه سیله براز کندیمره اوست باش  
دوزدک ، ینه شویله برطوپلاندق ؛ بش ون کون راحت کچدی :  
« هله شکر دور رفاه حلول ایتدی ، ارتق راحتز ! » دیوردق ؛  
ققط او یله دکمش که بهاره قاووشاجغمز صیراده برکیجه تفنک  
سسلریله اویاندق ، پنجره یه نوشدق : آیاصوفیه میدانی دکیز کبی  
چالقانیور ؛ عاصی عسکر قرانلغه سلاح صیقیوردی .



حرّم ، چو جوقلر ، قائن والدہ صباح اولونجه قور قولرندن  
 اوده ، بقالده نه قدر ليمون ، پورتاقال وارسه اُزدیلر ، اعلى  
 قايش داغی صوييله دستى دستى شربت يابوب بزه ضررلىرى  
 دو قونماسين ديهه عسکره داغيتديلر ؛ مانع اولمق خاطر مه ييله  
 کله دى ؛ نتيجه يي هيچ دوشونه بيلير ميدم ؟ قورشونلردن نه دامده  
 کيره ميت ، نه پنجره لرده جام قالماديغنىک اهميتى يوق ، آرادن  
 اون بش کون کچدى ، کچمه دى محله قهوه سنده بنى چويرديلر ،  
 بکراغا بلوکنه طيقديلر ! تام ايکى بچق آي حبسده ياتم ؛ نهايت  
 مدت موقوفيتى جزاى کافى عد ايدوب صالحو يردیلر . قوشه  
 قوشه اوه کلدّم ، قاپي يي چالدم : سس يوق ؛ برازدها ووردم ،  
 ينه سس يوق ! نه دن صوکره قومشولردن برى جومبه دن  
 سساندى :

— کيمى ايستيور سيکيز ، سز کيمسيکيز ؟

نه جواب ويره جکمی شاشيردم ؛ حرّمى ايستيور ديهه مزدم ،  
 احسان افدينک اوى بوراسى دکلّى ديهه صورامازدم . نهايت  
 ايشى آکلادق : هفته ده کوزى اوکنده لاقل سکيزاون بيقلی ،  
 صاقلالی ، بيهض ، عرب مصلوب سيرايمکدن قائن والدیه  
 جنّه يقين برسيکير خسته لغى عارض اولمش ؛ بوغاز ايچنه اقربادن  
 برينک اوينه کوتورمشلر ... هال واپوره آنلادق ، خواجه ،  
 حکيم آيلرجه اوغراشدق ؛ ذاتاً خسته لقدن اول بيهله تحمل

اولونه ميه جق قدر سرت ، عكسى اولان قائن آنام مرضدن  
صوكره زنجيره ووروله جق حاله كمشدى ، اُك آشاغى  
كونده درت كره غير تلاغمه آتيليور ، طبر ناقلرينى يوزمدن  
آشاغى كچيريوردى .

رفيقه نك خاطرى ! بوكاده صبر ايتدك ... نهايت خسته لقده  
بردرجه ايلكه يوز طوتديغندن اؤيمزه طاشيندق ، درت بش  
هفته راحتته ووردق . « نه ، انشااه ، فلاكت نهايت بولمشدر ،  
بوندن صوكره رفاهله عمر سورر ، كيدرز ! » ديوردق ؛  
فقط عكسى وقوع بوله جقمش كه چراغان ياندى ، دوراستبداده  
ضبط يديلن اراضينك اعاده سنه دائر اولان ستهدا انجمنده كي  
عرض حالز محو اولدى ؛ قادرو خارجى چيقان اش ، دوست  
هپ بزم اوه دولدى ، آرناوودلق عصياننده ، ملازم اولان اوغلم  
قالچه سنندن يارالاندى ، صاغلام كيتدى ، طوپال كلدى ؛  
كوچوك مخدوم « جمعيت خفيه » اعضالى هميله باباسنك ايكي  
كره كيرديكي زندانى بويلادى ، قوجه بر يازى درت ديوار  
آراسنده كچيردى . . وبالطبع قائن والده نك خسته لغى ده بوتون  
بوبالار آراسنده نكس ايتدى ، آرتدى ، آرتدى ، نهايت  
آلمان خسته خانه سنك يولى كوروندى . خسته يه دوكتوره ،  
اجزاجى يه پاره يتشدير مك ، آلاچقيليرك برازاوولسون آغزى  
قاباق ايچون بربرى آرقه سنندن دكانلرى صاتم . آرتان پاره ايله

براز زمان یاشادم ... فقط باقدم که دایانیر شی دکل ، بردلو  
استرداد ایده مدیکم اراضی بی دونما اعانه سینه هبه ایدوب بر  
مأموریت ایسته دم ؛ فصلسه قولایینه کلدی ، طوتدیلر ، بنی  
تحریرات مدیر لکیله « کرک » ه تعین ایتدیلر . یول حاضر لغی  
کوردک ، استانبوله وداع ایتدک .

ایکییک غروش معاش ، مصرف آز ، اقلیم براز فناایسه ده  
تحمل ایدیله جک کی ده دکل ..... یرلشدک ، یان کلدک ، رفاه  
وسعدتله یاشامغه باشلادق ، « اوخ ، انشاء فلاکت نهایت  
بولمشدر » دییوردق ، فقط آلنرک یازیسی کوتو ایش که شهره  
کیروب یراشدی کمزک ایلک آینده بر قیامتدر قویدی ، عربان  
کلدی ، جوارده عسکری کسدی ، اهالی بی قیلنجدن کچیردی ،  
بزی محاصره یه آلدی ؛ هر دقیقه ده تولوم قوز قوسی ... بودغه  
بن اوپله برحاله کلدک که هر کس کندی دردی اونوتدی ، بکا  
آجیدی . شهر قورتولوب یول آچیلدیغی زمان قلب خسته لغی  
بنی ارتق ایشه یاراماز برحاله کتیرمشدی ؛ دورما م ، استیدان  
بیله ایتهدن ، ذاتاً دهـا آچغه وقت بولامادیغمز هکبه لری ،  
چانطه لری ده وه لره یوکه دک ، استانبولک یولنی طوتدق !

کاشکه کلمه یدک ... ارتق آخلق دوره سی باشلامشدی ؛  
یاوارمادیغم کیمسه قالمادی ؛ مبعوثلردن طوتده جمعیت مرخص  
مسئولاریته قدر کیتدم ، دردلمی دوکدم . مأموریت ایسته دم ؛

راضی اولور کبی دوران دیلر ، اوراقی نظارتدن شورای دولته  
 حواله ایتدیلر ... معامله لهمده بیتمک اوزره ایدی ، ارتق  
 سوینیوردق « بوندن صوکره ارتق ان شاه راحت ایدر ، صحت  
 وعافیتله ، خوش بر مملکتده عمر سورهرز کچنیر کیدرز »  
 دییوردق ؛ فقط ینه میسر دکلش که بر صباح بر معتاد اوراقی  
 تعقیب ایچون باب عالی یه اوغرا دیغم زمان دومانلریغی توتر بولدم ؛  
 دلی کبی شورای دولت جهتنه قوشدم ، آتش ، دومان آراسندن  
 کچدم ؛ آزدها یانه جقدم . برکت ویرسین که طلومبه جیلر اوزریمه  
 برخیلی صو صیق دیلرده اوستمده کی آتشی سوندوردیلر ؛ فقط  
 ایچمده کنی ؟ ... او ، الان یانیور ! ..

آرقداشم صوصدی ؛ تسلی ایتمک ایچون دیدم که :  
 — انشاه بوه وکنجیدر ؛ مشقت چکمه ین انسان اولورمی ؟  
 هر شرک بر خیری واردر ...  
 بن آریلیرکن اوارقه مدن سویلنیوردی :  
 — شامت بنده می ، بردرلو آکلا یامادم که ...

— ۲ نisan ۳۲۷ —

## سنه ده بيك بر ويركو ..

واپورلرک يان قامارالرنده اوطورمقدن داتماچکينيرم؛ هيپچ  
طانيماديغم ، طانيق بيله ايسته مديکم آدم لرله دار بريرده يان يانه ،  
قارشى قارشى به اوطوروب ايسته رايسته مز ، معالى معاسز  
بيک درلو لقرديلرينى دیکله مک بنى ييزار ايدر . .

فقط ، درت بش کون اولويور . دومادن باقيجي اوداسنه  
دوئن بو حجرة لردن برينه کيرمکه مجبور اولدم . زيرا هوا  
صوتوقدى : کوکرتده اوطورامازدم ؛ سالونلر دولو ايدى :  
حتى آياقده بيله دورامازدم .

يان قامارالرينه اويله قولای قولای کيريلز ؛ بونک اصولی ،  
نظامی ، تشریقاتی واردر . بنده بوکا اتباعله اولاشويله



پنجره دن سرت سرت ایچری برباقدم ، صوکره غوغایه حاضر ،  
 عزمکار برسیما ایله قاپونی « بات !! ... » دییه اچوب کیردم ؛  
 قیمیلدا مق ایسته مین حاضر و نك آثار انفعال بلیردن یوزلرینه  
 ديك ديك باقدم . بویوك بر استقال ایله هپسی ده بربرلرینه  
 « یروارمی یا ؟ زرده او طوره جق ؟ ! .. » معناسی اشراب  
 ایدن بردوداق بوکوش ، معاونت بکله یین بر کوز قیریشله  
 باقیشدیلر : هیچ آلدیرمادم ؛ مساعده بویوروك أفندم ... »  
 مقدمه سیله ایکی کشینك اورتەسنه صوقولدم .

بو « مساعده بویوروك أفندم » جمله سی عادتاً حربیه  
 ناظر مذك مجلسده مبعوثلره « قبول ایدیکنز أفندم » دیمه سی  
 قدر ایجابات تشریفاتیه دندی . نصل اونك بوسوزنده : قبول  
 ایتك الزمدر ، ضروریدر ، معناسی وارسه نیم بومراجعتهمده  
 « ده اولمازسه بریکزی دیشاری آتارمده ینه او طورورم ! »  
 معناسی واردی . بالطبع صیقیشدیلر ، بکایر آچدیلر .

اکثریسی اعیان و مبعوثانك ایلری کلن وقور و مشکل  
 اعضاسیله ایری قارینلی تجاردن اولان بودوات طیب معاینه خانه سنده  
 نوبت بکله یین خسته لر قدر یورغون و بی مجال کورونیور ، بربریه  
 قونوشمیور و قامارانك آلاجه قارانلغی ایچنده بر صیره دیزلمش ،  
 دولغون وجودلری ، شیشکین ، تویلو پالطولریله ، کومسلرنده  
 تونکله یین بابا هندیلر کبی کوزلری آچیق ، عادتاً اویه قلو یوردی .

ایکی ده برده ایسه قاپو آچیلور ؛ ایچریسنی دولو بولان یکی  
 بریولجی کری دونمکه مجبور اولونجه قاپوی حدتدن منتشه لری  
 سوکه جک قدر شدتله قاپیور ، میریلدانه رق اوزاقلاشیوردی .  
 بوتون بوصمه لرله وجودلری صارصیلان ، کوز قاپاقلری  
 آچیلان خلق ایسه ، نهایت اسکله ، زنجیر کورولتولری  
 اراسنده واپور حرکت ایتدیکندن چرخ سسلرینی دیکلیه رک  
 آرتق فریخ فخور استراحت ایدیوردی .

بالکیز تا قارشیمده کوشه ده اوطوران ونه مبعوث ونه ده  
 اعیان اعضاسی اولمادیغی سیاسنک بشاشتیله عظمه سنز و محویتکار  
 اوضاعندن آکلاشیلان قرق بش یاشنده ، قورو برسونکر قدر  
 چیچک بوزوغی ، آی چیچکی قدر طوبار لاق یوزلو ، مع مافییه سویملی  
 بر آدم قولاقدن اضمه کوزلکی آرقه سندن غرتنه سنی او قویوردی .  
 بردن سیاسنده کی مال حضور و سکونت غائب اولدی ،  
 کوزلری آچیلدی ، بویودی و کندی کندینه : « نه غریب ،  
 نه غریب ... » دییه سویلندی ، صوکره او قومه سنه دوام  
 ایتدی ؛ آرتق شیمدی تسبیح چکر کی برطرفدن : « چوق  
 شی ، چوق شی ... » کله لرینی متادیا تکرار ایدیور و آرا  
 صیرا همزک یوزینه آری آری باقرق قونوشمغه ، ایچنده کنی  
 دوکمه فرصت آرییوردی . براز صوکره ایستدیکی اولدی ؛  
 آق صاقلالی بر بحریه پاشاسی صوردی :

— نه وار ، نه اولمش أفندم ؟

غزته اوقويان آدم ممنونيتندن يوتغوندى ، اولاً « هيچ ،  
هيچ برشى ... » ديه ككه لى ، صوكره آچيلان لقردينك  
اوجنى قاجيرماق ايچون دوام ايتدى :

— « منضم ويركو » ديه يكي بر ويركو دها وضع  
ايدىيورلر مشده ..

معنيدار بر تبسمله تكرار بزي برسوزى وعلاوه ايتدى :

— بودجه آچيغنى قاپامق ايچون ...  
ارتق هممزي ديكه مكه مجبور ايدن يوكسك سسله  
آ كلا تيوردى :

— بو قانچى اولويور ، بيلمم ، ديدى ، يقينده ويركو لرك چه ته له  
طوتمانن بر درلو حسابنى بولامايه جق ، جيب دفترينه قيد ايتمه دن  
قابل دكل آدلرني اوكره نه ميه جك بر حاله كله جكز ! شونده  
مشروطيت اعلان ايديله لى نه اولدى ؟ ... دها اوچنجى سنيه  
هنوز باصدق ، شويله بويله بر يكرمى اوتوز ويركو اسمى  
اوكرندك ؛ وار اتمزك ياربسنى ويركويه ويردك ؛ هفته مزك ايكي  
اوچ كونى هپ ويركو ايشلرينه ، ويركو دعوالرينه حصر  
ايتدك ... آ كلا شيان او حاله كله جكز كه مكتب كتابلرينه :  
« انسان نه ايچون يازا ديلير ؟ » سؤالنه « ويركو ويرمك ايچون .. »

« دنیا نه ايله قائمدر ؟ » « ويركو ايله ... » جوابلری يازيلوب  
چو جو قلمزه ازلتديريله جك ...

بر صباح أونده اوطوروركن آجی آجی قاپی چالینیور :  
ایریلی اوفاقلی درت کیشی « سلام علیکم ! » ایچری کیریور .  
« نه در ؟ » ديه صوردمکی ؟ بری جزدانی ، دیگرى متروسی ، اوبرلری  
بنانك هیئت عمومیه سنی کوستروب هپ بر آغزدن جواب ویریور :  
— تحریر املاك !

شقه یه گلز ، التفات ایتمه لی ، « دستور ! کیمسه اولماسین ،  
شویله بویوروك أفندم ! » تلاشیله استقباله قوشمالی ؛ فقط سن  
نه قدر نازك اولور ایشهك اول ، ینه تأثیر ایتمز ؛ ایچلرندن بری  
بالطوسنك یان جیپندن « شیرر ! .. » ديه ماکنه لی بر شرید  
مترو چیقارر ، راست کله صاغدن صوله ، صولدن صاغه قایتانی  
دوندورور ، چویرر ، یرلره قاپانیر ، دیوارلره طیرمانیر ، ترلره  
یوغولور ؛ دیگر بری جزداننه ترزی چیراغی کبی « آلتش بر ،  
اوتوز درت ، قرق ایکی ! » ديه یوکسك سسله عددلری قید  
ایدر ، وبش دقیقه صوکره عین تشریفاتله هپسی چکیلیر کیدر .  
نه اولدی ، نه یابدیلرمی ديه جکسکزر ؟ أولک قیمتی تخمین  
وتحریر ایتدیلر : نه قولای شی ... توکلی لوندره دن کلن نقلیه  
سفینه لری خسته خانه دن بشقه ایشه یارامیور ! خوش اوکاده  
شکر ایتمه لی ، یا خسته خانه یه ده کلزسه .. ؟

برده تمتع ویرکومی وار ؛ بوده عین حال : برکون دکانده  
 او طور ورکن قولتولری جزدانلی ، فوطینلری توزلی ،  
 یا قالقلری تردن بوروشمش اوچ یورعون آدم قیسه برسلام  
 و یروب کیریور ؛ بردفعه دکان صاحبنک بوینه ، البسه سنه ،  
 یوزینه ، آتیه ، جاننه شویله رباقیور ، صوکره جامکانلری ، اشیایی  
 کوزدن کچیریور ، بربریه فیص قوص قونوشویور ، برکاغذک  
 اوزرینه راست کله رقلر دوکویور ؛ جمع می ایدیور ، یوقسه  
 طرح و تقسیم می ، نه ؟ درت بش سؤال صوروب چیقوب  
 کیدیور : بونه می ؟ دییه جکسکیز ؛ بو او یله بر زیارتدرکه ضررینی  
 عمرکز اولدقچه چکه جکسکیز ... ییمیه جک ، ایچمیه جک ،  
 سنه ده نه حکم ایدیلیرسه ، آلی لیرامی ، یوزمی ، درت یوزمی  
 اونک تأدیه سنه محکوم اوله جقسکیز !

بوتون بو مخمئلر ، بو تحریر املاکیلر مهندس خانه دن ،  
 مبايعات وانشا آت ایشلرندن یتشمش آدملر اولسه ،  
 اعلی ، سوزم یوق ... فقط او یله دکل ... قادر و خارجی قالب  
 بر ییجق سنه در چکدیکی چيله جزای کافی کوروله رک حسن  
 اخلاقه ، صافیتنه بناء . ایسترایسه کز صافدلیکنه دییکز ،  
 تکرار وظیفه ویرملک ایستنه یلن نه قدر مأمورین سابقه وارسه  
 هپ بو خدمتده ! عمرنده برأو صاحبی اولاماش ، بر قولوبه  
 یاپدیرماش ، ایکی قونسول ، درت دونم طوپراق صاتین



آمامش ، اخشاب ايله كار كير بنانك فرقى آكلایه میه جق  
صاچلی صاقلالی آفدیلهر هپ بوايشده ! بابادن ، دهده دن قالمه  
آونده ایپك بوجكى كې قاپالی یاشامش ، قاپالی اوله جك ...  
صورارم سزه بونلر بك اوغلنده كې آپارتمانی ، صرافك قازانجی  
نصل تخمین ایدر ؟

« ویركو ، ینه ویركو ، دائما ویركو » سوزینی بلكه پك  
یقینه سكه لرمنك اوستنده كې حریت ، عدالت ، كلمه لرینك  
أطرافنه علاوه ایده جكنز ونهایت ایش او درجه نی بوله جق كه  
مثلا « بن اوچ یوز یكرمی سكزده دوغدم . » یرینه « تمتع  
ویركوسی سنه سی دوغدم ! » — « قانن والدم صاقل ویركوسی  
سنه سنده عسكره كیردی ! » — « اعیانك انتخابات ايله تعییننه زوجه  
ویركوسی حزیراننده قرار ویریلدی ! » دینه جك ... مكتب  
چوجوقلری داغ ، نهر ، شهر اسملری اوكره نیر ، پادشاه  
آدلرینی صایار ، كرات جدولی ازبرلر كې كونلرجه ویركو  
آدلرینی حفظه چالیشه جق ، « آدم ، ادریس ، نوح ،  
هود ... الخ » سرعتیه كورول كورول هپ اونلری اوكره نه.  
جك ... والحاصل انسانك یاشادقچه نه لره احتیاجی قطعی ایسه  
اونلردن ، نه كې وقوعات وحادثات باشنه كله بیلیرسه هپسندن  
حكومت پاره چیقارمه نك یولنی بوله جق ، قانون وضع ایده جك !

قىشېن صوتوقى اولور ، صوبايانغەمى مجبورسك ؟ هايدى  
 بوكا بر وىركو ؛ ئەولئە جكميسك ؟ يىنە وىركو ؛ بكارمى  
 قالەجقسك ؟ اوتوزىنى آشىنجه دائىما وىركو ؛ چوجوغىكى  
 اولدى ، چوجغىكى اولمايور ؟ ھې وىركو ؛ والحاصل دوغانسەك  
 وىركو ، دوغانسەك وىركو ... صوكرە بلىكەدە بوويركولر  
 « پارە » عنوانلە ھەا اوراق شەبەرلە تقسيم ايدىلەجك :

مثلا كىدن ساحلەمى چىقكد ؟ ياقاسى يازىلى برمأمور ،  
 الئە بر قوچان : طوبراق باصدى پارەسى !

استانبولدن ازىرەمى كچكد ؟ يىنە اويلە قوچانلى برى ،  
 الئە دفترى : دكىز كچدى پارەسى !

قىزىل ايرماغى بر طرفدن بر طرفە آتلادمى ؟ يىنە كوچوك  
 برمقبەز سىندى : نەر آشدى پارەسى !

والحاصل بىازىد قولەسنە چىقوب اينسەك ، يىنە بر تحصيلدار :  
 يره قوبدى قوندى پارەسى !

بودجە يىنە تقابل ائىمەمكدە دوام ايدرسە آرتق اوتەسى  
 دھشت : ھركونك وىركوسى دىئالر قدر پارە طوتەجق ، انسانە  
 ياشادىنى ھردىققە ، آلدىنى ھرنفس آلتون آغىرلغە كلەجك ؛  
 مثلاً ايشتە شويلە بر كونك وىركوسى حساب ايدەلم :

پارە غروش

- ۴ ساعتى يكرمى پارەدن سكرساعت اويقو وىركوسى ؛  
 ۴ آجىق، نجرەدن ياريم ساعت تمىز ھوا آلە وىركوسى ؛

۹	۲	دزت قاب ييكله، يكرمي اوچر پاره دن ويركوسى ؛
۱۰	۱۰	مبعوثانده دزت ساعت مخالفت ائمه ويركوسى
۱۰	۱	تيا ترو دخوليه سندن متولد ويركو ؛
۵		دزت قدح بيرا ويركوسى ؛
۱		ايكي ليتره طاش دلاڻ صوبي ويركوسى ؛
۲	۱۵	اوچ بچق ساعت فزار كزينديمي آرابه ويركوسى ؛
		ارتق بالطبع ايش بودرجه يي بولورسه ماليه نظارتك عنواني
		« ويركو نظارتي » نه تحويل ايديله جك ؛ ويركو ناظري آشاڻي ،
		ويركو ناظري يوقاري ، رجالزك اك اهميتليسي ، اك نفوذليسي
		او اوله جقدر ...

أوت ، ويركو ، ينه ويركو ، هپ ويركو دائما ويركو ؛  
 دوغسه كده ويركو ، دوغوزسه كده ويركو ؛ حتي هيچ شهبه سز  
 انسان ثولوم دوشكنده صوك نفسني ويرركن ده ينه قارشيسنده  
 ياقاسي يازيلي ، آلدده قوچاني بريني بوله جق وصوره جق :

— نه وار ، نه ايستيورسك ؟

— صوك نفس ويركوسى !

واپور ياناشمشدي ؛ خطيب بالطوسني ايليكه يوب چيقمغه  
 حاضر لانيركن متبسمانه علاوه ايتدي :

— سنده ده بيك برويركويي بوله جق ... هپ حاضر لانيكز !

۳۰ نيسان، ۱۳۲۷

## دردلرمزدن بری

آقشامه دوغرو بك اوغلنه چيقمق اقتضا ايدنجه بنی  
درین برفتور استیلا ایدر؛ آیدن اینی به نشئه قاجار، روحی  
برقسوت باصار، بیلمم سببی آکلایه بیلدیکز می؟... بیلمم  
تونله ینمکه مجبور اولدیغکز ی خاطر لاینجه سزه ده بویله اولور می؟  
حزب عتیق ایله حزب جدید، ایکی دارغین قبیله، ایکی  
خضم عشیرت کی برمدت بربریله جنسکله شدکدن صوکره، ینه  
تام عشیرت بکلری کی چایرلردن برنده قوزی دولدوروب،  
حلوا یاپوب باریشدقلری، آل آل ویروب چالیشمغه قرار  
ویردکاری کون، آقشامه دوغرو، تری، یورغون برحالد  
تونل مدخلنه کلدیم. خلق قایلره قدر دولوب طاشمش،

انتظار محلنده بيله صيقيشه جق برير ، صوقوله جق بر كوشه  
 حتى بر آياق اوستى دوروب ديكلنه جك كولكه بركنار بيله  
 قالمامشدى . آمرىقاده بر طرفدن حيواناتك جانلى ،  
 باشلى ، بوينوزلو ، قويروقلو كيروب ديكر طرفدن قونسروه  
 حالنده قوطولره يرلشوب چيقدينى مشهور ات فابريقه لرينى ،  
 سله خخانه لرينى خاطر لاتان بر دهشته تورنيكه لر دونيور ،  
 كوچوك ، بيوك ، شيشمان ، ضعيف ، قادين ، ارلك برچوق  
 خلق اسرار آميز بر صورتده برر برر قارانلق برمدخلدن غائب  
 اولوب كيديوردى .

فس ، سكه ، شابقه ، صاريق ، بيك درلو سرپوشلر آلتنده  
 يكي دنيا اورمانلرينك رنكارنك طيورينه بگزه ين خلق بودار ،  
 قابلى يرده بر آزده حيوانات باغچه لرنده كي قوشخانه لرى خاطر  
 كتيريور ، بوكيرلى چفته خانه دن اوئلر كيكي قدر آكلاشيلمايان  
 سسلر چيقيور ، فريادلر ايشيديليور ؛ بورنك ، قماش ، اوته  
 برى ييغيني جريانه دو كولمش برسوپروتنى قاينغى حموله سى كي  
 قارمه قاريشيق آقوب كيديور ، درينلرده غائب اولويوردى .  
 چاره يوق ، بو حال بنمده باشمدن كچه جكدى ، بنده ايستر  
 ايسته مز اولنره بگزنيه جكدم ؛ برجرات كوستردم ، آرايه  
 صيقيشدم ، ياواش ياواش آقييور ، برقاق سنه در آرتق آرايه لريله  
 اوستمزدن كچوب بوكوسته بك دليكنه آياق آتمايان كنچ رجالمزك

مظهریتته غبطه ایدرك بیلت حجره سنه دوغرو سوروكله نیورددم .  
 بردن قولمدن بری چكدی ؛ اوكه كچمك ایسته ين بریابانجی  
 فرض ایدوب آلدیرمادم . اوزمان طانیدیدیم برسس : « دور ،  
 جانم ، تلاشك نه ؟ نه اولسه بکلیه جكسك ؟ » دیدی . دوندم  
 واملاك اوزرینه رهن معامله سی یاپان ایش آدملرندن بر آرقداشمله  
 قارشى قارشى به کلدیم . او ، دردینی دوکه جك برینی بولدیفندن  
 ممنون : « چکلیرشى دكل ، دییه شکایت ایدیوردی ، باقسه که  
 شو حاله ! ... »

شیمدی بلیمزدن بریومروق ییه رك ، ا کسه مزده صولویان  
 بر آدمك نفسلریله غیجیق لانه رق ، باصیلان آیاغمزك آجیمسیله  
 کریلرکن بقال چیراقلرندن روجه آزارلر ایشیده رك ، ایوبده  
 ات قاپیشانلر قدر سفیل ، فلاکتلی ، ایکنج برحالدله ایلریله -  
 یوردق . آرقداشم صوصویور ، یالکزایری ایری صولوماسندن  
 خیلی حدتلندیکی ، زحمت چکدبکی آکلاشیایوردی . فقط  
 بردن آجی برفریاد قوباردی ، ییلدیرمله وورولمش برلکلك  
 کبی بر آیانی یوقاریده ، اوپله ، برازیانه مائل ، دیم دیک قالدی ؛  
 نفسلری دویولمازا اولدی . آرقه دن خلق متصل « یوروسه کزه ،  
 یوروسه کزه به ! ... » دییه باغریور ، خوموردانیور ، براز  
 دها دورسه ق اوستمزه باصوب کچه جکلرینی کوسترن برعزم  
 وحدتله میریل میریل سویله نیوردی . حتی صاغمدن بری بشقه



بر منفذ بولامادینی جهتله ایکی بولکوم اولمش ، قولتوغمک آلتندن  
 کچمکه چالشییور ؛ صولمه کی ایسه آتلامق ارزوسیه آللرینی  
 اوموزلر مه دایامش ، خفیف خفیف زیبلا یه رق کندینی طارییور ،  
 موازنه سنی بولویوردی .

ارتق دورولامازدی ، رفیقمک قولنه کچدم وعادتا صرتمده  
 طاشیر کی قوت صرف ایدرک جریانہ سوروکله دم . شیمدی  
 آرقه مزه کی خلق بوعارضه دن قورتولونجه لغم دلیکی آچیلمش  
 بر سیل سرعت وشدتیه ، کورولتولر چیقاره رق خاریل خاریل  
 آقییور ، قوشوبوردی .

آرقداشم ، واغونه کیروب پنجره لردن صوئوق برهوا  
 جریانی ایجری دولونجه کوزلرینی آچدی ، اطرافه برمدت  
 باقیندی ، صوکره کچن وقعہ یی خاطر لایه رق : « اوف ، دیدی ،  
 محقق باش پارماغم ازیلدی ... سانجیسنه دایانه میه جغم ! »

صوکره یاواش یاواش طویلاندی ، قوت بولدی . حرکت  
 ایتدی کمز وقت ارتق اییدن آیی یه آچیلمشدی ؛ ساده بکادکل ،  
 اوکوروئو ایچنده عمومه دیکله ته بیلن یوکسک برسسله آکلاتیور ،  
 شکایت ایدی یوردی :

— نه در بزم بوقاره بختیمز ، تجلیسنز لکمز ، دییوردی ،  
 ساده تونل می ، ساده تراموای می ؟ هر شیدمزن فنا بر تقلیددن ،  
 معناسز بر کوسترشدن عبارت ... اوروپاده تونل بوکامی دیلر ؟

انسان یر آلتده اوستندن دهاراحت سیاحت ایدر ؛ کندی  
 اوندن دها راحت کیردر ، دهاراحت چیقار !... کونک برنده  
 اوچ فرنک کلش ، بش اون عمله ایله بودلیکی قازمش ، چوروك  
 برقاییشه اوکوز آرابه سی قدر یایسز ، تکنه قدر تخته ، تر به قدر  
 قارانلق اوچ بویوک صندوق طاقمش ، آرامش ، طارامش ،  
 یدی سکز دانه تورکجه بیلمز آدم بولمش ، دیواره ده برچینغراق  
 ابلشیدیرمش ... ایشته اولدی سکا برتونل : ارتق ایستدیکک  
 کبی انسانک جانی یاقغه ، أزوب خیر پالاغه ، صیقیشدیرمغه  
 حق اولمش ... کومور معدنلرنده طوپراق طاشیدقلمی  
 آرابه لر دها تمیز ، دها کوسترشیدر ؛ یاطک یاننده دجله ده  
 ایشله یین کلک نه ایسه ، اوروپانک تحت الزمین تره نلری  
 یاننده ده بوتونل اودر ... طوپی طوپی اون قدر عمله سی وار ،  
 اونلرده راحتمز اولماسین دییه واغونلر صباحلین ایرکن  
 ایشله مز ، افشام کج وقت ایشله مز ؛ صیق ایشله مز ، چابوق  
 ایشله مز ؛ بردرد ... نه در بو جاملرک زینغیر دیسی ؟ اوکاده می  
 چاره بولونماز ؛ تکرلرکله درت دانه مقاصده می قونماز ؛  
 انسانک ، پارماقلمی دوغرایه جق ، صورتنه چارپوب یام یا صصی  
 ایده جک کبی آچیلوب قاپانان قاییشلی قایلیری یانه سورمه می  
 اولاما ز؟ . . کوپری ایله براشوب استانبول اهالیسنک جیننده  
 بوزوق پاره نامنه نه وارسه آلوب کوتورن براداره ایچون بونلر

مصرفی صایلیر ؟ . . . یوق صورارم سزه ، یکی پروژله ،  
 تافعه نظارتک قرارلرینه لزوم کوسترن عملیاتی عداولنور ؟ . . .  
 ساده کولرسیکیز ، ساده عبدینک کچیسی کبی باش صالار ،  
 تصدیق ایدرسیکیز . . . کولمکه ، باش صالامقه ، تصدیق  
 ایتمکه ایش بیتمز ؛ البته سزکده شورایه کلوب چیقارکن بش  
 اون دفعه آیاغکز ازیلش ، کوکسکز یومروقلانمش ، صیرتکز  
 چورومش ، البسه کز خیربالانمشدر ؛ البته سزکده حرمکز ،  
 قیزیکز ، اوغلکز بوضورتله ازیلک ، صیقشدرملق ، نفس سز  
 قالب بایلمه حاله کلک باشلرندن کچمشدر ؛ بونون بونلره  
 کولمک ایچون هپسنه راضی اولمالیسکز ! بشقه درلو اولورمی ؟  
 [ واغونده کولمک اماره سی کوسترن نه قدر آدم وارسه  
 بوصوک سوزلر اوزرینه برطور جدیت آدلیر ، آرقداشمک  
 یوزینه ارتق باقماز اولدیلر ، تصدیقن ، تشجیعدن واز  
 کچدیلر ؛ او آدیرمادی ، بر آردها سویلندی : ]

— شو اوطوردیغوزیره باقک ! طاوانده یانان شمعنک  
 آدی کویا الکتریق . . . قارشیمده بابامی کورسهم فرق  
 ایدهمیه جکم ، « اولمش عمجهمه نه قدر بکزیور بو آدم ! » دییه  
 شاشیره جغم . . . یابانجیلرله طانیدق دییه کوروشه جکمده اوته  
 طرفدن دوستمی دشمن ظن ایدوب سلام ویرمیه جکم ، دیک  
 دیک یوزینه باقه جغم ! . . . انسان بورایه کیرر کیرمن حواله

علتته اوغرامش ، صرعه سی طومش ، سیکیرلری آیاقلامش  
 کی باشلاپور تترمه یه ، سالانمغه ، قونوشدیغی دیکلنمز ،  
 سویلدی آکلاشیلماز برحاله کلمکه . . . اوطورسهك آیاقلرك  
 هواده قالیر ، اوزون آیاقلی اسکمله سنده آرازوتی بکله ین  
 چوجوقلره دوزرسك . . . قالقسهك دایانه جق یر بولاماز ،  
 صاغده کنه چاریمقدن ، صولنه قاپانمقدن آیاقلرینه ایی دولانمش  
 قویونه بکزرسك . . . اوغولتودن ، کورولتیدن ، زانغیرتیدن  
 برسر سملک کلیر ، مبعوثلر کی نه دیدیکنی ، نه دینه نی آکلار سك . . .  
 ایشته بوکون بو عذابك ، ازیتك ، اشکنجه نك آدی :  
 تونل . . . بینوب قابوسندن چیقارکن عادتاً ذوق یرلرینه  
 دادانوب سوقاقلرنده کررکن قیزاران ، یورومسنى شاشیران مکتب  
 چوجوقلری کی اوتانیپور ، بنده اوکمه باقه باقه یوریپورم . . .  
 [ واغون دوردی . دیدم که :

— اویله دیپورسك اما آرابه بر یوقوشه اون غروشدن  
 آشاغی طیرمامپور ؛ یوکسك قالدیرم ایسه انسانك دیزلرنده  
 درمان بیراقپور . . . هیچ یوقدن آییا ؟

آرقداشم فناقا بریوزمه باقدی ؛ آجی برسوز سویلکدن  
 کسینی منع ایتك ایچون هندیلر کی غیرتلاغنی اویناته اویناته  
 بر ایکی یوتغوندی ، صکره صبور و متحمل جواب ویردی :  
 — هیچ یوقدن آییا . . . دوغری ، ذاتاً بزده هرشی

بویله . . . تراموای ، کوپرو ، عدالت ، قاینه ، مبعوثان  
هپسی ؛ باش فلسفه مز ، باش سوزمز ، باش تسلیمز بو : هیچ  
یوقدن آئی یا !

واپور آلیرز چوروك چارق ؛ تسلیمز بو : هیچ یوقدن  
آئی یا ؟ - قاینه تشکیل ایدرز ، قارمه قاریشیق ؛ ینه تسلیمز  
او : هیچ یوقدن آئی یا ؟ - دوه اوسته کوپرو قورارز ؛  
ینه اویله ؛ آتاله تراموای چکر ، ایکی دکان ییقوب برمنفذ  
آچار ، درت کوتواوتوبوس ایشلتیر ، کیدرباغچه دییه بوستانلرده  
کوبردرك اوسته اوطورورز ... هپسك تسلیمی ینه بو : هیچ  
یوقدن آئی یا ؟

قولمرك بری قوپسه ، آياغمرك بری قیریلسه ، کوزمرك  
بری چیقسه ینه اویله . . . . بزی خراب ایدن نظریه ایشته  
بودر : هیچ یوقدن آئی یا ؟

ارتق قورتولمشدق ، دیشاریدمیدق ؛ آرقداشم بوکون  
کدرلرینی اونوتمش کی کولهرك سلام ویردی آیریلدی ؛ بن  
دوشونه دوشونه ادارهخانهیه طوغرو یورودم .





تاریخ دورِ مبعوثانہ



بطرز نعیای سخندان

## تاریخ دور مبعوثان

اثر خامه کیرپی ناتوان

دیباچه و حمد بی غایه و نصایح لازمه . — شکر بی نهایت  
اول جمعیه اولسون که اعوان و انصاره قوت و یردکدن صکره  
کیمنی قول مقبول ایله تسخیر و کیمنی سیف مسلول ایله تدمیر  
ایدرك عامه امتی ندای حی علی الفلاح مشروطیتله سباط عدالت  
ومساواته دعوت ایلدی. فی الواقع هر کسنه یه مائده موعوده دن  
اکرام ایله مدی اما خدماتی سبقت ایدنلره عطا و بخشش لرا کرام  
و نوازشده افراط ایدوب دخواه لرینه مأموللری اوزره مساعده  
وساثری ترجیح ده مبالغه ایدوب سرانقیاد لری قلاده تسخیردن

خروج و مدخلاری اولمایان ابواب اموره ولوج ایتمه باشلادیلر.  
پس لایق اولان بودرکه هر حالده طریق اعتداله سلوک اولنوب  
ضیق القلب وتنك الحوصله اولانلره فوق الکفایه اکرام  
وعنایتدن حذر واصحاب سیف وقلمدن هضم دولت و کار سازاغه  
قادر واستحقاقی واضح و ظاهر مستعدلری منح و مکارمه مظهر  
ایده آمین .

ظهور فرقه ژون تورک واستیلای او . — وقتا که ظم  
عبد الحمید چارسوی حکومتک کالای امن و راحتتی فرسوده  
ایلدی بو حالدن مغبر و متحاشی اولان برزمره شبان «احمد رضا»  
بك معیتند ترک دیار وطنله افرنجه التجا و تعمیم موافق فوائده  
ایچون شهر بارسده مشورت عنوانیله بر جریده طبعنه مباشرت  
ونسخه لرین ایدی ناسه ارسال ایلدی . فی الواقع بوضورتله  
درس عادتده برخیلی عجزه بلا تقصیرات کردانده قضا و بلا  
اولدی ایسه ده اول ذات باهر المروءینه ارسالده دوام و فرقه  
ژون تورکک ظهورینه حصر مرام ایتدی . نهایت قبیله سی  
برچوق عشائره آیریلوب کثرت بولدی و داخلاً و خارجاً کسب  
دائرة قوتله اون تموز تاریخندن اعتباراً تقویت امراداره به بذل  
جان ایله دامن درمیان اولدی و طرف طرف منادیلر چاغرتوب  
خلق انتخاب مبعوثانه دعوت ایلدی .

کشاد مجلس مبعوثان ایده‌آه‌آلی‌آخر‌الزمان . — چون سابقا  
 صدارت عظمی قبریسی کامل پاشایه توجیه اولوندی رأی  
 صندوقچه‌لری عظیم آلائی ایله اسواق و اطرافده باکمال دبدبه  
 ودارات جنس ده‌وهر ونجیب قصر اقلر صرتنده اولدینی‌حالد  
 کزدیریلوب و طبلر و زورنالر و نایلر چالینوب شنلکلر ایدلدی  
 واطفال و پیران و فقرای درد‌مندان لبریز شوق و همت همتای  
 آصفانه ایله مجلس بناسی کشاده اولدی و بو شوق ایله روم‌ایلی  
 پرنسبه تاج قرالی هدیه و نمچه و ماجار چاسارینه بوسنه هرسک  
 هبه ایدلدی . اما یونان طائفه‌سنه جزیره جسیمه کزید توجیه  
 ایدلیوب اشقیای مذکوره‌نک‌آلآن دائماً تجسس امور دولته  
 و جرح و تعدیل سکون ملته دائر صحبتی رغبتلری بر امر عجیب  
 اولدی و خلق فسلرین آتوب اسواقده علناً کلاه و قالپاق  
 اکسا ایتدی .

حسن آمیزش مبعوثان و ضیافت خاقان . — فؤاد تابنا کلری  
 مهره اسرار عرفان ایله مجلا وزیر علم و فنله محلا اولان وکلای  
 ملت باغ و بوستان و چارسوی و خرمنده‌کی رواجلی ایشلرین بیراقوب  
 مثال آمدن لقلق فوج فوج شهر استانبوله بالوصول عامه‌یه و سیمله  
 سعادت اولمق اوزره شدت حیتلرندن حتی نادانی اولدقلری  
 مسئله ده رأی معاونت‌لرین اقطار و اتفاق آرای عقلا ایله خلقه

های های و وای وای لرین اسماع ایلدیلر. بربرلریله مثال مورغیور  
خوش کچینوب و اوتاد استبدادک یدتعدیسینی ممنوع قیلوب هرکسی  
کندی حقنه راضی وقانع ایتدیلر. و سرای جدید ییلدیزده  
کشیده ایدین ضیافتده آشوری اکل و شربله سوء هضمه مبتلا  
وبواجلدن سهوآ ایچلرندن بعضیسی کابوس استبدادک دستپوسی  
اولدیلر. یدی دیل ایله متکلم اجناس و انواعدن متشکل  
اولدیلرندن ایلك ایامده بربرلرینک سوزلرینی آکلایامیوب قلعه  
بابلده کبی چوق زحمت چکدیلر. و فقط قطعاً اثر ضعف  
کوسترمیوب وافر غیرتله لسان تورکی یی تحصیله همت ایتدیلر.

مقدمهٔ اختلاف جمهور و ظهوری سینوب مبعوثی رضا نور. —  
اقتضای قضای ربانی احوال بوضورت حسنه ده دوام ایتمیوب  
سینوب مبعوثی رضا نور نام ذات جنکچو برجراح فطین  
اولدینی اجلدن نیشتر و تیغنی بالاحضار بعض رفقا سنه هجوم  
و آنلری استیلایه باشلایان مرض امهال واهمالدن تخنیه سه شروع  
ایتمش و معادل تریاق نیجه اقوال حکیمانیه معالجهٔ مورثهٔ الافاقلرینی  
تیسیر ایلش ایسه ده آرتق سکون و حضور حلول ایده میوب  
مثال ایلول هبویه باشلایان بادنفاق و مخاصمه صدر کزینک  
ورق صدارتی ساقندن شکسته ایلش و خلق بوبادره اوزرینه  
باران کبی دموع یأسلرین اساله ایتشدی.



مقدمات وقعهٔ اوتوز بر مارت و ظهور اختلافات  
 فی المطبوعات. — چون وزارت حسین حلمی پاشایه توجیه  
 اولونوب کامل پاشانک سقوطنی طاب ایدن مبعوثان فرقه سنک  
 آرزوسی انفاذ ایدیلدی و آوجی طائفه سنک طرد و تبعیدن  
 واز کچیلدی. مطبوعات مثال زلف زنجی بر برینه دولانوب  
 داعیهٔ نفس ایله ظلم و هوا و هوسه اتباع ایدنلرده ایشه  
 قاریشدی. بوضورتله نظام ملک و ملت تهاون و تکاسله اوغرا دی.  
 (استطراد) هر؛ ضع حرکت که دائرهٔ قوانین عقلیه دن خارج  
 اوله فلا جرم اختلال پذیر اولوب قرین زوال اوله .

حدوث وقعه — ماه مارتک اوتوز برنجی کیجه سی  
 سرکشان نفرات سلاحرین قوشانوب نصف الیلده قیشله لرندن  
 خروج و آیاصوفیه میدانده تجمع ایتدیلر و شریعت طلب  
 ایدوب سارقک دستی ، قاتلک سری قطع اولنسون دیو آواز  
 ایلدیلر. مبعوثان جلیل الاحسان بونی دویوجق عقلاری باشندن  
 کیدوب کیمی کردونه سوار کتم هویت و تبدیل شکل و صورتله  
 فراره و تخلیص نفسه شتابان اولدیلر و کیمی ده مثال تاتار ساعی  
 مشی سرعت اولوب وظیفه لری باشنه کلدیلر و عصادتن استمزاج  
 حال ایلدیلر اما طائفهٔ شر و فساد لاف و کذافه قولاق آصمیوب  
 و قورشونلرین هوایه آتوب مسلوب العقل اوله جق مطالبانده  
 بولوندیلر .

فائده . — وقایع یازان یارانه وحوادث ضبط ایدن اهل  
عرفانه معلومدرکه تاریخ علمانك خوش وذكاسنی زیاده وعقلانك  
دیدۀ بصیرتلیخی کشاده ایدوب عوامی اعصار سالفیه واقف  
وخواصی اسرار خفیه عارف ایدر نفی عمیم بر علم جایمل  
وعظیمدر . عهد آدمدن بووقته ایرنجه کون ومکانده حدوث ایدن  
وقایع خیر وشری تفهیم ونجه حوادث وعبری تعلیم ایله وکلای  
دولت وملمتی متبحر کامل وجواهر کالاته نائل ولاآلی حقیقه  
واصل ایلر . پس مورخ فقیرك بوفائدمی بسط وشرح وتفهمیدن  
مقصودی ارکان سابقه حکومتتمزی مضمحل ورفاهیت وراحتلیخی  
متزلزل ایدن باد صرصر بنی وعصیان وقعه اوتوز بر مارتدن  
درس عبرت آلوب الاکوزلرین آچهلر وتداییر صائبیه واقف  
ومصالح نافعیه وجوه ایله عارف اوله لر .

ذکر تفصیلات هائله اوتوزبر مارت  
و تلاطم موج بحر ظلم و فساد

عصات آیاصوفیه میداننده بریره کلوب مشورت ایتدیلر  
وحریت کارندن فراغت اولمق کرکدر دیو بدخواهانه  
سویلشدیلر . آنده آره لرینه سوختکانك آلچق پایه لولرندن  
نیجه لری کیروب اشخاص مختلفه یله قاریشدیلر وفی الحال عالم  
آیاغه قالقوب جم غفیر اولدیلر . یوم مزبورده پادشاهه

بر عرض حال صونوب وکلانک عزانی طلب ایلدیلر. بونلر مقبول  
 هایوندر دیو خط شریف چیقوب او قودقده دعالر ایلدیلر  
 ودفترلر ایلتوب ژون تورک رؤساسندن بعض ذوات مبرور  
 الصفاتک قتلی ایستدیلر و سرای مبعوثانه داخل اولان وکلای  
 ملت و دولتدن نجهلرین اردندن ایریشوب و مشاهته آلدانوب  
 قیلیج اوش-وردیلر و کارلرین تمام ایلدیلر .

( مطالعه مؤرخ ) مشاهته او غرنده تیغ قهر و انتقامک بوکی  
 صحیح الرأی و صاحب الفکر اعنی ذواته ایریشوب پیمانه شهادتی نوش  
 ایلدکلی تاریخده کثیر اولغله علمای سیاستک بوسموم  
 جور و ستمه هر آن منتظر و متحمل اولملری لازم و لابددر  
 ( انتهى ) .

یوم مزبورده هیچ بر تدبیر و احتیاط کار ایتیموب هوایه  
 یاغان قورش-ونلردن خانه لک سقف و جدارلرینه ملتصق  
 کره میدلر مثال زجاج شکسته اولوب وافر ضرر و خساری  
 و کثیر اشخاصک موتی موجب اولدی . خلاصه کلام بوهائله  
 مغلق مالک سر رشته پیچیده اشکالنه نه ناخن حسن تدبیر ایله  
 انحلال و نه شمشیر قاطع التزامله کرکی کبی انفعال میسر اولدی .  
 رخنه جدار انتظام اساسه دک اینمش و کریبان چاکئی جامه  
 مصلحت دامانه دک یتمش ایدی . لالئی آبدار منقبتلری آوزه  
 طاق اشتہار و منظومه یادکار مدحتلری کتابه رواق زرینکار

اولان مبعوثانندن فراره طالب ویاخود خانه لرنده مخفیجه قلمغه  
 راغب کیمسنه لردن غیرسی ده چوره لرین چیقاروب اشك یأس  
 وندامت دوکړك آیریلدیلر وولایاته مشروطیته ضربه اورولما-  
 مشدر زمینده تاتارلر ونامه لر ارسال وبوصورتله اظهار غفلتله  
 میدان حکومتی حمدی چاوش وبلوک امینی محمد وقاجی اوسته سی  
 عارف نام سرکرده لره بیراقدیلر . ( عفی ا عنه )

رفتن ادهم پاشا غازی تسالیا  
 ونصح وپنداو

حل مشکلات زمانه محل و مرجع فحول کمل اولان مجلس  
 رفیع القدر بوصورتله پریشان واعضای سرکردان اولیجق مجمع  
 طغاة اولان آیا صوفیه دن طغیان وسیل خروشان کبی اسواق  
 آستانه یه داغیلان عاصیلره مقام سرعسکری یه قاعد اولان  
 تسالیا فاتحی ادهم پاشا نصح وپند ایتدکده ( بیت )

نیک خواهان پندولی نیکبختان شونپند پذیر  
 فحواسی اوزره کوش طوتمدقلرنندن اداره حکومت موقتاً  
 رؤسادن نفرا ته کچدی وشهر شهر قسطنطنیه برشوره زار آم  
 واینه دوندی .

حرکت اردوی متحده بجانب درعلیه  
 روم ایلنده موجود طوپ صاعقه کردار و خبره آشبار

وتفتك رخنه دار وسائر فنون حربیه ده ماهر وحیل کار عسا کر  
 فوزن ثاریدی ملت کوکلیسیله بر اشوب مثال شیران صولت  
 شانان یکر می باشلی اژدر آهنین استبدادی سر پنجه قهر لرندن  
 سوراخ ماره کیر مش سوسمار بی مقدره چویر مک ایچون قالقدیلر  
 وچادر لرین نواله لرین وسائر حاضر لقلرین کوروب آستانه یه  
 متوجه اولدیلر . مورخ فقیر مبعوثان حضراتنک قریه آیا ایسته-  
 فانوسده ظل ظلیل همجواری سعادت کستر لریله مستظل وصو-  
 بلرینه انتساب قدیمه مبشر اولدیغم اجلدن السنه ناسده شیوع  
 بولان اراجیفه التفات ایتیموب وقایعک ماهوالواقعی تحریره  
 غیر تکش اولدم ووقوعاتی سلك سطوره کشیده قیلدم .

### اجتماع مجلس یاس مأنوس الی القریته آیا ایسته فانوس

آیا ایسته فانوس بحر مرمره ساحلنده و آستانه علیه نك اوچ  
 ساعت بعدنده بر قریه صغیره اولوب عسا کر متحده دن جاندارمه  
 تعبیر اولنار بر قسم کنج وتوانا وجنک وجداله مهیا شیران  
 دلیران مختار بك نامنده بر مجاهد قهرمان معیتده چوریلوب  
 فتح اولدی . دفرزه مزبورده بر خیلی ایام اردوی متحده نك  
 ظهورینه مترقباً اطراف ونواحی و جبال ضواحی بی دولاشدی  
 واول صورتده اداره امور ایتدی که در سعادتده کی عصات اونی

براردوی عظیم تلقیسیله دوچار یأس وفتور اولدی و بونی دویان  
 مبعوثان متزایدالشان قوشوب کلدی اما قوتی قلیل کوروجک  
 دوشونجهیه واردی و او ائنهاده خلیج درسه عادتدن فک لنکر  
 دهشتله بخره آچیلان سفن زرهپوشک صدای جوش و خروشدن  
 و ساحل قریهیه تقریبندن خوف و فراره تصدی ایلدی اما اهالی  
 قریه تأمینات و تأییدات لازمه و یروب هیجانلرین واکل و شرب  
 و هضم و بیتوته اولان احتیاجلرین ازالهیه وافر غیرتله دردر  
 بشر شیلتهلردن مکمل فراشلر تهیه و انواع اطعمه لذیذ طبع  
 و تقدیمه ایله منسلب اولان راحتلرینی اعادهیه چالیشدی و یاط  
 قلوب دنیلن قهوه خانه لرینی مشاوره لرینه تخصیص ایلدی . چون  
 حرکت اردوسی کسب قوتله قریه آیا ایسته فائوسده یرلشدی  
 نفرات وض بطان اول رتبه اظهار حمیت ایلدیلر که ییـدکـلری  
 ییمکی ایچـدکـلری صوبی بوکیمکدر مستبدک آبیی یوخسه  
 حریت پرورک طعامیمیدر دییه صور دیلر و آکلامه دن آغز لرینه  
 برلقمه نان عزیز بر یو طوم آب براق دو قوندور مادیلر .  
 فرار طریقله افرجه التجا ائمه ین مبعوثان کریم الاخلاق و باهر  
 الاشفاق ایسه برر برر کوشه فراغت و عزت لرندن تبدیل  
 صورتله جیقوب وبعید ساحلخانه و کهنه خانه لرده کیزلنوب اثر  
 حیات کوسترمین اعیان حضراتی ده جسته جسته خواب کران  
 یأس و ماتملرندن او یانوب بهاره ایرشمش مرغان خوش الحان



و شمس تابان کورمش ازهار ماهالوان کي طوپالانوب روی  
 و دیدار لرینی اهالی قریه اظهاری ایلدیلر و بوصورتله راحت  
 بخش شیخ و شاب اولدیلر و صغیر عنوانیله معنون رئیس الاعیان  
 سعید پاشا ریاستنده عقد انجمن خفی ایله سویلشدیلر . پاشای  
 مشارالیهک عادت حسنه لرینه غایت و خصلت مستحسنه لرینه  
 نهایت اولمایوب قدیم دیری تر اید شوکت و افزایش شان حکومتله  
 مشغول برپیر سیاست سمیر ایسه لرده جیب غنیمت لری مائل  
 خیرات و الحسنات دکدر . یوم مزبورده حتی خلعه دخی قطعاً  
 طرفدار کورو نیوب کمال بی طرفی ایله ریاست ایلدیلر اما بعض  
 مبعوثان قیامله بهمه حال خلعه قرار و یرمه کز لازم کلمشدر ! کر  
 ینه تأخیر اولنورسه مسئولیت بزم دکدر دیمکله آلتی کشملاک  
 برانجمن آیریلدی و اول زمان اعیانندن اولوب بعده مسند  
 مشیخته کلن صاحب منلا بک دلاتیله عبدالحمید خان حضر ت لربنک  
 خلعه فتوی طلب ایدلدی .

تسلیم مفتاح قسطنطنیه  
 الی الرؤسای اردوی متحده

یوم مزبورک ایرتسی آستانه دن شهر امین بشارت جازمی  
 حازم بک معیتنده بر هیئت خفیف الهیبتله کلوب ذاتاً ابوابی  
 نایاب اولان قسطنطنیه آناختار لرینی بر اطلس کیسه دروننده

اردوی متحده رؤسانه بعد التلثیم تقدیم ایلدی و کلامه آغازله  
 وافر فرونارمن لشکر نصر تکیزه نان عزیز احضاریله مشغول  
 و عموم اهالیز قوبولرین صولرین طاشیمغه حاضر در لطف ایدک  
 مرحمت قیلک عجله تشریف بیورک زمینده بسط بساط مقال  
 و بقال و چقال جمله خلق اطعام کیزه انتظارده در دیو علاوه لر  
 ایتدی و قطار قطار قریه یه داخل اولان واغونلری آچوب  
 عسکره نواله لر ایلتدی .

دخول اردوی حرکت باستانه  
 وخار و خاشاکی ارباب فتنه

ماه نیسانک اونبرنجی کونی که یوم الجمعة ایدی علی السحر  
 لشکر پرششپر حریت عون صمدانی و تأیید آسمانی یه مظهر  
 اوله رق محمود شوکت پاشامعیتده تعبیری کنجایش پذیر حوصله  
 تحریردن دور برمهابت وصولته و دفع شروشور قصدیه سور  
 قسطنطنیه یی کچوب ضرب دست شمشیرایله صیت و شهرت لرینی  
 عالمگیر ایلدیلر . هر نه قدر تقویه آمال باطله و تأیید افکار عاظمه لر  
 ایچون ارباب مفسدت دخی بندمیان غیرت اولوب مراراً و کراراً  
 یمین و یسار لرندن زبانه کش آتش رخنه دار و ما کر خدعه اطوار  
 اولدیلر سده عسا کر متحده ینه سمندر وار دائره حرب و کاه  
 زارده ثابت و برقرار بولنوب اول عندّه خذلان حالی و مرده  
 خسران مالی مقهور الفرجام و مد مر الانجام ایلدیلر .

اعلان اداره عرفيه في السلطنه  
ويساغ استعمال الاسلحه

تقوية بازوى حكومت وتحكيم بنیان مملكت وترفيه احوال  
ملك وملت قصديله شهرده اداره عرفيه اعلان ايديلوب اسلحه  
استعمالی يساغ اولدى وسلاحلى اولان كتيرسون ديو مناديلر  
چاغروب ودلالر كزوب وافر سلاح جمع ايدلى وارباب فتنه  
ميدانلرده طاقم طاقم صلب اوانوب كو كسلرينه جرملرى مسطور  
لوحه لر آويخته ايدلى وخلق بربرين ايتوب قاقه رق سيرينه  
قوشدى وكثير درس عبرت آلدی .

الكلام في اوصاف القوماندان لافخم جناب محمود شوكت پاشا  
مبعوثان حضراتى ارزوى ملك وملته بروجہ مسارعت  
امثال وحسب الاستطاعه قوانين دولتك تتبع وتحريرينه  
اشتغال اوزره ايكن ناكاه مقتضيات تقاليد روز كاردن  
قاعده نظام مهام چند روز برهمزده اختلال اولمق حسييله  
خلق نه صورت ظهور ايدر ديو كرفتار پيچ وتاب حلاجان  
ايدى كه (بيت) ايدلى چرخ ينه طور مكفاته قيام . دوشدى  
زورچه اميده موافق ايام (انتهى) تقدير نجه كمال محص واختصاصى  
مغرب اولان مشير مفخم محمود شوكت پاشا حل وعقد اموره  
مأمور اولدى . جامع الفضائل النفسانيه وراعى رايات الفواضل

الانسانيه ومصالح مختلفات امور ومصالح جمهور اولان  
 پاشای مبرور مبادی یکسال حیاتندبرو تکمیل حیثیت مملکت  
 ساعی بر ذات حمیدالبر والمساعی اولمغله تلافی نائبة ایامه سعی  
 وقيام ایدوب آیین مرحمت و مروتی احیا و قوانین شفقت و فتوتی  
 اجرا ایلین امور دولته یکیدن نظام و زخم خورده ایام اولان  
 ابدان مهامه مرهم حسن تدبیر ایله کالاول التیام و یروب باب  
 مراحم مآبته آمد و شد ایدن مغمو ملر مسروراً عودت و مکسور لر  
 مجبوراً رجعت ایلدی. علی الخصوص ارباب فساد و فتنه نك قهر  
 و تدمیرنده اولقدر اصابت و اظهار شدت و سیاست ایلدی که  
 خورشید زراندود جهانیه ایرشمش خفاش مثالی فسیده ترك  
 ماوای قدیمیه مجبور اولدی و جزای سزای اعدامدن قورتو.  
 لانلر دخی سفینه لره ارکاباً جزائر بعیدیه سورولوب نام  
 و نشانیری صحیفه حیاتدن سیلندی. فی الواقع اول دستور فلاتون  
 شعور مقدمات حال و معالی ماللر ندبرو نهار و لیاللرینی تتبع  
 اسباب تزايد شان سلطنته حصر ایله نو ایجاد و دیو جهه کردونه  
 شوکت و شانیه رکوب ایدوب عظیم سرعت و عالی دبده ایله  
 هرجهته سوق پای نظام ایلدی و برکون ایچنده هزار نوع مهام  
 اموری عقد و اجرا ایلیمه رک عسکره اول رتبه جلادت و بسالت  
 بخش ایتدی که یونان و بلغار حدودلره ایلغار ایلیمه جرأت  
 کوستره میوب دوچار زخم و کلال اولدی اما طائفه ارنبود

و اهالی حوران و عشایر یمن مثالی بعض قبائل صغیره و کمینه  
کونش کورمش مار سرمادیده کبی باش قالدیروب عصیانه دیل  
اوزاندی ایسه ده قحف قدید و مرده لری منقلب خاك و تراب  
اولدی .

تمه در مطالعه مورخ

و استغای قصور او

بندۀ ناچیزی شایسته عنایت و بو طریقله عامۀ مورخینی  
سزوار عاطفت و رؤفت بیوران اصحاب عرفان و ظرفای عصر  
و زمان سایه سنده تاریخ دور مبعوثان نسخه لرینک فواریخ  
روایحی دمیده و همتریلله جزء اول و ثانیدن عزم و آغاز اولنان  
بیکله جه نسخه لر ختامه رسیده اولدی . مطالعه غریب ادوار  
ایله فکاری تشخیز و لذائذ روایات ایله ذایقه حافظه یی تلذیز  
ایتمک اعتیادنده اولان مزایا شناسانه کتابک کثرت اوراقدن  
حاصل اولان ثقلتی موجب کلال و رسم و املا و طبع و اداده کی  
مسهلت مستوجب ملال اولماق ایچون بو یوزدن خاطر لرینه  
رعایت ملاحظه سیله کتابه هر هفته فاصله ویریلدی . انجق مبعوثان  
رطب اللسانک ایفای حسن و ثنلری ایچون تحریره غیرت اولنوب  
دیگر حوادث اعصار و روایات و آثارک نقل و تحریرندن اجتناب  
قیلندی . پس مقصد حقیر مؤرخ بودر که دولت مشروطه

عثمانیه نك عموم تاریخی رسیده شیرازہ کمال و سلسلہ وقوعاتی  
بند و اتمام و اتصال ایلك بو عبد کمین کترینک استعداد و استطاعت  
عشیدن اوزاق اولوب رساله مزده منحصرآ دریادل بی معادل  
مبعوث افندیل مزك حکایه احوالندن بحثه شروع ایدلی .

### حلول فراغ و راحت و احضار قوانین ملک و ملت

مطمح انظار اولی الابصار و مطلع انوار سپهر آثار اولان  
مبعوثان عمیم الشہرت و الشان حضراتی چند روز قریہ آیا ایستہ  
فانوسده رکز خیام مشورت ایلد کدن صکره مثال ملوک عشائر تبدیل  
حل و موقعه تکرار آستانه عودت ایتدیلر و رهنمای راه حقیقت  
ویشوای اصحاب سیاست اولدیلر . حیاتلرین سهام قضا و بلادن  
تخلیص ایچون فرنکستانه شتاب ایدن مبعوثلرده برای ادای  
شکر و ثنا مهد حریت عنوانیله قدری اعلا اولنان شهر  
سالانیکه باش ووروب جریده لر نشر ایتدیلر و هر نسخه سن  
غالی فیئاته خلقه ارسال و ایصال ایدوب حاصلاتین اعانه  
ویردیلر و بعده صاغ و سالم و اما بر درجه محبوب و نادم  
عودتله وظیفه لرینه خادم اولدیلر . بوصورتله حضور و شعور  
لری موقتاً مسلوب فقط قدر و مقاملری مقبول و مرغوب  
اولان وکلای ملت تنظیم قوانین امور ایله اشتغال باشلايوب  
مطبوعات و کتول و تنسیقات و اجتماعات و جمعیات قانونلرین غیبیدن



هویدا و جمعیتہ صدق و خلوصی و رابطۂ لازم الازالہ سی مجرب  
 و مستعد کمنہ لری سرکارہ کتوروب منار امور مہامدہ غریب  
 چراغلر پیدا ایلدیلر . اما زیادہ استعجال کوستروب وافر نقصا  
 نلرہ و مساهلہ لرہ اوغرا دیلر و یابدقلری مجلہ لری ذیلاً تعدیل  
 و تبدیلہ منہمک و صغیر سن و محروم تجربہ ذواتہ منصب و مأموریت  
 و یروب عواقب احوالہ منتظر و مترقب اولدیلر و آردہ لرندہ درد لشوب  
 بو صورت اعلیٰ میدر یوقسہ داعیٰ مخاطرہ میدر دیو اندیشہ یہ  
 دوشدیلر .

توجیہ بعض مناصب و ظہور سائر مصائب

وقعۂ زائلہ دن صکرہ امرای حکومتدن بعض ذواتک تبدیلی  
 ایجاب ایتمکله ماہ نیسانک یکرمی ایکنجی کونی قابینہ تعبیر اولنان  
 ہیئت عمومیۂ وکلا ریاستندہ حسین حلمی پاشا اسباب مجهولہ یہ  
 بناءً بالابقا مقام مشیخت صاحب منلا بکہ اعطا و حربیہ نظارتہ  
 صالح پاشا اقعداد ایدلدی و علی الخصوص داخلہ امورینک حسن  
 ادارہ سی مشروط اولدیغندن نظارتی مقدا بعض امور جزئیہ دہ  
 بولنمش واما حذاقیتلہ عامہ نک ثناسی قزانمش اولان طلعت بک  
 نام ذات اصیل الصفاتہ احسان اولنوب و امور مالیہ آمر لکنندہ  
 جتہ جہدہ صغیر واما عقل و فکر ذکادہ اقراننہ ظہیر اولان  
 سلانیککی جاوید بک شایان کورولدی . عدلیہ نظارنہ دہ نجم

اقبال ماضی واستقبالی شیخ وشاب جمله نك معلوم وممدوحی اولان  
علمادن نجم الدین بك كچیریلدی ( مطالعه ) ذوات مشارالیهما  
ایله مشاهیر مبعوثانمك ختام کتابده ترجمه حالاری بر تفصیل تحریر  
وتفسیر اولنه جنی اجلدن بوراده اطباب بحثه حاجت کوروله مدی  
( تمت مطالعه ) اما بو آهنگ سائر مصائبك ظهورینه مانع  
اولامایوب شمالی ارنبودلکده سر کرده لر چیقدی وشو حروفی  
ایسترز بو حروفی ایستمزوك فریادیله واخذ انتقام داعیه سیله جمله یه  
ایصال خسارات ومأمورین حکومتك اوراق وارزاق وامواللرین  
نهب وغارت ایلدکلری رسیده سمع فتور اولدقده تعقیباته جاوید  
پاشا مأمو اولدی ویمن اموری ایچون هیئتلر کوندریلوب حلول  
آسایشه چالیشیلدی وطلعت بك مسئولیتی اوزرینه آلوب بلاد  
مذکوره احوالنك قریبده مبدل سرور وحبور اوله جنی وعنده  
بولندی. لکن آتیده مسطور اوله جنی وجهله سوزلرین طوتامایوب  
غریق یأس و آلم و سؤال و استیضاحلر قارشیشنده مثال صنم  
ابکم قالدی. کرید جزیره سی ایشلری تشوشه اوغرایوب رایت  
عثمانی حقننده بد خواهانه معاملهلر ایدلدی ودول حامیه دن  
حجرملرك جزالری طلب اولاندی وبوغوائل آره سینده برنجی  
دوره مبعوثان بعدالتدید ختامه رسیده اولمغله وکلای ملت  
بربرلرینه وداع ایدوب آهسته بسته وجسته جسته دائره انتخابیه لرینه  
عودت ایلدیلر واولاد وازواجیله قوجا قلاشوب بونجه مهالك

آرسنده صاغوسالم قالدقلرندن طولانی سربسجده نیاز اولدیله  
وچوبوقلرین باقوب وسدیرلره باغداشلرین قوروب منامده رؤیت  
ایلدکلری وقایع غریبه مثالی کچن ماجرای خلقه حکایت  
باشلادیله و بومنوال اوزره دوره ثانیه نک حلوانه مترقب اولدیله.

ختم دوره اولی  
تمت جزء الاول الکتاب

### دوره ثانیه

در وصف ساحل سری چراغان

قدیمدن بری شکوفه های کونا کون ولاله های لطافت  
نمونه مشهور و مشحون اولان ساحلخانه چراغان لب دریاد  
کائن برعظیم نادره زمان اولدینی اجلدن دائره مبعوثان اتخادی  
رئیس مجلس طرفندن تمی واسترحام اولمغله پادشاه انام خلدالله  
سلطنته الی یوم القیام حضر تلری اراده سنیهلرین ارزان ایلدی.  
انواع قنادیل و شموع شمس عدیل ایله درون و بیرونی تزین  
و تنظیم اولنق کبی وسائر اقتضا ایدن وجه اوزره کما ینبغی ترتیب  
اسباب زیب و زینت اولنوب وافر عمله ایشلتدیریلوب سریعاً  
اتمامی میسر اولدی. ساحلسرائی مذکور زیاده تکلفلویاییلوب  
جمله طربزونلری و عمودلری و جدران اربعه سی و سقفی حل  
کاری اولوب درودیواری مرمردن وزراندزرر تصاویر لطیفه

و عجیبه ایله مزین و سقفه وارنجه درت قات نسیملر یاپلش حل  
 کاری صماکی ستونلرله غایت خوشما بر محل ایدی . مبعوثان  
 عمیم الاحسان حضرتانک تشریفلرندن مقدم سدیدلرین صرمه  
 و دیبا اوزرینه ایشلمه اقمشه ایله تفریش و دیوارلرین شمع فروزان  
 رنگده الوان ایله تلوین و تشویش اولنوب عظیم حاضر اقلر  
 کورولدی و بلور آویزه لره بحساب موملر طاقلدی . ویمین  
 و یسار و سقف و جدار هر محلدن بر طاقم کلفتلو بورولر کچیریلوب  
 هوای خار ایله تسخین و یریر سهپا شکللو کلچجه دمیرلر نوعما  
 اوجاق خدمتن کوروب اوزرلری ورق سیم وزرله تزین  
 قیلندی . صیجاق هوایه جریان ویرلدیکی دم داخل سرایده  
 صیف آسار اطب و بارد محل قالمایوب متساویاً حرارت حجره دن  
 حجره یه تقسیم و منوال مشروح اوزره وکلای ملتک زیب احتشاه  
 ملری مع زیاده تعمیم اولندی . چون مدت تعطیل ختامه  
 ایروب دوره اجتماع حلول ایتدی . مبعوثین بادی التحسین حضراتی  
 دهلیز و سدیدلری تلوث ایله مهمه مک قصدیه نظافته بغایت اعتنا  
 ایله شلوار و دستار و جبهلرین قالدیروب و پابوج و مرقوب  
 و مستلرین چیقاروب و عظیم آینه لرده سیرت و صورتلرین سیر  
 ایدوب مقاملرینه کچدیلر و آلائی والا اجراسیله فن بدیع الطور  
 سیاستک رؤیت و تمشیتنه اعانت و لازمه ذمت علوهمت ایلدیلر .

چون هيئت طويلاندى رئيس انتخابه مباشرت ايديلوب  
احمد رضا بك دفعه نانيه مظهر تقدير جمهور و مقام رياسته  
شرفبخش و قور اولدى و دولتك مالیه اموری ناظری جاويد  
بك و عدندندن قطعاً نكول ايله مشاير و لماق قصديه حاضر لاديني  
اوراقى مستصحباً مجلسه كلوب بودجه نك تنظيمنده خيلى  
عسرت چكدم و اما فتور كتر مدم ديو تقديم ايلدى اما اوراق  
و جداول مذكوره اوصورتده مشوش ايدى كه مجلس شهرور  
اربعه ظرفنده اكمله وقت بوله ميوب مدت مزبورده يى تمديد  
مجبور قالدى و مالیه امورينه مشاور اولان فرانچولو لوران نام  
كىمسه نك دخى مداخله سى قطعاً روا كوروله ميوب مملكتى  
جانبه اعزامى ايجون وسيله لر آزاندى . بوصره ده اداره  
عرفيه نك زلال هميله ممالكك چار كوشه سنده درخت فراغ  
وسكون و غصون آسایش و حضور سايه انداز ثمرات امور  
اوليجق دوائر دولته صداقت و خلوصى و جمعيتك ظهور و بقاسنه  
خدمتى سبق ايدن مجرب اشخاصك مأموريتى لازم كورولدى  
و مناصب عاليه توقيرات لايقه ايله بو مثللو ذوات كچيريلوب  
هر برى آيرى آيرى بهره مند مكافات اولدى . اما اورته لغك  
اوضاع و اطوارى سياق يأس و تهيجده جارى اولوب كيدرك و دواعى  
نخوت و بطر منازعاته مصدر اولوب اصحاب جاه و جلال ايله

عجزه و بیوایکاک بینه تحاسد و تنافس کیردی . و علی الخصوص احوال مزبورہ اضاعت مال و اتلاف رجالہ سبب اولوب قبریسی کامل پاشا مثللو نیجه سربلند شیخلر و حل و عقد امورہ مستعد وافر مدرک شابلر کوشه انزواده نہان و دامن وظیفہ دن پنهان اولدیلر . مبعوثان کاردانان حضراتی مزاج دولتک فتور و کلالته سبب اولماق قصدیلہ بوغوایلک چاره سازلغنده تدابیر حکیمانہ یہ متوسل اولمق داعیہ سنده ایکن لینچ مسئله سی دیو برعجیہ امر میدان مشاورہ یہ قوندی و نہار و لیال نیجه ساعات سعی و اشتغال اضلال ایدیلوب خلق دوچار یأس و کلال اولدی . صاحب دولت حضرتلری باقدی کہ دولتک هضم املندہ قصور ظهور ایتدی و اکثریت بعدہ کندویہ ظہیر اولمقدن فتور کتیردی همان انفصال ایدوب مقامی آخرہ براقدی . اول اثناده رومادہ ایلچی بولنان ابراهیم حتی بک آستانہ یہ بالجب وزارت توجہیلہ صدر جلیل اولدی . لازمه وقتہ امتثال و مماشات و مزاج دولته اتباع و مراعات ایلمک و کردن عروس سلطنتی حلیہ معدلتلہ آراسته و چهره مخدره مملکتی کلکونه حکم سیاست ایلہ پیراسته و صفحہ جهانی مصقله عدل و داد ایلہ ژنکار ظلم و بیداددن رزدوده و کافه انامہ ظلال مرحتلرین ممدوده قبلmq امنیہ سیلہ عدل و احسان دیوب بر قانون حق و انصاف وضع ایتمک دیلدی ایسہدہ تطبیقندہ بغایت عسرت چکدی و سلفنک قانون عدلی



اعمالده اہمال ایدوب جور مسلکنہ کیتدیکنی وحکام مملکت  
 ومدبران دولتك قدرین بیلیمیوب بو وجهله رفاهیت وراحتی  
 محتہ مبدل وزمام اداره سی ایدی دیگرہ محول اولدیغنی نوعما  
 اتیان ایلدیسده کندیوسی دخی تأیید آسمانی یه مظهر اوله میوب  
 اسباب قیام وبقایه موفق واستقرار واستمرار ایلہ زمان صدارتی  
 پر رونق اولامادی . مبعوثین والاترین وعظمتقرین حضراتی  
 صدر جدید احسان تأیید حضر تلرینک دفتر مقرراتی دیله یوب  
 نطق سیاسیسنی فہم وادراکہ حاضر لقلرین کورورکن بتقدیر  
 خدا آتشدان قہر خلاق جہاندن چہان اولان شرارہ شور  
 افکن ایلہ چراغان قصرندہ حریق نمایان اولوب ہر نقدر سحاب  
 باران احسان کچی صدر نوییان اطفاسنہ حصر مرام ایلدی  
 ایسہدہ برتفصیل زیردہ درج سطور یأس وفتور قیلنہ جنی وجہلہ  
 بوندہ دخی قدرتیاب اولامادی .

### ظہور حریق سوزن در ساحلسرائی چراغان

ماہ کانون ثانیٹک بشنجی یکشنبہ کونی زوالہ تربیب ساحلسرائی  
 چراغاندن شرارہ پاش التہاب اولان آتش پرتف وتاب آن  
 واحدہ رسیدہ سقف آسمان اولمغین مبعوثان بدبختان حضراتی  
 نالان وکریان فرارہ شتابان اولدیلر واوراق وجداول واشیای  
 متداخلہدن بعضیلرینی تخلیص خصوصندہ خیلی ایفای خدمات

ایلدیلر اما بروجہ مسارعت ایریشوب هر جانبدن آتشک اطرافک  
 کسدير مکه اهتمام واطفاسنه بذل همت کلام ايليان اطفائيه  
 طابورلری صو بولامیوب مایوس اولدقلرندن ناشی ال چکوب  
 حیرت ودهشت برله آه وواه هجوم عالمسوز آتسه اوزاقدن نگاه  
 ایلدیلر. دریاده ایسه شدید فورطنه نمایان اولدیغی اجلدن سفن  
 عثمانیه واجنییه طرفندن ده چندان معاونت قابل اوله میوب  
 امداد هوا ایله آتش علولندی وساحلسرای چراغانده محفوظ  
 و مخزون اولان اشیا بالکئیه محترق و برمصر خزینه سی مقداری  
 مال تلف اولدیغنه ارباب وقوف متفق اولدی . روسیه لیلرک اک  
 شهرتلی رساملرندن نیجه لرك اللیشر بیك کیسه آچه بهاده لوایح  
 نادره سی ده تباه واصحاب مراقی مبتلای ناله و آه ایلدی .  
 والحاصل خروش طوفان نار قضایه خار وخاشاک سعی وتدبیر  
 مفید اولمیوب ساحلسرای چراغان خاکستر اخکرفنا وتسکین  
 واطفاسنه هرندکلو سعی وتدبیر اولندی ایسه ده امکانی بولنمیوب  
 کاملاً طعمه آتش قضا اولدی . اشـبو بادره هولتاک قلوب  
 ملنی چاچک ایدوب کوز یاشی دوکمه دک کمنه قالمادی ویأس  
 وقتور عمومی برحاله واصل اولدی که عقول سیخیفه اصحابی  
 تصورات ضعیفه لرینه مبنی معنالر ویروب غلط سوزلر اشاعه  
 ایتدیلر وشيخ وشاب وعالم ونادان کثیر حلق لساننده برچوق  
 اراجیف دونوب معتمد وموثوق اقواله رغبت کوسترم یلر .

## مطالعهٔ مورخ

سعادت ملك وملت ایچون محنت و عنا چكرك افنای حیات  
و هبای ذوق و نشاط ایلین مبعوثان مشهور جهان حضراتی  
بأی حال اك محتشم قصر لره الیق ایسه لرده دائرة مبعوثین بر بنای  
رسمی اولدینی اجلدن اودرجه زیب وزینته مستغرق بولماسی  
مغایر عقل و حکمتدر . علی الخصوص نوادرات روز کاردن یار  
واغیار جمله نك تقدیر و تحسیننه هر بار معروض بولندینی درکار  
اولان الواح نفیسه مذکورہ مثللو زینت لرك مشهر مخصوص لرنده  
بر اقل میوب درودیواره اتکاسی و هوا غازی ایله مشبوع وافر  
آویزه لر موجود ایکن کوشلی شمعدان لرك دخی یرلرنده ابقاسی  
و حریقہ قارشی هیچ بر تدبیر اتخاذا اولنمیوب مغالطات ایله  
زمان افناسی موجب مسئولیت عظیمه بر امر غریبدر .

نقل دائرة مبعوثان بقوناق سابق سر لشکران  
و ستر احوال چرخ کردان

وجه سابق اوزره بقضاء الله تعالی سرزده ظهور اولان  
آتش تهیج تندباد ایله کیتدکجه سرکش اولوب چراغان تاب آتش  
زبانہ کش ایله منعدم و سوخته نازه پرتف و هزار زحمت ایله  
لهیب اژدر نهیب حریق بر طرف اولدقده مبعوثان کراخجان  
حضراتی موی آتش دیده کی پیچ و تاب واضطراب ایله دمیده

اولدیلر . جمله یه بر خوف وهراس و بردهشت ممتنع الاندراس  
طاری وساری اولمغله آیا بو حریق ندکلو آفتدر مهدید باری  
ویا رمز آسمانیدر و بو احوال نه نتیجه ویرر دیو بر حیرت  
واضطراب استیغاب ایدوب هرکس سرفرو برده فکر و تحیرده  
ایکن همان شجعان اسلام و پهلوانان بنامدن واصحاب سیف وزعامت  
وامیران واجب الرعایتدن بعض مبعوثان کندولرین میدانه آتوب  
مثال پلنک ژیان کلامه آغار ایله بهی غافلر بوشک و تردد  
نیجه در ایچکزده وادی حماسه و قدرته ثبات قدم کوستروب  
مشکلاته قارشی کلن لر یوقیدر؟ بو آفت سز لری امتحان و مردم  
دینلرک جوهرین عیان ایلمکدر اوز نفسکزده احتیاطی بیشه  
ویجه بر ثباتدن اندیشه ایلر سز دیجک خلق لاحول کویان اولوب  
فرد آفریده مقابله سنه جرأت و میدانه رغبت ایتدی و بوطور  
عامه قتنده و دکه کس نظر نده دلمسند کور و نوب و افراسیجان  
و تقدیرات بی پایان بذل اولندی . الحق بو عتاب شهد آب کیمس نه ده  
نصاب مافی الباب قویماش اولمغله همان برای عقد مجلس رفیع  
بر محل وسیع تحریر سیله موقتاً اتحاد قلوبی مقرر تشریع اتخاذ  
قلیندی . اما محل مزبور کثیر خاکی استعابه میسور برداره  
معمور اولمادیغی اجلدن مبعوثین عاقبت بین حضراتی ذات آهائله  
حریقله دلسوز اولد قلرندن چند روز ایچره اول محله دخی  
معصور و مکنوز قالدیلر . چون مقدا مقام سر عسکری ده

مستدام اولوب بالاخره نام و لحمی ابهام قیلانان رضا پاشا قوناغی  
 زیب وزینتله تربیع و ترصیح و وافر آویزه لرله تنویر و تلمیع  
 قلمیتمشدی. مزبور سرای تابان شورای ملتهدیرستان اتخاذایدلدی  
 و صدر جدید و جلیل پروغرامن سرای مذکورده ترتیل و تسویل  
 ایدوب بعده جواهر کلام ثریا نظام ایله مالامال تقاریض بلیغله  
 ایله مقامه آرایش و معانی مطبوعه ایله مقاله نمایش ویردیلر  
 و طره آرای عروس نصفت و عدالت اولوب طرز حکومتی  
 بعز والشان قواعد عدل و احسان اوزره مؤسس و مبنی و ترفیع  
 قدر و شهرت و مزید شرف رغبتیه مؤدی قیلمق قصدین اظهار  
 و اغترار ایلدیلر. پس مبعوثان دلستان حضراتی قصر مزبورده  
 چندان جاودان اولامایوب محله قباطاشه جوار و ساحله نکون ساز  
 بر سرایه نقل یا و تبارله اول محله برقرار اولدیلر. و همه آن  
 نسق ساز امور جهان و شیرازه بند مجلد زمان اولوب سایه  
 دولترنده عباد الله دارالامن و استراحتده غنوده و میدا کار و ضررده  
 آسوده اولدیلر. بو اوقاتده مبعوثین قره العین حضراتی تنظیم  
 قوانین اموره اشتغال برله تشیید قواعد امور جمهور و تسدید  
 معاهد حدود و ثغور خصوصیلرینه همت، باخصوص دفع و رفع  
 شر و شور قصندنده مأمولدن فضله اظهار سیاست و قدرت  
 ایلدیلر و حضرت فیاض توفیقن رفیق ایدوب تعاقب حوادث  
 و تراکم عوارضات حسبیه و یابر مقتضای طبیعت کونیه و اقتضای

تمدن بشریه ایلہ جاجا نظام عالمده خلل و انتظام امور بنی آدمده  
زلل ظهورنده حفظ ایدوب دورہ ثانیہ نک آخر ایامنده بدرقہ  
مهر توفیق رهنمونی ہدایت طریقہ اولدی .

### ظہور جمعیت محروور و سرگذشت حضرت رضا نور و توقیف وی در استانبول

چون مجلس رفیع المقام صمصام قدرتیله اذدر سیاستی مالا  
کلام بسته لجام ایلدوب وکلای ملتن ہربری آشیانہ لرین یوان  
طوتوب کردباد غبار آراسنده مثال کاربان کریزان فیفاده برنجہ  
مراحل قطع و سدراہ اولان برنجہ موانع قمع ایدوب کیتدیلر  
و سلامت سفر روزی قیلدیغندن اوتوری حقہ ادا لرین ایضا  
واولیا یہ نذرلرین اجرا ایلدیلر شہر استانبولده دیجور ایل  
مفتوردن بروقعہ نا کھظہور حادث اولوب عظیم اندیشہ و ہمیشہ  
یأس و مناقشہ یہ سبب اولدی .

### ظہور وقعہ

مؤرخ کمبضاعہ وقوع حالی بالذات صاحب سرگذشتدن  
استماعلہ مکذوبہ دن وارستہ قیلدیغ ایلدن اتیان آتی اوزرہ وقعہ  
شب آ یزک نقلنہ و مسموعک مودوعنہ شروع قلندی شویله کہ:  
آتش بیدود ضیا لرین جبال و قلاع اوزرہ ممدود قیلوب ( بیت )



ایتمز میسک ای روان مسعوده محنت کده زمینہ پدرودہ فہواسنجه  
افقدہ متحشد وکاه وصالہ راغب وکاه بزم الفتدن متحاشی وھارب  
برشوخ طناز وبرچشم آھوی فغان وغمماز مثللو ہر لحظہدہ بر رسم  
دیگر اوزرہ رونمون و مثال بوقلمون انواع تجلیات ایلہ دیگر  
کون کورونوب کور سماءہ محمور اولدقدہ سینوب مبعوثی رضا  
نور بکک بابی علی الغفلہ دق ایدیلوب وجاندارمہلر ایچرہ کیروب  
اشبوبیتک ہر کوشہ سن تحری بزہ واجبدردیدیلر ومثال مبصران  
کمرک ہکبہ وصندوق ہرنہ وار ایسہ مسحوق ایدوب اول ذات  
کمیابی برھنطویہ ارکالہ لابلاب آسا تضیق وتوثیقہ آشوری  
شدت کوستردیلر وباب والای عسکری یہ ایصال وآ وواہ  
ولوالنہ قطعاً فریقہ اولمایوب منوال مشروح اوزرہ بریت حزہ  
انزان ایلدیلر . مشار الیہ بر مقدار دفع حیرت ایدوب اوزینہ  
کلدکدہ ایتدی ہی بو محل زہدر ونم جرم نہدر ایتدیلر بو محل  
محسدر وسنک جرمتک عظیمدر . مبعوث مشبوت درونہ دوشن  
آتش یأس واضطرابلہ دمبستہ قالدی ودستارچہ سن چیقاروب  
دمعہ میغ یأسن سیلدی . چون بو خبر توقیف خارجدہ بالتحریر  
اشاعہ ایدیلوب کثیر خلقی تخویف ایلدی برچوق کسان دخی  
زندانہ آتقلہ اشبو بادرہ زبان مخالفینی برمدت خوردہ وقلبلرین  
سوختہ ایتدی . اما کتاب ثالثہ مسطور اولہ جنی وجہلہ اولیای  
امور دستور عدل ونصفقلہ دیجور سرائری بیاض حقیقہ

ایریشد یروب جرمسزلری مسرور و مبعوث روشن ضمیری  
مخطور هلا کدن قورتاروب نائل حضور ایلدی .

تمت جزء الثانی الکتاب

### جزء ثالث الکتاب

در وصف احوال احمد رضا بك

و ترجمهٔ حال او

مولانای مزبور صنف ممتازدن اولوب دولت ابد مدت  
عثمانییه نیجه نیجه خدمات مبروره ابراز و بویوزدن کسب امتیاز  
ایلش بر خاندان شرف نشان احفادن بولمقله حدائت سند نبرو  
تربیه سنه اهتمام و بوامنیه نك احسن تقویم اوزره حصولی امرنده  
تقیدمالا کلام اولوب نیجه ایام ولیال سرمایه استعداد خدادادینی اعمال  
و خواجکان بندرگاه کالدن اخذ جواهر و نوادر علومه کوشش  
و اشتغال ایتمکله شعلهٔ جوالهٔ فکر و خیالی پرتو انداز مجالس  
صغار و کبار و صنادید علمای عظامدن معارف ناظری منیف  
پاشایه شرفیاب انتسابله فضلی بالتقدیر خداوندکار ایالتی معارف  
مدیر لکیله کامیاب اولدی و بومناسبتله لانهٔ شهباز دولت و آشیانهٔ  
عنقای سلطنت اولمقله جای کبار و مأوای مقبلان روز کارا اولان

شهر استانبولدن مفارقت ایلدی اما بروسهده مدت مدیده  
 اقامته هوای تیزر فرصت مخالفت ایتمکله بیک سیکز یوز  
 طقسان سنه میلادیسی سالنده شهر بارسده کشاده اولان مشهره  
 ارزوی زیارت و سیاحت کوستروب رخصت طلب ایلدی. لکن  
 اذن سلطانی ارزان اولنمیوب علاء رمانک فوآد رخشانی غبار  
 یأس و خسرانله مستهان اولدی. اما مشارالینان نظیری نادیده  
 و علمی مراتب اقصایه پانهاده بر علامه نائنده اولدینی اجلدن  
 مزبور معامله درشتانه و مستبدانه سر فرو ایتیموب مطلق العنان  
 اولدین اثبات امرنده اشهاد غلاتله فرار طریق اختیار ایلدی.  
 چون مشارالیه بوجه اوزره ارزوسنجه گرفتار قید نفی  
 واجلا اولدی. همه آن مزبور مأموریت مولانانک اعز احباسندن  
 واصحاب خلق و فضیلتدن مدرسه اعدادیه معلمی کلنبوی سعید  
 بکه احسان بیورلدی. احمد رضا بک بحر زخار فضائل علوم  
 اولوب هر فنده ماهر و هر هنرده امثالنه رجحانی ظاهر  
 اولدینندن ماعدا سر رشته تزکیه نفسه مالک و طریق حقه  
 سالک بولندینی اجلدن جزئی آچه ایله پارسه وصولنده قطعاً  
 اثر ضعف کوسترمیوب مدارس دوامله مرتبه علم و فضلن قدمه  
 علیایه ایصال اوغرنده ایام ولیال مقدم سعی و اشتغال اولدی  
 و اعتیاد افرنج اولدینی اوزره قونفرانچ دنیلیر خطبه لر ایرادیه  
 دولت و سلطنتک دوام و بقاسی قانون عدالت و حریتله میسر

اوله کله جکدر یواننده فریاد و نغان و بووجهله دخی اعظم علمای  
فرنکستان ایله پیدای جیران ایلدی . اول نه غریب برتجلی\*  
ازلی و حکم لم یزلی درکه مولانای مزبور صغر سندن بروط ئفه  
کبار ایله موانست و بر نیجه اهل فضل ایله مصاحبت ایلدکده  
بولمش اولدیغندن خلاق قدرت ممالک بعیده اجنیهده دخی  
قولندن بونی اسپرکه میوب اول فاضل متبحرک اسمن محی  
دولت صفتیه توصیف و معنای حیات شهرتدن اول سر ناء ایله  
بحملاً تعریف بیورمش ایدوکنندن مادام العمر خاسر و امر  
معیشته یدهمتی قاصر قالمامش و علم جفر و علم حروف و علم  
سیمیا و کیمیا کبی علوم غریبهده مهارت کلیه سی مسلم و مصدق  
و علم حکمت فرنکیه و اریتماطیقی ، اسطورنومیا و دها سائر  
فنون و لکیهیه شامل بروقوف صاحبی اولدینی محقق اولدیغندن  
هر نه قدر بونوع معلوماتک دنیایه چندان فائده سی اولمیوب آخرته  
زیان ایراث ایتدوکی هر درلو شبهه لردن بری بر قضیه مسلمه  
اولغله رابر کندوسنک بو وادیده کی تحقیقاتی باعث خیت  
و خسروانی و سبب ضیاع ایمانی اولمامشدر . اول صورتده که  
خلاق مطلق و رزاق برحق دائم یارد مجبسی اولوب حتی  
بارسده کی مدارسسه مداوم و علم و فن تحصیلنه متهاجم طلبه  
عثمانیه یی سوفله نام قهوه خانهده اتحاد و اجتماعه دعوتله نصیح  
و پند عالمانه و بیانات فاضلانه و افادات مرشدانه سندن مستفید

و نو مید اولان قلوب امتده تسلیلر ولید ایلدی . چون خواجه  
دانا و فاضل هزار آواهیجای حریتده کی مظفریاتی نصایح  
وارشاداتنه تردیفاً درعلیه بیلدیردی خاقان حائفان تهییج  
واضطرابی درجه اقصایه منتهی قیلدی .

مولانای فلاطون شعور وجه مزبور اورره کنجایش  
تصوردن بیرون وحد و نصابه قدرت بشردن افرون برهمت  
درویشانه ایله خارقه نمون اولوب سلطان استبدادك فؤاد پررمادنده  
موجود احکرا ندیشه و عنادی افزون قیلدقد مزاج ملك و دواتده  
برداء عضال و بدن هیئت اجتماعیه سنده برمرض قتال اولان اداره  
کیفیه نك انسدادی و الی اخر الزمان حفظ حدود و تسویه امور  
هر موجود و اتباع و انقیاد عامه عباد و وسیله سعادت و مبدأ نقود  
و سرود اولان طرز مشروطیتك بنیاد و اوتادین وضع و مرکز  
واسترداد صد دنده دمبدم نامه لرایصال و اظهار مافی البال ایلدی .  
بأی حال تلاش ملك و ملت پایمال و اجانبه رومالدر و تزايد و تصاعد  
شوکت و شان بزجه ده مشروط و مضبوط و توسط کیز مقبول  
و منقوطدر . عیارنده جوابلر آلدقده ( مصرع ) هوای جنبشندن  
چاك اولور نیلکون طارم . فهو اسنجه جریحه فؤاد یأس ملالنه  
دلك ایلدی کی مرهم مطلسم وعد و تبشیردن افاقت بولمش مثالی  
شاد و خرم اولدی . اما خاقان مختال یال ملتدن منقور اداره بد  
اذیالك روعنه رضاسی اولمدینی اجلدن مولانای دانایی بندو کندویه

جلب امرنده صورت ظاهرده مستقیم اولدی. (بیت) اقتضای  
 قضای کن فیکون. قیادی هرامری وقته مرهون. بیت برکزیده  
 ودلپسندیده سی مضمونی اوزره وقتا که اقتضای قضای ربانی  
 عوالم علویه وسفلیه نک تنکنای عدمدن مصنۀ پیرایۀ وجوده  
 کلکسین مراد بیوردی هرامری وقته مرهون وهر حادثه نی بر  
 زمانه مشروط قیادی اول سبیدن اداره مستبدۀ نک وقتنامه  
 احوال چرخ دورانده دم هدمی حلول ایتماکن فاضل متبحرک  
 وجهۀ امیدینه سداولان کوه اندوه مشکل گذار نفس شعورین  
 بتکرار معصار تفکر و تعقلده مدار ایتماکه شاهین دوخته چشم  
 خردی هوای حیرنده پریشان پراز و چراغ انتظاری تنویر  
 مقصود ایده جک زمانده ضربۀ باد زمستانله ناکهان نظر دقتدن  
 نهان اولدی. مولانای مذکور که نیجه کتب وتواریخدن معانی  
 عجیبه استخراج قیلور علم لغتده قادر وغایت تائی ایله بطائت  
 افادهده قتی ماهر ایدی ذات شریفلری قبل الافاده هر کلمه یی  
 سنجیده میزان تدقیق و ذهن خودنده برکز معناسن تعمیق  
 ایلوب بو قائدۀ معتاده و اصول فوق العاده ایله صد هزار  
 اسراره واقف و کثیر معانی یی عارف اولدیغدن پادشاهک اوز  
 فکرینه آگاه اولوب نهانی اه وواه ایلدی اما ساحۀ بی مسافده  
 افتاده برپاده بولندیغی اجلدن بو حال یأس اشتمال ووقعۀ اغفالک  
 بصربصیرتی احوال ووجهۀ عزیمتی بادی خطر وخلل ایله جکن



بالتعقل بوجه سابق طلاب عثمانیه سائق احق وشارق نور  
 شفق اولدی . ذات عزیزلری اول حینده فقدانى نقد و آقچه  
 طولایسیله قالیچه یأس و خرمانده یحسان ایدیه لرده قطعاً افغان  
 والامانن کمسنه اتمان ایلیوب وجوم اوزره قالدیلر و بتمامت  
 فرنکی لسانن بیلور اولدقلرندن الفاظ غلیظه افرنجی لسان  
 عذب الیمان تورکیه تحویل ایله دکه برکله نك مدلولنى تفسیر  
 و تعین ایلهرک نیجه نیجه مطالعات دقیقه و ملاحظات رقیقه  
 و تاریک و باریک مضمونلری تفهم امرنده برنوید بشارت بولوب وجه  
 مزبور اوزره مکظوم و مهزوم محرومی اولدیغی آب و نانن تدارکنده  
 استظهار ایلدی . اشبو خبر آستانه ده شیوع بولوب منجیق غدر  
 روز کارله آتیلدیغی شهر پارسده نان پاره سن کسبدن یزار و بو  
 جهته تارمار اولدیغن پادشاهه برتقریب اضممار قلندی اول ذات  
 عزیزک فراجة نام و شانن کلیاً لکه دار و دامان و کریبانن چرک  
 افترا ایله خیلودن خیلویه مردار ایلک و امر و اشارت لرینه مربوط  
 و منتظر و پنجه غضب و قهر لرینه شکار قیلمق قصدیه بی شمار  
 و عدلر و حدود تعداددن آشوری دینارلر اشمار و ایثار ایلدیلر  
 و هکبه لر آلتون یوکلهدیلر جهله ناس معلول علت و سواس  
 اولمقدن اوتوری عزیز مشارالیه بوسیدن بلکه شبهه اظهار  
 ایدرلر ایسه ده بوم بحثده حقیقت حال و شان عالی رنده اصح  
 مقال اولدرکه علامه مزبور خزینه مذکوره ل آتمایوب

حتی طومار لرین ایپلرین بیله چوز میوب کری یه ارسال و مطلوبنک  
 آچقه دکل بای حال اعلان مشروطیته ارزان مساعده اولدیین  
 اتیان و اجمال ایلدی . اشبو جواب مستطاب و بوجه حکمت  
 نصاب ییلدیزه معلوم اولدقده آشوری انفعاله باعث و تخم یأس  
 و اندیشه یی حارث اولدی و اما پادشاه اثرکین و قنور اظهارنده  
 بغایت مستور و مطمور کورونوب آچقه ارسالنده دوام و بانق  
 عثمانینک پارس شعبه سنده حفظه اهتمام ایلدی .

مولانای دانشور سعی ذاتیسیله تأمین معیشت و تمشیت امور  
 ملک و دولت امرنده معارک همت و حمیتک سرافرازی و زینت  
 بخش قلاده روزکار نیجه حالات غریبه و وقوعات عجیبه نک همراه  
 و کارپردازی اولدینی اجلدن احوال و تفصیلاتی نقش طراز صحائف  
 اخبار اولمغین تفصیلدن اجماله عدول اولندی شویله که اول  
 هنگامده جرائد افرنجیه انقسام ملک عثمانیان مملوکفت و شنیده  
 ماهد اولوب ( مصرع ) زهی رأی باطل زهی فکر فاسد . فهو اسنجه  
 وادی فرضیاتده پویان و فیفای قبحیاتده و زان اوله کلدکلرندن  
 بو روایات سخیفه و قیلل و قال مناصفه اوزرینه مشار الیهک  
 مجلای خانه خاطرین مشبوع غبارنشسته ملال و پیشانی قمرتاب  
 سیرتلی مهبط کره یأس و اضمحلال اولدی و دلسوختکان  
 طلبه ده قتی لاقیدی و ایچلرنده کندویه همحال بر مرد جدی  
 دخی منظوری اولمادقده جوش و خروشه کلوب کوشش طوتان

شاگردانه ایتدی ای آسوده نشینان ساحل عرفان بودم شجاعت  
 وقدرتکز عیان وجان وقانکز اوغور ملتده ریزان ایله دمیدر  
 وحاله نظر ایلك کر کدر بمحمداه سفینه مجاهدیم کالای والایمیت  
 حریت ایله مالی اولوب هزار رنج وتعب ایله شمدی یه دك کر داب  
 پر آشوب میانه سندن کناره نجاته لنکر انداز اولمشیکن لایق میدر که  
 ریسمان امیدمی سکین خوف ایله قطع ایدوب سپرده دست سیمی  
 زن اعدا ایلیهم وارک اتحاد واتفاق اوزره اوله لم وظهور منزله  
 اول ملاعینی مقهور ومدمر ایدوب وطن تزار منزی منصور ومظفر  
 وترقی وتعالی یه وفرا ایلیهم . بو خطابه کیمنسهنده مغالبه ومطالبیه  
 امکان بیر اقامقله واکثرینک بالای ضمیر لرینه ناجسبان کلمکله  
 تاثیر سرمای حزن وانفعال وباد زمستان یأس وندامتدن لرزه ناک  
 اولوب بوجامه تفاخر طراز دخی اندام خرد لرینه کوتاه کورونمکله  
 اندوه غیرت وحیث مضاعف برله هبوب عواصف آلام ایله  
 از قالدیکه زلال حیاتلرین افسرده ایلیه لر امانه غریب تجلی  
 وبدبختیدر که نتیجه ده هربری صباح اوله خیر اوله دیو بر محله  
 صاووشوب وعدلرین غبار نسیانله پنهان ایلدیلر . شد نطق  
 ونشر لوای لامع الاشراق ایچون معرکه حقیقه مولانای مزبور  
 اوچ نفر مجاهدیله قالب در حال مشورت دیو بر مجموعه نشرینه  
 مباشرت برله استبداد علیه ولوال وقیل وقاله سماعی اولدی  
 وقس علیه البواقی وبلا توفی مجاهدۀ ملیه کرمی ویردی .

مزبور رساله فواند اساله نك امله پیرای میان بستکان  
 و پیاله طراز تشنکان اوله کلمسی طبع و برکشیده سنه و بویاسه  
 بر مقدار نقد و دیناره محتاج اولمغله آچه نك فقدانی فکر لرین  
 تاراج و دراجه امیدلرین منهاج ابتهاجده هدف دانه آماج ایلدی  
 اما صاحب ترجمه طریق حقیقه فتور کتور من بر مأمور مبرور  
 و مخاطرات دهوره قارشی قویان بر مرد مسحور اولدیغندن  
 اوتوری شمعان طلاب و همراهلری اولان احباب و اطراب  
 و ارباب اغتراب میانه سنده ایکی بوز الی قدر فراق تغییر اولنور سکه  
 جمع ایلدی و وجه مزبور اوزره آسیاب دهرک چرخ بی دورانه  
 تالاب همتدن آبروان اوشور و لوب پیچ و تابه نهایت ویریلدی.  
 چون مزبور رساله مثال کبوتر خاقان اختره سریعاً اولاشدیریلدی  
 بستر خاکسترنده خوابه حسرت قالب ظلام آراسنده در بدر  
 کزینیر وره کزنده مصادفی اولان چنبر و صنوبر و استر و اثر در  
 جمله سن زیر وزیر اندر اولدی. همان اول مجاهده بر ضرر  
 اولماق اوزره یمین ایدوب دل بینارینی خوف اخذ و مصادره دن  
 امین طوته رق کنج اختفادن ظهور وینه کافی الاول تمشیت  
 امور جمهور ایلهمسی خصوص سنده بی حساب و نصاب استرحاماتده  
 بولندی اما احمد رضا بک دکل بودم سرورده صاحب فراش  
 و بر خطوه حرکته اقتدار ای اولمیه جق مرتبه ده بیتاب مرض  
 جانخراش ایکن. بله حواله سمع تلاش ایلدیکی اجلدن بودفعه ده

وادی حیت و همدمه یکنه روز کار و مسلم امثال انصاف شعار  
اولدین برقات دخی نمودار ایلدی. ذات عزیزلری اول حینده  
(رومنج) تسمیه ایدیلن برزقاند و سکسان درت رقلی خانه ده  
مئثال و غنی و فقیر دیموب مصاحبت و مجالستنه قائل و شب  
وروز تدارک یازانه مائل ایدی و خانه سی مکتب عرفان و مأوای  
ارباب نکسته دان ایدی. مشروطیت رساله سی مثال عنبر سارا  
اطراف و جواره بوی حریت و خلاص ارهاص ایلوب کثیر  
اشخاص فراره احتراض کوسه ترملکه دیار و یارلرین استبدار  
و سرشک سرشارلرین نثار و وجه مزبور اوزره مقدار احراری  
بی شمار ایلدیلر.

هر وادیده وایه سی و هر هنردن مایه سی اولان صاحب  
سرگذشت حضرتلری اتمام اختلاله اهتمام و ظهور و قعنه خیریه  
اقدام کوسه تر و ب اسمایسی معلوم ذوات ایله حصر همت مالا کلام  
هنکامنده ایکن آفتاب جهانتاب حادثاتدن برشعله فیض غایات  
ممدود اولوب اداره مستبدیه سی سریر اقبالدن مردود و ماورای  
دوزخه دک مطرود قیلدی و (بیت)

مثال ادعیه مستجاب او جسم لطیف  
نه آسمانی کجوب لامکانه ایتدی صعود

فهوا سنجه شاهقه حکم و اجراده نیر رخشان و ش مشهود  
دیده مجهود و مسعود اولوب قیود نفی و اسارتی مفقود و نمرد

نمکسودك نفوذینی نابود ایلدی . فاضل رعنائك خاقان ناسزایه  
 ارسال ایلدیکی ایلک مکتوب حکمت اسلوبنده سرای چراغانك  
 مجلس مبعوثان اتخاذهنی طلب ایلدیکی اصح روایات اوله رق  
 کتب فصیحده مذکور و مسطوردر . کنزالبرکات و جوهر  
 اقتحامات اولان ذات ستوده صفاتلری آلایش کرانکوشی و دبده  
 عظمت فروشیدن طبعاً متفرد اولدقلری اجلدن سنین و فیره  
 و شهر نایسیره دنبرو غیری و محروم رؤیتی بولندقلری آستانه  
 متکراً بالدخول همان خاقان سابقك حضورینه قبول اولندی  
 و مراسم دست پوسی بی متعاقباً تخصیص بیوریلان قوناغه  
 وصول بولدی . چون مجلس مبعوثانك کشادنده ریاسته دخی  
 واصل و سربلند امثال اولدی امور دولته لازم کلن اظهار  
 جلادت و صلابت رفتارندن بجانب ولین الجانب کورونموب  
 محل نظام تمشیت امور اوله جق رخاوت و فتورده دخی بولمادی .  
 ذات عزیزلری هرچندکه صلحای امتدن و فضلالی  
 ذوی الحرمتدن اولوب قطعاً و قاطبةً ممنوعات و منهیاته متمایل  
 و ارباب فسق و فجوره متمایل دکلر ايسه ده بحسب البشر صید  
 و شکارله دمگذار اولوب جنس طیور و صنف یعفور میانه سننده  
 نیجه لری هدف دانه ايله کور هلاکده مطحور و خون ناروالرین  
 معصور ایلرلر ( عفیاه عنه ) . عرفان قتنده اول علم نه دکلر  
 اصول و ادب اوزره تلقین و اول فن نه جنس و سائله تیقین



ایدیلور خاصهٔ واقف اولوب طبع پسندیده لری دخی محسود  
 علمادر وهیچ برغنی وفقیر حتی برمودر حقیر وضع نجیبیلرندن  
 ستمدیده اولمامشدر . مشارالیه امور دولیه عارف و عربی  
 و یونانی و فرانسوی و قدیم آثوری و کلدانی و سانسگری و پهلوی  
 واردو لسانلرینه واقف و متنوعهٔ فنونه عاکف مدبر امور  
 ملک و ملت و مشید مصالح سلطنت و رعیت خیر خواه دولت  
 واقوانده حقه قائل و عفت و استقامتی کامل و ایام و لیالری  
 همتی عامل و فوائد و محسناتلری عالمی شامل عاقل و عادل بر ذات  
 اولوب قطعاً غافل و عاطل و کاهل دکدرلر . چراغانک طعمه  
 لهیب اژدر نهیب آتش اولدیغی هنکامده کریان اولدقلری  
 مرویدر .

تنت

## لایحه حکمت اساله در لازمه احراق بلده

اثر خامه کیرینی مصائب دیده

حمد بی نصاب اول صدر آتش تاب و اول ذات کامیاب  
حضرت لرینه او اسونکه ظنیاتده لانه شه باز دولت و آشیانه عنقای  
ملت و بر حقیقه ذوق و صحبت عد ایدیلوب اما که حقیقه شده  
بر ویرانه مصیبت اولان شهر استانبولده ایجاب روزگار و اقتضای  
دهر بی قرار ایله روز شب هر آن و حال و هر دقیقه امهال و اهلاده  
نیجه نیجه حریق لر ظهور و صدور و وافر محلاتی بالکلیه اخگر  
و رماد ایله محصور و محفور ایلوب عموماً اینیه غایت مرتفع  
و خراب و قلیل شمع قدر مستعد قبول تف و تاب و بیسوت  
و ذکا کین متصل و ملاصق و اسواق بر نیجه تنک و بر برینه مطابق  
و هر وجهه اصول معماری یه ناموافق اولدیغندن اوتوری بسیار

بچارگان مظهر فرصت احتراز و احتیاط اولمیه رق نائرۂ حریقده  
 سوخته و هلاک و نیجه لری مبتلای زخم هولناک اولمقله برسینه  
 قلیله ظرفنده شهر مذکورک آنجق ربی موجود و دائرۂ  
 حریقدن مصون و مطرود قالب متباقیسی عمود و نقود (بیت)  
 ندر بو خلقت اشیا نه بونده کی مقصود \* نهدن بو کونک اولیور  
 مقضاسی بود و نبود (تمت) فحواسنجه احتراق و اشتعالله  
 کلیاً نابود و مفقود و منقلب دود آتش نمود اولمقله عهدصدار -  
 تدرنده جابجانیجه وسیع میدانلر آچیلوب اول اراضی واسعه ده  
 اجداد قدرت افزودمزنک جلب قلوبنی کافل و عوامل فضائلنی  
 مستکمل وافر خیمه لر مثال لاله زار مشهود دیده محسود اولدی.  
 ودخی شکر نایاب اول کاتب جمعیت حضر تدرینه اولسونکه  
 هر حریق و قوعی الویه شاهانه ده وسیله انسلا ب آرام و بو کیفیتک  
 ظاهری نه اولدیغن تجسس خصوصی اهالی بلادده اهم مهمام  
 اولمقله در حال وثیقه لر احضار و مذکک چار گوشه سینه نیجه  
 ناتار تیز رفتار اعزام و تسیمار قیلوب احوالده اندیشه یه کرک  
 بر حال یوقدر تلاش و ارتعاشه محل نه اوله دیو آم و واه او باشه  
 و نیجه فریاد جانخراشه نهایت ویردی . ودخی دعای بی حساب  
 اول رجال کرام و رؤسای ذوی الاحترام حضر اتنه اولسونکه  
 حریقزده جهاتی علی حاله دست مرک زمانه ترک و بو مثلوتنک  
 محلاته حتی بر عدد سنک وضعنک نه دکلو غیر مناسب اولدیغن

درك ايله بنای بیوته رخصت و یرمیوب دامن رؤیت واققدار لرنده  
 حصول ممکن اولان ژنك و زنك غفلتی ماقبل الحصول صورت  
 مزبور له دفع و ذلك و چنك جهل و نادانیلرین رفع و حك ایلدیلر.  
 فی الواقع بعض چهلا حاشا ثم حاشا احراق و عدم اعمار  
 بلده نك خطا و مستوجب جزى و شكوى اولدیغن علی العمیا ادعا  
 و بو خصوصده نیجه اقوال و افعال بی جا ايله مثال هزار آواز  
 و وایلا ایدر لر و وکلای بی همتا حضراتندن اشتكا کتیر لر رسده  
 بروجه زیر اش بود عنوانك بطلانی و بیوت و دكا کینك لزوم احراقی  
 بالسهموله اثبات امرنده صرف ما حصل همت مناسب کورلدى .  
 طلب و تمیئ مولف حقیر اولدر که حریقزدکان دلسو ختکان  
 مطالعه سیله سرچشمه تسلّی یه یول بولسون و غشاوه او هام و ظنون  
 سبی ايله حقایق بین اولمیان کسانه قرائتیه حقیقت روشنا بخش  
 یقین اولسون .

خفی اولمیه که بر مقتضای تمدن بشریه نظام عالمده خلل و انتظام  
 بی آدمده زلل ظهور ایلوب خیمه نشینان و بادیه پرستان  
 بر نیجه ظرافت و زیب و زینت مراقبه و سادگی و اسودگی اوزره  
 مطلق العنان یشامقدن فراغتله جابجا مداین تشکیل و اخشاب  
 و احجار دن مرتفع اما کن تجمیل ایلدیلر و اما بر درلو مظهر  
 حضور و سکون اولما یوب مهالك عدیده و مصائب شدیدیه دوچار  
 و کلهم زخم دار اولدیلر . پس لایق اولدر که بی بشر خاصه

قناعتله متحلی و فضولی زیتدن متبری و متحاشی اولوب درودیوار  
 و قالیچه و دستار و اموال و احجار قتنده فقیر و اما فضائل  
 خصوصاً لرنده غنی و غفیر اولمقله امثال و اقرانندن واحبا  
 و محبانندن جمیع زمانده پسندیده سلوک و اخلاق حمیده مملوک  
 اولسون . ایمدی فکر قاصرانه و عقل حافرانه مه کوره شهر  
 شهر استانبول که خرابا تخانه مصائب و بئراغرائب برمدینه  
 المعاییدر سنین و افره و اعصار سافره دن بروکاه تزلزلات ارضیه  
 ایله مصائب دیده و کاه بادره احتراقله تراشیده اولوب اخشاب  
 انشا اولمق مراد قیلنسه حریقدن مصون قلمسی بر امر عسیر  
 و احجارله بناسی معتاد ایدلسه زلزله ایله مصاب اولمامسی برواهمه  
 قصیر اولمقله بومسئله خرد سوز و بومعمای غرابت مکنوزک  
 حل و عقدی نیجدر مشاطه روی دلارای عروس سطور  
 اولمغه شایسته وافر فحول کرامه میسر ا لمامشدی .

اول اجلدن منقلب فحجم و نار و مبدل انقاض و غبار اولان محلات  
 بتکرار اعمار قیلنوب اشبو عرصه کیر و دارده مظهر دینار و دیوار  
 اولان نیجه کسان تار و مار و دوچار فقر و افتقار اولمقده و بو حال  
 اسف اشمال اولیله جه تعاقب و تکرر اورزه قالب و ضرورت  
 و احتیاج مندفع و اشبو فجایع بالضروره مناظر سعادت و اقبال  
 ایله متبرقع اولمامقده ایدی . تاکه نسق ساز جهان و شیرازه بند  
 مجلد عثمانیان خصوصاً موجد قواعد عدل و احسان اولان ذات

آصفیلری حل مشکلات دقایقه محل و مرجع فحول کمل اولان  
 مجلس مبعوثان آیده اه طول الزمان و باب عالی\* مشار بالبنان ایله  
 دهانجه نیجه ابنیه رفیعہ و محلات پسندیده یی تکرار احیا و انشادن  
 ال یوموب و وافر عباد صورت مزبورله بطرز مقبول اسلاف  
 واجداد وضع بنیاد و اوتاد مشکلاتندن خلاص اولوب مثال لاله  
 زار جهان طراز و حدیقه ممتاز جوانب اربعه ده خیمه لر اصعد  
 ایلدیلر و قایغوی حریق و زلزله دن و سیئه محافظه زیب و زینتدن  
 مظهر آزاد اولوب حمد و ثنا اوزره قالدیلر .

باوجود آن که ظلمت آباد ظلم و قهر اولان اقالیمی مشکات  
 شعار عدل و انصاف ایله منور وصیت صولت خسروانه لری  
 سایه سنده شان و شهرت لری فضای فسیحه الارجای جهانده  
 جلوه کراولان اجداد عظام و اسلاف کرام حضراتی ماوراءالنهرده  
 ارتکاب مشاق و مهالك ایله توسیع ممالك و فتح بلاد سالك  
 ایکن زنهار بیوت و اماکنه مالك دکلر و خیمه لر دروننده  
 صاحب اراٹک ایدیلر . ایام مذکورده دشمنانك برونلرین  
 قیرمق و کوزلرین صندرمق قابل اولوب و کیمنه دن خوف  
 و احتراز عقوله ذاهل اولمیوب اول دملر دولتی ایادی غیردن  
 انتزاع و ملکه استیلا ایچون مدافع لری قهر ایله ظلم و اسارته  
 وداع و قیدر . چوق وکلای ذوی الاحترام سعادت ملك و ملت  
 اوغرنده برخیلی کلام ایدوب دولتک اشبو دور تشوش و کشمکشه



بر چاره تخریسنده ابکن اقبال ماضی به سبب احراق بلاد  
 و خیمه‌لر دروننده توطئه اجرای جهاد اولدیغن بالتیقن فترتدن  
 خلاص اولمق صورت مزبورله قابل و تشوشاته خیمه‌لر مانع  
 و حائلدر دیوب اکثریت آرای و کلا دخی اشبو افکار و اقوال  
 معنا بهایی بای حال تصدیق ایلمکله فی‌الباب اجرای ایجابی  
 امر و تدبیر و عکس ایفاسی حقنده کلیاً و خفیاً اجرای نهی  
 کثیر قلندی .

ایمدی جمیع حریقزدکان و بالعموم وطن پروران دلسوختکان  
 اشبو تدبیر حکمت فشان و اوامر فوائد نشان مقابلی حمد و ثنا و  
 دئای بی‌ریا ایله دفع دست ثنا ایلملری مأمول و اشبو تمیلری  
 بالحق و بی شبهه مقبولدر .

تمت

— ۱۸ عوز ۳۲۷ —



## اون تموز یانغیننه دائر

هانی انسان طوق قارننه یاتارده رؤیاسنده ، قاجق لازم  
کلنجه ، هر توجه ایتدیکی جهته یوجه بریار دیواره ویاخود  
هر آتدیغی آدیمده قوجه بردرین قویویه تصادف ایدوب ساعتلرجه  
چیرپینیر، هایقیر و نهایت خراب، مضمحل برحالدہ تر ایچنده  
اویانیر ؛ ایشته کچن کونکی یانغینلر بویله قورقولو رؤیالردن دها  
مدهش ، حقیقت اولمق اعتبار یله دها مؤلمدی ...

استانبول برشهر مدنی دکل ، هر اعتبارله قوجامان بر  
اورماندر ؛ پریرندن برقیغاجمدر صیچرادیمی ، روزکارک اوکنه  
قاتیلوب کونلرجه یانیور . اوچ سنه در ، شویله بویله ، مملکتک  
درتده بریله خیلی عظیم اماکنی کوله انقلاب ایتمش کوردک .

« نېم او غلم بڼا اوقور . دوزر دوزر يڼه اوقور ! » فحوا سنجه  
هر يانغيندن صـ و کره حريقزده يرلرک - هم ده ايکي آيده -  
تعمير و تجديد ي و عد ايدن حکومت اسـ کی خرابه لره دها بر  
تخته پرده بيله چکمه دی ؛ الآن روزگار چراغانله باب عالينک  
کولار يڼي صاوور ووب دور و يور ! هايدی ديه لم که شويله اولدی  
بويله اولدی ، احمدکلدی ، محمدکيتدی ؛ شوقايدی ، اوقوپاردی ده  
بونلره بر درلو وقت و نقد بولونامادی ... فقط ، هيچ اولمازسه ،  
زيچني پاشانک راپورلرينده عطف اهميت ايديله مز ، فضله فضله  
نقايه اوتومويلی کتير يلوب نظارتلرده يوزلرجه ماروکن قولتوقاه  
ياتاق اودالری ياپديريله جغه اطفائيه درت بخارلی آرايه ايله  
صاغلام بش اون احتياط حورطومی آلينامازمیدی ؛ اوکيجه  
قولاغمله دويدم ، کوزمه کوردم ، يوزباشي چاووشه باغیردی :  
— بر خورطوم دها کتير !

— افندم ، اونک هانی ديشلری بوزوقدی ...

بويله اسکيلکدن قوجه قاری ديشلری کي دوکولوب دريسي  
بورسـوين خورطوملر ، صويي نهايت اون بش مترودن فضله  
آتمايان و تاريخ ايجادی بوستان دولابلريله برسنهيه تصادف  
ايتمش اولسی يک ممکن کورونن طلومبه لره ، دکل آتش سوندر مرک ،  
باغچه صولانماز ...

بزم يانغينلر مزده برده ، دائما چشمه لره قومپانيه موصلقلرينک

آناختارلری بولونماز ؛ نه درد ، نه صیقینتیدر او ؟! « قورت  
 کلدی بر قوزو قاپدی ، آناسی کیتدی آرامغه ، باباسی کیتدی  
 آرامغه ، چوبان کیتدی آرامغه ... » افسانه‌سی کی بکچی سقایه ،  
 سقا امامه ، امام قاره‌قوله قوشار ، کیدن کلز ، کلن کتیرمز ،  
 بر حال ... بوصیراده‌ایسه داغ کی آلورایچنده اللرنده اوفاجق  
 قووالر ، حتی مشربهلر ، بلدکده - دها بودرجه‌سنی کورمه‌دم  
 اما شاقینلقله محتمل - ابریکلر ، فنجانلرله اطفای حریقّه چالیشانلر  
 بیهوده یورولورلر ... ایش اناختارلرده ! قفسنی سورن ، قاپوسنی  
 آرالایان ، سوفاقدن کلن کچن هپ صورار : - آناختار نروده ؛  
 — صویه دوشدی ؛ صو نروده ؛ اینک ایچدی ؛ اینک  
 نروده ؛ داغه قاچدی ؛ داغ نروده ؛ یاندی ؛ کولی نروده ؛  
 صاورولدی ! وای بزم کوسه صقالم !.. حکایه‌سنی خاطرله ته‌جق  
 بر حالده سؤالی جوابلی مفصل جغرافیا کتابی اوقور کی بر چوق  
 صورغی ، بر چوق سؤال !... بزم بیلوب کوردیکمز آناختارلر ،  
 حتی خورطوملر و تفرعاتی جام قوطولر ایچنده جاده باشلرینه  
 قونور واوزرینه : « اقتضا ایدنجه قیروب آلیکیز ! » دییه  
 بر کاغد یاییشدیریلیر ، بوتون بو آرانوب طارامه ، صوروب  
 سویانمه‌لرکده اوکی آلییز ...

نهیدی اوکیجه کی حال ؟ الله تکرارندن صاقلاسین ، کری  
 کری دونویور ، قوشویور قوشویور ، اوزاقلره قاچیور ، برده

باقیورددم، قارشیمده ینه قوجه بریانغین ؛ اورادن ترس یوزینه  
 تکرار دولاشیور ؛ صوله صاییور ، صاغه قیوریلیور ،  
 یوروور ، یوروور ، برده باشمی قالدیریورددم، قارشیمده ینه  
 قوجه بریانغین ... ایشته اوکوندن بری بکافنا برمرق عارض  
 اولدی : سوقاقده کیدرکن کوزلرمی اولرک باجالرندن ، صا-  
 چاقلرندن آیرامیورم . یاقولاقلم ؟ فریاد وفغان تحریسنده ؛  
 بری خیزلیجه قوشسه ، چوجوق آغلاسه ، وایور دودوکنی  
 چالسه وجودمه فنا برترمه کلیور ، سیکیرلم گه وشیور...  
 اوده ایسه بش دقیقه یرمده ثابت دورامیور ، صیراسیله شرق ،  
 غرب ، شمال ، جنوب طرفلرینه متوجه اولان اودالری بررکره  
 دولاشیور ، پانجورلری آرایوب کولک یوزینی ، قرمشو اولرینی  
 نظر تدقیق وکشفدن کچیریورم ! هر ساعت باشنده برایسه  
 مطبخدن باشلایه رق کورلکه ، اودونلغه ، بودرومک اوروو محکلی  
 کوشه لرینه قدر صوقولویور ، نوبتچیلک ایدیورم ! یانغینه سبیت  
 ویرمسی ملحوظ نه وارسه هپ دکزه آتدیردم ، نه اسپرطو  
 لامبه لری قالدی ، نه اوتو... حتی زیتون یاغلی ییمک بیله پیشیرمک  
 ممنوع ! کیجه یاتاغمه اوزانوب راحت ایدیم دیرکن فنا بریانیق  
 قوقوسیله او یانیور ، همان آتلا یوب اداره قندیلی المده قاپی  
 آزالرینی ؛ دولاب کوشه لرینی ، پرده آرقه لرینی دریندن دزینه  
 قوقلیه رق، آلمانیاک ضابطه کوپکلرینی اوتان دیرره جق برمه ارتله



اون بش اودالی اوی چاتی قاتندن صوصهر نجنه قدر کز بیورم ...  
 باری بوندن صوکره راحت ایتسه م! .. عجبا اُمده کی قن دیل بریره  
 سوروندی ده اوه کندی اُمله می آتش ویردم؟ اندیشه سیله بوسیران  
 لیلی بی برده قارا کلقدمه ایشیق سز تکرار ایدیور ؛ نهایت صباحه  
 دوغرو براز کوزلرمی قیرپه بیلیورم ... والحاصل دومانمی ؟  
 ولو چیغاره دن ، آلمی ؟ ولو کبریتدن اولسون ؛ بورومی ؟  
 ایسترسه تراموایدن چیقسین ینه سیکیرله نیور ، هیجان ایچنده  
 قالیورم !

شیمدی برده شو اوزون چارشی حریقنه سبیت ویرن بنایی  
 دوشونویورم ؛ بیلیم اولجه سزده کورمشمیدی کز ؟ دنیانک  
 اُدار ، اُعارضه لی بریره نده بوقوجه بارخانه عادت باش یوز آرشین  
 طوپلار عظیم برقونداق ، برق اویغینیدی ؛ طوتوشوب یانمق  
 ایچون غازه ، آتسه دکل ، فضله بر صیجاغه محتاجدی ؛ بوش  
 دورماسی ، حتی اطرافنی نقطه لر بکلیوب آبلوقه ده بیلله اولماسی  
 بر فلاکت ، بر تهله که ایکن طوتدیلر اوراسنی بکار اوطه لری  
 یایدیلر ، ایچریسنه مانغاللی ، سماورلی برچوق خان آدمی  
 دولدوردولر ... هایدی بواو ناددی ، بلدی کورمدی ، حکومتک  
 برایشده ده کوزینه ینه پرده ایندی ، فقط اهالی محله نکه اعتراضه  
 نهدن آدیر یلادی ؟ ... بزده آرتق معساد اولدی : چیرچیر  
 یاندی ، ایرتسی کونی هایقیردق : - آما زیجنی پاشا برراپور !

کوموش صوبی، چراغان، حمبره خانه، قوزغنجق یانغینلرندن  
صوکره ینه بر فریاد :

— جانم زیجینی پاشا بر راپور !

راپورلر بر یکدی ، بر یکدی ، بلکه آلتی آیلق بر چو جوق  
قوندانغی قدر شیشدی ، قبادردی ؛ بز طبقی خسته سنک هر  
نوبتده بر « آمان دو ققور بر رچته ! » دیوب صوکره علاجی  
یابدیر میان بر مختل الشعور کبی فعلیاته کیره میور ، شونی بونی  
نافله یورویورز ...

یاریندن تیزی یوق « زیجینی پاشانک راپورلرینی تعقیب  
جمعیت خیره سی » عنوانی آلتده بر جمعیت رخصتی آلایم ؛ آه !  
ریاست فخریه سنی برده حربیه و داخلیه ناطرلرندن برینه قبول  
ایتدیره بیلسهم ... هیچ شبهه سنز دنیانک بشریته اک فضله  
فائده دار اولمش بر جمعیتی تشکیل ایتمش صایا بیردم .

بالله ، قاینه کندی او غلم اولسه یدی ، بویدی یانغیندن بر درس  
عبرت آلمادی دییه قولندن طوتار ، قانی دیشاری ایدردم ؛  
وارسین ایسترسه بوغاز ایچی آقینتیلرنده یدک چکنلره چراق  
اولسون ، اورده ایکی بوکلوم ، چالیشسین دورسون ؛ حکومتک  
بوهمتسنرلکی قارشیدسنده عانله لرمنی یانغین سفالتلرندن قورومق  
ایچون اولاد لرمنی هپ طلومه جی ایتمکدن ، کوچک یاشلرنده  
قغوشلرده یتشدیروب خورطوم طاشیه جق ، طلومه باصه جق ،

دامه ، صاچاغه طیرمانه جق برحاله کتیرمکدن بشقه بر چاره  
 قالمادی ؛ بلکه بوصورتله درت صندوقزله ایکی بوغچه مزی  
 آتشدن و آتش قدر مدهش اولان چاپولجیدن قورتاره بیلیرز ...  
 بویله کلش ، بویله کیدر ... یانغینلر دولاییسینه استانبولک  
 اسکیاکنه دلیل اورتاده برقاچ جامعیه کلیماسندن بشقه برشی  
 قالماش ؛ بشقه مملکتلرده اعظم اسلافک درت یوز سنه اول  
 دوغدقلری اولر موجود و محفوظدر . بزده ایسه اون یاشنه  
 کلوبده درت یانغین آتلاتماش ، مقسط رأسی اولان خانه  
 منقلب رماد اولماش برچوجق نادراتدن صایلیر !

صدر اعظم پاشایله وکلاده ، هر یانغینه قوشوب کیتمکی ،  
 اورالرده ساعتلرجه قالمی فاعادت ایدیندیلر ؛ بو اولور اما  
 سنهده نهایت ایکی یری طوتوشان شهرلرده ... کونده لاقول  
 اوچ کوشه سندن پارلایوب یدی سکز قوله آریله رق اوزرینه  
 برایکی کونش طوغان بویله یانغینی برکتلی یرلرده رجال حریقارله  
 مشغول اولورسه صوکره بالطبع وظائف سیاسیه سنی ایفایه وقت  
 بوله ماز ! هم سیاسیات ، اوده شو کونلرده سکز اون قوله  
 آریلش بریانغینه بکزیور ؛ آوستریا - روسیه ائتلاف خفیسندن  
 قویه جق شراره نك هر حالده اطفاسی بزجه دهالزمدر ...

یانغین اورته سنده ، یکریمی مترو بر باجا اوزرنده قالوب  
 یانمق ، پارچه لایمق قورقوسیه بردرلو اشانغی آتلا یامایان وکیجه

کوندوز آجلقدن ، فلاکتدن میاولایان کدینک سرگذشتی  
 اوقودینم زمان قلم صیرلادی ... اوغمدیده کدی ایشته بزم اُک  
 مکمل ، اُک شموللی ، اُک معنیدار هیکلمز ، تئمالمزدرد . طبق  
 اونک کبی اولو بر خرابه نك هر دقیقه ییقلمغه مهیا باجاسنده  
 قلمش ، یاری قاورولمش بر حالده ، کنجندن اختیارندن امید  
 ایدیور ، بکلیورز .

— ۱۶ تموز ۳۲۷ —

## استانبول مبعوثی اولق ایچون ...

و کلا، مبارک رمضان ده بزه زهر ایتدیلر. اونلرک یوزندن، یاراماز چوجقلری اولان برعائله کبی نه ذوقزه، نه ده دردمنه باقمه و قتمز، مساعده مز یوق که... ایشیمز، کوچز آرقه لرندن کوزجی اولق، مردیوه ندنمی دوشه جکلر، بالقوندنمی دییه یوره ک چارینتییسی چکمک!... ایکی کون راحت دور مق اولرایچون دکل؛ باقیورز، مقدار تمزله کوزل کوزل اوینایوب دورورکن هیچ یوقدن بردار غینلقدرد چیقارییورلر، هفته لرجه گوشه لره چکیلوب کوسکون کوسکون سسویله نیورلر... دیدم یا، طبقی یاراماز چوجقلرک احوالی: آبور جو بور ییوب معدده خسته لقلرینه طوتوله لر، یانغین یرلرنده دولاشوب کورونور کورونمز

قضالره ، بلالره اوغرامه لر؛ صباحدن آقشامه قدر آرابه لردن ،  
اوتومو بیله لردن اینمه یوب بیوده یورولمه لر ، نره ن دورمه دن  
آتلامق ایستیموب قایلرله چاریشمه لر... هپسی وار !

شیمدی اختلافک ، استغفانک صیراسیمیدی ؟ حاضر  
آرناوودلق برازیاتشمش ، حوران باصدیریش ، یمن دیکلنمکه  
قرار ویرمش ، خلاصه چار کوشه سرحد مزده نغینلر ، فیرطنه -  
لردن صوکره کی او آجی سکونت حاصل اولمشکن شو غفران  
آنی کورواتوسز ، دیدی قودیسز کچیرمک لازم کلزمیدی ؟  
برسنه در قوپان چیغلیقلر ، فریادلردن صوکره اوت مندر کی  
دیدیک دیدیک ایدیان مادر وطنک اتکنه صوقولوب برازده  
سی ، صدایی کسمک ، ضرر وزیانه نهایت ویرمک ایجاب  
ایتمیدی ؟

خارجیه ناظریله پارس و پترسبورغ سفیرلری اطرافنده  
بربحق سنه در دوزن استعفا ، تقاعد ، تحویل شایعه لرندن هله  
شکر آرتق قورتولدق ، آرتق رفعت پاشایه « مکانت تحملسوز  
وتحمل فوق البشر کزک ، علی الخصوص سکوت عارفانه واحتمیا -  
طکار کزک مکافاتیدر ، کوله کوله کیدک ؛ ذوقکزه باقیک ! »  
تمنسیله وداع ایتمکه موفق اولدق دیرکن بربحران وکلا شایعه سیدر  
قویدی . آناتولی سیاحی جاوید بکک صدرتی کی شاقاسی  
بیله فنا اولان - دیوان حرب لسانیه سویلیه لم - « تمنیات مالایقه »



غزته صحیفه لرنده یر بولدی . بودفعه تحف ویکی بر عادت دها میدان آلدی ؛ هر مملکت کندی آدم لرندن بر وکلا لیسته سی یاپوب ناظر اراق هپ هم شهر یلرینه انحصار ایتسین دیه حتی محکمه یه مباشر اوله میه جقلری عدلیه نظارتنه ، بر طور به اسکینک ، یدی سکز چاشیر سبتک حسابی بوله میه جقلری مالیه یه لایق کوردی ؛ توکلی قیزی کن دیسنه بیراقیر سهك ، یاداو وولجی به وارر ، یازور ناجی یه دیرلر ؛ انتخاب کرده لر آراسنه آز دها داو وولجیلر ، زور ناجیلر بیله قاریشه جقدی . فقط مشغولیتمز یالکیز بح ان وکلا ایله لوقا نطه غارسونلری کی لیسته تنظیمنه منحصر دکل ، منحل استانبول مبعوثلغی وار ... مکرسه خارجیه ناظر سابقمز عین زمانده بزم مبعوث مزده دگیمش ؟ بن بومسئله ده ینه آتالمرنك ، اجداد مرنك تقدیر خوانی اولویورم ؛ اونلر پك بیوک ذاتلر مش ؛ تجربه اوزرینه سویلرلر ، حکمت صاچارلر مش ، سوز کوموش ایسه سکوت آلتوندر ، سری بوایشده بسبتون عیان اولدی ؛ اگر سفیر جدید من براز دها موقوف سکوت اولسه صدارته قدر چیقجه جق ؛ شاید نفس بیله آلمیه جق قدر سکوتیلکده ملکه سنی آرتدیرسه آرتق سیلاب ترقیسنك اوکنه کچلمیه جگمش !... نصل اونك جسر مصطفی پاشایی آتلا نیجه - بالطبع ایچندن « اوح ، دنیا وارمش ! » دیمه سی وارد خاطر سه بزمده سنه لر دن بری نشانلی دوروب بر درلو عقدلری اجرا ایدیله مین ایکی نامزدی نهایت

نائل امل کوره ركه ، اولیدی اوله جقدی ، کلیدی کله جکدی  
دیدى قودیلرندن باشلرینی قورتاران عائله اعضاسی کی، درین بر  
نفس آملقلغمز طبعیدر . دوغروسنی سویله یه یم ، بن کندیسنک  
ایلك انتخاب و تعینندن بری ناظر لغنده ده ، مبعوثلغنده ده عاریت  
آلمش برپاراوانه ، اعاده ایدیله جک برماصه اورتوسی کی موقت  
برحال ، بر اداره مصلحت پولتیقه سی بولویور ، بر مدت بشقه  
اقلیم قوشلری کی باغلامزده ، تارالارمزده یابانجی یابانجی  
دولاشوب کونک براومولماز ساعتده « پررر ! » دیه اوچوب  
اصل یرینه کیده جکنی بیلییورم . بیلدیکم کج ، کوچ چیقدی ،  
دها زیاده دولدورمه قوشلره بکزه بن طاوس زیتمز آشدی ،  
کیتدی .

شیمدی مسئله منحل قالان استانبول مبعوثلغنه امثالی مثللو  
بر مقتدرینک تعیننده ! بن نامزد اولویورم ؛ کولمه یك ، ایشته  
بیاننامه :

ای قدرشناس ، ای وطن پرور منتخب نایلر !  
سزه دها زیاده مألوف اولدیغکز کله لرله خطاب ایدیم :  
ای اخوان ، ای قرده شلر ! خالصانه توصیه اولدرکه بو دفعه  
انحلال ایدن مبعوثلغنه بنی انتخاب ایدیکز ؛ زیرا انتخابکرده کز  
اولان دیگر مبعوثلر کزده موجود بالمله خصائل و مزایای

بن ده سزك او غور كزده اگتساب ايده بيلير ، بن ده اونلر قدر  
سزه و دائره انتخابيه مه مفيد اوله بيليرم .

في الواقع بن سنه لرحه حياتي پارس كي مستكره برديار  
غربته ، صالونلي ، كتيخانه لي اوافاق برطاوان آراسنده  
كچيرمه راضي اوله جق ، صرتمده قاشلرينك عاديلكي و ماقاصنك  
قبالغى ايله مشهور لوندرده كي « پول » ك البسه لريله خلق ايچنه  
چيجه جق ؛ دولابمده كي اون بش چفت قدر آز آياق قابلريله  
اداره مصلحت ايده جك ، والحاصل بو قدر فجييع برسفالت محضه  
كو كس كره جك قدر عزم و ثبات صاحبي دكلم . بو درين فقير  
احتياج ، بو آجلق و صوسزلق ايچنده بن عبدالحميدك بيكلرجه  
ليراسني آلمقدن امتناع ايده مز ، بوفدا كارلغه ، بو محروميته  
قاتلانامازدم ... فقط ، اي حيتمندان اهالي ، اكر بنده  
كورمك ايستديك كنز مزيت يكانه بو صورتله فقر و سفالته تحمل  
ايسه ، امر ايدك ، شيمديدن تيزي يوق ، استانبولي ترك ايده يم  
و آجلقدن او حاله كله يم كه بر دري بر كميك قاله يم ، آياقده دوراماز ،  
يورارلانمده دن بر آديم آناماز اوله يم ؛ صوسزلقدن دودا قلم  
مشين قدر قوروسون ، مه جوريت آب و شانه دن صاچلرم امور  
اداره مز قدر آچيلماز ، تميزلنمز بر حال آلسين ، عدم نظافت  
وجودي اوله استيلا ايتسين ، صرتمده كي پلاسماره لر اودرجه  
چوروسون ، ليه ليمه واسون و قوقسون كه حتي بلديه چاوشلرينك

بيله نظر دقتی جلب ایتسین ، خلاصه اويله دیکشیم ، سفالته  
 اويله کسب استیناس ایدیم که عودتمده حمله دیانجیلر آجیسین .  
 دارا عجزه دن اعانه لر طوپلانسین ! ... هم مزیتلیمی نیچون  
 صاقلاییم ، بی مبعوث ورئیس یاپک ، چراغان کبی برسرایمز  
 بنم یوزمدن منقلب دود ورماد اولورسه بن دهاضله کوز یاشی  
 دوکه بیلیر ، دهافضله دردانه رک اوچ کون دکل ، اوچ آی  
 خسته لانیروال اویمک خصوصنده دههازیاده احتیاط کاربولورم !  
 ینه فی الحقیقه بن نه المده دوقسان دوقوز دانلی تسمیح ،  
 نه دوداقلر مده یانمده کیلرک نظر دقت وحیرتی جلب ایدمده جک  
 قدر یوکسک سسمله سویله بن کلمات توحید ، تره نلرده ، واپور-  
 لرده پرنیاز وعبادت دولاشه جق ، علی الخصوص سوقاقلرده بر  
 ثانیه بيله وظیفه عبودیتی ایفادن کری قالمیه جق قدر علناً مشغول  
 تهلیل و تقدیس اولامام ؛ بن نیاز و عبادتمی حجره وحدتمه حصر  
 ایدن عبدکنه کارم ؛ فقط ، ای کارازموده منتخبلرم ، ارزوکنز  
 اويله ایسه بیلدیرک ، کندمی نیاز و مناجاته اويله وقف ایدیم که  
 ممرناس اولان یرلرده نماز قیله قیله ، بوکلوم بوکلوم یورویهیم ؛  
 نروده برغلبه لک کورورسه م کیدوب همان قرائت اذان ایله خلقی  
 نافله نمازینه دعوت ایدیم و واپورده ، واغونده بلند آواز ایله  
 موعظه لر ویرهیم ؛ سوز آلان هر مبعوثدن صوکرده کرسی یه  
 چیهیم و افاده لرینی قیاس منطقی ایله تحلیل ایدیم !

ينه فى الحقيقه بن ، سوزك كموش ، سكوتك آلتون اولديغى  
 بيلهرك ساعترجه لا ويانعم بركله ردوقبول صرف ايتمه جاك قدر  
 صبور ومتحمل بر ديپلومات دكلم . . . اوضاعمدنه نه اوخشي  
 مكانت ، سيامده نه او حجرى مر كوزيت واردر . بن صويك  
 چاغلاياني ، انسانك سويله يه نى ترجيح ايدن جهلادن ولزومندن  
 فضله صيچرايوب قونوشه بيلان خفيف مشربلردنم . فقط ،  
 اى عقلاى اهالى ، آرادىغكز ، ايتديككز خصلت بو ايسه سويله يك ،  
 صاغيرلر ، دياسزلر ، كورلر قدر ايشيتمه يه يم ، سويله ميه يم ، كور -  
 ميه يم . بنى طوتك ، بر صنداليه يه اقامه ايدك ، حضورمه يدى  
 دولك يدى سفيرى كلسين ، صبر طاشلرني چاتلاته جق قدر  
 سويله نسين . انى ديسك ، كوتوديسك ؛ اكر آقشامه كلديككز زمان  
 آغزى بر نهوت ويا خاير مقدارى آچيلمش بولورسه كز بر ممتاد  
 بوتون شعبه لر كزه تلغرافله امر ويرك « طنين » ه يدى آى اك  
 قابا الفاظ اعتراض ايله يدى بيك پروتستو نامه چكسينلر !

ينه فى الحقيقه بنم نه اسمم اردوده صارى چيزمه لى محمد آغا  
 قدر نا معلوم ، نه جسمم نسيم قدر نامرئيدر ، نه ده استانبوللى  
 دكلم ؛ فقط مرا مكز بو ايسه ، اى قيمت شناس منتخبلر ،  
 آكلاتك ، همان كيده يم كندى تا سيبيريا توركلرى نفوسنه قيد  
 ايتديره يم واسمى مجهول ايتك ، جسممى كورونمز بر حاله  
 صوqq ايچون افسونلر بولايم ، اودرجه كندى اونوتدير ايم كه

موجود می‌یم معدومی‌یم، بن‌بیلہ فرق ایدہ می‌یم، عالم غیبہ اویلہ  
 قاریشایم کہ اسممہ ضبطنامہ لردہ، جسممہ مبعوثان قوریدور لرنده  
 تصادف کیمسہ میسر اولماسین. اویلہ اونودولایم کہ بنی بیلن درت  
 بش اقربام بیلہ وفا تمہ قانع اولسون، خاطر لادقیجہ «اه رحمت  
 ایلہ سین، سس سز، صداسز بر آدمی!» دیسین...

ینہ فی الحقیقہ یاغین چیقسینده نه قدر مکمل نعرہ زن صولت  
 اولدیغمی خلق کورسون و تقدیر خوانم اولسون، دیه ایکی  
 عنصر عثمانی بی بر برینه قاته جق سرین قانلیق بنده موجود  
 دکدر؛ بن دکز صولرنده مزوج معادنہ کوز دیکه جک قدر  
 تشنه ده اولامام؛ زبون و ناتوانم. فقط ایسترسه کز، چالیشه‌یم،  
 چابالایم ساده بحر لوطده دکل، بحر قلزمه حزرده، عمان ایلہ  
 اوقیانوسده کی معدنلری، حتی اجرام سماویده کیلری ده آلایم،  
 نظاماً مأموریت صایلمایان نه قدر پاره سی بول مساند عز و اقبال  
 وارسه صدرینه کچوب بوتون بونلری نفسمه حصر ایدہ‌یم،  
 هر دائرہ نك بودجه سنده کندمه حصه لر آیره‌یم.

غزته مک سرمایہ دارینی قلم افندیلکندن ساده والیدکه  
 شهرامینلکنه دکل، اعیان ریاسته چیقارایم، کوچوکلای بویوکلای  
 محرر لر می معلما کده بیراقیه رق واونلردن قاینه لر تشکیلیله ده  
 قالمیه رق صیراسیله برر برر صدارته کچیره‌یم؛ اویلہ مقاله لر  
 یازایم که کله سندن قوجه بر عنصر من عصیان ایتسین؛ هر جمله نندن



بر شرارهٔ جنگ وجدال چیقسمین ، هیئت عمومیه سی ده بنم  
 شم دیکلک تصور ایده مدیکم بیلیم نه کورولتورلر قوپارسین! .. حیت  
 وطن نامنه بوکون بن ده بونلری یاپیم ، تک آرزو کز یرینه  
 کلسین ، مبعوث کزه باقد قجه کوکسکز افتخارله قابارسین ،  
 کوزلر کز دن اشک شادی دوکولسون .

ای مزایاشناس منتخب ثانیلر! آرتق تردد ایتمه ییک ، رأی  
 بوصله لری « کیر پی » ناتوان « اسمیله دولدوروک ، بوصورتله شان  
 مملکتی سماواته قدر اعلا ایدک . فقط سزه صوک برتوصیه م  
 وار : اوله بیلیر که سوادى بیاضدن فرق ایده میه جک قدر نادان  
 برقاج مخالف تورهر و بنی بوشرائط داخلنده اوموقعه لایق  
 کورمز ؛ حق ایچون هر طریق صوابدر ؛ چیچکچی اوغلندن  
 باشلا یه رق هر واسطهیه مراجعت ایدک . نومید اولمه ییک .  
 رأی صندوقلری قول یاپیسی دکللی؟ نه لره ، نه لره مساعددر! ..

— ۲۴ اغسوس ۳۲۷ —

## مالیه نظارتنه سوزشلی برخطاب

بوکون اشخاصه ، وکلایه ، بدبخت ناظرلر مزه دکل ، سکا  
خطاب اییدیورم ای نظارت ؛ سکا سویلیورم ای عالی بنا ،  
ای وفاسز ، ای قرارسز ، ای ظالم مقام ؛ ای دکزلر قدر  
امن واعتماده ، قادینلر قدر عشق ووفایه شایان اولمایان بی انصاف  
مسند ! وفاسزلغک ، قرارسزلغک یوزندن محبوب قلوبمز اولان  
سویکیلی اولادمزی ، ملک خصلت یاورومزی برقچ آیلق  
هوساتک اوغورنده غریب سیاحلر ، غریبتزده درویشلر ،  
حسرتکش عاشقلر کی چوللاره سور وکله یین ، کرملر ، مجنونلر ،  
فرهادلر کی داغلر باشنه دوشورن سندن شکایت اییدیورم ،  
ای فانی مسندعنر واقبال ! ... سنک نه مطلبم ، نه فتن ،

نه جاذبه دار بر ذوقك وارمش كه اك جدى ، اك كزیده نخبه  
 وطنی ده اغفاله موفق اولدك ؛ آغوش زیب وزیتكه آلوب  
 ایپك دوشكلرده یاتیردك ؛ قدیفه قولتوقلرده دیکلنیدردك ،  
 ماروكن آرابه لرده كزیدردك ؛ « بن هر زمان سننكم ، بنم  
 مینی مینی ملکم ! » کبی عشق و فسانه ترانه لريله قابنی امیدلر ،  
 امنیتلرله دولدوردك .. صوکره ، آه خائن ، طوتدك ، ظالم  
 بر آياق ضربه سیله اونى ، اوبرج اقبالدن ، اوشاهقه عظمتدن  
 بوزمین سفيله ، بوخاك حقیقه آتدك ... سنده هیچ وفادینیر  
 خصلتدن ، انصاف دینیر نعمتدن انر یوقی ؟ ... آلیشیدردیغك  
 اومحیط ذوق و شهرتدن صوکره ینه اسکی حیاتیله آرامزده  
 نصل یاشایه بیله جکنى دوشونه مدکی ؟ ... سن « قله ئوپاترا » لر ،  
 « مه سالین » لر ، « ته ئودورا » لر کبی نهفتان ، نه روح نواز  
 ونه ظالم بر قوتمش سلك كه حسرتکله بدبخت یاورومزك کل  
 یاناقرینی صولدوردك ؛ قویلجیم کوزلرینی سوندوردك ، صولر  
 کبی چاغلايان لسانى صوصدوردك ؟ ... سن نه آفت ، نه  
 مستمنا ونه خائن بر تائیرمش سلك كه افتراقکله مینی مینی اولادمزك  
 دماغنی خراب ، ایپك صاچلرینی پریشان ایتدك ، کل کبی پاك ،  
 آلتون قدر خالص قلبنه خنجر حزن واحتراص صوقدك ...  
 اونى طانیلماز برحاله کتیردك ! ..

بلکه بکا ، بنم بوصیمى فریادمه اعتماد ایتمزسك ؛ فقط ،

کیت ، احوالی تدقیق ایت ؛ آغوش زروسیمینکدن محروم  
اولالی کل دهانی صولدی ، حرکاتی محاکمه ایدهمیه جک قدر  
تارمار اولدی ؟ ... سنک محرومیتک نه تحملسوز برزهرمش که  
هفته سنده دماغنه یاییلدی ؛ قالدی سلطان ابراهیمک تختروان  
سیرانلری کبی کللی ، چیچکللی ، بایراقلی ، قوردلالی آرابه لره  
ببندی ؛ موسیلر ، غازه لر ، دانتالر ایچنده دوکون هدیه سی  
برمانغال کبی باشلرده دولاشدی ... برهفته ایچنده درت بش  
دفعه شهرلردن شهرلره قوشدی ، کندینی یوردی ، اذای  
افتراقکی متاعب سفرله آوتمق ایسته دی ... فقط اولمادی ؛  
حسرتک اشتیاقک اوقدر اشتعال ایتدی ، جریحه عشقک اوילה  
حمالر حاصل ایتدی که طاشلری ، قیالری ایکله تن بر آه جهانسوز  
چکوب فرهاد کبی داغه دوشدی ، مجنون کبی صحرايه آتیلدی ؛  
ارضروم یولنی طوتدی ! ...

ایشیدیورمیسک ، آی ظالم مقام ، وفاسز مسند ! ...  
یاورومزی غربتзде ایتدک ؛ دوشنده عباسی ، دستنده عصاصی ،  
یالین آیاق ، آچیق باش یوللره دوشوردک ... کیتدی ، کیدیور ؛  
عشقنه مخوف داغلردن برسکون ، کوپورمش نهرلردن برتسلی  
آرامق ، عشقنک مرهمنی وحشت طبیعت ایچنده بولق ایچون  
چوللره ، جبللره دوشدی ، راه غربتی بویلادی ؛ کیدیور !

فی الواقع ناظرلق نه علوی ، نه روح افزا بر مظهریتدی ...  
 انسان افتراقیله نصل صیزلاماز ، نصل خراب اولماز : دوشون  
 اوکونلری یاوروم ؛ اونلر نه شانلی صباحلر ، نه نشاط آور  
 کیجهلر ، نه پرسحر وفسون دوره لردی ... مقامکه کلیرکن  
 نظارتک آب روان قدر پاک ، شمس درخشان قدر مجلا مرمر  
 مردیوه نلرنده یاقالری شیریدی ، اوکلری ایلکلی خدمه لرشتاب  
 ایدر ، یاری بولوطلی بریاز کیجهسی رنکننده کی کلاه نرنده  
 هالالر پارلایان اساطیری پولیسلر دیزیلیر ، اُسکی پادشاهلرک  
 خاص آغالری قدر معتتا ومطرا کینمش ، یاناقلرنده رنک لعل  
 حیات ، وجودلرنده شکل شیرژیان محسوس قهرمان ژاندارمه لر  
 سلامه دورور ؛ بویله برهیئت پروقاله سالونه چیقاردک ؛  
 اوزمان سکا بلورکاسه لرده شربت لر ، فغفور فنجانلرده قهوه لر ،  
 کهربا چوبوقلرده سیغاره لر ویررلر ، صباح ذوقکی اتمام ایدر -  
 لردی ... صوکره اسقامیل واله لری قدر پر تمکین مأمورلر  
 برر برر حضوریکه چیقارلر ، بویوک بر حجاب وادبله کوزلری  
 یرده ، آلاری بسته امرلریکی آلیرلر ، « امر وفرمان سزک  
 افدم ! » دیوب بشقه لرینه چار بماغه بغایت اعتنا ایله وکری  
 کری مهارتله چیقوب کیدرلردی ! دهها صوکره طعامک  
 حاضر لانیر ، ساقسونیا معمولاتندن شفاف طاباقلرده آلتون  
 جاتالکله خاویار کی ، یومورطه کی انافس اطعمه دن برر

پارچه آلیر ، ماروکن قولتوغنده هضم وقتی کچیردک ...  
 دهانه لر واردی ؟ ... صیرمه لر کیوب ، نشانلر طاقوب  
 سرایلر می کیتمک ، قادینلرک ، باغچه لر قدر سوسلو خالیلر  
 اوستنده کله بکلر کبی اوچوشدقلری سفرا بالولرنده فرنکلری  
 فرط تعظیم وحرمتله یرلر می قاپاتمق ؟.. خصوصی واغونلرله  
 سیاحتلر می چیقماق ، آرابه کی انسانلر می چکدیرمک ؟.. بونلرک  
 هپسی واردی ، هپسی ممکندی ، هپسینده آیری آیری بر  
 ذوق ، بشقه بشقه بریشمه موجوددی !

فقط ایواه ! ... « شیمدی نه یر ؛ نه یار قالدی ، کوکلم  
 دولو آه وزار قالدی » ماصدقجه هپسی ، هپسی بیتدی ؛  
 ایپک قولتوقلر ، جانفس سديرلر ، یاییلی واغونلریرینه ، دیزه  
 دوشمش شیشه لر کبی اوکه آرقه یه متادیاً صاللانان دوه لر ،  
 ایوب اویونجاقلرینک آزماننه بکیزه یین ایکی تکرلکلی غانیلر ،  
 کوتو بارکیرلر ، کلک دینیر طولوملر اوستنده وحشی داغلر  
 دولاشه رق کیتمک ، سفیل خان کوشه لرنده ، سونمش آتشلر  
 قارشیسینده سرشک یأس وافتراق دوکمک ... ایشته بوندن  
 صوکره سنک قدرک بواولادم ...

سکا بیک تلغین ای بی وفا مقام ، سکا بیک توبیخ ! ...

آرتق خطابه یی ، فریاد وافغانی بیراقوب براز قارئلرمله  
 حسبحال ایده ییم :



عجبا طربزونه ، ارضرومه نه يامغه کيدیور ونه اوله جق  
 دییه خلق ده برمراق ... کلوب کلوب بکا صورو یورلر ،  
 بنده هر صورانه « جانم اوراد ده بلکه کلی آرابه یه بینه جک ،  
 بزه نه ؟ » یاخود « وقتيله مغنیه ساده اولدینی کبی آرابه سنی انسانلر  
 چکه جک ، نه مزه لازم ! » کبی باشند صاومه جوابلر ویریور ،  
 بالطبع اقناع ایده میورم ... دوعروسی بکاده مراق اولدی ؛  
 عجا سقوطی هنگامنده اورالر اها لیسنک میتیغ یامه ادا قلدن  
 متأثر اولدی ده بیان اسفه می کیدیور ؟ یوقسه دعوت تلغرافلری  
 آلدی ده اونلره می اجابت ایدیور ؟ ...

یاننده اوقه لرچه سولفاتو طاشیورمش ؛ ظاهر ایندیکی  
 خان ، کیردیکی کوی خلقنه قوطی قوطی ، شیشه شیشه  
 داغیته جق ، بوصورتله قارشیلرینه چوب ساعت لرچه قونفرانس لر  
 ویرمه حق اوله جقمش ! وقتيله شهزاده لردن بری تبدیل  
 قیافته یمش اسکله سنه ایتمش ، سریلی موسم میوه لرینی سیرایتمکه  
 باشلامش و اوصرده کچی بوینوزلری نظر دقتی جلب ایتمش ،  
 « بونلر نه ؟ » دییه صورمش . دکانچی برینی قیرمش ، ایچنده کی  
 مینی مینی طاتلی زره لرینی بالارائه : « بوکا کچی بوینوزی دیرلر ،  
 ایشته شوبالی ایچون ییرلر ! » دیمش ؛ اوزمان شهزاده « اوقدر جق  
 بال ایچون ده بوقوجه بوینوز ینیرمی ؟ » دییه حیرت ایتمش ...  
 بوقونفرانس لرك ، بوسفر سیاسینک نصل برتأثیر حاصل

ایتمه‌سنی ایستورلر؟ بردرلوکشف‌ایده‌میورم ؛ عجبارآی‌صوکره  
طربزون وارضرومده‌ده یکی یکی غزته‌لر توره‌یوب « ییزانس  
محیط سفیلنه » خطاباً مقاله‌لرمی نشر‌ایده‌جک ؟  
بونی هیچ اومیورم !

— ۲ تموز ۳۲۷ —

نصرالدین خواجه‌نک اتوالی واسطه‌سیله

## قاینه‌دن شکایت

کچنکی فیرطینه‌یه دکنز اورتیه‌سنده یا‌قالانوب تک کورکله  
چولوق‌چو‌جوق‌آنکینلرده چالقالانان ونهایت سیلیوری اوکلرنده  
تخلیص ایدیلان فلاکت دیدهلرک حالته بیلیم قاینه‌من اعضاسی ده  
آجیمش وکولشمیدر...؟ بالخاصه قاینه‌من اعضاسی دیورم ،  
زیرا سیاسیات ده کیزینک داغلره چیق‌دینی، ایران کبی ، فاس کبی  
قوجه قوجه سفینه‌لری قایالره چارپ‌دینی بویله قاصیرغلی برزمانده  
بزم ساحلورده قالیونمزی سوق ایدنلرله او‌بچاره متزهین آراسنده  
بن‌عجز ویأس ، عقل واذعان ، بخت و طالع جهندن هیچ بر  
فرق بولیورم . زوالیلرک چراغان یاغینیله باشلایان دفتر اعماللری  
حریق ، حرب وقولرلر وقوعاتیله دولدی ... مشهور حکایه‌در :

آقشهر صوباشیسی برکونی دوره کیتمش ، برهفته صوکره  
 عودتنده خواجه مرحومك «بارى اكلنه بيلديكمزمى ؟»  
 ديمش وتفصيلات ويرمش : «برنجى كوني بريانغين اولدى ،  
 كويك ياريسى ياندى ؛ ايكنجى كوني سيل باصدى ، صولرچولوق  
 چوجوق ، داوار ، اشيا ، نه وارسه آلدى كوتوردى ؛ اوچنجى  
 كوني برخان ييقيلىدى ، خلق آلتنده قالدى ؛ دردنجى كوني  
 بردلى درت كيشى كسدى ، بشنجى كوني مسجده بيلديرم  
 دوشدى ، آلتنجى كوني برماندا قودوردى ، بش آدم تولدوردى ،  
 يدنجى كوني ده بن دوندم ...» خواجه همان آتيلمش : «أبي كه  
 چابوق عودت ايتدك ، يوقسه براز دها قالسه يدك كويده طاش  
 اوستنده طاش ، اوموز اوستنده باش قالليه جقمش !» ديمش .  
 صوباشى ينه انصافلى ، مروتلى برذاتمش ؛ برهفته دن فضله  
 دورمامش ؛ ياقاينه كې ايشى بنمسه ميه رك آيلرجه يرندن قيلدا .  
 ماسه يدى ؟ ...

ايشته سنه سى كلدى كچدى ، الان وكلا كچمدى ؛ تقاعد  
 ايديله جكي سويله نن پترسبورغ سفيري له رومايه تعينى روايت اولنان  
 خارجيه ناظرى حوادثك ده الى ماشاه بو حزينان سنه دوريه  
 اشاعه سى حلول ايتدى .

آياقلى روماتيزملى ، كوزلى شاشى ، قولاقلى طوپ  
 صاغير براسكى كوى ژاندارمه سنك يد محافظه سنه بيراقيلمش

تحصيلدار کي قبلر مزده امنيت واعتماد مفقود ! ايکي کو توبار کير  
اوستنده صارصيله صارصيله کيديورز ، امانزهيه ؟ ... خواجه  
مرحوم کنديني جندی ماهر عدايتمش ، خاشاري برقاطره  
بينمش ، فقط باقمش که حيوانک باشي بردرلو ايستديکي جهته  
چويره ميور ، « نزهيه افندی ؟ » ديهه اوصيرهده کندينه سوال  
ايراد ايدن احبابنه دونمش « قاطيرک ايستديکي يره ! » ديمش ..  
وکلاليق آتلي قارنجيهيه ، دونمه دولابه بينمه نوغندن برکونلک  
هوسه ، اکلنجيهيه ، ارزوي طفلانهيه دوندي ؛ « آمانه خوش ،  
برده بن باقسهم ! » دين هوپ ! ... اسکمله لردن برينه آتلييور :  
خواجهنک عظيم الجثه براوکوزي وارمش ؛ ايري بوينوزلرينک  
آراسي اوقدر جاذب ، اودرجه نظرفريب ، اوقدر جالب ذوق  
وصفا کورونورمش که « آه اورايه برينسهم ... » ديهه صاحبنه  
حسرت چکديرر ، رؤيالرينه کيرمش ؛ نهايت برکون ارزوسي  
حاصل اولمش ، اوکوز چايره اوزانوب ياتارکن خواجه فرصت  
بوفرستدر ديمش ، حيوانک آلننه آتلامش ، فقط دهابر لحظه  
يرلشمکه وقت بولامادن برباش صاليتيسيله بيني اوستي بره قاپانمش ؛  
اوصيرهده حالي کوروب تولدي ظنيله آغلایان قاريسنه ، کنديسني  
براز طوپلار طوپلاماز : « واقعاخيلي زحمت چکدم ، چوقده  
ذوقتي چيقارامادم اما هله ارزومه نائل اولدم يا ؟ » ديمش ...  
شوصوک آيلرده خواجه کي مضحک برطرزده ارزوسنه نائل

اولانلردن برچوغنى بزدە شرف ادراك ايتدك ؛ فقط تپەسى آشاغى  
 دوشنلر اونلر اولدى ، فقط بىنى صىزلان بزلر ... نتيجه سنى  
 دوشونمەدن ابراز فعاليت نامنە بىك درلو اجرا آت ايله  
 بربرلرينك يابدقلىرىنى يىقدىلر ، يىقدقلىرىنى ياپدىلر ، نظام امورى  
 بىستون غائب ايتدىلر ... طبقى خواجه مرحومك اجرا آتى  
 كېي : بركون باقمىشلر ، النده قازمە ، قوجامان برچقورقازييور ؛  
 « نە ياپە جقمىك ؟ » دىمىشلر ، « محەلى سويلە نىيور بزم اولك سوقات  
 اور تەسنە يىقىلوب قالان مولوزىنى كومه جكم » دىمش ؛ « يابورادن  
 چىقان طوراغى نە ياپە جقمىك ؟ » سؤالنه قارشى خدتلنمش :  
 « يوو ! باق ، بن او قدر اينجە آلەيوب صىيق دو قويامام ! ... »  
 دىمش . بومولوز حكاىەسى طبقى بزم تنسيقات مسئلەسى ؛ خواجه  
 مرحوم دە صاغ اولسەيدى تحفلق اولسون دىيە بو قدر ياپاردى .  
 مأمورلر مزدن بر قىسمىنى چىقاردق ؛ اونلر كىر يىنە بر چوغنى  
 آلدق ؛ نە اولدى ؟ ميدادە يىنە بر كومه مأمور قالدى !

بو او كوز بوينوز يىنە بىنمە ھوسلرندن متولد خطالردن برى .  
 تصحيح و اصلاحى امكانسىز اولان دھانە عظيملىرى ، خواجه نك  
 سلاح فقرە سنە بىكزەين نە مەدھىلىرى وار : صوفتە لغى زمانىدە ،  
 يىنە شىمەدىكى كېي ، صوباشى سلاح طاشىماسنى منع ايتمش ،  
 فقط نىصلە خواجه نك جىبە سندن قوجامان بريا تاغان چىقمىش ...  
 ھان ياقالامىشلر ، استىطاق ايتمىشلر ، « بونى نە طاشييورسك ؟ »



ديه صور مشلر : « أفندم ، بن درسه باقار كن كتابك يا كليشلرني  
 دوزلتيرم... » ديمش ؛ صوباشي قيزمش : « نمله اُكلنيورميسك ؟  
 هيچ بوقدر قوجه مان علامتله يا كليش دوزلتيليرمي ؟ » دينجه  
 خواجه جواب ويرمش : « آغام ، ديمش ، بعضاً اويله ياكليشلر  
 اولور كه بوييله آز كلير ! »

تنسيقات ديه شوفنا بوفنا برر برر طوتوب بر چوق كيشي ني  
 آتديلر ، حال بوكه بر آز صوكره يكيلرك عدم كفائتي كورولدي ،  
 احتياج باش كو تردى ؛ كيزلیدن كيزلى يه تكرار آلمغه باشلاديلر :  
 بركون خواجه ياننه برقاق قارپوز آلمش ، داغه ، اودونه گلش ،  
 طوتمش قارپوزلري كسمش ، برر دفعه ايصيروب ايصيروب  
 طاتبىز ديه يره ، مزخرفات ايچنه آتمش ... برمدت چنجه  
 حرارت باصمش ؛ نه ياپسك ؟ چاره يوق ، قالقمش ، « شوكا  
 دوقودى ، بوكا دوقونمادى ! » ديه هپسنى ييمش ، بتيرمش...  
 اونك كي بر زمان كله جك تنسيقات ياپمايه لم ديه يكيلري چيقاراميه جئلر ،  
 أسكيلري آلمه دن ده ياهميه جئلر ، بو صورتله وقتيله بيك موجودى  
 اولان بر نظارت مأمورلرني ايكي بيكه ابلاغ ايده -كلر ، ايكي  
 بيك مأموره معاش ويره جكلر ...

شو قاره داغ مسئله سى مناسبيله اه قابينه يي « عجباً برده  
 خارجاً حرب ايتسهك نصل اولور ؟ » دوشونجه سندن محافظه  
 ايتسين ! ذاتاً ايچمزدن يانوب طوتوشيورز ، برده خواجه نك آتى

کې صرتمزدن آله و آلماسه ق : نصرالدين خواجه برکون آتنه  
چالی چيرپي يوكله مش ، داغدن كليورمش ؛ عجبا يشيل چالی ده  
قوروسی کې طوتوشورمی فکريله آئنده کې چيوغی فونده لره  
اوزاتيويرمش ، او آنده دهشتلی برچانيردی قويوب چاليار  
طوتوشمش ، آتده صرتمنده کې بو آتشدن اورکوب صاحبك  
آئندن قورتولمش ، شورايه بورايه قوشمغه باشلامش ... خواجه  
آته يتشه ميه جگنی آکلانجه آرقه سندن باغیرمش : « عقلك  
وارسه دوغرو کوله قوش ! » ديمش .

عجبا صوکره بزده ده « آمان ، عقلکوز وارسه صلحه طورمايك  
قوشیکوز ! » می دینه جکلر ؟

ايش بوراده يي بولمده دن باری ايکنجی انتخاب مبعوثانی  
ادراك ايده بيلسه ك ... اواميدله شمديلك دوريبورز : خواجه  
مرحوم مرکبني غائب ايتمش ، هم تورکی سويلر ، هم آرارمش ،  
« مرکبني غائب ايدن تورکی سويلز ، فرياد ايدر ! » ديمش ؛  
خواجه جواباً : « برشو داغك آردنده اميدم قالدي ، اوراده ده  
بولامازسه م سير ايدك سزبنده کې فريادی !... » ديمش ...  
نمده صوك اميدم بوسنه نك آردنده ؛ هله اوده بوشه  
چيقسين ، سزده دیکله ين بنده کې افغانی !..

## رمضان ، داوول وقاينه

رمضان دنجہ انسانک اک اول خاطرينه داوول کلیر ؛  
زردمىز دوکون ، دوواقىمز کاین ، طوزىمز یمک ، مخالفتمىز  
مشروطیت نصل اولمازسه داوولسىزده رمضان اولماز . فقطينه  
نصل رمضان بزه داوولی خاطرلاتیرسه داوولده دها بر چوق  
شیلری خاطرہ کتیرر ؛ مثلاً شیشمانلری ، علی الخصوص وکلادن ،  
وزرادن ، رجال مشهوردن شیشمان اولانلری ... ایری یاری  
یارادیلوب برده ناظرلغه کچدکمی ابواه ! غزتهلرده آیاقلى ، اللی ،  
قاشلى ، کوزلى داوول رسملرندن باشلار ، هانکی محررك قلمی  
اوجنه بر داوول کلمهسى کلمسه اوکا ایما ، کنایه یایمهدن کچهمىز  
اولور ... دها فناسی ، مشبه عقللى اوصلو ، شهادتنامه لى ،

مداليه‌لی بری بيله اولسه ، صرف خاطره برکوس پرچوف کتیردیکی ایچون همان اک اوفاق وسیله ایله حقنده « داوول کبی قوف ! » ضرب منلی ایراد اولونور ؛ چیچرون قدر کوزل سوز سویله سه ، حکمت صاحب سرپسه ینه او سبیدن « داوول کبی اوتدی ! » دیر . قورتولوش یوقدر ... ناظرلق ، مبعوثلق ، اعیانلق وسائر صفات مشهوره ایله داوول توجیهی ، بعض نشانی اوجنه طاقیلی رتبه‌لر مثالی ، بر آراده اصدار اولونور ، بر آراده سویله نیر ؛ ایله بری بونوک آدم اولور اولماز ، داوول ده اولدم دیملی ، قدره رضا کوسترمه‌لی !

فی الحقیقه داوول قدر منظره‌سی تحف ، سسی غریب ، چالینشی کولونج بر آلت موسیقیه دنیاده موجود دکلدرد . جلا وورلغه بيله لایق کورولمه‌ین پروزی چرچوه‌سی ، قوپوق ایپلری ، قابا دریسی اهتمامسزلغه بویوک بر نموه تشکیل ایدر . یا اوقوجه‌مان بطن مشکک بری برندن اوفاق چوپ قدر ایکی دکنکجکله سه‌لر ایندیر یله ایندیر یله چالینشی ، علی‌الخصوص کمال اهتمامله ، عادتاً شفقت مادرانه ایله قوجاقلانوب کوكس اوزرنده طاشینیر کن ینه بریاندن دکنکلر آتیلیشی ، اونکده وحشی وحشی ایکله مه‌سی سکیرلره دوقونه‌جر قدر غیر ظریف و تحفدر . انسان بر شهر نیم مدنی اورته‌سنده وهیچ آروپا یاییلی اولمایان بر آدم قوجاغنده اونی اوتر کورونجه عادتاً سیاحته چیقمش

وياخود سینه ماطوغراف سیرینه دالمش ، خلاصه محیطدن  
اوزاقلاشمش کبی اولور .

داوول بکا کوی دو کونلرینی ده خاطر لاتدینی قدر شیمدی  
مبعوثان انتخاباتی ده درخاطر ایتدیریور . او اوکده ، امامله  
پاپاسک قورولدینی آراهه آرقده ، آل غازه لره صاریلمش رأی  
صندینی اورته ده ، رنگا رنگ بر قطارک اهمیت وجدیتی نسبتده  
آغیر بر رفتارله محله لر آراسندن کچیشی کوروله جک شیردندر .  
والحاصل نر ده داوول وارسه اوراده تماشا یه لایق غریبه لر ،  
اکلنجه لرده واردر وایشته ینه اونک ایچوندرکه رمضان آیی ده  
سیرلر ، سیرانلرله دولودر .

ارثی بر حال ؛ هانی چنکیلر زیل سسنی دویونجه بلا اختیار  
بل قیویرر ، قالچه ساللار ، کوزسوزلر مش ، بزده ده او یامرو یومرو  
طوقاق او قوجه دری پارچه سنه اینوب بر کو مبورتیدر قویدیمی یرندن  
قالقوب پنجره یه قوشمایان ، قابیسنی آرا لایمان ، قفسنی سورمه ین قالماز ؛  
حال بوکه لاترنا ، اعمی دبلنجی وسائر کبی دهانه چالغیلر کچر ،  
دهانه محرق هوالر چالینیرده کیمسه بکامی دیمز !

داوولک موقعی بویو کدر . هم او بویو کلک کنی ده محافظه ده  
نابت قدمدر . هیچ اونو تمام صیقیشنجه « سیاسیات » کلمه سنی  
بک شمولی بر معناده استعمالی مناسب کورن « طنین » بر زمانلر  
او عنوان آلتنده ، بردفعه جق ده قابینه یی مدحدن صرف نظرله

اونك يرينه « بايرام داوولى » ديه برباش مقاله يازمش ، اوبنده  
 قديمك قدر وشهرتى بالاترين ايتمشدى . شهه سز صاحب مقاله  
 بوصورتله امكدار خاصمرك دعاسنى قازانمش وبلكه ده اوتوز بر  
 مارت تهلكه سنى اودعا يوزندن آتلاشمدر ... كيجه ، تام طاتلى  
 اويقوميك آره سنده پنجره مك آلتنه كلوب كورولتو ايمه سه ،  
 نمه لازم ، بنمده كنديسندن برشكايم يوق ، ققط طرفدار  
 غزته لر كي قورولوب قورولوب ايستلديكى ساعتده « ضيا »  
 رفيقمرك حزب جديد كورولتوسى چيقنجه مشهور « بچاق ميكه  
 دا ياندى » مقاله سى شدنده چيغلق قوپاران ، دقيقه لرحه اوتن  
 چنغراقلى ساعتلك اون ايكي بچق غروشه مال اولديغى بويله برسنه  
 مدننده - چالار غزته لك فيئآتى براردها يوكسكدر - خسته ني ،  
 ايسته مه ينى اويانديرماسى خوش برجلوه دكلدر . نينيلر ،  
 مملر ، قيش قيشلر ، هوپ - الالرايله ايكي ساعت چاليشوب  
 چابالا يوب اويوتديغى يا وروسنك « دان ، دا ، دا ، دان دان !!! »  
 كورولتوسيله كوزلرني آچوب آغلامغه باشلايدىغى كورن والده  
 بالطبع داوولى ده ، داوولجى يى پارچه لامغى چوجوغى اويوتمقدن  
 دها قولاي بولور و ترجيح ايدر .

برده بنم كې ، بعضاً يارى كيجه يى ياتا قده دونوب ير  
 دكشدير مك ، يصدىغى آياق اوچنه كتىروب كوتورمكله كچرنلر ،  
 هيچ اولمايه حق برسيله ايرتسى كوني جز دانك ايچنده بوله جقلىرى



بش بانقنوطك طاتلى خولياسنه دالوب تام ميشيل ميشيل اويويه -  
 جقلى برصيراده داوول سسييله اويانديلر وكيسه نك موجود  
 حقيقيسنة بتكرار مطلع اولديلر مى دكل ساده صراحی ده كى صويى ،  
 كنديلرني ده برابر پنجره دن آشاغى فيرلاتماق ايچون عادتاً  
 جبر نفس ايدرلر .

فقط برکت بزده كى مشروطيته ... نه دن انكار ايده يم ،  
 اوافق تفك محسناتى شمدیدن مشهود : كوپكلى قالديردى ده  
 بوكجه كورولتوسنى بدرجه تخفيف ايتدى . اولى نهيدى  
 اوحال ؟ داوول كچر كيدر ، نعره سى آرتق ايشيدلر اولور ،  
 فقط كوپكلرك هايقيريشمه سى بردرلو نهايت بولماز ، برايكي  
 ساعت ده بو آهنگ ليليك ختامنى بگله مك اقتضا ايدردى ياغي  
 اخباريه سى بر . ساعت باشى كزينتيسى ايكي ، رمضان داوولى  
 اوچ ، بنى محله بكجيلرينه دشمن ايتدى ... وقتيله كويلرده  
 بونلرك هيچ برى ياپيلماز ، دليكسر اويقواويوموق ده بوصورتله  
 ميسر اولوردى ؛ فقط شيمدى مدنيت واجرا ات اونلرى  
 بورالرده يتيشدirdى ، بورالرك كيجه سنى ده كورولتويه ، طاقيردى به  
 بوعدى !

دها كز مكه باشلاماديغم ايچون ولرايله ياغيئلرك ذوق  
 پرستان رمضان اوزرنده برتائيرى اولديمى ، اولمادىمى ،  
 بيلميورم ... فقط كچن سنه يه نسبتاً شهزاده باشنده بر ، ايكي فرق

وار: دیرکړ ییقلدی، او کو تو چایی دکانلری ا کراتی صاچلری  
 دوشمش بررچیلاق باش کبی میدانہ چیقلدی. صوکره جدآشایان  
 تماشا بر منظر مده حاصل اولدی: دیرکړ آرہ سندن شویلہ  
 یکی قانیہ دوغرو برباقدمی درت باجادن بشقہ حائل یوق،  
 دکر طباق کبی کوز اوکنده... اویلہ بردورده دنیایہ کلشز کہ  
 اجدادیمزک یوزلرجه سمنہ ظرفندہ کوردکلری وقایعک دہا  
 مدہشلرینہ بزایی اوچ سندنہ سیرجی اولدق؛ بکا کیم شہزادہ  
 باشندن باقوب دکرزی کورہ جکسک، استانبولک فتحنہ  
 یتیشہ جکسک دیسہ اینامازدم... کلسیک دہ بوندن صوکرہ  
 بری مثلاً «سلانیک» ک ضبطندہ حاضر بولنہ جقسک،  
 بویو کدرہ دن باقدمی نہ بکقوز قوروسی قالہ جق، نہ عالم طاعی  
 اورمانی، دوغرو شیلہ بی کورہ جکسک دیسک دہ بن اینامیہ یم.  
 قابلمی؟ دہا نہ لرہ اینانیم...

دیوارلردہ، تحتہ پردہ لردہ اعلانلری اوقویورم: تیاترو  
 قومپانیہ لری ہپ حاضر لائمشلر... قانطوجی قیزلر کیم بیلیر  
 یکی یکی نہ ہوالر چیقارمشلر، آل مور نہ البسلر یایدیرمشلردر!  
 سیرجیلرک کیجہ یاریسنی ایکی اوچ ساعت کچہ ایص سز بریانغین  
 خرابہ سی ایچندن «یانیورم آہ! ٹولیورم آہ!...» تور کسینی  
 سو یلیہ رک، ایصلق چالہ رق کچوب کیتمہ لری تحف واسرار  
 انکیز بر حال تشکیل ایدہ جک. شانٹوزک دولغون قالچہ لرینہ

عائد اولان بو «يانیورم ، ئولویورم ! » کلمات عاشقانه سی برچوق  
 سیکیریلرله یانغینله قولرای خاطرلاتاجق ... آه اویانغین ! نیجه  
 اطفالی قاره کوز سیرندن ، نیجه شبانی رقص وتغنی تماشا سندن  
 محروم ایتدی . بوکنجلرک ایچنده ، کاشکه اوم یانماسه یدی ده  
 کندی المله صاتوب پاره سنی شو طومول قیزه یدیره یدم دینلر  
 چوقدر !

افطارله اوروج کیفنه عائد بختی بشقه بر مقاله یه بیراقدیم ؛  
 فقط بردردم وار ، بردرلو سوبله مه دن کچه میه جکم : قابینه  
 وصیام ! خوش ، قابینه دیننجه هر صندالیه سی طوتولمش ، بوش  
 یری قالماش بر هیئت خاطرلاماملی ؛ اه بزه اون ایکی ناظری  
 هپ بر آزاده کوسترمیور ، دائما بری ، ایکسی یوق ، یرلری  
 بوش قالییور . برکت صدراعظم پاشایه ؛ وکیل مسخر کبی  
 کیم یوقسه ، اونک یرینه کچیور ، سورولانه « انکار ، انکار ! »  
 قیلندن جوابلر ویریور ، ایشلرده سایه لرنده صاحب مقام  
 وارمش قدر اولوب بیتیور ؛ نافعیه ، کچنلرده وکالت ایتدیلر ،  
 خارجیه بده بمنه تعالی یقینده باشلادیلر ، صیرا آرتق مشیخته  
 کلدی ! فقط ایش بوراده ، بووکالت مسئله سنده دکل ،  
 اوروجک قابینه اعضاسی اوزرنده کوستره جکی تأثیرلرده ...  
 ایام عادیه ده کی احوال واجرا آته ، رخاوته باقیرسه وکلای  
 حکومت قهوه وتوتونه خیلی دوشکون ... حال بوکه سیاسیاتک

تیریا کیلکه هیچ تحمیلی یوقدر ؛ ایستدکلری قدر نوش قهوه  
و شرب دخانه مأذون اولدقلری کونلرده بیله آرالرنده اساسلی  
براتفاق آهنگدار کوسترمین قاپینه نك تاثیر صیامله الیاف اموری  
بستون کوردو کوم ایتمه سندن ، عرب صاچی کبی آچیلماز  
برحاله کتیرمه سندن قورقمیور میسکیز ..؟

ذاتاً حربیه و مالیه ناظرلری آراسنده کی صوڪ اختلاف  
خی اندیشه مده حقلی چیقارییور ...

— ۱۵ اگستوس ۳۲۷ —

## احوال داخلیه و خارجیه من ...

عجیبی خدمتچی النده قالمش اوتو سجاده‌سی کبی یکر می  
یرندن یانان جغرافیای وطنک کووه اوشمش صمور کورکه  
دونن فلاکتلی منظره‌سی قارشیسنده آرتق دالغین وشاشغیم ...  
غزته‌لرده اوقودقلم ، شوندن بوندن ایشیتدکلم ، هله  
کیزلیدن کیزلی‌یه دویدقلم بنی بیاغی خسته ایتدی ، کوزلر مه  
عادتاً کشف بردای حیرت و بلاهت ایندیردی . صاچاغی  
طوتوشان اولرده تا اوست قاتلره چیقوب اوداغنیقلق ، اوقار -  
غشلق ایچنده ماهون قنیه‌لری ، صدف چرچوه‌لی آینه‌لری  
کویا قورتارمق ایچون پنجره‌لردن آتان ، یردن یره چارپان  
حماللری حیرت و بلاهتله کوزدن کچیرن وصیراسنی بکله‌ین بر

پاپاغان کبی قفسمده اون ، اون ایکی کوندر سسم کسیلدی ،  
 بکا درین برشاشغینلق عارض اولدی . یامسادیغم غرابت یوق ؛  
 قلم دییه المه باستومی آله جق ، صوکره بو قوجه صوپایی حقه  
 یرینه ماصه مک اوزرنده دوران قهوه فنجاننه باطیرمغه اوغرا-  
 شه جق قدر دماغمه بردورغونلق چوکدی . فیض مشروطیتله  
 استحصال ایده بیلدیکمز ثمرات صنایع نفیسه دن او مشهور « کیجه لر  
 کوندوز اولدی ... » شهدانه موسیقیسنک خلافتنه آرتق - بلا  
 اختیار - کوندوزلریمی ده کیجه می کورویورم نه در ، مثلاً تام  
 اوکله اوزری ، کونلک کونشلاک بر زمانده اودامدن صوفیه می  
 حقیقمق ایجاب ایتدی ، دالغینلغمدن دیشاریسنی قارانلق قیاس  
 ایده رک کیجه لر دن قالمه بر اعتیادله آرایور ، طاریور ، بولاماز سه م  
 حتی خدمتچی بی چاغروب ایستیور و شمعدانی یاقه دن بر ادیم  
 ایلری آتما یورم ...

کوپه کوندوز اودالرده ، صوفه لرده مومله دولاشان بر آدمک  
 الی فنرلی ، آیاغی نعلینلی مرحوم دلی صالحی در خاطر ایتدیر می  
 نه قدر قابلسه ، خاطره ، فزیه له آدم آرایان « دیوژن » ی ده  
 کتیر می او قدر ممکندر . عجبا بن ده - غیر فارق اوله رق -  
 مجهول بر سوق دماغی به تبعاً هل عرفان آدمی آریوردم ؟  
 هایدی ، دییه لم که او یله ! آردم و - فرض بویا - بر دوزینه  
 قدر بولوب حکومت هیده ایتدم ؛ اونلری ایش اوزرنده



قولانمادقدن ، مضر بر نسنه کبی بوداژده دن وبرینه آتمغه  
 اوغراشدقدن صوکره نهیه یارار ؟ ... هنکام حریتک اوروپایه  
 طلبه کوندروب صوکره عودتلرنده اونلری ایش سز بیراقاسیله ،  
 دور استبدادک ، ایصمارلادیغی حرب کیلیرینی خلیجه چکوب  
 شاماندرالر باغلامه سی آراسنده بن برفرق کورمیورم . توکلی  
 « تاریخ ازلی برتکرردر . » دیمزلر ؛ طاس دیکشدی ، حمام ینه  
 او حمام .

شو اون اون بش کونک ایچنده نلر اولدی ، باشمزدن  
 نلر کچدی ؟ بردوشونویورم ده « امید توکنمز ! » ادعاسنده  
 بولسانلره قارشی « هله کلیک ده بر بنی تدقیق ایدک ؛ ذره سی  
 قالمش می ؟ » دییه حایقیرمق ایستیورم .

یانغینلرک چاپوچیلره ، محاربه نک قارغه لره ، تولولرک غساللره  
 وسیله استفاده اولدیغنی بیلیردم اما قولرانک اکثریت فرقه سنک  
 تأمین نفوذینه یارایه جغنی خاطر مه کتیرمزدم . بوعلتک بادی  
 اولدیغنی مصاب ووفیات لیسته سنه - شیخ محسن فانی حضر تلرینک  
 نسخه لرینه و افسونلرینه رغماً - آزدها مشروطیتی مصاب وحق  
 انتخابی وفات قید ایتمکه مجبور اوله جق . تابوتی امانت مجلس  
 اداره اعضاسنک صرتنه یوکلتوب کورولتوسزجه ، - شهرامینی  
 وکیلنک شیوه واداسیله سویلیه لم - قارنجهلرکی سس سز صداسز  
 دفن ایتدیره جکدک . فقط اهالی ایله شهر امینی آراسنده کی

مجادله يه قارىشمق ايسته ين باب عالي ، ملتزمك مغلوبيتي يوزندن هم اولي ، هم « طنين » ي غائب ايتدي . باشنه نيم مخالف بر سر مياهدارله ، نيم مخالف بر غزته ده اچيقاردی . برده اوسته لك اويله بر استعفا نامه آلدی كه ياننده اسكى ده موقراتلرك مقاله لری ، « صباح » ك باش درسلى قدر معتدل وخفيف قالدى . ديه بيليرم كه بوقوجه حجت عجز و مماشات خزينه اوراقه كيرنجه ، بيلم قاج يوز سنه لك اوراق اديبانه اوزندن بر نفعه نفرت وحزن كچمش ، باب عالينك طاش ديوارلری بر كرده نار حجابله معنا يانمشدر .

فلاكت بويله بر ، ايكي وقعه يه انحصار ايتسه ايتديككنز قدر تحمل بدن ؛ فقط طشرده ده نلر اولويور ، نلر ... اعيان اعضا سندن برينك هر سنه مجلس قاپانجه مملكتنه كيدرك تمطيني اوراده كوي ياقوب قصبه ييقمق ، عشير آره سنده محاربه ايتمكله كچيرمسي اسكى عجم تاريخنده بيله نادر تصادف اولونور مناقب غريبه دندر . هله بوجنكاور غضنفر شعارك تشرين اول كلنجه قانله مله قالقانيله قيليجنى ديواره آصوب . قولاغك آرقه سنه قلمنى صيقيشديره رق كلوب مجلسده آلتى آي قوانين مشروطيتى تدقيق خصوصنده اتعاب ذهن ايتمسي ماصالرده كي كولمز شهزاده يي بيله قهقهه سندن خسته ايدجك قدر تحف ، مضحكدر . ذاتاً سرگذشت حكومت آت جانباز خانه لرنده صوك

پرده‌ی تشکین ایدن پاندومیا لعیاتنه او قدر بکزییور که .. قوجه  
 ولایت مرکزینه مارتینلریله کیروب آدم تولدورن اشقیالر ،  
 اویقویه دالوب خیرسزلی قاجیران پولیسالر ، ژاندارمه لره صوبا  
 چکن اهالی ایله مملکت مزده اویله پارلاق پاندومیا صحنه لری  
 کچیور که کوزلر مزدن یاش کلنجیه قدر کوله مک قابل دکل ...  
 کیم خاطرینه کتیرردی که بصریه یدی مسلح حیدود عاناً  
 کیره جک ، آدم ووره جق ، پاره چاله جق ... برکت یدی کشی  
 ایمشالر ؛ یا اون یدی اولایدیلر ، والی بیله توابعیله آشیرمه لری  
 وصو کره هپسنی خرما دالارینه هونک ، هونک صالاندرمالری  
 قابل اوله جق مش ؛ حتی دهها فضله جه کله یدی لر ! ..... بشقاوت  
 قانون خارجنده مملکت مزده سربستمیدر ، نه در ؛ اهالیسندن  
 یکرمیسی ، اوتوزی داغه چیقما مش قصبه ارتق قالمادی .  
 کورجه ده کیلر دهها ایتمه دن ازمیرده کی سامی بک چته سی داغلی  
 آشدی . ذاتاً بویله کیدرسه ضابطه انه دوشن مجرملر ،  
 جانلری ایسترسه ، - همه نیچون ایسته مسون؟ - قاجوب  
 قورتولیویره جکلر ؛ انه تسلیم اولنان خیرسزی تراماویده قانی  
 دیشنه براقوب کندیمی تا ایچری یه قوروله رق او طوران وصو کره  
 بانطبع وداع ایتمه دن آیریلق نزا کتسز لکنده بولنان رفیقندن  
 جدا دوشن پولیسله ، ( ضابط ذکی بکک ) قاتلارینی بر قوجه  
 تکمه رشوت مقابلنده سربست بیراقان دیکر پولیسک حکایه سی ،

آرتق بوندن سوكره پوليس آدى آگيانجه نصرالدين خواجه،  
 به به روحى وامثالى كې چوق تحف بركىمسەنك اسمى كچمش  
 قدر هر كسى كولدوره جكنده ، حتى اويمزه كيرن سارقلىرى  
 كوروب طوتمق ايچون « يتشيك ، خيرسز وار ، پوليس  
 يوقى ؟ » ديه فريادىدنجە اوتەلكەلى موقعەدە بىلە « پوليس »  
 كەلسنى ايشيدن خيرسىزلرك كولمەك ايچون دوداقليرنى  
 ايصيراجقلرنده شەھمى وار ؟ ..

بك اوغلندە ژاندرمەلىرى دوكن سرخوشلارە ، بويوك  
 آداده سرخوشلىرى دوكن ژاندرمەلرك سرگذشتى عجز اداره يە  
 وفقدانى رجالە بر مثال تام ايسەدە دوغروسى مناستردە خلقك قولرا  
 ايله متاركة عقدايمەنە مقابل حكومتك كوستردىكى بجر كسزلكك  
 يانندە هيچدر . حاجيسى ، خواجهسى اواخر استبداد وېدايت  
 مشروطيتدن قالمە براعتياد عصيان وملكە اجتماعلە قارە بلوط  
 كې طويلانمشلر ، قولرا ليلرلە صارماش دولاش اولوب قاوون ،  
 قارپوز نامنە باغدە ، سر كيدە نە وارسە اوزرينە هجوم ايدوب  
 بر آيك آجيسنى چيقارە جق قدر ييمشلر ، شكەپرورانە برابرام  
 ايتمشلر . بوعيد پرفيض اوغورندە يىدكلرى قارپوز ، قاوون  
 عددنجه توربان ويرمەلىرى بك ممكن ايكن ، ترايد نفوسى مضر  
 عد ايدن برمسللك فلسفى مؤسسەميدر ، نە در؟ والى بو عصيانى  
 تصويب ايتمش ... اىنى كە خلق يالگىز بو قدر ايستەمكە قالمش؛

برکت ویرسون صاغلاملرده قولرا میقروبی آشیمی یاپه جغز ،  
 بالتحلیل ایچنده یوزده یوز ویریون موجود صولردن بشقه سنی  
 ایچین کسانى اعدامه محکوم ایده جگز ، دیمه مش... والى بوكاده  
 راضی اوله حق ، بونی ده غایت مناسب کوره جگمش !

ایشته احوال داخلیه من طلوعات قومپانیه لرینک قومدیلرینی  
 اکدیران بویله برغرابت ایچنده ؛ امور خارجیه مزه کلنجه  
 اوکلیا خارج عقل ومنطق ...

برده فرقه اکثریتک دواثر ومؤسسات دینلن برنوع  
 سناتور یوملری وارددرکه اورالرده آلتون جبلر یوتدوره رق  
 بدینلری تداوی ایدرلر وانلره برجهان نوروشفق آچارلر .  
 عجبا بنده خسته لغمدن اوصورتله شفایاب اولسم ، طرابلس  
 غرب - ایتالیا مسئله سمندن ذره قدر اندیشه یه دوشمن ، حتی  
 یانغینه باقوب « نه طاتلی غروب ! » ، سیله ، سیلابه قارشی « نه  
 لطیف شلاله ! » ، قولرا سدیله لری کچرکن « نه نزیه راحت دوشکی ! »  
 دیر ، اوته سنی دوشونمز میدم ؟ .. هم ، دوغروسی المزده بویقوتناثر  
 کبی یامان برسلاح مقابله بولوندقدن صوکره دول اجنبیه ایله  
 آرامزده ظهور ایدن اختلافادن منکسر الخطاظر اولمقده هیج  
 معنی یوق ؛ ایتالیا اورایمی ضبط ایده جک ؛ کلسین سالنیکده کی  
 جمالر که یاسی - نهیدی آدی ؟ چوق شی\* ... باق ! طوغریسی

عادتاً مدحت پاشانك اسمنى اونو تمش قدر متاثر اولدم - هايدى  
 ولى آغا ديهلم ؛ كلسين ولى آغا ... انكلتره بصريه يورودى ؟  
 هيجهانه محل يوق ، همتك وار اولسون ولى آغا ... روسيه  
 طربزون ساحلنه مى ال آتدى ؟ اندیشهيه محل نه ، صاغ اول  
 ولى آغا ! .. والحاصل بزه بر اسكدار قالنجهيه قدر ولى آغا  
 آشاغى ، ولى آغا يوقارى !

فقط بن بوقدر سـاده دوشونن ، ايشى ايلكله باغلامنى  
 سون نيكيينلردن دكل . دليسى ، ديوانهسى اولديغمز آلمانيانك ،  
 آووستريادن صـوكره باقى متفقى اولان ايتـاليادنده اوزانان  
 بودست تجاوزى بنى عظيم بر حيرته دوشوردى . ائى كه دوستمز  
 آلمانيانك يالكـىز ايكي متفقى وارمش ؛ يا اتفاق مسدس الاضلاع  
 ديه آلتى متفقى اولسهيدى بزمده دشمنمـرك عددى آلتى يي  
 بوله جقمش ؛ ينه شكر اللهه !

بو حال بكانه يي خاطر لاتينور ، بيليور ميسـكـىز ؟ هـانى  
 بعض حايلاز اوغللر واردرده ، كيدر ، كـنديسنه فائده كله جـك  
 قادين قادينجق مسك كـي صابون قوقولى خانم قيزلى بيراقوب  
 آرقه سنده بيك بلا ليسيله دولاشان فتان ماداملره عاشق اولور  
 وبومضر سودا اوغورنده دوللورده بوكرينه قورشون ،  
 اوموزينه مچ ، اكسه كوكنه طوقات ، شامار يير ؛ بزم قابينه ده  
 اويله ! زواللى ، آلمانيا ديمش ، برايرى قادينك ديوانهسى اولمش ،



آووسـتريا ، ايتاليا اسمنده كي ديكر دلداده لرندن كورمديكي  
ضرر يوق ... بز براتفاقه داخل اولان حكومتلردن برينه يار  
وماكل اولالم . حقنده انشاد ائمه ديكمز مدحيه لر بيراقيلم ده  
صوكره رفقاسنك تهديد لرندن باشمزي قورتارميالم .. بن بويله  
برغريبه سياستي عبدالحميددن بشقه كيمسه نك باشندن كچمز  
صانيردم ! ... مكر كه تاريخ برتكرر ايمش .

— ۱۰ ايلول ۳۲۷ —

## اولان بیتن ایشلره دائر

صوك استیضا حدن ، اوتارینخی جلسهلردن آكلاشیلدی یا ؟  
 ارتق بو مخالفلر پاطریدیسنك « شویله اولاجقدی ، بویله  
 کیده جکندی « سی ، فلان قالمادی ؛ هانکی ایشك باشنه کچسه لر ،  
 هانی چارشى باشنده صیرا صیرا دیزیلوب پرتلاش قاسناق  
 ایشله ینلر واردر ، ایشته اولنلری حسدنن چاتلاته جق برسرعت  
 وشماته ایله اوكله یه قدر دیککیور ، فقط اوكله دن صوكر اعجمی  
 ترزیرلکی یوقاریدن آشاغی برچکیشده یابدقلمی سوکویورلر ...  
 خلعت رفاه وحضوره بورونمك ایچون اللرندن ایش بکله ینلرك  
 بوقارا قیش اورته سننده چیپلاق قالمه لرندن قورقیورم !  
 الم ایرمز ، کوجم یتمز . یوقسه بن بونتیجه یی ایسترمیدم ؟

قابینه تنقید ایدلمیه جك ، مبعوثان مذاکراتی غزته لره کچمیه جك  
 کبی لقر دیلر اولور اولماز عادتا کوکسنه یافته سی یاپیشمش ،  
 بوینه مارقه سی آصیلمش ، تپه سنه علامت فارقه سی باصیلمش ،  
 اومتاقسا قونیاغی کبی ، تقلید اولمادیغنه اصلا شبهه قالمایان  
 استبداد قارشیسینده دوموز طوپنه یاتیرلش معصوملر کبی تر  
 دوکدم ؛ او قدر نومید اولدم که آغز آچغه ، برکله یازمغه آرتق  
 کندمده قدرت بولادم ؛ درد و کدر بنی اندلسك صوك حکمداری  
 قدر استیلا ایتمش ، کوزلرمی یاشله دولدورمشدی .

فقط هله شکر ، برطرفدن طرابلس موفقیاتی ، دیگر جهتمدن  
 مقتولین سیاسیہ جانیلری حقده تعقیبنه باشلانان عدالت پولتیقه سی  
 ایل عالمک یوزینه باقدیره بیله جك بررنک آلدی ده بن ده سواقغه ،  
 خلق ایچنه حقیقه بیلدم ؛ یوقسه شیشه قاوانوزه بیراقیلمش بر  
 قیرمزی بالق کبی همان ایکی آیه یقینسدر اودامده پنجره دن  
 پنجره یه آغیر آغیر دولاشه رق قاپالی قالمقدن بوغولمشدم .

مع مافیہ اوده فنا بر حیات دکلدی یا ؟ وان کدیسی رقیقه ده ،  
 بن قارشیسینده ، جاملردن کیرن قیزغین کونشه قارشى اوپ اوزون  
 سریلیور ، او ، قوروتولمق ایچون آصیلمش بر پوستکی قدر  
 جانسز ، بن دوریلش بر صوبابوروسی قدر حسسز ، حرکتسز  
 اویقودن بدتر براویوشقلقله بلافاصله ، ساعتلرجه یاتیدوردق .  
 نهایت برازقیملدانمق ، اویانمق لازم کلدیمی ، پرنسس [ کدیملک

آدی [ صیرتی برصاچ اوتو کبی بیچم سز جه سنه یو کساتوب ،  
 آتش قدر رنگلی آغزینی آچهرق اسنرکن بنده برمدت  
 دوغرو لویور ، کرینور ، قولارمی صاغه صوله ، آیاقلمی  
 آشاغی یوقاری صاللیور ، صوکرهینه باشمی یصدیغه داییدوردم .  
 بن ایشته بویله ، چرکس احمدک سیروزده دوکوب دوکوب  
 کوپروندن آشاغی آتدینی آووقات کبی بر حال بیهوشیده یاتارکن  
 آرقداشلر کلیور ، «جانم نیچون یازمیورسک ، نیچون دوشوندیگی  
 سویله میورسک ؟ مشهور کلامدر : مصادمه افکاردن بارقه  
 حقیقت چیقار ! » دیورلر . حال بوکه ، انصاف ایدک ، بزده  
 اوپله می ؟ مصادمه افکاردن دوس دوغرو بینه صاپلانا قوجه مان  
 برقورشون چیقور . حتی یان کچمه سی ، هدفی شاشماسی ، بوزوق  
 عثمانلی طور پیللری کبی چات ! دیوب آتش آلامسی احتمالی ده یوق .  
 صانکه کوزه کورو نمزه چلیکدن رای دوشه نمش کبی بر کره فیرلادی می ؟  
 دوریلدک کیتدی ... « عالمسهک ، فاضلمسهک بزده راه حقیقتی  
 کوستر ، شعله ذکا کله یولمزی تنویرایت ! » نصیحتنه قولاق  
 ویره نك عاقبتیه ایسه دهایی سیرجی اولدق ؛ انده فنار طوتوب  
 خلقه رهبر سلامت اوله جق صیرا هیچ دکل ؛ زیرا قارانلغه  
 صاقلانلر آیدینلغه نشان آتیورلر ، دان ! دیدیمی نه فنار  
 نه فنارجی !

مع مافیله انسان صبرده ایدم میوریا ؟ توکلی سیروز قاتلاری

اوتەكنك بريكنك دوداقلرينى اويغە قدر وارمشلر ، آليشان  
 آغز دورميور. شوصوك كونلرده باشمزه كلنلرى دوشونويورده  
 كندى كندمه : كون كله جك كه، دييورم ، بزه امور حكومتك  
 قيزلر آغاسيله خصكى قالفه لرانده قالدینی دورلری آراتدیره جق ،  
 قاينارجه معاهده نامه سنى امضالا يانلره اعظم اسلاف ديه رحمت  
 اوقوتدوره جق ...

اوج سنه در وكلا ديه نظارت صنداليه لرنده كوردكلرمزى  
 خاطر لايحه صوثوق صوثوق تردو كويورم ؛ امان وكلا انتخابنده  
 دقت ايده لم ، كريده قاره دن عسكر سوقنى تكليف ايدن رجال  
 تاريخيه مزى ارتق جهل وبلا هته نمونه الهرق ايشه كيريشميه لم ،  
 مثلا مجلس وكلا بر آرانوودلق اغتشاشنده « بتليس » ه زرهلى  
 كوندرمكه ، « ساقز » ه شمندوفرله عسكر سوقنه قرارلر و يرمكه  
 قالماسون..... قوتلى بر مخالفت وجوده كله دجكه بونلر هپ ،  
 صاييلى فيرطينه لر كې كله جك ، حكمنى برر برر اجرا ايده جك  
 ديه اه بيلير قورقييورم .. حقى پاشا قاينه سى وكلا لى جنازه  
 آلاينده تابوت طاشيمق قدر اهميتدن دوشورمش ، كلنك  
 چنك الله براقشدى ؛ اوكنه كلن ، آشجيسى ، ايشجيسى ،  
 بردفعه اوموزى شويله يان طرفه اكديمى ، ياللاه !

برزمانلر ، مشروطيت نيته اعلان ايتديكمز شو اداره نك  
 ايلك كونلرنده ، كندى كندمه سوينير ؛ تاريخك نه مهم

دورنده یاشیورم ! استبدادك سقوطنه ده یتیشدم ، حریتك  
 ظهورینه ده دیردم ... طالعده برده دره بکلیکندن طاقمق  
 وارمش ! خسته خانه مدیرلرینك رسوم و ویرکو وضعنه صلاحیتدار  
 اولدقلری ولایات احواله باقدمی . الزام صورتیله خلقی ویرکویه  
 یچن تا اسکی دورلرک سنجاق محافظلرینی خاطرلاماق قابل  
 اولمیور ... هله جمعیتك طرف طرف بایراغنی آچوب آلتنه  
 عسکر طوبلاماسی یوقی ؟ یکرمنچی عصرده آوروپاده می یاشیورم ،  
 یوقسه یوزلرجه ییل اول « آق قویونلی » ، « قره قویونلی »  
 مملکتینده می عمر سورویورم . بی شبهه دوشورویور !

« مشروطیته ضربه ، شکل حکومتی تغیر » کبی آغیر  
 اتهاملری حاوی صوڪ حادثه صویه دوشدکدن صوکره بکارترق  
 غزته لرده کی « دیوان عالی » خبرلری ده امنیت بخش اولامیور .  
 بودفعه بنغازی مبعوثی امداده یتیشدی ، اوسفرده کیم بیایر ،  
 بلکه یمن ، بلکه بصره والیسی ، البته بری چیقار ... تهلکه ده  
 اولمیان مملکتی یوق ؟ هم ذاتاً دستی قیرلدقدن ، قسراق  
 قاچیرلدقدن ، ایشک ایلر طوتاریری قالمادقدن صوکره سکیز  
 اون کشینک اورایه طوبلانوب باغروب چاغرماسی نه یه یارار ؟  
 نصرالدین خواجه داغده اودون کسرکن برقورد کلش ، اشکنی  
 پارچه لایوب یمش ، خواجه عودتنده باقش که قورد ایشنی  
 بیترمش ، قاچیور ، جوارده کی برقاق آدم ده آرقه سندن



« طوتیکیز ! یتشیکیز ! » دییه بر آوازه هابقییریور ، آکلامش  
جاناواری طوتمانک امکائی یوق ، ذاتاً طوتولسهده مرکب  
ینه برینه کلبه جک ، باغرانلره خطاباً « تلاشیکیز نه در ؟ دیمش ،  
براقک ، باری طوق قورد یوقوش یوقاری زحمت چکمه سین ! »  
هایدی آکلادق ، درت سنه در بر درلو وکلایه مسئولیت  
توجیه ایدمهدهک ، دائماً تنقید و تدقیقدن اونلری منز و مبرا  
بولدق ؛ باقیورم ، توابعنهده اوپله معامله ایتمشز ؛ آت ، آرابه ،  
وامثالی کبی غیر ذیروح اشیالرینهده ... کچن کون مجلسده ،  
اوتوموبیل حادثه سی بحثنی جدی بونایانلر اولدی . حالبوکه  
جوابسز قالان سؤاللردن بری ده اوایدی ! هانی ماصاللرده  
هرشیئک ، جماداتک بیله بر پادشاهی واردر ، بوده اوتوموبیللرک  
پادشاهی می در نه در ؟ نفسی طبق حکمدارلر ، رئیس جمهورلر  
کبی غیر مسئول ... وقتیله مکده شریف عون الرفیقک بر فیلی  
واردی ؛ چارشیدسنده ، بستاننده باشی بوش کزر ، ایستدیکی  
دکانه خرطومنی اوزاتیر ، مثلاً بر چووال باقلایی ، برقازغان  
عاشورایی ، بزم پاتلاق اطفائییه بورولربی حسدنن بسبتون  
پاتلاده جق بر قوتله ایکی دقیقه ده امر ، یتیر ، برایکی ده چرچوه  
قیردقدن صوکره هیچ سببسز بر قوشمه در باشلار ، اوکنه کلنی  
ده ویروب کچر ، کیدردی ... حدک وارسه بو مدهش چارپایه  
ایلدش . خرما دالارینه آصیلدیغک کون او کون اولور ...

حبوبات یرینه هر کون یدی آدم یو تمادیغنه شکر ایدوب سوقاقلرده  
 متیقظ یورومکدن بشقه چاره یوقدر . بزده بومسئله ده شو فورک  
 ده اعجمی اولوب عدد وقوعاتی تزید ایتدیکنه حمد و ثنا ایدلم،  
 بکلیه لم ...

ذاتاً سس سز ، صداسز ، صبور و متوکل بکله مک بزه خاص  
 برمنی تیدر ، یوقسه رژی اداره سی ایتالیا نك امرینه چالیشیورده  
 توتونلریمزه آفیونمی قاریشیدیریور ، ندر ؟ خلق بر عالم  
 بیهوشیده ... آوروپا غزتله رینك مخبرلری ، ندرجه فضاه  
 جالب حیرت اوله جق که ، غزتله رینه حرب حوادثندن اول  
 استانبولده کی سکون و حضوردن ، لاقیدیدن بحث ایتدیلر ،  
 اویقو و اویوشوقلغه دائر تلغرافلر چکدیلر . فقط بو بزده کی  
 خواب و بیهوشی ، ات تخته سمنه انتظاراً مانغال آلتیده  
 اویوقلایان کدیلر ککمنه بکیزر ، هله سطورک کورصداسی اوک  
 ایچنه برعکس ایتسین ، باق اوکمه کچیلیرمی ؟ ...

— ۳۱ تشرین اول ۳۲۷ —

## مشروطیت پرور چینلیله نصیحت

مئتلر بربرلینک حال وعاقبتندن درس عبرت آلمورلر !  
دویدم که، اوزاقدن طاوولک سسی خوش کلیر دیرلر، درت  
بش سندر اسیانک ترک و عجم حدودلرنده قوپان شماته ذوقلرینه می  
کیتمش ، نه اولمش ، چین ده آیاقلانمش ، بزله ، ایرانلیله  
دوئمک ایچون اوله جق ، ملت مجلسنی آچغه ، شو کارزار  
فاده برده اومهارتنی ، قابلیتیی کوسترمکه ، اجرای هنر ایتمکه  
قرار ویرمش . . .

نه دیهیم ؟ خیرلی اولان مقصدلرنده خدا توفیقنی رهبر  
ایتسین و بزم باشمزه کلنلردن اونلری قوروسون !  
فقط دعا کافیمی ؟ بن که درت ییلدر شو درسخانه تجارده

ایکی دیز اوستی کلهرک نیجه حقیقتلر اوکرنمش، نیجه تجربه لره ،  
 نه لره ، نه لره شاهد اولمش بر عبد ناتوانم ؛ آسیانک خزان  
 یپراقلری قدر صولغون رنکلی زواللی اولادینه بشریت نامنه  
 نصیحت ایتمک، نه لردن توقی ایتلی ، نه لری اجرادن چکیمه ملی ،  
 بوتون بونلری برر برر اوکرتمک ایسترم . . . بوبابده غایه م  
 صرف انسانیته خدمتدر ؛ سعیم مشکور اولسون !

### صورت خطاب

ای اولاد لر ،

نیم سنم هنوز یکریمی دردی کچمش دکلدر؛ فقط سز یاشمه ،  
 باشمه باقاییکز ، سوزلر مه قولاق ویریکنز ، اگر هر جمله مدن  
 بر بابا نصیحتی آلمازسه کز اوزمان سزه « اولاد لر » دیدیکمه  
 اعتراض ایدیکنز .

ایشتم که بر قاچ کونجکیز ایچون بز نصل مندرلرمزی  
 بیراقوب نارکیله لر می بر طرفه آتمش و سوقاقلره دوکولمش  
 ایسه ک سزده تخته سدیدر لر کزدن قالقمش ، خشخاشله دولو  
 چوبوقلر کزی دیواره آصمش و حریت اوغورینه سلاحه  
 صاریلشسکیز . . . بوحرکت کزی تقدیر و تجیل ایدرم . یقینده ،  
 ان شالله ، کونکلیر که مملکت مزک اوزرندن بوباروت دومانلری  
 سیلینر ، مظفریت کونشی یوزلری کزی پارلاتیر .

فقط بنی دیکله ییکز ! ایچنده طوب سسلری ایشیدیلن  
 بو عصیان ، بو اختلال فیر طینه سی یره بر قطره رحمت ،  
 بر دانه باران دوشمه دن ، قورو ~~سکوک~~ کورولتولری کبی  
 چار چابوق زائل اولوب ، بزده اولدینی کبی ، یرینه ینه بر  
 درین اویوشوقاق قائم اولماسین ، مملکت چوراق ، صوسز  
 قالماسین ! بن حسود بر آدم دکل ، ایسترم که سز بزدن ده  
 بختیار اولاسیکز ، دهآ آرزحمت چکه سیکز ، ایشته بوامل  
 ایله برپندنانه حاضر لادم . فی الحقیقه سزک « قونفوجیوس »  
 کز درجه سنده ادعای فطانت ایدم ، فقط هله بر زحمت  
 ایدوب دیدکیریمی نظراعتباره آلیکز ، امینم که بکاده اولکه کزده  
 بر موقع احترام آیرر ، جائزبا قیزلر کزه تصویر می صدف وایپکه  
 ایشلته رک دیوارلر کزه آصار ویوجه داغلردن بی منند بیاض  
 منکشلر طوبلایه رق رسممک اطرافنه چرچیوملر یاپارسیکز !  
 ای اولادلر ، دقت ایدک که بوپندنانهم بزده کی طرابلس  
 لایحه لرینه دوئمه سین ؛ زیرا آکلاشیلدی که انسان اوقومغه  
 تنزل ایتمه دیکی کندی دوستلرینک ، کندی مأمورلرینک طاتلی  
 لایحه لر یرینه ، دشمنک قارالادینی آجی اولتیماتوملری از برلمکه  
 مجبور قالیور .

تمنی ایدرم که « بودا » سزی بویله عاقبتلردن محافظه ایتسین !

۱ — کنجبلر اختیارلردن ، علم تجربه دن ، خلاصه بيق  
صاقلدن ايدير ديرلرسه اينانمايکيز . موقع اقتداره کله جکلرک  
صيرتلرنده قابورلری ، حتی آرقه لرنده قویروقلری اولسه ،  
زيان ویرمز ، يراقک ؛ فقط تجربه لری يوقسه الکزی  
سـورمکدن اجتناب ایدیکز ، زیرا اصل مضر اولان ايشته  
اونلردر .

۲ — زهر ایچمه که ، آتش ییمکه ، دری کیمکه راضی  
اولک ، قحط وغلادن کونده باشکزده کی صاچ عددنجه تلفات  
ویرک ، فقط بنی اسرایلک تشویقنه قاپیلوب طوپ ، کمی ،  
قیشله ، عرصه کی سفلی صايشلردن قطعاً فراغت ایدک .

۳ — قلعه لرکز طوپسز ، زرهلیرکز طورپلسز ،  
شهرلرکز عسکرسز دورورکن مانورا دییه هوايه قورشون ،  
بوشه طوپ ، دکزه آلتون آتماییکز ، قورو صیقیه باروت  
یا قماییکز .

۴ — مشروطیت ، اداره عرفیه دیمکدر . قانون اساسینک  
محافظه سنه دیوان حرب عرفی مأموردر . بونک حق تفسیری  
ایسه یالیکز جنرال « شوکی تونغ » ک ادراکنه مودوعدر .

۵ — محلنه صرف ایتکه الکیز وارمیه جقسه اعانه  
طوپلاماییکز ؛ احمدک باشنده کی کلاهی سزک محمدیه کیدیرمک



مقصديله تنسيقات ياپمايكنز ؛ امتياز بخشلرنده ايشي يغما حسنك  
بورده كنه چويرمه ييكنز ؛ خريطه وطني تر به صاريني كي پارچه  
پارچه كسـوب داغيتيركن حكومتي قورتاريورز ديه زنه ار  
اوكونمه ييكنز .

۶ — « امرايه اوتوموبيل ايله ماروكن قولتوق و يرمكن،  
اطفائيه آلايلرينه خورطوم آلق، سلامت عموميه نامنه ده  
فائده ليدر . » حقيقتي فراموش اتمه ييكنز .

۷ — مهد حریت ، مسقط رأس مشروطيت كي عنوانلرله  
برقصبه يي ديكرندن تفريقدن توقي ايمكله صاقين اكتفا اتمه ييكنز ،  
او مثللو بلادي ، نه رتبه مهم اولسه ، در حال تخليه ايدوب  
طوپراغنه بقله بغدای اكيكنز وبوصورتله تخم نفاق يرينه تخم  
خير اقطاف ايد ييكنز .

۸ — « اعيان رئيسك ديلسزي چوق سويله يهنندن ، طويلي  
قصيرندن افضلدر . مبعوثان رئيسك ايسه براز سوز بيله ني  
هيچ بيلمه يهنندن وقصيري طويلندن اعلى در . » دستوريني  
خاطر لاييكنز .

۹ — حریت اوغورينه فتح بلاد ايدن قوماندانكز اولورسه  
اوني تجليل ايد ييكنز ، كچديكي يره صيرمه ديبالر سريكنز ، بلنه  
سيف مرصع ، كوكسـنه نشان افتخار طاقيكنز ، مملكتكـزك  
اون كوشه سنه اون آلتون هيكلني ديكيكنز ، فقط اك اولندن

عنان اداره يی آلوب گوشه احترامده استراحتی تأمین ایدیکنز.  
 ۱۰ — آج آدملی بردن دویورماییکنز، عارسز اولور. —  
 زوکورتلره خزینه کوستره مک ملت خزینه سندن اولور. —  
 پاره سزلرک جیبینی بردن دولدورماییکنز، قارباز اولور. — وقتیه  
 صباح قهوه سنی کوچ بولانلره شامپانیه ایچیرمه ییکنز، سرخوش  
 اولور. — خیرقه یه آلیشانلره بردن فراق کیدیرمه ییکنز،  
 کولنج اولور.

۱۱ — مملکتک راه عدل وحقده ترقیسی ایچون اولو  
 اعیان ژورنالارک نشرندن، مبعوثان ینه اسکی حال احتیاجه  
 دوشمکدن، غرته جیلر بینلرینه قورشون ییمکدن، افراد ملت  
 پرده دکنکلرینه معروض قالمقندن قورقمامه لیدر.

۱۲. — بحر محیط اوقیانوسدن سرحد سمرقنده ودشت  
 مغولدن تالب آبه قدر قوجا ملتک رجالکیزدن بری حقنده کی انسلاب  
 امنیتنه باقیمه رق محترم مبعوثلرکز ینه اعتمادده بردوام اولسونلر.  
 خلق نه بیلیر؟ «العوام کالعوام.»

۱۳. — سیاست خارجییه بحثنده سوزم شودر: دکیزه  
 دوشه کز ییلانه صاریلک، قورتولورسیکز؛ فقط آلمانیا یه  
 صاریلماییکنز، بوغولورسیکز.

باقی «بودا» حالکزه آجیسین!



« قلم ده » ده انتشار ايدنلردن :

## بيكنجى نسخه نك مشهور سيجالىرى

اوكون « ثروت فنون ، ك آلت قاتى غلبه ليكدن بر آدا  
واپورى كوكرته سنه دونمش ، سيغاره دومانندن جاملرى كوى  
قهوه سى كې ايسانمش ، صييجاقدن حقه لرده مركبلر قهوه  
تلوه سى حالنده قورومشدى . پك ايركندن يارى يى بولان پاكترلر  
ماء مقدس چاناقلىرى كې ، تميز ، كيرلى خيلى آلر اوزانمش  
وخسته ، صاغلام بر چوق جكرلر ، توتر صوبالر كې دومانلرله  
بوغوشدقن صوكره باشقه منفذ بولاميارق اونلرى تكرار كرى يه  
فيشقيرمشدى . شيمدى هواده بو هر كسك تا ايجرلرينه  
صوقولان بولوطلر بر برلرله قاريشوب اطرافده بر هواى

امتزاج حاصل ایدرکن مدعوین اعظمک ورودینه ، نطقلرک  
صدورینه انتظاراً وقفه کیر تحیل اولمشدی .

بردن سسلر دیولدی :

— کلیور . . . کلیور . . .

وقایونک اوکنده دوران آرابه دن بری ایندی : یاندن  
باقارسه کز احمد مدحت افندینک ضعیفاغنه ، هانی صوپاسیله باب  
عالی یوقوشنده آدم دوکدیککی زمانه بکزه تیرسکیز . ذاتاً  
آرالرنده برفرق واردر: بونک آدی فاضل محترم، دیکرینککی  
شیخ المحررین . آرقه دن بر حال سمیری کبی جانسز وقابادر ؛  
اوندن سیماسنی کوره مزسکیز که برینه بکزه تهسکیز : قاشلری  
کوزلکلرینی اورته رک کیریپیکلریله بیرلشمش ، صاچلری  
آغزینی قاپایه رق صاقالارلیله قاریشمشدر . یالکیز نزله لی برونی  
بوتون بو توپلر آره سنده بر خسته کبی اسیر فراشدر وانفیله  
یوته یوته اوپوشمش قالمشدر . سیمانک هیئت عمومیه سی ایسه  
زیفته صوقولمش اُک قابا نومرو براسکی بادانه فیرچه سنه بکزر.  
هنوز البسه سنی میرده پایدیرماز و آرقداشلری کبی  
اشتاین ایله تیرینگی چابوق فراموش ایدوب استانبول ترزیلرینک  
عادیلکندن بحث ایتمز، فقط دائماً مشکیدر؛ زیرا ایکی درلو  
ردنغوت ایصهارلامغه مجبوردر : بری اوکی ایلیکنمکه مخصوص  
اولدیغندن قارنک جسامتیله متناسب قاش علاوه سیله ؛ دیکری

آچیق دورمق ایچون ودار . ایکیمینی بردرلو برلشدیره مز .  
زیرا قابالیکن واپورلرک نفس باجالرینه دوز ، آچیقکن  
چادره !

مع مافیه مراسمه واقف دکلسمده وطن پرورد : روغان  
اسقارپین ایچنه یرلی معمولاتندن بیاض چوراب کیر .  
بوذات هنور قارشیلانمشدی ، قابونک اوکنده عظیم بر  
کولکه کوروندی ؛ بو کولکه کی ده ایری بر انسان کووده سی  
تعقیب ایتدی : قیورجق سواری قالباغی آلتنده کوزلری  
هان یوق دینه جک قدر نظر دفته چارپمار ؛ لیکن چکه سندن  
صوکره تکرار توینمز بر قحف بشرک باشلادیغی کورولور ؛  
فقط بو غریبه خلقه یاقه نک آلتنده یاری غائب اولدیغدن  
تشخیص ایدیه مز . باشک هیئت عمومیه سی ، تجهیزاتی نقصان  
قهرمان وحر بر بوغایه بکزر .

تورکجه یازی ماکنه سی الآن ایجاد اولونمادیغدن ، بومهم  
عالم اثرلرینی فرانسزجه یازار و ترجمه ایتدیرر . بهراپالاس  
اوتلنی اوقدر سورکه آیلرجه سوقاق یوزی کورمه دن ، آياغنی  
طوپراغه باصمه دن ایچنده اوطورا بیلیر . بر اسکی سفیر قدر  
شانلی ، بر سواری نفری کی ایری ، تکه آشیجیسی قدر  
شیشمان ، فجر آتی اعضاسی کی تورکجه یه واقفدر . غیر مطبوع  
آنارندن بر پارچه :



« نوتجی ! یورو . . . خایر دور !

« سلطان مراد مجنونمیدی ؟ — خایر ؛ — اوت !

« کیتمک لازمیمدر ؟ — اوت ؛ — خایر ! »

مرتبلرک تقدیر کاریدر ؛ کوردیکی یرده آللرینی صیقار ،  
شرفلرینه نطقلر سویلر . غریب بر طبیعتی واردر : قاچیرلمش  
فرصلردن صوکرهلری استفاده ایدر وانجه باجاقیری ، مینی  
مینی آیاقلری اوزرنده مهیب کووده سنی دایما ، دایما ایپده  
اوینار بر جانباز اهتمامیله طاشیر ؛ فقط نافعه ناظری کبی هیچ  
سقوط ایتمز !

بر آراق کوزمه ، بیراقدینی صاقالیله عادتآلامود بر نوله  
باباسنه بکزه ن عشق ممنوع محرری کوروندی . بونک بالطبع  
جییلرنده نه اویونجاقلر ، نه ده صیرتنده کوفه سیله ، النده قانجالی  
عصاسی واردی ؛ فقط اطرافنی آلان معصوم یکی محررلرک  
اللرینی صیقیور و طاتلی ، پک طاتلی برشیلر سویلیوردی . بر  
پروتستان میسیونری وضعیله « اسکیلره حرمت ایدک ! »  
دییوردی .

دیرکن « صوصالم ، صوصالم ؛ نطق وار ! » دییه باغریشمه .  
لراولدی ؛ او کومده جسم بشره استیحاله ایتمش بریونس بالینی  
قافاسی خلقی دالغه کبی آییره رق میدان چیقدی . « بوکیمدر ،  
نهر ؟ » دیدم « بر بدبختدر ، دیدیلر صباحلری قوجه سیاسی

مقاله‌ری یازارده بر درلو اسمنی بحروب املایه کتیره من و یازیلری  
 آلتنده تمامی کوره من ! « او ، دورت گوشه وجودیه بر  
 نینوالی آثوریه کاهنه بکزیوردی . آله بر قدح قونیاق آلدی  
 و آکلاشیلمايان بر قدیم لسانله خیلی ایی لافلر ایتدی : هر  
 اکلاشیلمايان شیده بر لطافت واردر ؛ آلقیشلاندى ،  
 آلقیشلاندى ...

اورته‌ده صاحب خانه کنزیوردی : اوزون ساقی اوزرنده  
 دانه‌لری دوکولمش بر آی چیچکنه بکزه‌ین سیاسیله بویوکسک  
 باجاقلی ، اوزون بویلو ذات ، محررلرینه ، یالکیز دیشلرنده‌کی  
 آلتونلری صیق صیق کوستریور و قرالغی اعلان ایدیلن قاره  
 داغ پر نسندن ده‌ها نازک حرکت ایدرک هر کسه : « یسه‌کزه ،  
 ایچسه‌کزه به ، پاره ویردم ! » دییه حایقیر-یوردی . بونی  
 ایشیتن مدعوین ایصلاق سوپورکه ایله قووولان سینکیر کبی  
 هر یردن هوالاتیور و بوفه‌نک اوزرینه تام سرعتله قانادچیرپه‌رق  
 اینیوردی . اوچرکن مسافرلر بر برلرینه « تشبث شخصی ،  
 تشبث شخصی » کله‌لرینی فیصیلدیور و بوس‌سلر ، آچیق بولوب  
 بربری اوستنه خیلی ایچدکلری سیغاره پاکت‌لرینک تأثیر شمات  
 بخشاسیله اوکسورنلرک کورولتوسنه قاریشیوردی .

بوتون بوهرج و مرج اشکال آراسنده بر سالون گوشه‌سی  
 ارار کبی متجسسانه اطرافنی تحری ایدن واستابولده موجدی

اولدیغنی ظن ایتدیکی تڭ کوزلکک نظرُهُ بلوريله هر کسی ،  
 خصوصيله کندیسینک برمقلدی عد ایلدیکی خارجیه ناظرینی  
 مغرور مغرور سوزن، اورکیداقدر غریب برشیق نطقلری دیکلر  
 کبی دوریوردی . اوباشدن آشاغی برهرجائی کبی هزار رنگدر .  
 ایچی مقوا زخاف فسی قیرچیل صاچلری اوزنده بر قالب کبی  
 متین ، بر مزار طاشی زینتی قدر صوئوق دورور . سیغاره سنی دائماً  
 آتہ جنی سیغاره سنده یاقار و دنیا نك اُك شیق جنتلمن خیرسزی  
 « آرسه لوپهن » ه او قدر بکیزر که آق تور برهان الدین اونی تقاید  
 ایدر ، فقط سرقت ایتدیکی شیلر نه مجوهر ، نه ده سجاده ، خالی  
 و سائرہ در ، یالکیز قادین مکتوبلریدر ؛ اونلری دائماً استساخ  
 ایدر و غرتہ لرہ کونده ریر ؛ چوق معذبدر . آلتون، جیندن چوق  
 دیشارنده واردر .

قیشلق ردغوتلری ایچنده ترلہین ، تربیہ لی دورمغه چالیشہ رق  
 قیپ قیرمیزی اولان ، بوفہ یه یاقلا شمع ایچون بیسک حیلہ لر  
 دوشونن، آللری مندیلائی ، دیز قاپاقلری صارقیق ، قوندورہ لری  
 توزلو برا کثرت عظیمہ اوکونکی نسخہ یی آچشلر ، بورسملی  
 اثرلر اوستنده کندیلرندن کچمشلردی . باقدم : بلا استثنا  
 هپسی ده کندی رسملرینی ، کندی امضالرینی سیر ایدیور  
 و صوکرہ باشلرینی یاننده کیلرہ چویره دک ، متبسم : « فوطوغرافیکز  
 نه آبی چیقمش ، اثرکز نه نفیس ! » دییوردی .

نهایت مالیه ناظرینک « ثروت فنون عائله سفره سی » دیدیکی  
چای ماصه سی معده لری اغنایه کفایت ایتمینجه مدعوین لقانطه لره  
قوشویور و فجر آتی اعضاسی، قولتوقلری آلتنده یالذیزلی بیکنجی  
نسخه لره، توزیع مکافاتدن چیقمش چوجقار کی، کونش وتوز  
ایچنده برر طرفه داغیلیوردی .  
بومهم برکوندی !

— ۵ اغستوس ۱۳۲۶ —

## قافلهٔ سیاحین

یتیمش سکسان کیشی قدردی ؛ رومانیا یه می کیدیورلردی،  
یوقسه قلم دونوشی ده کیز حمامنه می؟ وهلهٔ پک آکلاشیلامازدی.  
الرنده پاتیسقه ، قلابدان ، یازمه بوغچه لر ، عاریت آلمش هکبه  
قیقلی چانطه لر ، ونديک سپدلی ، هزار رنگ شمسیه لر ؛  
آرقه لرنده ردینغوتلر ، قدیفه یاقه لی پاردوسولر ؛ آیاقلرنده  
فوطین قوندوره ، کتن اسقارپین ، یاریم چیزمه ، قاره کوزک  
دوکون دعوتلینری کبی کردن تیروب بلدن یوقاریسنی صاللا-  
یه رق عظیم برقافله « داجیا » واپورینه کیریوردی .

آصمه مردیون، دولو بر سینک کاغدی کبی یالکز-سسلری  
دویولان فقط بر آدیم ایلریله مکّه امکانی اولمایان سیاحین ایله

مستوردی . طائفه‌لر قوللارینی بولوب طوته بیلدکلرینی یوقاری  
 چکیورلر، حامللر اشیا لایله برابر صاحب‌لرینی ده یاری طاشیورلردی .  
 همان هپسی شیمیدین مشتکیدى . ضعیف ، تراشی اوزون ،  
 یاناقلری مرکب حقه‌سی کبی قاره وچوکوک ، مور یلکلی ،  
 ردغوتلی ، فسی همان صیجاق دینه‌جک قدر هنوز قالب‌دن  
 چیقمش بر آدم ، برالنده باستون ، دیکرنده شمسیه ، عادتاً  
 حدت‌لندی :

— نه عقل بو ، دیدی ، یولجی‌یی تایوقاری چیقاروب  
 صوکره ایچ مردیونله آشاغی ایندیرمک ؛ ایی که اولرده دامه  
 چیقوب صوکره دلیکدن تکرار آشاغی اینمک عادت دکل ؛  
 یوقسه چادرده اوطورردم .

جاکتک آرقه‌سی چکیک ، اوکلری صارقیق ، بویون  
 باغیسی یلکندن قیصه ، باصمه مینتانه ایلشیدیریلش لاستیک  
 یاقه‌سی شرید قدر اکسز ؛ طیقناز ، عادتاً هفته‌لرجه یاتیلشمش  
 بریاصدیق اورتوسی قدر بوروشوق بز پانطالونلی ، آزکوسه  
 مع مافیه صاقاللی ، آزقنبور فقط اوزون بویلو بری جواب  
 ویردی :

— برکت ایچرینک مردیونلری کنیش ، هم آصغیده دکل ؛  
 اولاً صالانیر صاندمده غارسونه بنی ایندیر دیدم ؛ کولدی ،  
 صاغلام اولدیغنی کوسترمک ایچون اوزرنده تپیندی دوردی !



بالطو کیمش ، هیچ اشیایی یوق ، آرقداشنی تشییعه کلش  
 بر صراف چیراغی قدر باستون وشمسیه قوللانماغه آیشمش  
 بریولجی ؛ بویندن صارقان دوربین ، فوطوغراف ، توالت  
 طاقی قایشلریله ، قوشومنی قوپارمش حشری بر میدیللییه  
 بکزمهین غایت شیق بر کنجه صوردی :

— قمارایه لزوم وارمی یا ؟ آقشامه وارم جغز ...

بوغریب سؤالک مخاطبی جواب ویرمدی ؛ یالکیز فسندن  
 ماعدا کوزلری وطیرناقلری ده داخل اولدینی حالد ، قنار  
 کز مه سندن دونمش بر اهل ذوق قدر توز رنگلی صاری  
 آرقداشنه اصولجه وبالطبع فرانسزجه :

— نه جاهل ! دییه سویلندی ، کندیسنی ملکیده  
 طانیرم .

واپورک حرکتی ، تشییعه کلنلرک آیریلانسی اشارت ایدن  
 چان دویولنجه خیلی آدملر « یمکه ، یمکه ! » دییه بربرلرینی  
 دورتدیلر ؛ اونلر واپورلرده طعامه چان سسنک تقدیم ایتدیکنی  
 نصلسه او کرشمش منورالفکر سیاحلردی . قوقوآلماغه چالیشان  
 برونلریله غلبه لکی چوروک برتولمند کی یرتدیلر ، سسسز ،  
 برسمت مجهوله هجوم ایتدیلر .

قانا به بولامیوبده یره باغداش قورمش ، چانطه سنی  
 سرمش ، قاپاغنی بویلو بوینه آچمش ، هرکسک کوزی اوکنده

قیدسز برشی آرایان شیشمان ، یقالقسز ، یلکنک ایکی دوکمه سی  
قوپوق، توزلو فوطینلی بر آدم، اوکنده دوران مینی مینی روغان  
اسقارینلری قیسه اتکنک آلتده سیاه کدی یاورولری کبی  
طومبول طومبول بربرلرلیله اوینایان کنج قیزه :

— باردون باقالم مادمازل ؛ طهارت بزلینه باصیورسک ،  
اولدیمی یا !

— آه ، باردون موسیو . . .

اورتهده بر کورولتودر کیدیور ؛ قیسه اوزون ، شیشمان  
ضعیف ، خسته ، صاغلام برچوق سیاح قمارلینی بولمق ایچون  
مأمورک یاننده بعضاً سوینه رک، بعضاً قیزوب حایقیره رق ، اوتیه  
بری یه چالقانه رق قاینشوب دورویور ، نهایت واپور قره دکیزه  
کیریور ؛ یمک وقتی .

اوطورمنه جسارت ایده می ، بر درلو حضورلرنده راحت  
ایده مدکلری مادامه لردن اوزاق قالمق ایچون کوشه بوجاق  
آرایان ، یاخود متروک بر طاش کبی واپوره ایلک کیردیکی  
زمانکی حالتی محافظه ایدن بر اکثریت، غارسونلرک جبر و ابرامیله  
مکلف یمک سالوننه ادخال اولونورکت، حرکن ایدن وانتیلاتور-  
لری پارماق لریله کوستروب اظهار حیرت ایدنلرله دولو قاپولرده  
مرور و عبور منقطع اولمشدی .

بالق چتالیه دوندورمه ، دوندورمه قاشغیله چوربا ایچن ،

ارمود ، شفتالی کې ایجه قابوقلی میوه لری صویولور کورونجه  
 چیپلاق بر آدم کورمش قدراظهار حیرت ایدن بعض کیمسه لر  
 حاولولرینک بر اوجنی غیرتلاقلرینه دیکرینی ده طاباقلرینک  
 آتنه ایلشیدیر دکلرنندن ، البسه لرینی کیرلتمیه جکلرنندن صوک  
 درجه مطمئن بولونویورلر ، احتیاط کلفتندن آزاده قالدقلرینه  
 سونینورلردی .

سیاحیندن بر ایکیسینک قولتوغنی آلتنده چیچک دمتی  
 کې بر آچیق سپته یرلشدیریلش تازه بیبر ، دوماتس ، امک ،  
 غزته کاغدلری آره سندن کیمک باجاقلرینی کوسترن طاووق  
 سوکوشلری فلان کورمش ، بوفضله اشها ایله احتیاطدن برشی  
 آکلایاماشدم . مکر بونلر دوموز اتنک قاریشایلمه سی ملحوظ  
 اولان طعاملره ال سورمه مکه عهدلی ثباتکار ذاتلرمش ؛ بوکون  
 سیاحت نفقه لرینی ، حتی صولرینی بیله برابر کوتوریورلرمش !  
 طعمامده هیچ خبرسز بر خطیب پیدا اولدی وکمال سلاستله  
 بروجه آتی دیدی که :

— افندیلر ! قپودان افندی نی طانیرمیسکنز ؟ وانی  
 طانیمازسه کز قپودان افندی نی بن سزه طانتدیره جغم ؛ زیرا  
 قپودان افندی طانمغه لایق برافندیدرها ! اوילה بر قپوداندیرکه  
 اونی طانیمالیسکنز ، بنده سزه اونی طانمایی بر وظیفه حمیت  
 بیلمه لی یم . . . دکلایا ، ها . . . الخ .

ایلك سطرلر مثلاً بو نطق وچیز خیلی اوزادی . قائلنی  
 صوردم : دموقراتلرک رئیسدر ، دیدیلر ، یامان بر آدم . باشی ،  
 آفیونی آلمش وخیلی کونشده قالمش بر خشخاشه بکزییور .  
 وبورایه طوتولمش دامه آصیلی نظراق بر صارم ساق کبی  
 صالانیوردی . بونک آلتنده پیمو کبی اگری وجودی ، بلند کی ،  
 بوینده کی ، دیزلرنده کی ایجه بوغماقلرله بر آزده عربستان  
 فستغنی آکدیریو دی . دیرکن علی العجله بر رئیس تکلیف  
 وقبول اولوندی . بودالغین بر آدمدی ، دائماً قرق درجه حرارتده  
 صوصامش بر خسته کبی قورو دوداقلرینی قورو دیلیله ایصلا تمغه  
 چالیشیوروبون بون کولیوردی . بکرشده بر نطق ویردی ، عیناً  
 دیدی که :

— بو کون مقدس [ نیچون مقدس ، پاپالقمی بوراسی ؟ ]  
 روما [ رومانیا اوله حق ] ایمپراطورلغنک [ قراللق دینه جک ]  
 طوبراغنه [ طبیعی صوینه دکل ] آیاق باصمق ایچون [ دیمک  
 یالکیز بونک ایچون ] تا ؟ ... [ درت الف مقداری ] استا .  
 نبولدن کلدک [ اون سکنز ساعتک یول ! ]

هانا کثرتک بیاض ، فیستیقی ، بیسماق رنکلی شمشیه سی  
 واردی . پایخته چیقنجه بونلر آچیلدی و سیاحین رنکا رنک  
 سپرلر آلتنده بر چین هیئت سفریه سی کبی جاده یه یاییلدی .  
 چوق صیجاقدی ، او قدر که عثمانلیردن یا قالغنه مندیلی صیقیشد .

یرمامش ، یلکنی آچامش همان کیمسه قالمادی ؛ بویله برچوق  
شد رحل اولوندی .

نهایت کیجه اولدی . شهرک غریب بر خاصه سی وار :  
کونش چکیلنجه ، ( بوقاس ) ده کی طلسملی آغاجدن باقار کی  
هرکس چیفت کورونویور ، برقادین بر ارکک سـوقاقلر هپ  
اوله دووویور . هیئت اعضاسی ده بوسعاده نائل اولمشدی .  
اوتل دهلیزلرنده تابصباح کوملکلی قادینلره جاکتسزار ککلرک  
بربرلرینی قووالادقلری ، حتی کیجه لکلرینی کتیرمه یسنلرک  
یورغان چارشافلرینه بورونوب چیپلاق آلاق ، غارسونلردن قادینلر  
حقنده ایضاحات طلب ایتدکلری دووولدی . شمیدین جیده کی  
ساعتک صایلینجه حاصل ایده جکی مقدار بودجه یه علاوه  
ایدیلدی .

کوندوزلری اوتل پنجره لرنده کونشه آصیلمش ایصلاق  
جورابلر ، مندیلر ، حتی هلالی کوملکلر قورویور ، روزکاردن  
جانلی کی شیشه رک متجسس متجسس جاده لرده صارقیوردی .  
هر یرده تقدیر ، آلقیش ، یشاسون تورکیا صدالری ؛  
بوکا مقابل تمالر ، تبسملر ، سوزوک سوزوک ، مغرور  
مغرور باقیسملر ... هیئت جاده لردن بر جنازه آلایی هیبت  
وسکوتیله آغیر آغیر کچرکن اطرافدن دوروب دوروب تماشارلر ،  
شابه چیقارمه لر ؛ عمومی باغچه لرک چاپیر یرلرینه اسپرطو

لامبه‌لرینی قوروب آلاتورقه قهوه‌لرینی پیشیرن ویرلره بویلو  
 بوینه یاتوب ماستیقه‌لرینی آتالره قارشى استغرابکار نظرلر !  
 نهایت عودت . برهفته ده آنجق سـکـز اون سـاعـت  
 او یونمش ، متباقیسی آیاقده کچمش ؛ بوتون سیاحین بی‌مجال ،  
 بی رنگ ؛ تراشلر اوزامش ، البسه‌لر بوروشمش . قوندوره‌لر  
 ینمش ، اصل فلاکت ، چانطه‌لر بوشالمش ! قوردونسز دونئرله  
 آرقداشک معاوتی سایه‌سنده قاره کوی کوپروسی کچه بیلنلر  
 نادراتدن دکل . فقط زیانی یوق ، آرتق نقل مشاهدات زمانی  
 حلول ایتمش :

— امان افندم ، نه ترقی ، نه مدنیت ... هریرده تلفون ،  
 هر طرفده الکتریک ؛ اوتوموبیل آراه‌دن چوق ، ایله کیچه  
 اولمایورمی ؟.. الخ .

دیرکن دارالفنون افندیلری رسماً کلیور ؛ آه بورسحیت ،  
 ییچاره‌لری خراب ایتدی : صرته دائماً ردغوت ، امانزده  
 اولورسه کز اولوکز ، حتی ایکی کون دوام ایدن شـمـندوفـر  
 یوجیلغنده بیله بومجبوری ! کیسه مک ایسته‌دیکزمی ؟ نه کز مه  
 وار ، نه یمک ؟ قادرو خارجی اولور ، اوتلده یاخود مکتبه  
 قالیرسیکز . تام دوقسان آلتی ساعت دوام ایدن سیاحتلرینی



شویله تقسیم ایتدیلر :

۷۰ ساعت کزمه ، طعام . — ۱۰ ساعت نطق . —

۶ ساعت ( یالکنز آلتیدر ) اویقو . — ۵ ساعت هیئت

اداره ایله رئیسدن شکایت . — ۵ ساعت ترسیلمه وسائره ...

بوبرنزه هیئت دکل، سان که اویقوسز قاج کون قدر تحمل

ایدیله جکنی کشفه چالیشان بر هیئت فنیه ایدی . قاواقده کی

قارانتنه دوقتوری آزدها « داجیا » واپورنده سکسان قدر

مصاب وقوعی اعلان ایدم جک ، دنیایی اندیشه ویره جکدی .

طلبه سی ده خواجه سی ده قنیه لره سریش ، عادتا اویقو خسته لغنه

کرفتار اولمشدی . بو آجیقلی برلوحه ایدی : رنک اوچمش ،

آتشدن دوداقلر قورومش ، تردن یاقلر بوروشمش ، هپسی آجی

آجی صایق لیور ، چیرپینیوردی .

نهایت استانبول اوزاقلرده ، سیمسره کومولوغایت سیمسز

ومنزوی کورونیور ، اویقو احتیاجی آرتدیریوردی . شبهه سز

شیمدی « یشاسون تورکیا » دییه آلقیشلانه جق اولسه لرسیا حین

بلا استنا : — یشاسون اویقو ! دییه جکلردی . فقط برکت

ویرسین ، اسنهمه لر آراسنده بوپک ایی اکلایشیله میه جقدی .

ایشته رومانیایا سیاحتی بویله برسیا حتدی !

— ۲۶ اغستوس ۲۲۶ —

## پولیسارک امتحانی

داثره نك قپوسندن كیررکن پاپوجینك اطرافنده تراشی  
مجالا، باصمه مینتانی ، سیوری سیاه فسلی ، اکثرینك طوپوقلری  
یمیدن خارجدہ قالہرق خیلی خیرپالانمش ، چامورلانمش یکرمی  
اوتوز قدر کنج کوردم . آلرندہ ہر نوع وشکلده حقہ ، طبقہ  
طبقہ بوروشوق کاغد ، قامش ، دمیر ، قورشون قلم واردی .  
قولرایہ طوتلش قدر رنکسز و پرخلجاندیلر . اوداسنہ کیرنجہ  
آرقداشمہ صوردم : « اونلر کیم ؟ »

— ها ، اونلرمی ؟ پولیسہ قید اولمق ایچون امتحان  
ویرہجک افدیلر . وقتک وارسہ بولون ، سیرایت .  
کوشہ یہ چکیلدم ، اوداجیلریر حاضرلادیلر ، میزلر

کلدیله ، آرالرنده خفیفدن بر شیلر قونوشدیله . دیرکن امر  
ویرلدی :

— کلسینلر !

قاپونک آرالغندن متردد برشکل اوزاندی ، بر مدت  
دوردی ، صوکره کولدی ، بر آدیم آتدی . . . تکرار  
کولدی . . . ینه طوردی . اوزمان بوتوقفلرله نازکانه خطواتک  
رسمیتندن یزاراولان اوداجی اونی ایتدی . شیمدی قابو ، ایری  
بر پاچاورادن قورتارلمش طیقانیق بر قاسم پاشا چشمه سی کبی  
آچیلدی ؛ برخیلی بریکینتی یی ایچری یه آتدی . کلنلر آرقه لرند  
بر صوجریاننه تابع منظارلر کبی اودایه تکرلنرک ، ترس پورس  
اوله رق کیریورلر ، صوکره کنیشلکده کندی اختیاريله  
حرکته مجبور اولنجه شاشیروب قالیورلردی . کوچ حال ايله  
صیره لاندیلر ؛ بری تمنا ایتدی ، اوبری اونی تقلید ایتدی .  
هپسی سلام ویردیله :

— مرحبا ! مرحبا ! مرحبا !

دیرکن قیصه بویلی ، ردینغوتلی ، یوزی صارغیلی بر  
کاتب « شیراق » دییه جینندن برما کنه لی متروچیقاردی ، برر  
برر هپسنی اولچمکه باشلادی :

— بر مترو بش ( قبول ) ؛ طقسان بش ساتیم ( رد ) ؛  
بر مترو سکز ( قبول ) ؛ الخ . .

رداوانلر طالعه کوسه رک چیقورلردی . بر آز صوکره  
اورته ده قالبوردن کچمش کی ساده ایریلر قالدی .  
— باشلا یالم افندم !

بو امر ویریلر ویرلر پولیس نامزدلری بلا اختیار  
الیرینی حقه لینه کوتوردیلر ، یالادیلر ، کاغدلرینی خشیرداندیلر .  
حالبوکه بوتون بوزوانده لزوم یوقش . « هله بر اسملرینی  
یازسینلرده کورهم » دیندی . ماصه اوزرنده کی بردفتره شیمدی  
برر برر کلیورلر ، برشی یازوب کیدیورلردی : « آهمت ،  
بکیر ، فیزی ، الخ ... دوغرو یازان قالیور ، یا کاش یازان  
اوزون بوینه ، کوربوز اندامنه رغماً چیقورلردی .

بشکطاش محافظی حسن پاشا اسمنی ( ۸ - ۷ ) شکلیله  
یازارمش ؛ عین حال بوراده ده واقع اولدی ؛ فقط ، نه دینیر ،  
دوغرو اولدیغندن بالطبع قبول اولوندی . بوایکینجی قالبور  
اورته ده آنجق اوزایکی قدر بدبخت بیراقشدی . سؤال باشلادی :  
سؤال . — استانبولک ایشلک بر جاده سنده ( طبعی ) مثلاً  
کوپرو جوارنده ( ده طبعی ) برینی ووریورلر ( بر محرری  
اولمالی ) . سزده پولیس سکز ، نه یاپار سکز ، آکلاتکز باقایم ؟  
اوزون بر توقفدن صوکره ( بوزمانه قدر قاتل چوققدن  
قاچاردی ) بری دیدی که :

— وورانک آرقه سندن قوشارم .

— یا قاجوب کیتدیسه ؟

حیرت لر ایچنده صوصدی ، غالباً قاجیراجغنی هیج خاطرینه  
کتیرمه مشدی . بن « قاجدیسه کیفمه باقارم » دیمدیکنه شکر  
ایدرکن دیکر بری جواب ویردی :

— قاجدیسه همان قوشار برچیلینکیر چاغیرم .

— نه یامق ایچون ؟

— قابونی آجديرمق ایچون ...

— آ اوغلم ، قابو فلان یوق ، سوقاقده وورولمش !

نامزد افندی اولاشاشدی ، صوکره قیزدی : « احمق  
ایدوبده وورولماسه یدی ! » جمله سنی افاده ایدن بروضع اعتراضله  
عادتا شمدیدن بوکوج صنعته قارشى اعلان عصیان ایتدی .  
بوصره ده براوچنجی کنج دیدی که :

— افندم ، همان مقتوله یا قلا شیر ، « سنی کیم ووردی ؟ »  
دیه صورارم .

بردیگری . — بن « سنی نه ایله ووردولر ؟ » دیرم .

میز . — یا ثولدیسه ، جواب ویرمزسه ؟

اولکی . — راپورتی یازارم .

برچوق سسلر . — بکچی یه خبر ویررم ؛ جسدی جامعه  
طاشیرم ؛ برآرابه بولورم ؛ کیجه ایسه چیکنه مسینلر دییه  
باشنده برفز یاقدیررم ؛ دیوارلرده قورشونلری آرارم ، الخ ..

کورولتو چوغالدى ، اوزمانه قدر كوشه سنده سكوت ايدن  
برنامزد ، ياپيله جق شيئي كشف ايتمش ولماليدى كه « بن سويلهيم ،  
بن سويلهيم ! » ديه حايقيردى . نامزدلرده داخل اولديغى حالده  
كالم اميدله معمانك حلنه انتظار ايتدك :

— برپوليس بولور خبر ويررم ...

ميمز — جانم پوليس سن دكليدك ؟

— ها ! اونو تدمدى !

هممز كولوشدك ؛ اولدجه معلوماتلى برى جواب ويردى :

« دودوك اوتدورورم ! »

بوسوز نامزدلرك اوقدر غريينه كيتدى كه هپ بردن اعتراض

ايتديلر : « آمان افندم ، نصل اولور ، برئولونك ياننده

چوجق كبي دودوك چالمق ! »

برديكرى . — اذان اوقوسه ق اوله بيلير .

ميمز . — بنى ديكهيك ، اوله بن آكلاتهيم ، صوكره

سنز تكرر ازارسكز : باقديكز كه برينى وورمشلر ، ووران

قاجمش ، وورولان ئولمش ، وقت كيجه ... همان دودوككزى

اوتدورر ، امداد بكارسكز ، مقتوله هيچ دوقونماز ، يرينى

دكيشديرمزسكز . بوزمانه قدرده مأمورلرلكلرلر ... ( ايجلرنندن

برينه ) سويله شممدى ، نه ياپه جقدك ؟

— ( على العجله از برلمش كبي تاباشندن ) بنى ديكهيك ،



اولا بن آكلاتيم ، صوكره سز تكرار لارسكز : باقديكز كه  
بري وورمشر ، ووران نولمش (!) وورولان قاجش (؟)  
وقت كيجه ، هان امداد بكلرسكز ، مقتولك بري دكيشديرمسي  
ايچون دودوككزي اوتدورورسكز ، بوزمانه قدر قاتلده  
(!) امداده كلير .

ميز . — ( حدتله ) ايشي آلت اوست ايتدك !  
نامزد . — ( ينه على العجله ) اوت ، ئولونكده آلتني  
اوستنه چويررم ...

ميز — ئولويه دوقونمه ديمدكي ؟  
نامزد — ( حدتله ) يو ! ... افندي بن ناموسلو بر آدمم .  
ئولونك جيبندن ساعتني قوردوتني آشيرمام ؛ اللهم حلانندن  
ويرديكنه قناعت ايدرم ...

نامزدلر بواعتراضه اودرجه اشتراك ايتديلر وديريل ميريل  
اويله سويلنديلر كه ذاتاً چيقماسي بك قولاي اولان ياري  
او كجه سز يمني لرله اوزرمرزه هجوم ايتملرندن قورقدم ؛ آرقداشمه :  
« امان ، برادر ، بن قاجيـورم ! » ديدم . « دور ، ديدى ،  
نتيجه يي آكلا ! »

— اه كوسترمسين !

بووقعه دن برهفته صوكره دوغرو يولده برپوايس كوچوك  
برچوچني يام ياصعي ايدن اوتوموبيلك آرقه سندن باقدى ؛

ص-وکره کمال عظمتله دفترینی چیقاردی ، قلمنی ایصلاتدی  
 وبرشی یازدی . اوصوله صوقولدم ، ایشته او قودینغ شی :

	<u>غروش</u>	<u>پاره</u>
تراش	۱	۲۰
حمام	۱	۲۰
سمید	۰	۱۰

— ۷ تشرین اول ۳۲۶ —

## قلمه نصل چراغ اولدم...

سزه بونی آکلانایم... اوزون دکل ، ( اوزون اولمانجه  
بالطبع قیصه در ، یازمغه حاجت یوق ) فقط مفید : چو جقلمن  
اوقوسونلرده بر حصه اخلاقیه چیقارسینلر وزنهار حکومت  
مأموریتنه کیرمسنلر !

درد بش سنه اولویور ، عمو جهم آرتق سرکشلمه  
دایانامادی ، کیزلیجه بنی بر قلمه چراغ ایتمه قرار ویردی ؛  
کیتدی ، برخیلی مکتوبچی ، محاسبه جی فلان زیارت ایتدکدن  
صوکره بر آقشام دیدی که : « حاضرلان ، ایشک اولدی ،  
یارین قلمه کیریورسک . » حال بوکه بونی بن هیچ ایسته میوردم ؛  
بوینم بو کولدی ، بو غازم قوروددی ، کوزلرمدن یاش کلدی .

ایرتسی صباح بنی قلمک قابوسنه قدر کتیره نمدیر اورتده کی  
ماصده اوطوران بریسنه باغیردی :

— میز افندی ، آلیکنز افندم .

یورودم ، سلاملام ؛ اوده دیگر کوشده برینه سسلندی :

— کشفی بك ، باقسه کزه افندم !

تکرار یورودم ، تکرار سلام ویردم . بو اوچنجی مأمور  
سلامی اعاده دن صوکره « کلیکنز ! » امرینی ویردی ، بنی بر  
چوق کیشینک خاریل خاریل اوقویوب یازدقلری قوجه بر  
صیرایه دوغرو سوروکلدی ؛ باشده اوطوران کاتبک قولاغنه  
بر ایکی سوز فیصلدادی :

— ایشته سزه بریکی رفیق . . .

چکیلدی کیتدی . اوجده اوطوران کنج فقط چنبر  
صاقلالی ، شال یلکلی ، قوردونک اورتسند قوجه بر مرجان  
ایله نجف مهر صارقان ، ادرنه قپوسنده اوطوردیغنه یمین  
ایده جکم بری ، ماصه کاتبی ، « صفا کلدیکنز ، اه مبارک و  
خیرلی ایستین ! » دعاسدن صوکره اوداجی یه سسلندی :

— بر اسکمله بولسه کزه . . . حسن آغا ، جانم ، بورایه

باق . . .

خیلی تأخردن صوکره صندالیه کتیریلدی . آراده بریره  
صیقیشدیرلدی . اوصولجه اوطوردم ؛ اطرافه باقام یوردم .

حبسخانه یه کیرسه م، زندان آرقداشلرمدن بو قدر اوتانا بیلیردم.  
دوشونمکه وقت قالمادی ، ماصه کاتبی بکا خطاباً غایت نازکانه  
دیدیی که :

— شوقامیش قلمی آلیکز؛ سزه بو کونلک اعاره ایدیورم،  
ایسته دیککز کی آچیکز ... چاقیکز واریا ؟

— خایر ، چاقیم یوق ، دییه ککه لدم ، هم بن افندم قلم  
یونتمه یی بیلیم ... مخاطیم ، آمرم کونکله آغلامق آراسنده  
دوداقلرینی آچدی قاپادی ؛ بن علاوه ایتدم : هپ فرنک  
اوجیله یازارمده ...

— یو!... بوراده اولماز، صوکره حسن خطکیزبوزولور.  
تکرار قیزاردم . نیچونمی ؟ زیرا حسن خطبکا جراحلق  
قدر یابانجیدی ؛ فرانسز مکتبنده تورکجه خواجه م وظیفه مه  
هرکوز کزدیردکجه : « بوخطک الفباسی بشقه اوله جق ؛ عجب  
چرکسجه می؟ » دیردی .

قامیش آلآن یرنده دورییوردی . بنم بوتغند قطعیم اوزرینه  
کاتب افندی یلکنک بان جیددن کوده ری محفظه ده صاقلی بر  
صدف چاقی چیقاردی . صنعتک ائ لزوملی بر آلتی وضعیله اونی  
بردفعه هو هلا یوب قیلغنه قورولادقن صوکره بکا اعاره ایلدیکی  
قلمی کسیدی وصوردی :

— مقطعی نصل اولسون ؟

اوچنچى دفعه قىزاردم ؛ بويله برسؤاله هيچده منتظر دكلم .  
 بو بر اوستنه كلن فلاكتلردن صوكره اويله بر حالده ايدم كه :  
 « اسمكز نه در ؟ » ديسه لر : « نه ارزو ايدرسه كز ، نصل اولورسه ... »  
 ديه جكدم ؛ او قدر شاشيرمش ، اور كمشدم . نته كيم اويله ده  
 ديدم يا :

— نصل اولورسه ...

قلم يونتولدى ، پوروزلرى آلىندى : — بر معايينه ايدك  
 هله باقالم : حقه يه اوزاندم ؛ ايچنده اوزمانه قدر هيچ كورمديكم  
 بر ييغين ليف بولنجه اعتراضكار بر طورله ديدم كه : —  
 آ ! مر كه بر قوجه پاچاورا دوشمش ! ...

كاتب اول حقه يه ، صوكره يوزمه باقدى ؛ بر مدت اويله  
 دوردق : « چيقارته يم مى ؟ » ديدم ؛ آرتق قىزدى : « بيرايكز ،  
 اولازمدر ، هر حقه ده واردر ! » جوانى وردكدن صوكره بنم  
 قلمى معايينه ايمه مى ، يازماى بكلى . دردنجى دفعه قىزاردم  
 ونه يازاجمى بولامانجه آرتق تردوكمكه باشلادم . خاطر مه  
 اويله عكسى شيلر كليوردى كه ؛ مثلا : ( دكيز حماسى ،  
 آلزا ، قايش داغ ، مرجك ) بولر هيچ مناسبت آمازدى ؛  
 نهايت بولدم و يازدم : بوموتى بيراسى ...

— ايچرميسكز ؟ — اوت .

بن قلمك مقطعى بكمشدم . ماصه كاتى بوايش بيتنجه



چکمه‌جینی چکدی ، برچوق قاریش‌دیردق‌دن صوکره بری‌بوش  
 دیکری دولو ایکی کاغذ چیقاردی : - شونی تییض ایدک ،  
 دیدی . کاغدی ماصیه دایدم . کاتب ینه اعتراض ایتدی : -  
 ماصه‌ده یازمغه آیشمایکیز ؛ آله یازمق اک اعلاسیدر ، فقط  
 بدایتده دیزیکزه دایایه بیلیرسکیز ... اشکنجه اصل او زمان  
 باشلادی ؛ برقانبور خسته‌لقری متخصصنک اعلاننده کی رسم  
 کبی بن‌ده ایکی بوکلوم اولدم . ذاتاً اطرافنده هرکسک بالقجیل ،  
 طورنه ، لیلک و امثالی طیور طویل المنقار نوغندن صیرتی  
 یوقاریده ، باشی کوبکننده ایدی . کاغده بوفرستله بردفعه‌باقوب  
 دیدم که :

— چیزکیلسنی ویررمیسکیز ؟

— دوائر رسمیه‌ده یالکیز چیزکیسز کاغذ مستعملدر !  
 ایشته بودفعه خلجانم آرتدی . چیزکیلی کاغذده بیله  
 استانبول سواققلری کبی پک اکری بوکری ، غایت آرنووو  
 برطرز معماری تعقیب ایدن قلمم کیم بیلیر شمدی سربست  
 قاهره نه افراطلره دوشه‌جکدی . کاغدی دیزمه دایدم و تا  
 یوقاریدن باشلادم ؛ چنبر صاقاللی آمرم سویلندی : - اولمادی  
 آفندم ، بردفعه قاتلاتوب‌اورته‌سنی و صوکرده ثلثی بولسه کره ...  
 هندسه درس‌لرینک یکانه محلی تطبیقی ایشته بوراسیدی .  
 حال بوکه بن اوکاده لایقیله واقف دکلدم . شیمدی کاتبه حیرتله

بن باقیووردم : « اونه دیمک ؟ » دیدم . جواب بیله ویرمدی ؛ فقط اَلمدن کاغدی چکدی ، یوقاری طرفدن اوجنی قیویردی ، صوکره اورتهدن ده بر قیوریق یاپدی ؛ بواشارتک آلتدن ینه اورتهدی بولوب اورایی ده بوکدی ؛ « بورادن باشلايک ! » دیدی . باشلادم . اکر یازی یولده امدادمه یتشمه سهیدی سطر تا کاغدک ینه ایلک باشلادیغ نقطه سنده نهایت بوله جقدی . او عادتاً براعلام ، بر حجت شرعیه سطریدی . تکرار باشلادم و برخیلی یازدم . ایکنجی سطر برنهر کی چالقانه چالقانه یوکسلوب برنجی سطرک قایالرینه چارپیور و بونقطه التصاقده کندینه کلهرک دونویور ، قوجه ریکسار بیاضک سینۀ پاکنده اوق میداننی کچن بر سرخوش قدر سربست ، آزاده سر اوزانوب کیدیوردی . ماصه کاتبی بوخریطه مشوشه برکوز آتوب :

— ماشالله ، ماشالله . دیدی ، یازیکنز چابق آچیله جق ، ضایت اوقوناقلی ... صوکره اوقودی ، مقابله ایتدک : ایکی سطر ، درت جمله ، اؤن کلمه آتلامش ، سکز قدر رقمه یا کیلمش ، لایعدولایحصا نقطه لرده شاشیر مشدم : — آلیشیر سیکز ...

بن بشنجی خریطه یی اکال ایدرکن آقشام اولمشدی . ممیز ، ممیز معاونی سلام ویروب آیریلدیلر ؛ اونلری برافندی تعقیب ایتدی ، یانمده کنه کیتمه که مأذون اولوب اولمیدیغی صوردم ؛ « کیدیکنز ! » دیدی ؛ چیقدم . کیم بیلیر آرقه مدن نه لر قونوشدیلر .

اوکیجه رؤیامده بیک درلو قورقور کچیردم : یازیمی یازارکن  
ایکی بوکلوم قالیویردم ، بردها بنی دوزلته مدیلر ، کنج یاشمده  
علیل اولدم ؛ بردن بره قلم اوداسنده سوکیلی کوپکلرم « بونی »  
ایله « طوطو » یی ممیزی ایصیررکن کوردیم ، حاولامه لرینی  
ایشیتدم ؛ اسکمله بولنه مدیغندن بر اوراق صندوقنه اوطوردیم ،  
مرکب لکه لرینی دیلمله یالارکن اوصیراده یانمده سودیکم قادینی  
بنی کوله رک سیر ایدر بولدم .

ایرتسی صباح یرمه کچنجه هیچ طانیما دیغم افدیلر ، تا  
اوزاق کوشه لردن اوتر قومریلر کبی بنی سلاملا دیلر :  
— صباح شریفلر خیرلر اولسون ... صباح شریفلر خیرلر  
اولسون ...

— بوئورور افندم ، بوئورور افندم .  
بن هر حالده طیور محلیه دن دکلدم ؛ لسانلر منر چوق  
نقطه ده آیریلیوردی ، اوکله یه یقین یانمده کی کاتب اکیلدی ،  
فوطینلرینی چیقاردی ، صوکره چورابلرینی ده آتدی . بن  
کمال حیرتله باقییوردیم . نهایت چکمه جه سندن برغز ته یه صاریلی  
ایکی اُسکی مرجان ترلک ظهور ایتدی ؛ اونلری طاقدی ،  
تپیش تپیش یورودی ، کیتدی . کلدیکی زمان صوردیم :  
آبدست آلمش ! دیرکن هر ماصه اوزرنده تپسیلر حاصل اولدی :  
پنیر ، حلوا ، اوزوم ، شروب ، قاله تا وانواعی ؛ برشاپرتی ،

بر اشتها که حفظنا الله !

ایکده برده قابو آچیلیور ، عابلی یاخود شالوارلی ، الی  
کشکوللی یاخود تپسیلی ؛ چونغی یارالی ، آزی علیل دینچی  
افرادى مفتش کبی اطرافى بر دولاشیور ؛ آراده صیرادهده  
صو صاتان بر زنجی ، مهاجر بر پاسته جی ، روم شکر جی ،  
قوربان رساله سی هدیه ایدن بر درویش کورونویوردی . بونلردن  
وافندیلردن بوش قالان یرلردهده سکیز یاشنده باش اورتولو  
قیزيله ککش اعمی بر متقاعد ، تراشی اوزون بر یاور ، بونی  
صارغیلی بر بلدیہ مأموری ، درت قدر آناطولیلی ، سکیز  
سوخته و برخیلی آلاچقلى صیقشمش بر آغزند دردلہ شیوردی .  
دیرکن یوقلمہ جدولی کوروندى ؛ اسممک بانه امضامی چیزکن  
صولمده کی کنج دیدی که :

— قاریشیق آتمایک که کله دیککیز زمان بزامضا ایدہ بیلہ لم ،

قسطال یومدن قورتولور سکیز !

أللی ایکی غروش معاشمدن برنجی آبی آله یکر می درت  
غروش کجدی ؛ یاریسی تقاعدیه ، متباقیسی پول وسند پاره سی  
ایمش ... اونکله نه آلمالیدم ، اُک موافق نه ایدی ، بر درلوتعین  
ایده مدم ، نهایت ، تصادف ، کیتدم بر فایله دون آلدم .  
ایکنجی آی بر هفته قاچاماق یاپدم ، صوکرملری آرتق  
هیچ کیتمز اولدم ؛ آی باشی ، ایکی یوزه ابلاغ ایدیلن آیلخی

خدمتکارله آلدیریور ، شوراده بوراده کزوب توزیورددم .  
شیمدی ده یازیم اوقدر آرنووودر ، الا آن قلم یوتتام وچیزکیسر  
کاغد قولانمام .

— ۱۴ تشرین اول ۱۳۲۶ —

## زنکین و بویوک آدم اولمانک چاره لری

برهفته قدر اولویور ، غزتہلرک اعلانات قسمندہ شویله  
درت بش سطر کوردم : « بویوک آدم اولمانک اصوللرینی اوکر نمک  
ایستینلره بش غروش مقابلندہ تعلیمات شفاهیہ ویریلیر . »  
ره قلامه لزوم کورمدیکمدن سزه بوراده آدره سنی خبر ویرمیه جکم .  
یالکنز مشاهداتمدن بحث ایدہ جکم :

یوکسک برخانہنک یدنجی قاتندہ کی ۱۲۸ نومرولو اوداسنه  
براللی قدر اصحاب مراجعتک نوبتنی صاودوقدر صوکرہ کیرنجہ  
قارشیمده کنج فقط کور صاقاللی ، تشرین اولہ رغماً کتن  
جاکتلی بریسنی کوردم . بکا شویله برباقدی ، صوکرہ ألبہ  
موجود ایکی فضلہ اسکملہنک صاغلاننی اشارتله : « اوطوریکز ،



شبهه سز زنگین و بویوک آدم اولمانك چاره لری نی اوكر نمكه  
 كلديكز ! » دیدی . بن بوجلی كرامته اظهار حیرت مقابلنده  
 اللرمی هو الاندیروب آرقه مه یا صلا نیركن علی العجله علاوه  
 ایتدی : « آمان ، اسكمله یه كووه نمه یكز ، چورو كدر . »  
 بالطبع ، بواخطار خیر خواهانه دن ممنون ، دوعرو لیم . برمدت  
 سكوت ایتدك . مخاطبم کیریكاری نی قاشلرینه برمدت دولادقن ،  
 بووصال پرمویدن برنشئه حس ایدر کی بر آزده باغین قالدقن  
 صوكره ، كوزلرینی یایی طوتماز بر استورکی چار چابق آچدی  
 ووردی : - ترجمه حالکزه دائر بعض سؤاللر ایراد ایده جکم :  
 اولانزه لیسیکز ؟

نه دن بیلمم ، سلا نیک مهد حریت اولالی بن « استانبولی یم »  
 دیمکدن اوتانیورم و دوچار توبیسخ اوله جغم دیه عادتا براندیشه  
 دویویورم ؛ یاواشجه جواب ویردم : - استانبولی یم .

ناصر جوابم دن ممنون قالمادی ؛ دوداقلرینی پستیل کی  
 ازوب یالادقن ولذتی بکنمه مش کی صومورتدقن صوكره : -  
 سز و پدریکز شمدی یه قدر نه ایله مشغول دیکز ؟ دیدی .

بوسؤالده بنی دوچار حجاب ایتدی . زیرا بابامك هیچ  
 اولمازسه چارشوده برمانیفاطوره جی ، کندیك « حسن انتخاب »  
 مغازه سنده چیراق اولمادیغنه ایکی سنه درپشیماندم . دها یواش  
 برسسله « افندم ، هرایکمزده مأموردق ! » دییه ککه لدم .

مخاطبم بودفعه کوزلرینی خیرسز فیزی ، آغزینی کلپجه  
کبی آچوب بکا فنا فنا باقدقدن ودولاندیریجی باقالامش برپولیس  
وضعیه یوزمه توکورمکه حاضرلاندقدن صوکره نه دنسه واز  
کچدی وصوردی : - تحصیلکنز نه دجه ؟

مندیلمله تریمی قورولایوب قورقه قورقه سویلندم : -  
شویله بویله ؛ شهادتنامه یوقدر ، فرانسرجه یی پک آز بیلیرم .  
بو چواجم قارشیمده کئی نه حیرته ، نه اسفه دوشوردی .  
عادتا نمون ، متبسم واولکی کیننی اونوتمش برحالده دیدی که :-  
قار اوینار ، ایسکه تینگی سور ، سوریه لی قادینلردن ده حظ ایدر  
میسکنز ؟

زنکین وبویک آدم اولقله بو سؤاللر آره سنده مناسبت  
بولامیه رق برآز دوشوندم ، نتیجه ده جواب ویردم : - چوق ،  
پک چوق !

آلتنجی قاتک ۱۲۷ نومرولو ساکنی ، بول یاغله خور آچان  
بر آشچی نشئه سیله اللرینی « شاق شاق ! » بر برینه ووردی  
واولا کندیسنه صوکرده بکا بر آلتمشلق سیغار اکرام ایدوب  
متعاقباً دیدی که :

- اعلی ، اعلی ! شیمدی نصیحتلرمی دیکله ییکز ( بوندن  
آشاغیسنی ازبر اوقومغه باشلادی ) زنکین وبویک آدم  
اولمانک اوچ یولی واردر : (۱) مبعوثلق ، (۲) غزته جیلک ،

(۳) تحافیه جیلک . برنجیسی ایچون یا صاریقلی اولمق ، یاعدلیه ده وکیل مسخر ویاخودده وقتیه آوروپا به قاجش بولمق شرطدر . مبعوثدن ناظر اولمق ده هر نظارته کوره بر شرطه متوققدر :  
 داخلیه ایچون : شيفره لی تلغرافله مخبره ایدم بيلمك . —  
 مالیه ایچون : پوکر حسابی بيله جك قدر ریاضیوندن اولمق . —  
 عدلیه ایچون : صاریقلی اولمق وچوق شیلر بيلمك . —  
 خارجیه ایچون : برکوزی جامدن اولمق وکوکسوده کاغد حلواسی بییه بيلمك . — بحریه ایچون : حریه ناظری ویاخود صدر اعظم اولمق . — حریه ایچون : استانبولی فتح ایتك . — اورمان ایچون : روم ؛ نافعیه ایچون : ارمنی ؛ اوقاف ایچون : مصرلی ویا حجازلی اولمق . — صدارت ایچون : عزلی ایجاب ایدنجه یا سفیر اوله بيله جك ویاخود چینده سیاحت ایدم جق استعدادده اولمق لازمدر . کوریلورکه بونك أك شایان آرزوسی وقولایی استانبولی فتح ایتكدر ؛ اوحالده حریه ناظری اولوکنز دیرم .

غزته جی اولمق ایچونده اوج شرط وارددر : (۱) موزعلکدن یتیشمك ، (۲) استانبولك ترك مبوثی اولمق ( استانبولك روم مبعوثلغی کفایت ایتمز ) ، (۳) یهودی شرکتلرینی کوکندن قوپارته جق قدر اظهار ذکا ایتك .

مثلا نصل بر غزته چیقارمق ایستینورسکیز ، صیره سیله کوره لم :

صبح کي ايسه : واپور صاحبي اولمق ويمن شمندو فرينه  
 محبت قلييه سي بولمق . — اقدام کي ايسه : بعض مقاله لری  
 بر آپارتمان کي ایراد کتیرمک . — یکی غزته کي ايسه : کونده  
 بيک نسخه صاتوب ينه کار ایتمک . — حنین کي ايسه : دنيانک  
 اک مزاحی دزیرینی باش مقاله پامق . — تصویر افکار کي ايسه :  
 يالکز مرتبلرله موزعلره اوقوتمقدن متضرر اولماق — ترجمان  
 کي ايسه : آناتولی شمندو فری کي بودجه آچيغنی اورته جک  
 برمقاوله سي بولمق الزمدر .

تحافیه جی اولمق ایچون ده ينه اوج شرط واردر : (۱)  
 فصولیه پیازيله اوکله یمکنی کچیشدیرمک ، (۲) اسکی دورده  
 سرایه ، یکی دورده مناقصه لره داخل اولمق ، (۳) عسکر  
 دوربینی ، عسکر یقالنی ، عسکر مطره سی صاتمق ... مثلاً ...  
 خطیب بورایه کلنجه سوزینی کسدم ، دیدم که : « بن تجار  
 اولمق ایسته میورم ... بشقه صورتله زنکین اولمانک چاره لری  
 نه در ؟ »

مخاطبم علم حال سؤالنه جواب ویرر برش کرد پر عرفان  
 کي دیدی که : — بشقه صورتله زنکین اولمانک چاره لری اوچدر :  
 (۱) زنکین برقادینله اولمک ، (۲) ملی بانقه لر آچمق ، (۳)  
 صحنه ملیه اسمی آلتنده قنطو قومبانیه سی تأسیس ایتمک .  
 — یا بویوک آدم اولمانک چاره لری ؟

— بشقه صورتله بويوك آدم اولمانك چاره لري ده اوچدر:

(۱) شرف افندی سـوقاغنده دعوی وکیلی اداره خانه سی آحق،

(۲) مبعوث اولوب اوچ یحق آی حبسه کیرمک ، ( ۳ ) یکی

یوسته خانه بناسی طرزنده بر بنانک معماری اولق ...

مخاطبم آرتق صاحبه لایوردی : چانطه مدن برچیل چاریک

چیقاردم ؛ ماصه یه قویدم ؛ تام بن قابوی چیقارکن ایچریدن

باغیردی :

— ودخی زنکین اولمانک اک قولای ، اک زحمتسز ، اک

سرمایه سز بر چاره سی دها واردر ...

صورمادم بیله ؛ بکله شن آلی قدر اصحاب مراجعاتی ایتهرک

بریول بولوب آشاغی اینرکن ، اک قولای ، اک زحمتسز واک

سرمایه سز زنکین اولمانک چاره سنی بن چوقدن بولمشدم :

شارلاتانلق ....

بن بیله بواحتیاج زمانمده بر چاریکمی فدا ایدرک اویوله

قوربان اولمامشیمدم ؟

— ۲۸ تفسیرین اول ۱۳۲۶ —

*Nasirine Katabinuz da  
Hiç bir mantık yoktur  
okuyana okuma zevki virdi  
meyari*

# فهرست

صفحه	صفحه
آرايه جنك دردی ۳	تاریخ دور مبعوثان ۱۲۲
تشبث شخصی می ؟ هیات ! ۱۰	لایحه حکمت اساله درلا ۱۶۶
بامه جه بیلدیرمه جه ۱۹	احراق بلده ۱۸۱
ویرکویی نصل طوبلارلر ۲۳	استانبول مبعوثی اولقی ایجو ۱۹۰
عجبا دلیمیدی ؟ ۳۲	مالیه نظارتنه سوزشلی برخه ۱۹۷
عقللی بومیدی ؟ ۴۱	صرالدین خواجه نك اتو ۲۰۳
دواثرده تعقیب مصالح ۴۸	واسطه سیله قایینه دن شکایت ۲۱۱
بیقدق بوپولتیقه دن ۵۶	رمضان ، داوول وقایینه ۲۲۰
یکی سنه نك امراری ۶۲	احوال داخلیه وخارجیه من ۲۲۷
هرفالعه سبب ، یولسزلق ۶۸	اولان بیتن ایشلره دائر ۳۳۴
تحملی آز بر آدم ۷۵	مشروطیت پرور چتیلیرله نصیه ۲۴۱
یاز کلیور ۸۴	بیکنجی نسخه نك مشهورسیما ۲۵۰
الای یی کشینك مبعوثلنی ۹۰	قافله سیاحین ۲۵۷
دردی چوق بر آدمك حکایه سی ۹۷	پولیس لرك امتحانی ۱۰۵
سنه ده بیک برورکو ۱۱۴	قلمه نصل چراغ اولدم ۲۶۶
دردلریمزدن بری	زنکین وویوک آدم اولمانك چاد



